



B.N.C.F.

MAGL. 5.6.199.



CF005270809

~~5.6.199~~

Magl. An. 20^e ..

5L.6.





V I T A E
ITALORUM

DOCTRINA EXCELLENTIUM

QUI SAECULIS XVII. ET XVIII. FLORUERUNT

VOLUMEN IX.

AUCTORE

ANGELO FABRONIO

ACADEMIAE PISANAE CURATORE



P I S I S MDCCLXXXII.

EXCUDEBAT JACOBUS GRATIOLIUS

—————

SUPERIORIBUS ANNUENTIBUS



POTENTISSIMO ET CLEMENTISSIMO
GUSTAVO III.
SVECORUM GOTHORUM
VANDALORUMQUE REGI
NORVEGIAE HAEREDI
ET
DUCI SLESVICO-HOLSATIAE
&c. &c. &c.

ANGELUS FABRONIUS

SI quis est, qui miretur me de
Italis doctrina excellentibus scriben-
tem apud Svecos requirere operis

Patronum, is sciat hac praesertim de causa id a me fieri, quod non unus inter Majores Tuos, Potentissime REX, extiterit, qui plurimum illorum industriae non solum faverit, sed etiam stimulos addiderit, qui vel ignavissimum potuissent commovere. Quid memorem Gustavum Principem excellentis cujusdam virtutis ac singularis, qui tanta in opinione habuisse narratur Galilaei doctrinam, ut suorum quosdam inter auditores illius esse voluerit? Quid Christinam, cui apud nos commoranti nihil tam magnificum & tam regium videbatur, quam aut de nocte cum astronomiae cultoribus eximiiis evigilare, aut adesse naturae interpretibus, seque erudito pulvere aspergere, aut in terrae abdita cum

antiquitatis investigatoribus penetra-
re, aut in Musarum choro cum sum-
mis poetis versari, aut Themidis o-
racula cum ejus nobilioribus anti-
stitibus perscrutari? Omnino diffi-
cile esset enumerare, quot viri, quan-
ta scientia, quantaque in studiis va-
rietate & copia fuerint, qui ejus
aut vocibus aut exemplo aut be-
neficiis se ad praeclara suscipienda
commotos fuisse affirmarunt. Sed
ne aliena solum in Te laudare vel-
le videar, Sapientissime REX, con-
tendo equidem fore, ut posterius ob-
stupefiant, audientes & legentes
quae pro litterarum litteratorum-
que gloria ipse gessisti, quare certa-
tim omnes alius alio gravius atque
ornatius de Tuis singularibus meritis
praedicat, cunctique omni ope atque

opera enituntur, ut Tibi cogniti sint, quod unum ad promerendam gratiam atque beneficia Tua sufficere putant. Quae contentio atque aemulatio fuit major, quae major praedicatio de Tuis laudibus, quae cura, quodque studium praetermissum in te honorando, cum Parisiis esses, & una cum viris sapientia claris ita versareris, perinde ac si fortuna nil nisi ingenii bona Tibi largita fuisset? Ac mihi intuenti in istam sapientiam Tuam minus mirum videtur, quod Regiam Majestatem facilitate humanitateque incredibili temperes. Scis enim veram ibi esse gloriam, ubi sit sempiterna, quae nec imaginibus, nec statuis, non luxu ac superbia, sed virtute ac meritis propagatur. Quidni igitur confidam Te librum

hunc ita benigne excepturum, non
secus ac amplectereris illos ipsos
viros, quorum vitas historiae monu-
mentis mandavi, si eos vivos Tibi
fistere mihi liceret? Cui muneri meo
opto ut existimes magnum tribu-
tum praemium, si illud Tibi iudici
fane summo haud displicuisse co-
gnovero.

INDEX VITARUM

QUAE IN HOC VOLUMINE CONTINENTUR

NICOLAUS FORTIGUERRA	pag. 10.
SCIPIO MAFFEJUS	38.
CAELESTINUS GALIANIUS	179.
APOSTOLUS ZENUS	200.
BENEDICTUS MARCELLUS	272.

V I T A E ITALORUM

DOCTRINA EXCELLENTIUM

QUI SAECULIS XVII. ET XVIII. FLORUERUNT.

ANGELUS FABRONIUS

CAROLO DENINAE

S. P. D.

Nemo vel mediocriter eruditus ignorat quid possit in dicendo sermonis festivitas & in jocando lepos, & quantum intersit habere cognitos ridiculi fontes ad exhilarandos, renovandos revocandosque hominum animos. Praecipere jam artis rhetoricae magistri, si viderint oratores defessos illos esse, qui audiunt, ab aliqua re, quae risum movere possit, exordiendum, ab apologo, a fabula verisimili, imitatione, depravatione, inversione, ambiguo, suspicione, irrisione, stultitia, exsuperatione, collatione, adjectione, abjectione, litterarum mutatione, praeterea expecta-

Tom. IX.

A

tione, similitudine, novitate, historia, versu, aut
 ab alicujus interpellatione, aut arrisione. Fateor
 equidem jocos & facetias, quamvis omnia tradi
 arte posse videantur, naturae adeo propria esse
 (haec enim fingit homines & creat imitatores
 & narratores factos, & vultu adjuvante & vo-
 ce, & ipso genere sermonis) ut nullam artem
 & doctrinam requirant. Quapropter saepe vi-
 demus homines illiteratissimos in utroque genere
 leporis excellentes, & illo quod in perpetuitate
 sermonis, & eo quod in celeritate atque dicto
 est. Illud tantummodo praecipi posse videtur ho-
 minibus facietis & dicacibus, ut habeant locor-
 um, hominum, temporum rationem, ut ab
 aculeis contumeliarum abstineant, ut obscena vi-
 tent, sacra revereantur, & sic, omnia moderan-
 te prudentia, interdum ea, quae occurrunt, cum
 falsissime dici possunt, teneant, quanquam, ut aje-
 bat Ennius, flamma a sapiente facilius ore in
 ardente opprimitur, quam bona dicta tenentur.
 Verum sive artis, sive naturae, sive utriusque
 su ludicra dictio, eam quidem adeo propriam
 quarundam nationum esse videmus, ut hanc
 laudem minime cum ceteris communicent. Primum
 Athenienses, ut inventores & perfectores omnium

elegantiarum artium atque doctrinarum hunc ingenii fructum lactum & uberem extulerunt, ut non minus Attici sales propter eorum acumen atque solertiam, quam mel Atticum propter loquendi suavitatem praedicaretur. Inveniebantur etiam falsa multa & ridicula penes alios Graecos, & post Atticos Siculi, & Rhodii & Byzantii excellere eo in genere putabantur. Atque haec laus fuit urbium, illa vero sermonis, quod sermo Graecorum sit lenissimus, hominumque naturae convenientissimus, & qui decenter cuicumque rei possit aptari. Nemo vero dubitaverit quin mores, ingenium, fortunam populorum ferre sequatur dictio, sic ut quaeque gens pro caeli natura, pro educatione ac disciplina civium, pro imperii potestate, atque amplitudine ditioris aliter plerumque atque aliter affecta loquatur; unde ratio reddi potest, quare imperiosa & rogata gens Romanorum, quae animi robore legumque severitate praestare se Graecis existimavit semper & gloriata est, genus loquendi gravius quam laetius excoluerit. Ea propter si quis humilia eleganter exprimere vellet, torquebatur ab ipsa linguae nobilitate, cui rei exemplo esse possunt multa, quae a Theocrito Virgilius mutua-

tus est, in quibus minime retinere potuit simplex illud & nativum, quod tantopere in Graeco bucolico Poeta admiramur. Quid mirum igitur si Romani Graecis in jocandi lepore concessere, ferme despectui habentes exagitatores severi Graecarum omnium levitatum, quod se assequi posse desperabant? Ille ipse Cicero, qui assidua exercitatione audiendi, legendi, scribendi, interpretandique Graecorum omnes delicias & venteres in sui Romanorumque usum convertere satagebat, & divino, quo praeditus erat ingenio re vera convertit, quique mirifice capiebatur faciliis, ut Papirio Paeto aliquando significavit, frigidus tamen in joci, teste Quintiliano (1), a suae aetatis hominibus reputatus est. Mihi vero sive recte judico, sive amore immodico erga dicendi magistrum afficior, mira quaedam in eo fuisse videtur urbanitas; & hac certe laude superior fuit Demostheni, qui minus aptus ad jaciendum mittendumque ridiculum (2) habetur, quanquam ipse Cicero

(1) Lib. XII. cap. 10.

(2) Longinus sic de Demosthene judicat. *Ubi urbanus esse, atque excitare risum conatur, non tam risum excitat, quam ridetur ipse, cumque huc prope accedere fluat, atque agit ut jucundus sit, ab eo tamen recedit longius.*

existimet Graecorum oratorum principem non tam dicacem quam facetum fuisse, quorum alterum acrioris ingenii, alterum majoris artis esse dicit. Ceterum qui amant acutas amphibolias, elegantes iperbolas, paragrammata bella, & cetera hujusmodi, quae sunt in secundo libro de Oratore per Antonii personam disputata de ridiculo, plura exempla in Cicerone reperient, ut facile contendant non immerito de se illum gloriatum, in hac quoque arte plurimum valuisse (1) condonandumque ei si interdum frigidulus fuit, quod iis omnibus accidit, qui multi in jocis esse volunt. Verum, ut diximus, quia summa erat dignitas populi Romani, genus orationis grandius quoddam & illustrius, minusque propterea ad jocos & facetias idoneum fingi debuit, & leve a terrarum dominis putari torum illud, quod risum movet, quod quidem ipse Cicero expertus est, quando & acute & hilare in oratione pro L. Muræna Stoicorum dogmata exagitare voluit. Sed ut a Graecis & Latinis ad nostros veniamus, ea quidem est copia & præstantia Italicae linguae, ut ad omnes res proprie exprimendas facta videatur, ita

A 3

(1) Epist. ad Famil. I. VII. ep. 32.

flexibilis, ut sequatur quocumque torqueas; quapropter eadem si quis bene utatur, ut Pericles tonare & fulgurare poterit, & ad omnem festivitatem & jocum ut Socrates, vel ut ejus derisor Aristophanes descendere. At suavitas & urbanitas loquendi, quemadmodum apud Græcos Atticorum, sic in Italico sermone Etruscorum maximeque Florentinorum est propria; & nemo sane in hanc urbem venit, quin delectetur lepore & facetiis humiliorum, admireturque vel in ipsis pueris celeritatem ingenii, quae apparet vel cum facietis & dicacibus dictis alios provocant, vel laceffiti respondent, vel turpitudinem aliquam notant & designant. Sed istud ingenii acumen nisi ab ipsa adjuvaretur oratione molli, jucunda, suavi, omnique elegantiarum copia affluenti, aut nullum esset, aut ad risum excitandum parum valeret. Bene igitur ac sapienter majores nostri se gessisse videntur, qui cum in eo elaborarent, condita Fursureorum Academia, ut illa salubritas Florentinae dictionis, quasi sanitas servaretur, instituerunt ludicrum etiam quoddam excolendum dictionis genus, quod speciem antiquae & vernaculae festivitatis referret, cum utraque laus Florentini populi propria esse videretur. Longum

esset commemorare quot in hoc genere excellentes scriptores habuerimus; & quod ceterae cultiores nationes tum in omni praecleara arte atque doctrina exempla ab Italis ad imitandum sumebant, nonnullae experiri voluerunt quid posset etiam in ludicra dictione. Britanni ad iristitiam severitatemque facti, cum ludicra tractarunt, sic insulsi extiterunt, si perpaucos excipias (1), ut nihil aliud eorum nisi ipsa insulitas rideatur: laetiores & vividiores Galli in illo genere perpetuae festivitatis aliquid memoria dignum ediderunt, & efferuntur adhuc nomina Scarronii, Voitureii, Benferadii & aliorum. Sed nunc horum hominum scripta tanquam pueriles ineptiae a multis exagitantur, & cum his propositum sit eliminare omne id, quod est ridiculum, non satis ii nosse videntur plura esse ridiculi genera, vitiosa alia, commendatione alia digna. Quid jucundius auribus nostris unquam accidere solet Bernii carminibus, cujus oratio ita pura est, ut Etruscae loqui pene solus videatur, sic affluens omni lepore & sale, ut ei gratiam habeas, quod genus scribendi induxerit

A 4

(1) In horum numero ponendus Auctor poematis, quod inscribitur: *The Rape of the Lock*.

prope singulare. Hujus vestigiis cum plurimi insitissent multa pepererunt, quae habent urbanitatem, elegantiam, acumen, & artem perpetuae festivitatis, si tamen arti locus esse potest iis in rebus, in quibus natura dominatur. Quae dulcedo orationis, qui odor urbanitatis, quae mollitudo humanitatis extant in scriptis Areosti cum jocari voluit, & lectores suos paullisper ad hilaritatem risumque traducere? Quid multa? Unus Fortiguerra cum ludicrum poema condendum suscepisset, tantos in illud intulit verborum & sententiarum lepores, tantam festivitatem narrationum, ut quamvis multi istud poematis genus apud nos feliciter tentaverint, princeps tamen ille meo judicio sit habendus. Quod non tam copiae argutiarum & salium, aliarumque hujusmodi suavitatum assignaverim, quam quod omnia belle, proprie, facile ac plane Etrusce exprimuntur. Geri illa fierique quae legis tibi videbuntur; interdum plura cogitabis quam videas; & cum describuntur hominum quorumdam mores, re narrata aliqua, quales sunt statim intelliguntur, & plerumque in insigni aliquo ad irridendum vitio reperiuntur. Facile existimabis posse te aliquid simile conficere, sed si ad ex-

periendum calamum sumes, nihil difficilius invenies perpetua illa urbanitate, elegantia, quae hunc facilem & quotidianum sermonem exprimit & exornat. Dolemus, ut olim Caesar doluit apud Ciceronem, nativum loquendi leporem nunc pro relicto haberi, indeque factum, ut vetus pene exaruerit urbanitas, cujus possessionem, quod Fortiguerra studiosus gloriae antiquae Etruscorum quibusque interdictis defenderis adversus peregrinitatis amatores, nulla non laude extollendus est, ejusque exemplum nostris hominibus, quod imitentur, proponendum. Ea propter illius vitam litterarum monumentis mandare aggressi sumus, quam ad te mittimus, cujus cum frugi severaque est vita, tum etiam jucundissima convictio. Probasti enim semper illam Ciceronianam sententiam (1), quae monet minime sejungendum jocum a philologia, & quotidiana συζήτηση. Vale.

Florentiae Id. Octobris MDCCLXXXI.

(1) Ad Famil. lib. 16. ep. 21.

NICOLAUS FORTIGUERRA.

Nicolaus Fortiguerra Pistorii perantiqua & illustri familia natus est VII. Idus Novembris anno a Christi ortu MDCLXXIV. Pater ei Jacobus fuit, vir plane bonus & egregius civis, cujus praeclaris laudibus illa quoque accessit, ut eleganter pingeret; mater Martha Fabronia femina primaria & virtutibus praestans. Domi educatus jam ab ineunte aetate ostendit nihil se nisi bona studia, bonosque mores cogitare atque colere. Erat in eo docile ingenium, adeo memoria valebat, ut integros poetarum libros, quibus in primis delectabatur, facile comprehenderet, eratque summa suavitas oris & vocis. Quibus rebus id assequebatur, ut omnibus esset carissimus; & parentes ejus non solum sperarent, sed etiam considerent majorum gloriam illum aequaturum. Pater mature decessit. Ipse adolescentulus Pisas venit, ut juris prudentiae studeret, qua in facultate cum eo tempore unus omnium maxime floreret Josephus Averanius, huic prae-

fertim operam dedit. Sed animus ejus scientiae percupidus non sola juris prudentia contentus erat. Itaque Benedictum Averanium, Laurentium Bellinium, reliquosque celebriores doctores, qui tum maxime Gymnasium illud illustrabant, frequenter audiebat. Sed in primis coluit Alexandrum Marchettum, a quo cum in aliis rebus, tum studiosissime in poetica exercebatur. A Lazaro vero Benedicto Miglioruccio insignia doctrinae accepit, quod accidit an. MDCXCV. Tanta indoles non videbatur posse intra domesticos parietes contineri. Itaque illi, ex quorum arbitrio pendebat, Romae in nobilissimo orbis terrae theatro eundem versari voluerunt. Erat cum illo magnis propinquitatis vinculis conjunctus Carolus Augustinus Fabronius vir magnis ornamentis non solum honoris (eo enim Innocentius XII. utebatur in signandis libellis supplicibus) sed etiam virtutis & ingenii praeditus, huncque consuetudine sua sic sibi devinxit, ut nemo ei perpetuo fuerit carior. Alios quoque amplissimorum ordinum brevi sibi conciliavit, quibus sic officium & cultum praeestabat, ut ne quid de

studiis suis detraheret. Nam & juris prudentiae multam operam navabat, Graecaeque litteras, quas Pisis primoribus tantum labiis gustaverat, duce Francheluccio avide percipiebat; nec a musarum Italarum consuetudine, ad quas a natura natus & factus videbatur, in his occupationibus abstrahi poterat. Profluxit autem ad hominum famam, cum Latina oratione laudasset Innocentium XII. in funere, quod illi in Vaticano Templo curatum est. Extat haec oratio, & ea quidem gravis, splendida, copiosa, multisque sententiarum luminibus distincta. Habebat enim immensum campum, in quo libere exultare posset. Nec multo post a Clemente XI. missus est Legatus ad Philippum V. Hispaniarum Regem Antonius Felix Zondarius. Is secum habere voluit Nicolaum captus adolescentis humanitate & doctrina. Mari cum se commisissent, saeva adeo tempestate jactati fuere, ut in summo vitae discrimine tribus diebus ac noctibus erraverint. Nec minus saxa & cautes timuerunt, quam Turcica littora, prope quae fuere. In Sardinia demum perfugium habuerunt, ibi-

que summa in difficultate navigandi aliquandiu detenti sunt. Haec tempestas plurimum detrimenti attulit valetudini Nicolai, cui ut consuleret, duodeviginti post menses in Italiam rediit. Romae paucis diebus commoratus est amicos salutandi & visendi causa, inde in Patriam concessit. Cum jam se corroboravisset, honores spectans Urbem remigravit, tectoque receptus fuit a Carolo Augustino Fabronio, quem haud multo post Clemens in amplissimum Purpuratorum senatum cooptavit. Primum autem dignitatis gradum Nicolaus ascendit, cum ab eodem Pontifice Maximo inter honorarios Cubicularios adscitus fuisset, a quo & Canonicus Basilicae primum S. Mariae Majoris, idque exeunte anno MDCCXII., mox decem circiter post menses S. Petri in Vaticano declaratus est. Factus etiam ab ipso fuit utriusque Signaturae (liceat uti usitatis verbis, si nos forte Latina deficient) Referendarius; ab Innocentio vero XIII. S. Consultationis Ponens. Sed haec Nicolao cum multis erant communia. Non pari modo ingenii facultates, inter quas eminebant lepos

& festivitas orationis, litterarum & antiquitatis cognitio, in pangendis carminibus mira felicitas, & in omni scriptionis genere munditia atque elegantia. Quo fiebat, ut nullus Romae esset litteratorum hominum coetus, in quem ille libentissime non reciperetur. Sed praesertim Arcadibus, qui eum appellarunt *Nidalmum Tiseum*, fuit acceptissimus, ratis magno usui sibi fore in gloria Academiae magis magisque provehenda. Quod quidem eos non fefellit. Nam nunquam ejus vox audita est, quin illi a cuncto confessu plausus multiplex fuerit datus; nec non plura iisdem suppeditavit, quibus ornarent illa volumina, quae continent quidquid praestantissimum celebriores Pastores condiderunt tum versibus, tum soluta oratione. Inter carmina Nicolai meo judicio praestat omnibus ode illa amatoria, cujus initium est: *Qualor io penso, e qualor gli occhi io volgo*: grandis illa quidem, splendida, ingeniosa, concinna, in qua plura admiscuit ex intima Platoniorum philosophia. In hac mihi videtur aemulus esse voluisse laudum, quas homines intelligentes pleno ore tum conce-

debant ejusdem generis poemati., quo Eustachius Manfredius celebravit Juliam Vandyam, quoque nihil fieri judicatur posse praestantius. Nam, ut agebat ipse Fortiguerra, neque illud ipsum quod est optimum desperandum est, & in praestantibus rebus magna sunt ea, quae sunt optimis proxima. Affluens omni lepore & venustate est ode, qua laudat Genueses feminas. Quae cum in manus hominum statim pervenisset, nec prudentum iudicium, neque invidorum reprehensionem pertimuit. Insidebat enim in mente Fortiguerrae species optimi eximia quaedam, quam intuens, in eaque defixus ad illius normam stilum, quamvis varia & ferme opposita tentaret, dirigebat. Prorsus Anacreontem redollet carmen, quod incipit: *Io lo so, lo veggio ognora*. Nimis vero longus essem, si pulchritudines persequi vellem singulorum carminum Nicolai, quae relata sunt in illa Arcadica volumina, reliquasque celebriores collectiones. Satis erit illud dixisse, nihil in iis occurrere vulgare & commune, sed omnia varia & nova, omnia ad poesis praecepta efformata, omnia pura, & sapore plane poe-

tico condita, ut facile intelligi possit illum fuisse a natura & arte ad hanc facultatem instructissimum. Multum vero Graeca in lingua versatum fuisse indicat carmen de nuptiis Acontii & Cidippae, quod e Graeco in Etruscum convertit. Carminibus quoque Italicis reddidit Euripideam tragoediam, quae inscribitur, *Iphigenia in Tauris*, & quidem elegantissime, ut mihi testatus est Michael Angelus Giacomellius, doctus & intelligens harum rerum existimator, cui eam legendam atque emendandam dedit: sed haec in vulgus minime prolata fuit. Quamvis non mediocrem, minorem tamen laudem ex iis cepit, quae scripsit soluta oratione. Splendet ubique purum quasi quoddam & candidum dicendi genus, & tractam quamdam & cum lenitate aequabili fluentem orationem ipsum persecutum, maxime fuisse ex iis apparet. Conjicies etiam minime eidem ingenium ad eloquentiam defuisse ex ea oratione, quam anno MDCCXI. in aedibus Capitolinis habuit de laudibus architecturae, picturae & sculpturae: praesertim vero floruisse lepore & urbanitate perspicui potest ex
iis

jis duabus pastoritiis orationibus, quarum una laudes continet Clementis XI., altera est de principiis rerum. In hac postrema rerum naturalium se quoque litterate peritum ostendit. Explicat enim principia & causas falsitudinis aquae marinae, fontium, terrae motuum, metallorum, lapidum, arborum, florum, aliarumque hujus generis rerum. Multa praeterea de sideribus atque eorum motu, de mundi ac terrarum magnitudine, de rerum natura, de Dei immortalis vi ac potestate in litteratorum conventu docte & festive eundem disputasse scimus, omnibusque probasse, se non tam poliendae orationis quam tradendae divinarum humanarumque rerum scientiae peritum fuisse. Quid vero festivius epistola illa ad Marium Crescimbenium, ut illum deprecaretur, ne sibi onus imponeret cujusdam laudationis contexendae? Nec non Latina quaedam in Arcadia recitavit, quae in vulgus minime sunt edita: haec tamen elegantia sermonis ab iis, quae scripsit Italice, superantur. Nec Arcadiae solum lumen ingenii sui Nicolaus ostendit. Nam anno MDCCXV. cum a Cle-

mente XI. summa cum caeremonia Vaticana in Basilica translatio corporis S. Leonis Magni ab humili loco ad ornatiorem augustioreinque perageretur, habuit de eodem sancto Pontifice Latinam orationem, quae publici juris facta est, sane bonam & nobilem. Anno, qui consecutus est, accidit, ut Canonici ejusdem Basilicae aliquem e suis Pistorium mittere vellent, qui coronam aurea donaret (ii soli istud jus ex veteri instituto habere dicuntur) iconem Beatæ Virginis, quae ab *Humilitate* appellatur. Ex his delectus est Nicolaus; isque mandatum rem magna cum celebritate confecit. His solemnibus, quae per triduum fuerent, haud mediocre decus attulit praesentia Joannis Gastonis Magni Etruriae Ducis, Violantis & Eleonorae, quarum haec uxor fuerat Francisci, illa Ferdinandi Mediceorum; hique omnes summis honoribus Nicolaum sunt profecuti. Tanta vero erat in eum suorum civium caritas, ut nullum officii genus excogitari possit, quod ei non praestiterint. His peractis, cum suis rus venit, ut aucupio, sicuti mos est nostrorum homi-

num, se oblectaret. Erat enim autumnus. Vesperī autem nobiles quidam eruditissimique adolescentes, qui in vicinis villis habitabant, congressus ejus doctissimosque sermones requirebant, & cum his plerumque ipse delectabatur lectione poematum Bernii, Pulcii atque Areosti. Accidit aliquando, ut cum a legendo requiescerent, horum quidam eum compellaverit: *heus tu, quanti*, inquit, *putas laboris fuisse non dicam unius libri, sed paucarum οὔλο'αδων (1) confectionem!* Nam quo major facilitas in his poematibus apparet, eo magis in iis auctores suos elaborasse existimare debemus. Huic reliqui sunt assensu. Tum Nicolaus: ego vero, inquit, non multum arbitror illos sudasse, quoniam in poeti natura in primis dominatur. Et ne me verba dare putetis, hoc recipio me ad vos sequenti vespere librum allaturum, qui ex stilo trium horum poetarum misceatur & temperetur. Magna sane res,

B. 2

(1) Libuit sic appellare, quae nos Itali dicimus *Canto* & *Ottava*. Graecum verbum οὔλο'αδς ex ode secunda Nemeorum Pindari sumpsimus: nec animo occurrit aliud Veterum carmen, in quo servata haec divisio fuerit, suoque nomine appellata.

dicerem etiam audacem, nisi probe mihi perspecta esset Nicolai singularis ingenii vis. Et hercle datam fidem liberavit eo successu, ut illi adolescentes istud unius diei opus ad caelum extulerint, & summis precibus ab eo contenderint, ne gravaretur, quod instituerat, exaedificare. Quod & fecit. Id enim honestissimum esse putavit, in quo otium suum, & subsequa praesertim tempora oblectaret. Condidit ergo poema, quod inscripsit *il Ricciardetto*, quodque in triginta libros distribuit. Ipse inventor & architectus fuit rerum omnium, quae in eo narrantur; & potuit facile, cum admirabile ingenium haberet ad fingendum. Quanta ubertas & copia portentorum & monstrorum! Sic enim facilius lectorum multitudinem delectari posse putavit, praesertim cum omnia ordine quodam distribuisset, & interdum sententiarum insignibus & mira semper varietate distinctisset. Quoniam quidem haec delectatio & jucunditas ei proposita in primis erat, liberavit ex omni genere urbanitatis facietiarum quemdam leporem, quo tanquam sale ubi-

que hoc suum poema aspergeretur . In hac rerum festivarum copia sunt nonnulla , in quibus satius erat haud risum quaerere . Sed non dubitavit interdum plus aequo obsequi hilaritati illi suae , quoniam nunquam fore putavit , ut hic suus labor in hominum manus perveniret . Quam excusationem siqui forte non accipient , non propterea de illo graviter detrahent . Scio enim ex locupletissimis testibus , cum quibus is conjunctissime vixit , moribus fuisse castissimis atque sanctissimis . Sed licet multum comprimeret poema hoc , non tamen illius exemplum negare potuit Cornelio Bentivolo Cardinali , cui magnis obstringebatur non solum beneficiorum , sed etiam amoris vinculis . Erat enim iidem studiis , quae ipse colebat , deditissimus . Guido vero filius fratris ejusdem Cardinalis , mortuo Nicolao patruoque , non se tenuit , quin illius imprimendi potestatem permetteret Francisco Pitthero Veneto bibliopolarum . Etenim magno illud fore ornamento Italiae poesi existimavit . Et sane unus omnium consensus fuit in ejus elegantia , se-

stivitate & nativo lepore (quo nihil porro legentibus jucundius (1) & experientibus difficilius) summis laudibus efferendo . Ex quo factum est, ut his spatio unius anni (is fuit MDCCXXXVIII.) typis impressum fuerit . Librorum argumenta composuit Dominicus Octavius Petrosellinius magni nominis poeta . Ipse vero auctor epistola quadam ad Eustachium Manfredium , quae poemati praeit , pluribus verbis exponit contentionem sane gravem , quam hujus poematis causa habuit cum docto quodam viro ; huncque fuisse Justum Fontaninium conjectura ducor ad suspicandum . Hanc epistolam eo sapore vernaculo condidit Nicolaus , ut non dubitem eam tanquam exemplar recte scriben-

(1) Scribebat aliquando Manfredius ad amicum , cum totus esset in Ricciardetto laudando . *Non cessano di ripeterlo . Il naturale è l' incanto il più sicuro e il più durevole ; è quello che fa vivere le opere , quello che le fa amare ; è il naturale che rende gli scritti degli antichi sì preziosi , poichè adoperando un idioma più felice di quelli , che ora si pregiano , avevano minor bisogno di tratti spiritosi ; è il naturale che distingue i più gran scrittori , poichè un de' caratteri del genio è di produrre senza sforzo ; è il naturale finalmente che ha posto la Fontaine , che non inuenì niente , al lato dei genj inventori .*

di proponere. Haud pauca etiam in ea admiscuit, quae illum ostendunt doctum & intelligentem existimatorem Epicae poësis, quaeque cum facile excusabunt, si interdum in hoc suo poemate condendo ab artis praeceptis recessit. Iisdem temporibus, quibus in *Ricciardetto* elaboravit Nicolaus, interpretationem quoque elegantissimam comoediarum Terentii concinnavit Italico versu, quem solum appellant. Quanti autem istud opus aestimandum sit, ex hoc facillime cognosci potest, quod Apostolus Zenus, vir qui sane teretes aures habebat intelligensque iudicium, acriter reprehensione dignum putaverit Fontaninum, quod illud non plenissimo ore laudaverit in illa sua *Bibliotheca Italicae Eloquentiae*. Idem Urbini an. MDCCXXXVI. ita impressum fuit, ut nihil fieri neque elegantius, neque magnificentius potuerit. Nam ceteris ornamentis accedere figurae affabre incisae scenicarum personarum, quales videntur vetustissimo in codice Terentiano Vaticanae bibliothecae. Simili modo vertit Nicolaus quinque Plauti comoedias, hasque aut jacere in tenebris, aut periisse jure meri-

toque dolemus . Nam testimonio illorum , qui eas legerunt , laudes superiorum exaequabant . Porro deditissimum Nicolaum fuisse Latinis comicis , hoc quoque erit indicio , quod Apologos quosdam Plautino stilo composuit ; quodque ex hujus poetae fabulis multa memoriter & jucunde pronuntiare solebat . Risit aliquando inscitiam hominis , in quo interiores quaedam & reconditae litterae esse putabantur , qui volens hos Apologos eorum auctori laudare , dixit redolere veneres Apulacii . Neque hoc praeterendum est a Nicolao aliquando , quo magis de litteris & de patria bene mereretur , cogitatum , ut per se extarent in hominum manibus Italica carmina Antonii Fortiguerrae gentilis sui . Mollia sunt , arguta , candida , & omnino ad Petrarchae normam efficta , quod eo laudabilius quia illius aetas incidit in ea tempora seculi xv. quibus illustrium scriptorum , qui paullo ante floruerant , nomina prorsus viluerant , cum barbaries omnia occupasset . Sed ambitio honorumque contentio saepe obstabant quominus Nicolaus res , quas agere instituerat , perficeret . Profecto nun-

quam majori in sollicitudine fuit quam postquam Cardinalis Fabronius e vita migravit, in cujus auctoritate dignitateque omnes spes suas collocasse videbatur. Quae forbere & concoquere postea debuit, cum Benedicto XIII. ad Catholicae Ecclesiae clavum sedente, omnia ferme nutu atque arbitrio Nicolai Cosciae Cardinalis regerentur! Meliore in statu res illius esse coeperunt, postquam factus est Pontifex Max. Clemens XII., cui sane nunquam voluntas ejusdem ornandi defuit. Summa vero a Nicolao dabatur opera, ut illum sibi magis magisque demereretur, & raro ad eum sine poeticis scriptis, quæ *Ricciardetti* casus narrarent, accedebat, in quorum recitatione videbatur venerandus ille senex curarum levamentum invenire. Multis itaque invidentibus, quos ingenio industriaque se tandem fregisse gloriabatur, an. MDCCXXXIII. Cardinalium Decuriae, quæ Propagandæ Fidei ab ejus instituto dicitur, Secretarius creatur. Quod munus illi gratissimum fuit non tam propter ejus amplitudinem, quam quod ab eo initium amplissimarum fortunarum Fabro-

nus Card. fecerat. Neque multo post intellexit majora sibi Pontificem destinasse, cum designatus ab eo fuisset S. Consultationis, ut dicunt, Secretarius. Sane non poterat fieri neque honorificentius neque utilius. Sed cum perplaceret Corsinio Cardinali, ut eo munere augeretur re & nomine bardus homo, verba sibi dari facile Fortiguerra passus est, neque se tum loco moveri annuit. Poenituit postea illum hujus consilii sui, cum qui se invenerat, repudiasse honorem quereretur, tantaque vis fuit poenitendi, ut non modo animus, sed & corpus omnino fractum ac debilitatum fuerit. Quinque circiter mensibus aegrotavit, cumque tumores sub auribus apparuissent, adeo inflati sunt, ut nisi medicina aegroto succurrisset, periculum erat ne ei spiritus, a quo linqui identidem videbatur, intercluderetur. Illa tamen non valuit ad sanandum omnino malum, quod cum in venas permanasset, eo consumptus est Nicolaus XIII. Kal. Martias an. MDCCXXXV. Vixit annos unum & sexaginta, menses tres, dies vero undecim. Iusta ei facta fuere in Templo Collegii Propagandae Fidei, ibidem-

que loci sepultus. Paulo antequam more-
retur, magnam chartarum vim iussit combu-
ri, sicque plurima, quae inchoaverat, scripta,
& haud pauca etiam, quibus extrema ma-
nus accesserat, non sine ingenti Musarum
luctu interciderunt. Inter haec erat comoe-
dia Italicis versibus composita, in qua ele-
ganter non minus, quam lepide mores ad
vivum exprefferat quorundam nobilium, cum
quibus familiarissime vixerat. Ex hoc tamen
rogo tanquam spolia servati fuere tres libri
cujusdam poematis, in quo casus Bajazetti
exornandos susceperat. Causa suscipiendi
fuit, ut ostenderet errare eos, qui ajebant
unice se factum ad jocum & ludum, adeo-
que si seria tractare conaretur, frustra in
hanc rem laborem insumpturum. Et quidem
in his tribus libris temperavit sibi ab omni sale
& facetiis, sed cum eo pervenisset, ut Ba-
jazettum cavea inclusum narraret, & nec
posset non esse falsus & facetus, & ad
suum ingenium redire, quasi de re despe-
rans, inchoatum opus reliquit. Servatae
quoque fuere epistolae, quas Italicis carmi-
nibus scribere ad amicos solitus erat. Ha-

rum nonnullae hisce temporibus in Etruria sunt impressae, sicque probantur doctorum hominum judicio, ut pauci pares in hoc carminum genere, superior nemo Nicolao ponatur. Sed nostra erit major, quam reliquorum laudatio. Ceteri enim quam eleganter ac lepide, nos etiam quam facile atque celeriter eas confecerit, scimus; quodque vix credendum est, pleraeque illarum stans pede in uno quasi ludibundus distavit. Ex quo intelligi potest maximam vim esse naturae in poetica facultate. Porro natura ea tribuerat Nicolao, ut si ipse fingere vellet, neque plura bona comminisci, neque majora consequi posse videretur. Etenim praeter illud excellens ingenium (admirabantur multi hoc non elucere, quando ille verba facere in judiciis cogebatur) erat in eo magna, apta tamen figura membrorum cum coloris suavitate; erat & comitas, suaviloquentia, tantaque bonitas morum, ut ad omnem rationem humanitatis accommodatissimi esse viderentur. Adeo simplex & apertus, ut suspensa, vel ambigua, vel obscura verba, uti barbaras artes & subdola mendacii integumenta, fi-

deique ac societatis humanae perniciem semper sit detestatus. Adulationem quoque, blanditias, assentationem tanquam pestem aliquam fugit. Si quam acceperat injuriam, facile obliviscebatur, percepta vero beneficia immortaliter retinebat memoria. Nihil unquam neque insolens, neque gloriosum ex ore ejus exiit. Patriae suorumque civium fuit amantissimus. Propter delectationem sermonis communitatemque vitae atque victus (nihil enim ad beate vivendum accommodatius existimabat, quam cum viris bonis, jucundis, amantibus sui consociari) libenter versabatur in conviviis amicorum; edebatque ac bibebat, ut de Caesare retulit Cicero (1) αἰδέσθαι & jucunde. Studiose coluit amicitias multorum doctrina excellentium virorum. Sed praesertim usus est familiarissime Mario Crescimbenio, Jo. Vincentio Lucchesinio, Eustachio Manfredio, quem praeceptorem suum appellabat, & Michaeli Angelo Giacomellio, quocum in Graecis litteris plurimum se exercuit eo praesertim tempo-

(1) Epist. ult. lib. XIII. ad Attic.

re, quo simul fuere apud Cardinalem Fabronium. Homo ad conjungendas amicitias factus observavit etiam castas & optimas feminas, quarum nonnullarum nomina suo in Ricciardetto immortalitati consecravit. Cum pateretur in omni societate hilarulus vocari (nam in utroque generis leporis excellens erat, & illo quod in perpetuitate sermonis, & eo quod in celeritate atque dicto est) indignabatur quidpiam in se maligne reprehendi, quod vel minimum a justitia atque castimonia abesset. Virtutem enim semper amavit & coluit, sed non illam rigidam & ferream, quae non contenta vitae servari munia rectis moribus, omnem animi laetitiam remissionemque respuere videtur.

OPERA EDITA.

Commedie di Terenzio tradotte per la prima volta in versi Italiani , Urbino a spese del Mainardi 1736. in fol. & alibi in 8.

Ricciardetto di Niccolò Carteromaco in Parigi (*falso: nam Venetiis impressus est*) a spese di Francesco Pitteri librajo Veneziano 1738. in 4. & in 12.

Oratio in funere Innocentii XII. Romae 1700.

--- in Translatione sacratissima Corporis S. Leonis Magni. Romae 1715.

--- in lode delle nobili Arti della pittura , della scultura e dell' architettura: *legitur in secundo Volumine delle Prose degli Arcadi* .

Ragionamento allegorico intorno all' origine delle cose: *ibidem loci reperitur* ,

Discorso Pastorale per la pericolosa infermità e recuperata salute del Santissimo Pontefice Clemente XI. accaduta nel Dicembre 1712. *ibidem* .

Risposta in forma di lettera familiare ad Alfesibeo Carrio Custode d' Arcadia *ibid.*

Rime: *leguntur in secundo & octavo volumine delle Rime degli Arcadi* ; nella Raccolta del Gobbi, *aliisque in collectionibus* ,

Raccolta di Rime piacevoli di Niccolo Fortiguerra ec. parte prima in Genova 1763. *Liber Florentiae impressus est, continetque undecim epistolas ad amicos scriptas. Hae iterum cum aliis Fortiguerrae carminibus Pisciae impressae fuerunt an. 1780.*

ANGELUS FABRONIUS

JOSEPHO TORELLIO

S. P. D.

Non solum Veronensibus, sed universae etiam Italiae & saeculo granulari debemus, quod editus apud vos in lucem fuerit Scipio Massejus homo profecto si quis unquam alius humanitate & litteris excultus, & ad gloriosa suscipienda perficiendaque natus atque educatus. Postulabatur & expectabatur a te, vir doctissime, magnum aliquid de eo, quocum joca, seria, ut dicitur, quocum arcana, quocum occulta omnia, cujusque virtutes sic amasti, ut vigeat nunc etiam memoria amicitiae, quam vere Pyladeam possumus nominare. Quae te causa cohibuerit, cum te nunquam contineas in tuis perennibus studiis, a perficiendo, quod inchoasti, emittendoque in lucem ignoro; & id unum defuisse summae, qua semper usus est Massejus, felicitati dicam, quod te rerum suarum laudatorem, ut testem certe habuit, minime nactus fuerit. Piacet mihi
Hecle

Hecſtor ille Naevianus, qui non tantum laudari ſe laetatur, ſed addit etiam a laudato viro, cum nulla ſit illuſtrior laus, quam quae ab iis proficiſcitur, qui ipſi in laude vixerunt. Quid porro ego praefliterim in ejusdem vita exponenda, nemo te melius judicabit; & ſi nihil fuit boni, quod amico, dum viveret, non volueris, optaveris, cogitaveris, effeceris, erit officium tuum ſic conſulere mortui ſamae, ut non ex alterius imperiia labes aliqua illius dignitati aſpergatur. Verum ſi nequaquam parem illius ingenio, at pro noſtro tamen ſtudio meritam gratiam debitamque referre curavimus, poſtulaturi ab omnibus iis, qui haec in manus ſument, ut majus quiddam de Maſſejo, quam quantum a nobis exprimi potuit, ſuſpiciantur. Nulla proſecto aetas de ejus laudibus comiceſcet, praefertim cum jeciſſe videatur fundamenta multarum artium, quae ad tantam amplitudinem nunc minime perveniſſent ſine ſumma illius induſtria & illo ſingulari ingenii acumine, quo occultiſſima perſpiciebat; ex quo fiebat ut ad veritatem aſſequendam natus eſſe judicaretur. Mitto cetera, ut de beneficiis, quae in artem diplomaticam contulit, pauca delibemus. Jam ante ipſum, quod demi-

ror equidem , pauci apud nos in conquirendis illustrandisque veteribus diplomatibus occupabantur , & nulla erat certa regula , qua vera & falsa dijudicarentur , & ea ipsa , quae in lucem emittebantur , plena erant mendis , ut vel ipsis monumentis rerum suarum historiam factam esse mendosorem jure ac merito ipse quereretur . Tanto malo igitur consulendum , & diplomata praefertim papyracea ipsa antiquitate insignis & studiosè conquirenda & accurate exhibenda monuit , promittens iis , qui haec curarent , nominis immortalitatem . Multa sane historica , quae pertinent ad tenebrosissima illa tempora , quibus litterae non filere modo , sed omnino extinctae esse videbantur , nisi ex diplomatibus cognoscere possumus , quae quidem tanti momenti sunt , ut expressam imaginem contineant saeculorum , quae media appellare solemus . Quibus ex uberioribus fontibus privata quaedam & publica jura derivantur , quam ex hujusmodi monumentis ? Quot fundamenta in his habemus jurisdictionis & domini ! Quot vestigia continent veteris Ecclesiasticae disciplinae ! Et cum abundant notitia omni in eo , quod spectat ad Episcoporum electionem successionemque , divisiones foundationesque Ecclē-

fiarum harumque patrimonio, Catholicae religionis illustra monumenta, honoris & gloriae ornamenta & laudum insignia majores nostros in iis condidisse affirmare debemus. Quid dicam de diversarum aetatum moribus, & loquendi & scribendi ratione, de familiarum & personarum notitia, de chronologia, de civitatum aliorumque locorum historia, quae omnes res aliaeque plures hujusmodi ita traduntur a diplomatis, ut eas frustra alibi quacsiveris? Jure ergo meritoque Maffejus Conringii, Chifletii, Launoii, Quatremarii, Coinzii, Papebrochii & Mabillonii aliorumque illustra exempla proponens Italos suos hortabatur, ne iis inferiores essent industriae, ut certe superiores erant monumentorum copia atque praestantia, ut propterea vere ab eo pronuntiatum esse videatur, aliquem satis callide & perite in his rebus versari non posse, qui Italiam minime peragraverit, & in Itala tabularia minime penetraverit. Quot papyraceis diplomatis, quae alibi vix inveniuntur, nos Itali gloriamur! Nemo jam aut studiorum suorum aut etiam animi causa Romam adit, quin ejusmodi antiquitatis reliquias ad chalcidicum Vaticanæ Bibliothecae videat magno numero collectas at-

que ornatu regio & magnifico exultas; nemo Ravennam appellit, qui non sentiat non minus ex antiquis operibus, quae ad hanc diem vivunt, quam ex papyrorum copiis, quibus ea tabularia abundant, urbem illam laudandam & praedicandam esse: mitto Bononiam, Florentiam, Venetias, alias praeterea urbes, ad quas nemo paullo doctior accedit, quin veterem illam in eis papyrorum scripturam admiretur. Quae quidem Italiae opes nondum satis explicatae, palam, uti spero, propediem proponentur: naetiae autem sunt illustratorem Antonium Zirardinum in hoc genere litterarum omnis memoriae facile principem, qui & exscribere diligentissime & commentariis ornare copiosissime possit; praesertim cum conjuncta opera tantae rei consiciendae adlaboret praestans eruditione atque ingenio vir Cajetanus Marinius, quem ego volens libens commemoro cum amicitiae nostrae causa, tum etiam ejus dignitatis. Sed ut eo redeam, luceat res ipsa per se quanto in pretio hujusmodi opera sint habenda; neque dubito, quin omnes, qui haec tractabunt, grata recordatione prosecuturi sint memoriam Maffei, qui primus facem prae-tulit hujusmodi papyris interpretandis, quan-

quam neque omnia videre, neque illa, quae vidit, diu in manibus habere eidem licuit. Profecto si quis inveniat, qui acutissime & celerissime perspicere possit, quid in quaque re verissimum sit, is prudentissimus & sapientissimus erit habendus; si vero hic idem nihil non conferet studii in hominum commodum vitaeque societatem, nihil non operae, nihil non facultatum, hunc tanquam divinum virum e caelo delapsum venerabimur. Quae cum vere de Maffejo in omni fere genere studiorum suorum praedicari possint, facile ei condonabimus, quod nimis se ipsum amare videretur, cum conscientiam propriorum meritorum & laudum nimium desiderium φιλαυτίας maxime in hominibus dignis quam arrogantiae aut gravioris alicujus vitii nomine nuncupare. Sed ad hominis effigiem atque imaginem exprimendam veniamus, quae si minime polita erit magni artificis manu, quod a te etiam atque etiam effligitamus, vix poterit solari dolorem, quem ex amicissimi hominis morte cepisti. Vale.

Florentiae Kal. Sext. MDCCLXXXI. *

* Paulo postquam haec misimus ad Torellium, ipse mortem obivit. Audio inter ejus scripta quaedam reperiri ad Maffei vitam declarandam pertinentia.

S C I P I O M A F F E J U S .

Quis non beatum praedicabit Scipionem Maffejum, qui an. MDCLXXV. Kal. Junii ortus Veronae nobilissimis parentibus Jo. Francisco Maffejo & Sylvia Pellegrinia, perpetua usus est fortuna, tantamque non in Italia solum, sed etiam apud exterarum nationes obtinuit nominis celebritatem, ut nemo ei superior poneretur, perpauci pares putarentur? Fuit quidem Maffejorum familia antiquissimis temporibus Bononiae illustris, ex qua urbe civilium contentionum causa cum discessisset, constitit primum in Foro Livii, mox sedem fortunarum suarum Veronae collocavit. Floruit autem nullo non tempore viris omni honorum genere conspicuis, inter quos plures illustres Duces & Episcopi, & Cardinales usque tres numerantur. Hi erant in Scipione quidam stimuli industriae & laboris (nam in ejus animo perpetuo insedit gloriae amor, a quo noctes & dies concitabatur) cumque non admodum profecisset in litteris toto illo quinquennio, quo

in Parmensi Collegio apud Jesuitas fuit ; quod nihil poterat esse perversius institutione , quae iis temporibus , eoque in loco vigebat , studuit huic malo , quantum potuit , mederi . Retulit se praesertim ad poeticas exercitationes ; sed is , quem barbaries domestica jam infuscaverat , carminibus suis aspergebat pigmenta fucosque pueriles ; & tum se aliquid profecisse in poesi sensit , postquam voce & exemplo commonefactus magnorum poetarum , qui Romae florebant (nam ad hanc urbem accesserat an. MDCLXXXVIII.) totum se convertit ad Dantis & Petrarchae lectionem . Et similis quidem Dantis esse voluisse videtur cum praedicit Italiae , quae ex Pedemontani Principis ortu bona ei essent obventura ; neque satis dici potest quanto cum plausu hoc vaticinium exceptum fuerit , quod non tam divinationem quam carmina prudentes homines probassent . Alia & protulit Maffejus in adspectum lucemque hominum , quae ferme ad veterum scriptorum laudem pervenire judicata sunt , gratulabaturque sibi , quod ex poesi non solum animi delectationem , sed & gloriae fructum . perci-

peret. Ajunt & Innocentio XII., quamvis durior ad haec studia hic videretur, ipsum perplacuisse, & carmen condidisse, postquam is gravi morbo liberatus esset, cujus haec fuit sententia: *lactare, incolumis Roma, salvo Principe*. Voluit quoque Latinarum Musarum limen ingredi, sed non felici adeo successu; quare saepe ad Italicas redibat, quae ut liberius vagarentur, praeferre omnibus videbatur illud versuum genus, qui ἁπλοῦς vocari solent. Dedit & luculentum testimonium, quantum in lyrica valeret, cum mortem flevisset Bavariae Principis, cui Hispaniarum regnum destinatum erat, quo in carmine tantam vim nobilissimarum imaginum, tantaque verborum lumina sparsit, ut invidiam Filicajae movere illud potuisset. Ne mireris vero inter ejus carmina plura amatoria inveniri, quod saepe coactus fuerit *cavae testudine aegrum*, ut vetus habet poeta, *solari amorem*. De amore quoque theses publice defendit vulgavitque, qua in re se imitari Tassum dicebat, ut hoc exemplo apud graves viros excusaretur. Risisse vero credo nobiles Veronenses feminas, cum vocatae fuisset.

sent ad rerum minime dubiarum faciendam fidem, & cum audirent argumentis & rationibus, quare quidque accidat, doceri. Fortasse concio nunquam major fuit, neque lepore & festivitate conditior; & cum ferventer de his rebus disputaret Maffejus, satis declarabat ea defendere, quae in se ipso experiri potuerat. Multa enim nobis blandimenta natura ipsa genuit, quibus sopita virtus conniveret, & cum vix quisquam lubricas adolescentiae vias sine casu aliquo & prolapsione ingrediatur, minime irasci iis debemus, qui falsas voluptates oscitanter allucinantur. Porro Maffejus levitates hujusmodi amatorias postea non sine rubore confessus est, & veniam adolescentiae dari rogavit. Quamvis in versibus quaedam lex sit, quam sequi oporteat, ipse tamen aliquando cogitavit genus quoddam poematis condere, quod omni licentia libertateque frueretur, quapropter ex omni genere poesis quemdam leporem libare coepit, quo illud ipsum aspergeret. Pertaesius postea hujusmodi licentiae, vel potius audaciae, inchoatum opus, cujus adumbratio quaedam ad nos pervenit, & mani-

bus deposuit, & fortasse tum confessus est perniciosum esse errorem in multis, qui existimant posse aliquid novi ad poesin afferri. Sed felices Redii conatus, qui non multo antea suum vulgaverat Dithyrambum, plures potuere in hujusmodi errorem inducere. Tentavit etiam quid posset in carminibus ad musicam factis, quibus profecto & dulce & tenerum & molle illud deesse mihi videtur, quod tantopere in Metastasio admiramur. Cum studiose collegisset Maffejus ipse omnia, quae adolescens condiderat, carmina, ex his profecto intelligi potest cum omnibus Musis rationem habere eundem voluisse, quas etiam non semper amicas expertus est, in aliquo tamen poetarum numero ipsum habendum esse nemo dubitaverit. Neque illud minus laudandum, quod quamcumque praestantiam idem consequeretur, ad utilitatem suorum civium referre satageret. Redux igitur in patriam effecit, ne quid hi postea scriberent, quod non oleret summorum poetarum orationem; & quod in universa Cisalpina Gallia dominabantur poetae pingue quiddam sonantes & peregrinum, elaboravit, ut ii tri-

tas vias relinquerent, & ad exprimendam optimi formam totos se converterent. Optasset Maffejus, ut vel in Maggio, qui iis in regionibus poetarum princeps habebatur, aliquid resonaret urbanus & venustius, quod iudicium Maffei & sensus seditionis cuiusdam poeticae stimulator & concitator visus est fuisse. Quare ipse quidem cur sic opinaretur rationem reddere se debere putavit; scriptaque epistola ad Garzadum Comitem, plura exempla ex omnibus Maggii carminibus protulit, in quibus aut sunt sententio-lae, quas videtur ille peracutas putare, & quae cum sint iteratae ac pene continuatae, suo naturali ornatu orationem denudant, aut insunt inelegantes, invenusti, & certe a dictione poetica alieni dicendi modi, praeter illa vitia obscuritatis, & interdum etiam erroris, dum sublimia consecratur. Etsi satis clemens esset in disputando Maffejus, subira-sci tamen videtur, quod multi iis temporibus magna exemplaria relinquerent, ut Maggii similes essent, cui malo nisi opportune confuleretur, actum omnino de Italica poesi fore dictitabat. Providit ipse quidem Verò

nenſibus ſuis , cum Romanorum Arcadum coetu permittente, nova inſtituta eſſet Veronae Arcadum Academia , ſeu , ut ipſi loqui malunt , deducta in illam urbem colonia , qua in Academia prope cunctis lumen ingenii & conſilii ſui porrigebat ac tendebat Maſſejus ipſe . Homo , cui ad illam uſque aetatem nulla jucundior viſa fuerat occupatio quam poeſis , coepit aliarum facultatum amore flagrare ; ſed vidit ſibi imitandos eſſe viatores cum properant , qui ſi ſerius , quam voluerint , forte ſurrexerint , properando etiam citius , quam ſi de nocte vigilaeſſent , perveniunt quo volunt . Itaque ſe totum in litteras Latinas & Graecas abdidit ; & cum introſpiceret penitus in omnes antiquitatis partes , rem tractandam ſuſcepit , quae maximae futura eſſet utilitati reipublicae & voluptati iis omnibus , qui praeteritorum temporum notitia delectantur . Nemo ignorat inveſtum per Barbaras nationes in Italiam praefertim morem fuiſſe privatim ulciſcendi privatas injurias , & certamina honoris & dignitatis Rempubicam permixuiſſe . Difficile factu videbatur inveteratum malum ex hominum mentibus era-

dicare, quasi nihil aliud esset nobilitas quam, non dicam vim vi, sed verba paullulum duriora ferro & caedibus repellere. Nihilo tamen minus tentandos homines putavit quo animo acciperent librum, qui catissam & originem aperiret tot falsarum opinionum. Quo vero ipsos ad legendum facilius alliceret, non mediocre studium posuit in adsciscenda operi quadam elegantia urbanitateque, quae vel ipsis Florentinis Academicis, quos ab Furfure appellant, & quorum in coetum cooptatus fuerat, perplaceret. Erat enim in veteribus scriptis studiose & multum volutatus. Cum propriarum injuriarum ultores humanas divinasque leges violent, tantum abest, ut famae serviant, ut hanc potius abjicere videantur; & ii, qui in singulari certamine vim esse putant ad probandam veritatem, removendamque ignominiae suspicionem, officium omne pervertunt, neque ullam honesti (quod quidem in fortitudine minime consistit) rationem se habere ostendunt. Hinc bona ratio saepe configit cum perdita & ab illa vincitur, quod ea nunc etiam obtineat sententia, qua olim usi sunt Galli cum respon-

sum darent Romanis pacem ab iis petentibus *: *se in armis jus ferre, & omnia fortium virorum esse*. Profecto tanta perversitas opinionum non nisi a Barbaris originem trahere poterat; quod sic probat Maffejus, ut juxta se ponat horum impetus, ferociam & factiosos animos, & miram populi Romani & Graecorum etiam aequitatem in litibus judicandis & injuriis propulsandis. Qui proprius erat Barbarorum, jam communem factum saeculo VIII. universae Italiae morem fuisse animadvertit, omnes ferme controversias singulari certamine dirimendi, & quae semina hujus aliarumque hujusmodi consuetudinum in Longobardorum, Francorum & Germanorum legibus inveniuntur, inquit. Hinc constabilita scientia, quae equestris vocari solet, plura inuenta sunt in mores Italorum a majorum & Christianae religionis institutis abhorrentia, sublatisque officiis cognationis, communitatis, moderationis ac magnanimitatis, quae in condonandis injuriis praesertim confi-

* *Liv. lib. V. ca. 36.*

stit, omnia factionibus, ferro, caedibus & inextinguibilibus hujusmodi sceleribus compleri necesse fuit. Erant formulae quaedam, quando privata pax concedebatur, quarum vestigia in Plauto & Terentio Auctor invenit, quamvis ei esset persuasum incognita prorsus fuisse veteribus equestris scientiae dogmata, hancque non minus auctoritate quam ratione destitui. Innumerabilia sunt argumenta, quibus utitur ad eadem dogmata labefactanda, & cum exprimat praeteritorum saeculorum mores, virtutem efferat, omnium rerum, quas tractat, causas & originem patefaciat, exemplar omnibus reliquisse videtur ad imitandum in morum disciplina exponenda. Ipse quidem effecit, ut permulti, qui antea quasi ignominiam quamdam & infamiam timebant appeti durioribus verbis, tantum intellexerint his esse offensionis, quantum mens & ratio prudentum hominum, juris atque injuriae regula esse pateretur, omnemque offensionem legum & magistratum praesidio esse vindicandam. Nec mediocre pondus addidit dictis Maffei, quod ipse esset genere insignis, quare in causa

aequissima illud usurpare potuit; *nos nostra corrigimus*; cumque biennio militasset in Bavarorum exercitu sub fratris, qui sane magnum nomen habebat, ductu, & pluribus praeliis interfuisset, & tractandorum armorum satis peritus esset, nemo poterat suspicari timiditate atque ignavia adductum illa scripsisse. Editio jam opere defensionem illius suscipere debuit adversus eos, qui negabant omnium Equestrium Ordinum originem a *Cruciat* repetendam esse: Constantinianum enim ad Constantinum ipsum Imperatorem referebant. Facile fuit hos erroris convincere, vulgata *Fabula Equestris Ordinis Constantiniani*, quo in libello multis argumentis probat Maffejus meras nugas esse illorum, qui ut primordia familiarum augustiora facerent, ad Byzantinos usque Caesares ipsa referunt. Sed haec & his similia poeticis magis decora fabulis, quam incorruptis rerum gestarum monumentis tradita refellere nunquam in animo fuisset Maffejo, nisi hoc laboris praemium petiisset, ut in conspectu omnium poneret, qui mores priscis temporibus fuerint, quae imperiorum vicissitudines, quibus artibus par-

ta no-

ta nobilitas, auctaque familiarum dignitas, ceteraque hujusmodi, quae salubria & frugifera sunt in cognitione antiquitatis. Postquam de hominum vita optime meritus fuit Maffejus, levitate, vanitate ac malitia exclusa equestris scientiae, adiutorem se ultro addidit Ludovico Muratorio & Apostolo Zeno in conficiendis litteratorum Italorum ephemeridibus; & quod ii summi viri prooemium operis praeter alia non pauca a Maffejo petierint, satis ostendisse videntur, quanto in pretio ipsum haberent. Scio haec ipsa postea causam discordiarum fuisse, quod non satis simpliciter & candide se gessisse Maffejus accusaretur in repetendo vulgandoque separatim sicuti proprium quod commune esse debebat, cujus rei cum nullam satis justam excusationem attulerit, famam levitatis ex eo fortasse collegit, unde laudem ingenii haurire se posse speraverat. Ipse vero cum praesertim gloriari videretur, quod copiose disseruerit in iisdem ephemeridibus de origine juris, hac ipsa de re allata a Jo. Vincentio Gravina exponens, notam omnibus esse voluit suavitatem & delectationem, quam in

hujusmodi studiis capiebat. Aiebat enim plurimam & in omni jure civili & in XII. tabulis antiquitatis effigiem esse, quod & verborum prisca vetustas cognoscitur, & actionum genera quaedam majorum consuetudinem vitamque declarant. Addebat etiam vehementer se optare, ut Itali exemplo suo commonefacti illam partem prudentiae, quae est de civitatibus instituendis, de scribendis legibus, de aequitate, de justitia, de fide, de frangendis cupiditatibus, de conformandis hominum moribus in antiquorum monumentis inquirerent. Ut vero ipse, quae in hoc genere ab hominibus callidis ac peritis animadversa ac notata fuerant, facilius cognosceret, longe lateque peregrinari sibi proposuit, quarum peregrinationum fructus sane uberri-
mus ei semper constitit. Admirabantur omnes tantam copiam & scientiam rerum in uno homine inesse, tantamque cupiditatem omnia investigandi atque noscendi; ipse vero jucundissima perfundebatur voluptate, cum vel ex bibliothecis aliquid novi erueret, vel abdita & ignorata monumenta in lucem proferret, vel oscitanter interpretata & negli-

genter adfervata in honorem adduceret, atque eruditionis luminibus ornaret. Quare minime est mirandum, si magnus ille ingeniorum aestimator Victorius Amaedeus Sardiniae Rex colligi per Maffejum, disponi, atque aliqua ex parte illustrari voluerit magnam illam vim monumentorum, quae Roma Taurinum afferenda curaverat Carolus Emanuel I., quaeque antea neglecta porticus Archigymnasii Taurinensis nunc mirabiliter exornant. Gloriosum quoque illi fuit exscribere Latinam inscriptionem, quae est in arcu Secusino; (1) & sapere plusquam ceteros & intelligere judicatus est, quod de hac re desperandum esse judicaverant summi viri An-

D 2

(1) En inscriptio.

IMP. CAESARI. AVGVSTO. DIVI. F. PONTIFICI.
MAXIMO. TRIBVNICIA. POTESTATE. XV. IMP.
XIII. M. IVLIVS. REGIS. DONNI. F. COTTIVS.
PRAEPECTVS. CIVITATVM. QVAE. SVBSCRIPTAE.
SVNT. SEGOVIORVM. SEGV SINORVM. BELACORVM.
CATVRIGVM. MEDVLLORVM. TEBAVIORVM. ADA-
NATIVM. SAVINCATIVM. EGDINIORVM. YEAMINIO-
RVM. VENISAMORVM. IRIORVM. ESVEIANIORVM. O-
VADIAVIVM. ET. CIVITATES. QVAE. SVB. EO.
PRAEPECTO. FVERVNT.

dreas Naugerus, Lucas Holstenius, Jo. Mabilionius & Petrus Giofredus. Ob has res nunquam Regi ornandi Maffei voluntas defuit, & apud se retinere hominem optasset, cujus exemplum ceteris laborum incitamentum, & voces studiorum rectae ineundae rationis illecebrae esse potuissent. Sed ipse mori millies (quod etiam Clementi XI. P. M., a quo magnis promissis invitabatur, declaravit) quam patriam deferere malebat, ad quam cum rediisset, multorum voces ipsum illexerunt ad condendam tragoediam. Antea ostenderat quam recte judicaret de celebrioribus tragoedis, cum vitia vel in ipso Cornelio notasset (1): & cum saepe quereretur de Italis suis, quod non solum se vinci, sed pene obrui sinerent a Gallis in hoc scriptiois genere, effecerat ut amici id, quod petebant, exigere magis quam rogare viderentur. Adjunt etiam stimulos addidisse suscipiendo operi feminā, quae quod bona esset actrix &

(1) Vid. Osservazioni sopra la Rodoguna al Sig. N. N. 1700. Rime e Prose &c. p. 165.

forma non contemnenda, & ingenii bonis praestans, facile homines ad se diligendam alliciebat. Sed quaecumque fuerit caussa condeudae tragoediae, cui nomen est *Merope*, talem certe condidit, ut iis palmam eriperit, qui aetatem omnem in hoc studiorum genere contriverunt. Haec scilicet ubicumque locorum acta est, fletum spectatoribus excitavit; nec tantum cum nova daretur, at decies & centies usque repetita multitudinis oculos tenere potuit. Quanta sermonis elegantia, quam crebrae aptaeque sententiae, quam grata novitas in nectendo, protrahendo ac expediendo nodo, quanta verisimilitudo narratarum rerum, quam ad vivum expressi mores affectusque personarum, quam inopinata filii ac matris agnitio, quanta ex agnitione rerum commutatio, ut omnes partes optime inter se junctae colligataeque, ut denique ars cum naturali pulchritudine conjuncta! Erat tum multorum sententia minime tolerabiles fore tragoedias, quas haud colorarent animarentque amatoriae irae & casus, ad quos erroris convincendos levitatibus hujusmodi omnino carere Meropem suam vo-

fuit Maffejus, in qua tantummodo exultat & triumphat amor maternus. Porro nihil huic laudis detraxit, quod Euripides simile tractaverit argumentum, cujus tamen operis nil ad nos nisi fragmenta quaedam pervenerunt, tractaveritque etiam e nostratibus Torellius Comes, aliique aliarum gentium; nam qui ceteras Meropæ cum Maffejana contulerant, & sine invidia judicaverant, Propertianum illud facile usurpabant

Nescio quid majus nascitur Iliade (1).

Quare minime est mirandum, si in Gallicum, Britannicum Germanicumque sermonem statim conversa fuerit, & toties edita, quoties vix liber alius ex officina Italorum. Ipsa vero multos ex se peperisse visa est liberos,

(1) Propert. II. 23. 66. Si quis legerit quæ Voltairius ad Maffejum ipsum scripsit, & quæ idem postea latens sub Lindellii nomine, quo impudicus dicax esset, exaravit, fortasse judicaverit indignam esse Maffejanam tragoediam summis, quas eidem impertivimus, laudibus. Sed Voltairius haud effugit suspicionem invidiæ, etiam cum visus est favere laudibus Maffei.

cum multorum excitaverit industriam ad similia tentanda, liberandumque theatrum Italicum crudeli, qua jamdiu premebatur, barbarie. Ab eo saepe tempore plures laudabiles habuimus tragoedias, sed quae cum Masfejana haud potuere contendere; quapropter minime mirabimur, si auctor ipse, ut egregius artifex, suo opere maxime gloriaretur, cujus laudes plurimum augere se posse arbitrabatur, cum affirmaret duorum mensium spatio illud ipsum confecisse. Ne quid vero intentatum relinqueret, animum etiam apulit ad scribendam comoediam, illud officiorum genus venuste exagitans, quod dicimus *caerimoniae*, ex quo nomen inditum est ipsi comoediae. Hanc dignam Terentio pronuntiavit (fortasse nimis assertatorie) Hercules Franciscus Dandinius (1), *quod risum movet, & quod prudenti vitam consilio monet*. Omni cura servatur mos personarum, & capiunt aures dictorum urbanitas & plena facetiarum joca, & ars jacendi mittendique ridiculi ad revocandos homines a consuetudine

(1) De urbanis officiis p. 35.

plena futilitatis summaeque levitatis; quare ubi primum Venetiis acta est fabula, clamore maximo illam excepit populus, auxitque poetae ad scribendum industriam. Re autem, non nomine auctoris commendatam fuisse ex eo intelligi potest, quod venerit in scenam, eodem ignorato. Multum post tempus prodiit Poeta novo indutus focco, sed minime felici, sicuti antea, successu, non modo quia dubia est fortuna scenica, sed etiam quia hilaritatem illam, qua priorem comoediam asperferat, senex factus amisisse videbatur. Deridere autem illos sibi proposuerat, qui transferunt dicendi modos ex alienis linguis in Italicam, & nihil ferme loquuntur quod non oleat peregrinum. Quod quidem malum quotidie magis apud nos invalescere dolemus. Neque hic stetit Maffei cura. Etenim quidquid putavit esse dignum memoriae, quod perfecerant manus majorum nostrorum, & a quo abeat subobscaenum ridiculum (nam emendatio morum, non corruptela, finis esse debet comoediae) effecit, ut theatro redderetur: nec minus curavit, ut populo iterum placerent, quas nobiliores poetae con-

diderant, tragoediae, quaeque penitus inveteravisse videbantur. Harum duodecim numero collegit (1), quarum virtutes dum extulit, facile fuit ostendere, quantum Itali a gravitate majorum degenerassent. Omnino mens ei erat, cum praefaretur, historiam theatri Italici breviter exponere, & indicare quae praelucere debebant novis scriptoribus exemplaria & praecepta, ne in difficillimo itinere deerrarent a via. Quod profecto nunquam suscepisset, nisi scriptis suis eo jam rem deduxisse cognovisset, ut palam & cum certa spe victoriae pugnare posset. Studuit etiam postea placare severitatem frontis hominis Dominican, qui probrum castis, labem integris, infamiam bonis a theatro inferri quovis pignore contendebat; quapropter tantum is aberat a laudando Massejo, quod theatri Italici corrector & emendator esse elaboraverit, ut hac de causa quasi notam turpitudinis (inurbane sane, ne dicam impuden-

(1) Laus debetur Massejo, quod tum primus omnium ediderit Orestem Oricellarii, cui sane nobilissimae tragoediae secundum post Trissini Sophonisbam locum merito assignavit.

ter, ut multa) ejus vitae inurere conatus fuerit. Quamvis multi laudabiliorem fuisse defensionem judicaverint, attamen accusatio etiam probata fuit, quod plerique partium, non veritatis studio ducantur. Nemo vero nunc est, qui in Concina illum effrenatum furorem, quo omnes in suas sententias pertrahere conabatur, minime reprehendat, & hominum honestissimorum testimoniis non fateatur non modo se non contaminasse Maffejum, edita Merope, sed etiam famam honorati & probi hominis sibi auxisse. Quid est enim laudabilius quam homines a corrupta ad bene moratam disciplinam traducere, nihilque vel in scena probare solere, quod non simplex, non candidum, non rectum, non denique utile sit? Utinam plures Maffei similes haberemus, qui se pene operam perdere arbitrabatur, nisi cum aliorum utilitate esset conjuncta. Quare multi ut magistrum intuebantur, multi illum aemulari, multi illius instare vestigiis, & praecepta sequi in omni fere disciplina sibi proponebant. Praeclarum est singulis in rebus unum aliquem excelle-

re; at quanto praeclarius reperiri hominem; qui quaecumque in disceptationem cadunt, innumerabilia sane ac nullis prope terminis definita, animo universa comprehendat! Si quis hoc fieri posse negaret, ad Maffejum deducebatur (nemo vero illo, facilius erat in audiendis admittendisque hominibus, cum citius fortunae suae, quam humanitatis oblivisceretur) & cum nulla ex parte imparatum ipsum offenderet, sed contra omnibus doctrinis & artibus instructum admirari cogebatur. Ut eos convinceret, qui se aut inexercitatum aut rudem in physicis arbitrabantur, de fulminibus scribendum suscepit. Caussam scriptioni dedit, quod in maximo imbri animadverterit nasci eo loco fulmen; in quo cum paucis sermocinans sedebat. Visus est primo ceruleus & subalbicans ignis; qui cum in majorem dilataretur flammam; abiit tandem verum in fulmen, cujus ascendentis ictus superiori in conclavi apparuerunt. Ex hoc inferre se posse putavit fulmina minime nubium conflictu, ut erat omnium ferme philosophorum sententia, ad

nos e caelo venire, sed e terrae vaporibus praesertim sulphureis & nitrosis genita in sublimis ferri. Rem tum ignoratam patefecit Maffejus (1), & cum in eo elaboraret, ut inclinaret omnia ad causae suae commodum, longius processit, quasi nullum omnino fulmen de caelo laberetur. Scimus enim utramque rem accidere, ex materia scilicet electrica conflata fulmina quandoque ad superiora ferri, quandoque e regionibus illis, in quibus nubes, imbres ventique coguntur, ad terram descendere. Observata a se se Maffejus primum exposuit Antonio Vallisnerio, quo neminem tum cariorem habebat; mox cum ad eandem rem saepe rediret, plures

(1) Qui hanc laudem detrahunt Maffejo, ajunt hujus sententiae vestigia haud obscura apparere in libro Benediçi Rascinesii editi Pisis an. MDCLXXXIX, cujus est inscriptio: *La Filosofia a rovescio: Dialogo intorno agli elementi per cagione del fulmine*, cujusque meminit Maffejus ipse. Quid ni etiam aliquid hujusmodi indicasse Senecam arbitrabitur eo loco, quo diversa fulminum nomina explicat? Ait enim Nat. Quaest. lib. II. cap. XLIX, *Inferna, cum e terra exiliunt ignes*.

confecit epistolas, quas *fulgurales*, ut libros quosdam suos veteres Tusci, quibus summa persequendorum fulminum erat scientia, appellare se posse putavit.

*Hoc est igniferi naturam fulminis ipsam
Respicere,*

gloriabundus ad amicum scribebat, quasi ipse omnia illa invenisset, quae nunc non modo causam probabilem, sed etiam certam reddunt ortus fulminum, horumque proprietatum. Non ei quidem incognita erant multa, quae ad electricitatem pertinent, nec aliena modo, sed & sua quaedam hac de re refert experimenta in epistolis ad Riccardum Meadium & Marcum Foscarenum, quibus plausere sapientiores philosophi. Nihilo tamen minus multa ignoravit, quae summi doctores Franklinius & Beccheria postea protulerunt in lucem; ad quorum sententias docilem se profecto prae buisset; cum ei esset jam persuasum vere dictum a Grayo philosopho sane eximio *electricum ignem ejusdem esse*

naturae, *cujus ille fulminum & fulgurum* (1). Quoniam vero minime dubitabat ipse fieri interdum, ut sine tonitru, & cum sudum est ob coacervationem materiae, quae fulminibus dat caussam, fulmina ipsa existant, facile explicare se posse putavit, cur Caesena-tes mane aliquando miserandum viderint cinerem nobilissimae feminae, quae tranquilla & serena nocte incolumis cubitum iverat. Multa alia phaenomena referebat ad igneam vim Maffejus, neque a proposito se multum aberrare judicavit, cum agens de fulminibus rationem reddidit, quare tot marina corpora in Veronenfibus aliisque montibus existant. Hos enim montes, accensis subterraneis ignibus, ex mari erupisse contendebat. Sed quamvis prolata a Maffejo sententia de fulminum origine aliquam ei conciliaverit gloriam, ut quae multorum certe philosophorum excitavit animos ad experiendum disputandumque, non ausim tamen ipsum in nobilium physicorum numero collocare, quamvis ad hanc quoque gloriam idem aspirasse

(1) Vid. *Transact. Anglic. an.* 1735.

videatur. In eo gloriosissime sane poterat triumphare, quod ad antiquitatem explicandam pertinet, cujus artis antistes & quasi Deus putabatur. Quoad vixit, nunquam ejus monimenta colligendi finem fecit, & cum lauta hujusmodi supellectile domum & museum ornasset, ridere eos videbatur, qui famulorum turba, stragulis, auro, argento, ceterisque similibus rebus gloriantur. Plura jam paraverat, quibus non monumentum aliquod separatim explicaret, sed artem & scientiam quodammodo efficeret, & in tanta copia rerum a se collectarum cum haesitaret, a quibus initium duceret, hortantibus amicis, primum edidit *Historiam Diplomaticam*, mox gradum facturus ad Etruscas, Graecas & Romanas antiquitates. Quanquam & his quoque opus habuit ad ipsam artem criticam Diplomatum tractandam, ut ex rebus in illa contentis intelligi potest. Nam praeter quam quod propositum ei erat ostendere Diplomata in usu fuisse vel apud antiquissimas nationes & praesertim Etruscos, Graecos, & Romanos, eorum nonnulla sic explicat, ut ex iis cognosci possit quas formulas dicendique mo-

dos mutuaverint posteriorum temporum homines. Ad hos enim referre debemus originem chartarum, quae proprie diplomata appellari solent, quarum antiquissimam, quae ad nos pervenit, quaeque in potestate tum erat Auctoris, ex Consulum nominibus anno CCCCLXXXIV. vel eo qui consecutus est, scriptam esse apparet. Post hanc ceteras vetustate nobiles singillatim enumerat, quae quidem omnes sunt papyraceae. Nam quamvis in usu tum quoque essent membranae, ut ex multis manu scriptis codicibus noscere licet, nunquam tamen adhiberi sunt coeptae ad scribenda diplomata seu instrumenta nisi ineunte saeculo VIII. Hic opportuna occasio visa est Massejo de papyris eorundemque varia conficiendorum ratione pluribus differere, & cum non pauca sumat a Plinio, qui rem hanc tribus solidis capitibus tractavit, plura ejusdem scriptoris loca depravata, & quae vel summos homines Salmasium & Harduinum effugerant, felicissime sane emendat. Disputabatur tum acerrime, num in arborum corticibus scribi etiam diplomata consueverint, & negat Massejus
non

non uno argumento ductus affirmans ex corticibus tabulas quidem & pugillares , minime vero ut ex papyris chartas latas , exiles , flexiles , & quae facile in volumen circumagi possent , confectas unquam a veteribus fuisse . Usum papyrorum ante millesimum aerae Christianae annum omnino cessasse Maffejus contendit , quamvis post illa tempora interdum papyri nomine donentur chartae ex gossipio fabricatae . His succedere lineae , quarum inventores Itali fuerunt , neque se nosse antiquius instrumentum ait in illis exaratum *Investitura* quadam *Decimarum* , quam an. MCCCXLVII. a Petro Veronae Episcopo Gregorius Maffejus obtinuit , quae , quod plurimum valeat ad illustrandam domesticam nobilitatem , gratissima Scipioni esse debebat . Jam vero si quaeras , qua de causa posterioribus saeculis acta & diplomata *adnotationum* , *auctoriatum* & *beneficiorum* nomine appellata fuerint , qui his conficiendis adservandisque praefuerint , qui in iisdem colligendis elaboraverint , & innumeralia hujusmodi mirifice praeteritorum temporum historiam illustrantia , adeas Maffejum , qui sane post Ma-

billonium multa nova protulit, quin propterea tamen artem criticam diplomaticam se confecisse existimaverit. Hujus speciem & formam in extremo praesertim libro se adumbrasse gloriabatur, nec se modo, sed & homines eruditione illustriores (immensum enim erat opus) ad illam perficiendam excitasse. Sed cum sevisset Maffejus, quae adulta fructus uberrimos ferre debebant, convertit alio cogitationes suas, quasi natura in hoc tam exiguo tamque brevi vitae curriculo immensum ei gloriae campum assignasset. Nunquam tamen monere destitit illos, qui in his studiis adlaborabant, ne cui diligentiae parcerent in separandis veris a falsis, in illustrandis obscuris, omnibusque ad sua tempora referendis, quod fieri non posse aiebat sine multorum scriptorum seu diplomatum comparatione. Ut autem specimen quoddam ipse praeberet immensi operis, quod parabat, in quo omnium aetatum diplomata a saeculo v. incipiens ad xv. desinens colligere meditabatur, ut in comparatione faciles certasque vias ad judicandum homines haberent, medio in opere exscripsit quotquot vi-

dere potuit papyraceas chartas , quarum ple-
raeque incognitae erant , vel quia scrupulo-
sius adservabantur , vel quia de iis non di-
cam explicandis , sed vel legendis desperan-
dum esse judicabatur . His addidit veterem
rythmum de statu Veronae eo tempore , quo
apud eam morabatur Pipinus Rex , quem
omnium primus Mabillonius in vulgus edi-
derat ; sed hic egebat medica Maffei manu ,
ut quid rei esset , quantoque in pretio esset
habendus , intelligi posset . Antea quidem ne-
gligenter nimium , ne dicam oscitanter , alio-
rum secutus errores de eo sermonem habue-
rat Maffejus ipse (1) , quare ut se ceterosque
corrigeret , illum in publico iterum propo-
suit , & quo ornatius prodiret , auxit eum-
dem dissertatione de versibus rhythmicis , a
quibus non admodum discrepasse putat salia-
res versus , saturnios , & quos inconditos
Livius appellavit (2) . Ex hoc enim illud

E 2

(1) Vid. ejus epist. in additionibus ad Hughellium ,
quae iterum impressa sunt ad calcem Complexionum
Cassiodorii .

(2) Quamvis morem scribendorum carminum ryth-
micorum imitatione dignum minime esse affirmet Mas-

convinci putavit non a Barbaris, quod erat in omnium sermone, sed a veteribus Romanis rythmorum originem esse repetendam. Plaudente populo Veronensi, inquirebat Maffejus studiosissime omnia illa, quae quomodocumque ad patriam historiam illustrandam pertinebant. Ipsum integrum opus de historia diplomatica ab eo patriae amor obtinuit (1). Quidquid enim Veronensium mo-

fejus, exemplum tamen hoc loco carminis hujusmodi a se ex tempore conditi affert, quod quidem Latinas venter habet, & ad miserandam sortem moestissimorum parentum, qui uno eodemque die binos amittere liberos, aptissimum esse videtur. En carmen ipsum.

*Infans vigeat pulchellus, anniculus;
Florebat una puella iam trimula.
Amore inter se mutuo, risu, jocis
Matrem patremque delectabant unice.
Hos dum vividius vernant, ac spem sovent,
Dies una, heu una ambos, dies sustulit:
Attonitorum in conspectu parentum,
Queis in solamen nulla est proles reliqua.
Compesce, si potis est, qui legis, lacrimas:*

(1) *Mi sarà altresì distintamente a cuore l'istoria della mia patria, che fin' ora è in profonde tenebre;*

numentorum alii in lucem emiserant, tot foedat-
 tum erat erroribus, ut rideri a peritioribus me-
 rito posset; quare iniit consilium omnia per se
 videndi exscribendique, & artem quamdam effi-
 ciendi, quae in difficillimo & longo itinere tu-
 te ceteros veluti manu duceret. Majoris o-
 peris specimen quoddam fuit libellus, quem
 viginti dierum spatio confectum an. MDCCXIX.
 vulgavit cum hoc titulo: *Dell' antica condi-
 zion di Verona ricerca istorica*, in quo quam-
 vis haud pauca sint ad ostendendam dignita-
 tem & amplitudinem Veronae vel ab anti-

E 3

*poichè con una particolare, che si liberi dai comuni pre-
 giudizj, gran sussidio può recarsi a tutte le altre, e all'
 universal d' Italia; e tanto più che da tal pensiero prese
 incentivo la presente opera: poichè avendo io l' anno
 scorso intrapresa la storia di Verona, giunto a que' tem-
 pi, dove dai soli documenti può sperarsi ajuto, trovai
 che i Veronesi più antichi dati fin ora in luce, benchè
 citati più volte e ricevuti dai più celebri uomini, o sonò
 interpolati o son falsi. Quinei conobbi necessario il far-
 di nuovo e con più attenzione negli Archivj quella ri-
 cerca, che fu per altro il mio primo passo nel rivolgermi
 a nuovi studj. (Ist. Diplom. p. 110,).*

quissimis temporibus idonea, id tamen in primis spectasse Auctor videtur, ut Brixianis gloriolam eriperet jactandi Catullianum illud distichon,

*Flavus quam molli percurrit flumine Mela:
Brixia Veronae mater amata meae.*

Magna inde orta est controversia inter Maffejum ipsum & Paulum Galearum Brixianum, qua in controversia Jo. Antonius Vulpus Ciceronianum illud usurpare potuit (1): *Ego tanquam criticus antiquus judicaturus sum, utrum sint* (versus scilicet illi) *τὸ ποιεῖν αὐτὸ παρεμβέβλημενοι*. Ut probaret Maffejus eos vericulos adulterinos & adfutos fuisse, hos non solum historiarum veritati, sed etiam Latinae linguae proprietati, ipsi denique Catulli genio atque elegantiae omnino repugnare dicebat. Neque sane ex ejusdem sententia difficile fuit in fraudem homines inducere. Nam cum illius poetae unicus tan-

(1) Famil. lib. 9: ep. 10 Vid. Vulpii Commentaria in Catullum p. 374. & seq.

tum codex forte fortuna an. MCCCCXXV. e tenebris prodisset, & hic, ex quo ceteri omnes, qui nunc extant, propagati sunt, nescio quo fato e conspectu hominum ablatum prorsus evanuerit, potuit Brixianus aliquis, vel certe Brixianis favens, cum poemata Catulli describeret (quod ante inventam typographiam plures praestiterunt) distichon, de quo lis est, elegantissimo poetarum supponere. Quidni potuerit? Sed cum in codicibus nonnullis hi duo versus minime appareant, potuit etiam Veronensis aliquis, (si Superis placet) in novo Catulli codice parando occupatus eosdem omittere; quod sane cum facilius erat, neque enim aut ingenio, aut meditatione ulla ea res indigebat, tum etiam verisimilius videtur. Brixianis enim (aut ego fallor) nulla causa fuit, cur vera & illustria patriae ornamenta falsis laudibus neque necessariis cumulare aggrederentur: Veronenses contra hortari potuit ad omittendum stomachus atque iracundia, quod scilicet Veronam urbem & natura & situ & descriptione aedificiorum, & pulchritudine & divitiis in primis nobilem Brixiae unquam cessisse, aut

ipsi uti Cenomanum matri obnoxiam fuisse neque sibi persuadere possent, idque a poeta, litteris mandatum graviter atque iniquo animo ferrent. Quod ad historiam attinet, optime cum ea consentire putat Vulpus Catullianum distichon, neque hoc modo, sed universam elegiam, si quod aliud poetae carmen, candidam, urbanam, omnique Latini sermonis elegantia venustateque affluentem esse. Nec erat, ut in mala causa, Vulpus imparatus ad respondendum omnibus iis, quae Maffejus nimio certe studio ductus in patriam poterat in medium afferre. Effecit itaque iudex sapientissimus, ut facile verum a falso internosceretur, quamvis dixerit a pronuntianda sententia se abstinere: satis tamen se mirari non posse ait doctos viros, qui tot clamores ediderunt in accusando illo disticho, non animadvertisse verba *Veronae meae* dandi casu fortasse usurpata fuisse, atque ita & locutionem elegantiores longe fieri, & Veronensibus nullam superesse causam, quamobrem horum versuum auctori tantopere succenseant, quod ipsorum patriam Brixia minorem vel facere, vel fateri voluerit. Nulla enim jam instituetur Brixiae cum Ve-

rona comparatio , sed tantum eas amavisse inter se hoc pentametro significabitur . Rediit mox Maffejus ad hanc quaestionem , cum magnum opus *Verona illustrata* inscriptum edidisset , cujus in ingressu quodammodo sibi certamen cum omnibus iis fore declaravit , qui revocassent in dubium Veronae ultimam originem Etruscis , amplitudinem vero ejusdem Euganeis & Rhaetis deberi , atque propterea ipsam nihil commune cum Cenomanis , quorum caput erat Brixia , ceterisque Gallis habuisse . Quod homines doctrina praestantes aliter existimaverint , causas erroris aperuit , & nullius esse negotii ait eorum captilosa argumenta solvere . Quoniam vero res Veronensium cum Venetis erant adeo conjunctae , ut illorum urbs Veneta & haberetur & esset , utramque historiam conjungendam Maffejus esse putavit , solertique viro magnae curae fuit , ut nihil ex suo judicio , omnia ex monumentis antiquitatis expromeret . Jam vero quanta fuerit Venetiarum magnitudo vel ab antiquissimis temporibus , ex eo conjici potest , quod cccc. anno ab Urbe condita Veneti Gallis Senonibus

Roma vel reversis, vel repulsis se se opposuerunt. Perpetuam fuisse felicissimae Reipublicae libertatem non uno argumento probare nititur Maffejus, & ex paucis, quae attulit (quod est Foscarenii judicium gravissimi & viri & historici) conjici potest (1), nisi eidem voluntas defuisset, huic abunde universae ipsum satisfacere potuisse quaestioni. Quod ad Veronam pertinet, ipsam quidem cum ceteris Togatae Galliae urbibus veluti sociam adscriptam Romano Imperio circiter an. U. C. DXXXIV., sed non propterea sua spoliata libertate fuisse contendit. Nam urbes illae veras in Provincias minime descriptae fuerunt nisi post Cimbrium bellum, quanquam interdum extra or-

(1) *Ed in loco autem sine operis della Letteratura Veneziana, ubi refert nomina illorum, qui confutandum susceperunt lo Squittinio, ait: Il Sig. Marchese Scipione Maffei entrò in questa tenzone, sebbene di traforsio nella sua Verona illustrata. E se per tempo un uomo di tal fondo vi si fosse messo da dovero, il nome di quel libro (Risposta ad un libello intitolato Squittinio della libertà Veneta del P. D. Fortunato Olmo Vol. VII.) sarebbe affatto svanito.*

dinem illo mitterentur vel Consules, vel Praetores bellorum, seditionum aliarumque rerum publicarum causa. Ex eo tempore, quo jus Latii Transpadanis civitatibus dari coepit, ut hac communione Romanorum nomen augeretur, Verona a Pompejo Strabone anno CCCCCCLXVI. facta est Colonia Latina, neque multo post civitate Romana & suffragiorum jure donata. Quando Triumviri omnia miscebant, Antonii partes secuta multas ferre debuit calamitates, sed brevi veteris dignitatis suae splendorem recuperavit. Id praefertim ex eo intelligi potest, quod vetera monumenta testentur, ipsam habuisse Decuriones & Plebem, Comitiorum locum, Capitolium, Equestris Ordinis homines, Collegia, ceteraque hujusmodi, quae propria erant Romani populi, cujus, ut ait Gellius, *quasi effigies parvae* esse videbantur insigniores Coloniae. Nec minus quando omnia ad unius potestatem redacta fuere, florebat Veronensium civitas, quae magna a Martiali, copiis valida & exemplo & opibus clara a Tacito appellatur; cui sane gloriae non mediocre pondus addebant homines doctrina praestan-

tes, quos ipsa ediderat (quae enim civitas non gloriaretur Catullo, Nepote, Vitruvio, & Plinio secundo?) & aedificiorum copia & amplitudo, ex quorum ruderibus nunc etiam, quae fuerit antiqua nobilitas, conjici potest. Quae nunquam antea expugnata fuerat, cessit tandem victricibus Constantini Magni armis anno duodecimo supra tercentesimum aerae Christianae, quam victoriam tanti ipse fecit, ut ab eo tempore Indictionum initium ducendum judicaverit. Post illa etiam tempora videas Veronenses novis superbientes honoribus, & quamvis, irrumpentibus Gothis ceterisque Barbaris nationibus, singularibus calamitatibus universa fuerit afflicta Italia, aliqua tamen pristinae dignitatis retinuisse vestigia Verona videtur. Qua eloquentia eorum crudelitatem expromit Maffejus, quam in nobilissimas urbes adhibuerunt, & qui non solum populis, sed parietibus, tectis, columnis, signis horricum quoddam & nefarium, omni imbutum odio bellum intulerunt! Quae dum persequitur omnia Maffejus, non solum ei propositum fuit laudes illustrare patriae suae, qua nihil ei erat ju-

cundius, sed in conspectu omnium ponere, quae essent jura Municipiorum & Coloniarum, quibus magistratibus & legibus regerentur, qui cives Romani in Colonias Latinas proficiscerentur (1), quae fuisset fors universae Cisalpinae Galliae ante & postquam funere elata fuit Romana Respublica, quae totius Italiae divisio, fortuna, vicissitudinesque usque ad Caroli Magni tempora, quae jura de feudis sancita fuere, & unde eorum origo & nomen, in quibus omnibus exponendis tantam eruditionis copiam, tam acre judicium in perpendendis veteribus monumentis, & in separandis veris a falsis, tantam demum cognitionem omnis antiquitatis praefert, ut exclamare cogaris, nihil fieri po-

(1) Cum plurimum gloriari videretur Maffejus quod distinguendas docuerit Romanas Provincias a geographi-
cis, proptereaue Metropoles regionum & gentium fuisse,
minime vero Provinciarum a Romanis ob Praesidium suo-
rum administrationem constitutarum, multi in hanc sen-
tentiam insurrexerunt. Sed ipse se idcirco nova pro-
ferre dicebat, ut facilius homines ad legendum alli-
ceret. Vid. ejus epist. IV. in antiquitatibus Gal-
liae selectis.

tuiffe melius , & illufre fuppeditatum exemplum, quod omnes fequantur in contexendis urbium hiftoriis. Vitiofam & corruptam confuetudinem onerandi aedificia ineptiffimis & puerilibus ornamentis neque a Gothis , neque a Longobardis , fed ab ipsis Italis novitatis amatoribus originem traxiffe putat , linguam Italicam minime natam ex Germanicae linguae mixtione (1), fed ex abiectione confonantium , quae in fine verborum fieri coepit , antequam Barbarae gentes Italiam invaderent, neque has ipfas gentes propriam quamdam formam litterarum invexiffe , & quas Gothicas & Longobardicas dicimus, vere Latinas effe mala confuetudine & fcribarum feftinatione deformatas. Atque haec ut

(1) Apoftolus Zenus fane harum rerum intelligens judex in notis ad Fontanini Eloquentiam ait (Tom. I. p. 32.) *Di quanti fcriffero contro tal opinione , giuno con più di nerbo e di forza ha trattato quefto argomento , quanto il Sig. Marchese Scipione Maffei .* Igitur haud dubitari poffe ait poft proclata a Maffejo , *che i popoli Settentrionali ampliarono bensì di alquante voci la noftra lingua , ma non mai la diedero l'effere e la forma ,*

& alia hujusmodi multa in I. operis parte. Pars II. scriptoribus Veronenſibus tribuitur, quorum a Catullo ad ſuam uſque ætatem octingentos ferme ordine enumerat, & ſcripta refert, quibuſque ſe ipſum ſecurus immortalitatis addere quoque potuiſſet. Quam vero eſſet antiquitatis amator, & quam diligenter ipſam habuerit cognitam, ex parte III. operis præſertim conjiçi poteſt, in qua de antiquis ædificiis ceteriſque, quæ in urbe ſua viderentur admiranda, agit: ſed hoc loco multa etiam complexus eſt, quæ ad indolem, mores, vires, divitias, commercium, jura, leges, ac magiſtratus populi Veronenſis pertinent. Ceterum quia nihil nobilius in univerſa Italia amphitheatro Veronenſi exiſtimatur, de quo ceteriſque amphitheatris Maſſejus ipſe quadriennio ante librum ediderat, hunc iterum vulgandum judicavit. Poſtquam ſpectacula gladiatoria crudeli populo crudelioribuſque Imperantibus in deliciis eſſe coeperunt, lignea amphitheatra ædificata ſunt, primuſque Veſpaſianus fuit, qui lapideum infinitis ſumptibus Romæ faciendum curaverit, quod ab ejus magnitudine, amplitudi-

neque Colosseum appellatum fuisse Maffejus arbitratur. Quoniam ad Romani populi exemplum ceterae nationes facile conformabantur, ubique ferme mos invaluit edendi spectacula gladiatorum & ferarum, sed non propterea, ut a multis falso creditum est, omnes Imperii urbes suis ornabantur lapideis amphitheatris. Horum perpauca habuit Italia, & vix quatuor in ea Maffejus enumerat, quem numerum alii deinde scriptores ampliare, cui sententiae (ut, quod sentio, dicam) me quoque subscriptorem facile habebunt. Veronense quidem cetera, si Romanum excipias, pulchritudine & magnitudine superat, suspicaturque Maffejus a populo Veronensi vel ante Hadriani imperium illud conditum fuisse. Tristem quoque fortunae vicem ipsum conqueri debuit, cum nulli vel nobilissimo monumento unquam pepercisset Barbarorum crudelitas. Quam minutus vero fuerit in describendis omnibus hujus aedificii partibus, quanta diligentia providerit, ut ad suum veterem splendorem & formam illud restitueretur, veteribus reliquiis multa nova addens, quod nescio an omnes probaturi sint, facile ii judica-

dicabunt, qui norunt nihil non obtinuisse a Maffejo patriae multis sane nominibus nobilissimae pietatem. Quoniam vero ei mos erat multarum rerum origines declarare, quae spectacula gladiatoriiis ludis successerint, causamque ab iis habuerint, erudite sane inquirat. Hinc ex. gr. disces ex andabatis, quod genus erat Gladiatorum equestrium, hastata illa certamina tot poetarum carminibus celebrata, & tot Regum favore provecta, ortum duxisse. Plura, quae carptim attingi, indicio esse possunt tantam varietatem, magnitudinemque rerum ornare hoc opus, ut parent copiosissimo ingenio suo Maffejum sibi sumpsisse materiem affirmare debeamus. Hoc autem erat votum illius, magnis propositis exemplis, excitare animos suorum civium ad retinendam pristinam dignitatem, & provocare multorum industriam ad nobilissimarum urbium historiam conscribendam. Opus omnibus pene numeris absolutum dixeris, quod cum dedicasset Venerae Reipublicae, laboris fructum reportavit haud mediocrem creatus ab ea *Deductor militum* (1),

(1) Veneti appellant *Condottiere* d' uomini & arme.

quod quidem munus magno habetur in pretio, quia nisi paucis ac fere totius Venetæ conditionis primoribus civium deferri solet. Veronensium vero nemo fuit, qui illum non complecteretur, & certatim laude cumlaret, quod adeo patriæ gloriæ consuluerit; & hac quoque laude populus ille maxime gloriari videbatur, quod ab Etruscis oriundus esset, quod ante Maffejum nullus fortasse affirmaverat ob ignorationem earum rerum, quæ ad antiquitates Etruscas pertinebant. Desertarum relictarumque rerum patrocini-um suscepisse Dempsterus videbatur, edito opere de *Etruria Regali*, quod sic acuit multorum studium ad inquirenda veterum Etruscorum monumenta explicandaque, ut ad nostram usque illud vigeat aetatem. Ego ne, ajebat Maffejus, *spectatorem me præbebo otiosum alienæ industriæ, cum & pateat omnibus amplissimus gloriæ campus, & plurimum ad patriam historiam illustrandam pertineat?* Et ea sane præstitit, quæ eruditissimorum vocibus maxime celebrata fuere; de quibus cum sim paullo latius dicturus (quod facile Etrusco homini condonabitur) rem ab eo anno re-

petam, quo Florentiae diu egit Maffejus; quo tempore & de arte critica lapidaria & de Etruscis originibus & de aliis quibusdam, quae serius edidit, magnum nescio quid animo concipere ac inoliri coepit. Florebat tum urbs ingeniosissimis & doctissimis civibus, quorum consuetudine mirifice homo sciendi avidus delectabatur; Andreinium colebat, conveniebat Salviniū, ejusque dicta quaedam memoria digna; ne animo exciderent, adnotabat; vivebat familiariter cum Bonarrotio, quem & vivum dilexit semper, & mortuum justo elogio exornavit. Qui cum Dempsteri editionem per eos dies appararet, adderetque operi Dempsteriano, quae ad res Etruscorum planius illustrandas facere judicabat, fama est, Maffejum non modo novisse totius operis molitionem, sed ea ipsa, quae an. demum MDCCXXVI. edita sunt, magna ex parte perlegisse, atque in adversaria sua transtulisse. Atque eam rem Goriū, cum Maffejum scriptis insectaretur, in maledicti loco posuit, quasi homo callidus, Dempsteri scriniis & Bonarrotii compilatis, de Etruscorum historia scribere sit aggressus. Ego vero una

in re Scipionem reprehendendum puto, quod nimis cupide elaboraverit, ut homines crederent se ante ceteros mortales de illustranda illius populi antiquitate cogitasse. Ceterum si Dempsterum antea legit, quam in vulgus ederetur, si multa ex ea lectione sibi seposuit, quæ tractationem suam faceret plenior, facile apud eos iudices excusabitur, qui Dempsteri *Etruriam Regalem* cum Maffejana de *Italii primitivis* dissertatione inter se conferent. Etenim prior ille auctor binis voluminibus ea de Etruscorum natione disputat, quæ si ad trutinam singula revocentur, non ita paucae apochryphorum scriptorum auctoritates seponendæ, multa quæ ad universam Italiam pertinent, ab Etruriæ historia sejungenda, plurima, quæ ad fabulosa tempora vel etiam ad Romanorum instituta pertinent, omnino rejicienda sunt: quæ vero & opportune dicta & probabiliter inveneris, in iis & ordinem quemdam illustriorem, & uberiores argumentorum & auctoritatum copiam sæpe requisiveris. Contra ea Maffejus breviusculo illo Commentario nihil nisi *χρηστοτατος*, nihil nisi proprie distin-

cte, enucleate scribit; veterum loca complura, quae Dempsteri diligentiam subterfugerant, profert, eaque non tam enumerat, quam appendit iudicio quodam & ratiocinatione singulari. Quae vero a magno illo Bonarrotio mutuatus est, ita tractavit, ut in summa re ab eo tamen dissenserit, volueritque non ab Aegyptiis, ut ille coniecit, sed ab Cananeis gentem Etruscorum propagatam fuisse. Multa praeterea de Etruscorum, deque Pelasgorum lingua, quas Bonarrotius prope intactas reliquerat, tractavit luculenter, quibus non modo Itali, sed Galli etiam excitati sunt ad hoc genus litterarum prope depositum excolendum illustrandumque. Sed quoniam Masfejus ea *de Italis primitivis* dissertatione ceteris prope omnibus satisfecit, sibi ipse non satisfecit; quoniamque sensit, deinceps in eo studio, in quo ipse unus ductorum fuisset, certos homines deerrare, reliquos etiam o via deducere, statuit rem ipsam copiosius tractare, atque ei litterarum incommodo, quoad posset, mederi. Neque illud non vidit atrox bellum ac diuturnum, si liberius loqueretur, sibi esse paratum: sed e. re., inquit, publica

erat, ut unus homo quietem suam quasi devoveret, multorumque se se armis objiceret, ne illud malum serpere impune & corrumpere ingenia diutius posset. Itaque anno MDCCXXXIX., quo Observationum litterarum Tomus III. editus ab eo est, prooemium volumini adtexit: pollicetur se se, quae ante annos XII. de Etruscorum Latinorumque originibus strictim ediderat, copiosius & in eo libro & in tribus consequentibus disputaturum; opus univcrsum quatuor in partes fore tributum, singulas singulis Observationum voluminibus inferendas; primam de historia Tuscorum, alteram de caracteribus, tertiam de lingua, extremam de prima gentis origine acturam. Atque ut ad eam tractationem compararet se, Volaterras, Clusium, Eugubium, Cornetum, alia veteris Etruriae loca circa eos annos adire, ejusdemque monumenta maxime insignia singula recognoscere, sui que itineris rationem in Observationibus litterariis extare voluit. Ac de historia quidem Etruscorum (quae IV. volumine, ut paullo ante monui, continetur) incerta esse ait prope omnia, quae ante Ur-

hem conditam de iis prodita memoriae sunt; ita ea tempora fabulosae narrationes obscurare; neque immerito ridet Dempsterum, qui non modo urbium nomina & opes, sed Regum etiam vetustissimorum aetatem atque ordinem persecutus est. Antiquissimam tamen omnium Italicarum Tuscam fuisse, immo Italiam universam Etruriam olim nominatam multis conficit & veterum locis & conjecturis. Tripartitam quodammodo fuisse notat, in mediam quae ad Tiberim, superam quae ad Padum, inferam quae ad Campaniam fuit: singulasque partes in XII. urbes, seu verius populos aut dynastias, ut alii loquuntur, tributas; quae rerum publicarum similitudinem magis quam regni haberent: urbium vero non obscurum ex historia esse, quae ceteris praestarent; sed quae XII. primae dicendae sint, id inani conatu a multis requisitum & confidenter magis quam vere pronuntiatum esse: Hortam vero, cui Fontaninus singulari libro eam adscripserat dignitatem, ita infra XII. deprimit, ut in auctorem libri etiam dicta dicat. Neque vero singularum aut partium, aut oppidorum vi-

ces & notabiliora quaedam, quae apud Graecos Latinosque inveniuntur, praetermisit Maffejus; inclinatasque luxu ac desidia opes, gloriamque eorum bellicam atque domesticam paulatim senescentem, donec anno U. C. CCCCXLIIII. sub imperium P. R. sunt redacti. Mores quoque & instituta ejus gentis explicans, non ita multa de novo attulit, sed quae ab aliis tractata fuerant, exposuit luculentius: superstitionissimos mortalium Etruscos docet fuisse; falso tamen jactatum humana hostia abusos frequenter ad placandos Deos: luxuriosos non dissitetur, ita tamen, ut uxorum communionem ab eorum moribus, contra ac alii scripserant, alienam probet: philosophia, ceterisque severioribus doctrinis florere, atque ab Romanis eorum scholae, uti postea Graecorum Academiae, aliquando frequentabantur: musicen & coluere ipsi, & repertis auxere: architecturae & ordinem solidissimum, qui Tuscanicus dicitur, & vetustate ceteris praestat, invenere, & opera secundum Aegyptios magnificentissime extruere: statuariae, picturae, plastices peritissimos fuisse, & scripta veterum testantur, &

monumenta , quae eorum industriae hodie-
que vivunt . Haec ita eo libro egit Maffejus ,
ut ne quid nimis tribueret nationi Etrusco-
rum , cui omnium prope artium inventa ni-
mis certe liberaliter adscripserat Thomas Demp-
sterus . Et quoniam hic aliique passim , quod
erat Italicae gentis commune , aut alicujus
ex Italia populi , id intolerabili quodam ju-
re seu verius injuria Tuscis vindicabant , &
tanquam propriam eorum gloriam praedica-
bant , post eam historiam , de qua paullo an-
te dixi , de ceteris populis , qui Italiam olim
habuere , egit diligenter ; qui Ausonii , qui
Siculi , qui Umbri , aut Sabini , aut Volsci ,
aut Samnites , praesertim vero , qui Pelasgi
a veteribus nuncupati sint : eorum quoque
origines , migrationes , res gestas , urbes , fi-
nesque in incerto esse , quod pleraque scripta
de iis fabulosa sint , & quod veteres Grae-
ci Latinique alii alias traditiones secuti ra-
ro inter se consentiant ; cum scribunt , col-
latis multorum testimoniis egregie confecit
Maffejus , ex quibus tamen etiam illud ani-
madvertit non posse eos cum Tuscis confun-
di , quin totius antiquitatis fidei detrahatur .

His veluti fundamentis jactis, nonnulla opera, quae per eos annos post *Etruriam Regalem* vulgata fuerant, referenda, & ad criticae trutinam exigenda suscepit Maffejus eodem illo volumine *Observationum* III. Initium fecit a Museo Etrusco Antonii Francisci Gorii, quicum similitates etiam privatas habebat, quarum causas facile agnoscent lectores ex prooemio ipso, quod binis versibus concludit:

*Festivitatē plenam agi vult fabulam,
Qua possint otium fallere gentes exterae (1):*

Atque his versibus, qui Gorium certe respiciunt, quasi cuidam comoediae prologo, cetera sane scriptio respondet tota urbanis salibus & arguta quadam dicacitate referta ab theatro atque ab scena. Exagitat vero Adversarium, quod nulla ratione sigilla Etruscorum, quae nemo ante eum diem proprio nomine appellavisset, ausus sit nominare, Pi-

(1) Lieta Commedia vuol, che s'appresenti
Per lor diporto alle straniere genti.

cumnos nescio quos, Volturnos, Vacunas, Pilumnos, ceteros Deorum prope ignotos non ex eorum symbolis, sed quodammodo ex facie agnoverit; Graeca, Romana, Etrusca cum facta tum monumenta, vetera praeterea & nova temere permiscendo, somnia saepe pro repertis venditarit. Neque in Cortonenses Academicos, qui de Tusciis rebus item scripserant, seque aliqua in re respexisse aut laesisse viderentur, multo mitior fuit, cum bina ejus Academiae volumina eodem illo opere excussit. Sed praesertim in Borguetium Gallum hominem est invehens, quod monumenta Tuscanica, linguis fretus Orientalibus, perversissime interpretaretur; indignatusque est plausus dari, & apotheosin quamdam homini peregrino ab Italis decerni ob mala ejus merita in rempublicam litteratorum. Malae causae patrocinium suscepit Gorius, litteris ad Maffejum datis, quae ipso anno editae Florentiae sunt. Prodiit etiam quaedam ludicra retractatio Maffei nomine, quae Gorianaepistolae veluti mantissa est, seu potius ejusdem copiosior & plenior declaratio.

Hisce opusculis perlectis, facile videas Florentinum inopem rationum ad jurgia rixamque causam transtulisse. Neque tamen ejus dicitatem per se se retudit Veronensis, sed eam controversiam examinandam permisit viro doctissimo, cujus nomen in incerto est. Is binis litteris ad amicum datis, quarum titulus fuit; *examen controversiae inter Maffejum & Gorium de Museo Etrusco*, utriusque criminationes defensionesque, quasi judex inter partes nullo studio partium expendit; & secundum Maffejum judicat prope in omnibus; nam judex verus & gravis etiam ab Gorio stat aliquando. Fatendum enim est Scipioni stomachanti properantique in iis libris, quos annis singulis binos edidit, aliqua excidisse, quae nemo probet. Illud vero minime omnium probabile, quod cineraria Etruscorum anaglypta non tam ad Graecorum fabulas, quam ad ipsorum Etruscorum aut fabulam, aut historiam referenda esse pronuntiaverit: qua in re plus certe Gorium vidisse eruditi homines (praesertim Passerius optimus talium marmorum interpret) - judicaverunt. Compertum enim est nihil Tusciis familiarius

fuisse Graecorum mythologia, ex qua praecipue Thebanorum Trojanorumque casus legere, quos urnis insculperent, seu quod ab Graecorum Coloniis, quae sunt in Thyrreniam olim deductae, rumores acceperint rerum tantarum; seu quod exculti litteris, ut vero similis judico, ipsa facta ex Homero aliisque poetis cognorint. Eodem an. MDCCXXXIX. Tomus Observationum V. consecutus est, in quo fidem suam liberavit Maffejus, deque characteribus Etruscorum egit sane diserte. Primus gradus fuit hujus tractationis suscipiendae proferre e nummis vetustissimae cujusque linguae notas rationemque scripturae. Id quidem antea factitatum ab aliis fuerat, qui in alphabetis veterum linguarum concinnandis operam collocarant, ex quibus commemorabilis est Eduardi, Bernardii, atque Ezechielis Spanemii industria, Montfauconii praeterea, & ejus, quem paullo ante laudavimus, Borguetii, qui tamen Arcadicum, si Diis placet, alphabetum vulgavit, abusus credulitate temporis sui (1). Sed horum conatus irriti Maffejo videbantur, quod monu-

(1) *Dissert. dell' Accademia di Cortona T. 1.*

mentis erant usi partim suspectis, partim detritis, quod in arte, quae minimos quoque apices confectatur, nihil affert scientiae. Itaque e numismatibus integerrima quaeque selegit & protulit; Samaritana, Phoenicia, Punica, Graeca, Hispanica ignota, ut loquuntur. Hoc eo spectabat, ut characteres Etruscorum Samaritanis vel Hebraicis similiore quam Graecis ostenderet, efficeretque Etruscorum originem ab Cananeis initio propagatam fuisse; nam eam opinionem & in disputatione *de Italis primitivis* & in historia patriae suae proposuerat, fretus conjecturis institutorum ac nominum utriusque gentis, quae consentire mirifice videbantur. Atque haec paucis: illud egit copiose, ut Etruscum alphabetum quam emendatissime ederet, statueretque quibus litteris Latinorum singulae Tuscorum redderentur, exscriptis iterum atque editis celeberrimis horum inscriptionibus, quae Perusiae, Corneti, Florentiae extant, quaeque aut pateris, aut nummis, aut cinerariis insculptae sunt. Has dum colligit per Etruriam, multa notavit vir sagacissimus, quibus & fabricae ejus nationis vetustae lucem acquire-

rent litterarum, & jejuna illa de characteribus tractatio varietate rerum intermixtarum fieret jucunda. Sed nulla in re magis a lectoribus gratiam iniit, quam in Eugubinis tabulis a suspitione falsi, quae jam inde ab saeculo XVI. invaluerat, vindicandis. Qua in difensione non modo cautissimi hominis, & qui citius veram inscriptionem improbareret, quam falsam admitteret, valuit auctoritas; sed rationes ejusmodi sunt prolatae, ut qui Eugubinas tabulas fictas velit, nullam veterum litteram pervenisse ad nostram aetatem possit judicare. Neque solum v. Etruscae scriptas probavit, sed binas etiam Latine exaratas; eaque occasione de vetustissimis Latinorum litteris, earumque varietate atque usu in regionibus Etruriae conterminis multa docuit, quae vix alibi reperias. Sed in alphabeto Etruscorum concinnando (quod caput erat) nihil prope novi intulit, cum pleraque aut Bonarrotius in *Etruria Regali*, aut in *Museo Etrusco* paullo ante edito Gorius occupasset. Laudanda tamen Maffei methodus, qui cujusque litterae figuras elegit binas, ternas, aut etiam plures

vere dissimiles; cum alii minimas quasque varietates conſectando, plurimis litterarum formis onerarint alphabetum ſuum. Notavit praeterea diligenter, unde ſingulas figuras hauſiſſet, quod ad auctoritatem operis plurimum valet. Aspirationes, ut Grammatici loquuntur, reperit, quas ipſe Gorius agnovit. Litteras B. & O., alteram ex tabulis Eugubinis, alteram ex marmore perantiquo, tanquam ſero in abecedarium ab Etruſcis receptas, cenſuit addendas, notam etiam animadvertit quae G. Latinorum reſpondere poſſet. Plures, de quibus non liqueret, incertas reliquit. Atque hoc etiam ſcommata in Gorium jaciens, iracundiam ejus in ſe acuit. Nihil enim ad inflammandos ira animos eſt potentius genere illo ridiculi, quod Maſſejus natura habuit, exercitatione excoluit & auxit. Itaque ad alphabetum ſuum vindicandum edidit Gorius ſatis longum volumen, quod quidem a lepore illo Maſſejano, quem imitari certe voluit, plurimum abeſt; & teretem illum ſilum & ductum in ſcribendo non aſſequitur, cum eadem decies inculcet debaccheturque, & maria terrasque ſonitu ver-

verborum compleat: sed tamen in eo sunt complura, quae laudem augeant auctori, minuunt adversario. Etenim eorum, qui in eodem sudarant clivo, texuit historiam diligentius; & specimina characterum, quibus antiquissimi Graecorum erant usi, elegit exactius, & cum Etruscis consentire probavit; unde utriusque linguae cognatio, quam Maffejus respuerat, admitteretur; & litteras ab inimico in alphabetum de novo inlatas partim ab se repertas, partim loco movendas esse demonstravit. Habuit vero opinionum suarum gravissimum subscriptorem Jo. Baptistam Passerium, qui cum & abundarit ingenio, & longam aetatem in hoc studiorum genere contriverit, magnum Gorianò alphabeto pondus adjecit, id secutus prope omnino in legendo; magnam item laudem Gorianis conjecturis conciliavit, Graeca lingua usus plerumque in interpretando. Subsecutus est annus MDCCXL., qui Observationum extulit librum VI. Hic Maffejus quae superiore anno legenda proposuerat, ea explicare aggreditur, digitumque ad fontes intendit, unde Inscriptionum Etruscarum interpretatio

derivari possit. Ac primo collectis ejus linguae vocabulis, quae antiqui scriptores quasi aliud agentes disseminaverant, adjectisque Deorum nominibus, quae in pateris leguntur, denique expensis quorundam veterum auctoritatibus ostendere conatus est, priscam illam ac vere nativam Etruscorum linguam ab Latina & Graeca plurimum diffidere, inanemque fore eorum conatum, qui in eorum inscriptionibus paullo longioribus verbum verbo reddere aggrederentur. Neque tamen ea re de Tabulis Eugubinarum, aliisque ejusdemmodi monumentis aequè desperandum: falso enim inter Etrusca censerì quaedam, quae Pelasgica lingua (ea vetus Latina est) sunt conscripta; ad quae interpretanda plurimum veteres Latinos, nonnihil etiam Graecos posse conferre judicabat. Itaque experiundi causa Liriprianum titulum, item quaedam ex Eugubinis Tabulis non tam verbis adnumeratis, quam sententiis adpensis coepit convertere; deterruitque lectorem ab ea ratione, quam Borguetius & Gorius secuti, carmen Orthium nescio quod se in aerea tabula legere somniaverant; cum nihil prope in aereis illis monu-

mentis aliud sit inscriptum, quam sacra quaedam stata ac solemnia, quae Iguvini veteres finitimique populi instaurare consueverant Diis suis. Redit inde ad Etruscos titulos, quorum, si qui longiores sunt, eos ne tentandos quidem censet, dum alia atque alia monumenta *in apricum proferat aetas*, quae hisce litteris lucem addant: breviores vero quos cinerariis aut tegulis partim insculpsit antiquitas, partim depinxit, eos non ex anaglyphis (ut Auctor Gallus instituerat) sed ex Latinorum lingua interpretandos pronuntiat. Qua in re homo sagacissimus cum nonnulla marmora Latine simul Tusceque scripta, quaedam modo Latina, sed quae *επισχέτιν* videbantur, variis in locis vidisset, his e vestigiis primus omnium odorari viam coepit, quam deinde viri clarissimi Lamius, Passerius, Oliverius, Coltellinius ingressi, multa in hoc genere memoria digna commentati sunt. Nihil vero in sepulcrorum operimentis aliud viderunt praeter demortui nomen, paternamque stirpem ejus atque maternam; nomina item conjugum & vitae annos; eaque nomina sive hinc in Latium in-

veſta, ſive huc e Latio translata, ex hiſtoria atque ex marmoribus Latinorum explicaverunt. Id princeps omnium efficere viſus eſt Maſſejus (1) ratione quadam ordineque doctri- nae; & ſi eam gloriam dubiam facere poſſit. Jo. Baptiſtae Paſſerii dictum in epiſtolis Roncalienſibus ſe ſe, quae diu meditatus in hanc rem fuerat, cum Maſſejo communicafſe Piſauri biennio antequam hic Obſervatio- num Tomus editus eſt. Atque eam vocem arripuit cupide Gorius in eo libro, quem in Maſſejum ſcripſit poſtremum (2). Sed mihi Roncalienſes epiſtolas comparanti cum eo o- pere, quod multis poſt annis de nominibus & cognominibus Etruſcorum idem Paſſerius publicavit, illud videtur poſſe affirmari, in ſecundo opere Maſſejanam quamdam ſeveri- tatem magis elucere, quae nihil ſine gravi ratione admittat, nihil levibus conjecturis attribuat, nonnulla, quae in Roncalienſibus

(1) Vid. T. XXII. *Opuscoli ſcientifici* p. 363. &c.
& Gori *Diſeſa dell' Alfabeto* p. LXXXVI.

(2) Inter *Paralipomena* ad Dempſterum Lucae edi- ta an. 1767.

parum accurate scripserat, retractet ac corrigat. Neque tamen Maffejo assentitur, ut Etrusca vocabula ex Haebraico fonte potius, quam ex Graeco repetat; quod institutum etiam aliis doctissimis viris, qui Etrusca converterint, scimus placuisse. Recte ne an secus non est judicare meum, praesertim cum contraria ratio summo viro Symmacho Mazochio mire probaretur, quemadmodum superiori in volumine exposuimus. Hic finis Maffejo fuit de rebus Etruscorum scribendi; nam quae de illorum origine ab Cananeis accersenda in VII. Observationum Tomum rejecerat, nunquam emisit, Observationesque ipsae post VI. volumen edi sunt desitae. Etruscas item antiquitates uno opere, quod Goriano opponeret, includere universas atque explicare fuerat meditatus, itemque pollicitus modo per valetudinem ac per otium liceret: sed eam quoque cogitationem abjecit, cum non parum promovisse diceret, quod studia Italorum ad eam partem antiquitatis, quae obscurissima est, illustrandam convertisset, quodque ingenia litteratorum a magnificis quibus-

dam fabulis ad veritatem rerum revocasset. Et certe non alii modo, sed ipse ille Gorius in III. Musei Etrusci volumine multo est cautior & solidior in cogitando effectus: adeo litteratorum diffidia litterarum sunt incrementa. Sed cum mentem suam Maffejus ad multa atque varia eodem tempore versaret, in quibus aliquid sibi gloriae polliceri poterat, decerrare ipsum dixisses, vel quaedam primoribus tantum labris attingere velle, vel sibi tantum de opibus ingenii sui polliceri quantum vix, ac ne vix quidem homini unquam fuerit concessum. Ludus illi erat librum conficere, quemadmodum declaravit Adelaidæ Felici Canossæ mittens illi opusculum de iis, qui scriptores Graecos & Latinos in Italicum converterunt. Idem cum itinera faceret quasi levandae lassitudinis gratia versibus Italicis Homerum exprimebat, quod non ad minuendam operis famam, sed ad declarandam singularem vim ingenii dictum volo. Homines enim docti consenserunt in illo elogio specimen, quod vulgavit, hujusce interpretationis ceterorum in hoc genere labores multum su-

perare (1). Aliquid hujusmodi etiam in Virgilio tentavit, & est in manibus hominum primi Aeneadum libri interpretatio; in quibus omnibus minime imitatus est Salvinium, cum se necesse habere minime putaret verbum pro verbo reddere, sed vim pulchritudinesque poematis Italicis formis exprimere.

G 4

(1) Parcus ille & certe aequus laudator Apostolus Zenus ita de Maffei interpretatione judicavit in notis ad eloquentiam Italicam Fontaninii Tom. 1. p. 287. & 288. *Ma se con tutte le suddette versioni sia posto in paragone il volgarizzamento, che dello stesso libro primo fu fatto in verso scioltto dal Sig. Marchese Maffei stampato in Londra per Gio. Brindley nel 1736. in 8. e poi ristampato in Verona per Jacopo Vallardi nel 1737. in 12. nella fine del T. I. delle sue Osservazioni letterarie, ognuno vedrà chiaramente quanto più da vicino si accosti alla grandezza e sincerità del Greco esemplare questo cospicuo letterato, dandone in questo piccolo saggio una novella idea del modo di scrivere in verso scioltto, e di sostenerlo con più dignità, e di renderlo insieme più dilettevole ora con la spezzatura del verso, ora col legamento di più voci in una proprietà familiare alla lingua Greca, e particolarmente ad Omero, e ora con altri artifizi che tutti si possono raccogliere dalla lettera premessa da lui al Principe di Galles. Multis cohortantibus tredecim post annos secundum Iliadis librum convertit in Italicum, & si fides editori, septem dierum spatium id ipsum praestitit.*

Attigit quoque Hebraicos scriptores eorum nobiliora carmina Italicae poeseos ornamento vestiens. Postquam studium istud interpretandi arripuit Massejus, quem nulla unquam res magna & difficillima terruit, Dionem Cassium Latine reddendum suscepit. Multorum opinio est unum excellere inter omnes interpretes Joannem Leunclavium, quippe sententias ita contorquet, ut nihil intercitat, eo verborum numero complectitur, ut paria paribus respondeant: ipsam quoque vocum constructionem collocationemque persaepe ita obtinet, ut color ipse integer existat: summa ad haec concinnitas, perspicuitas, incorrupta Latinitatis castitas, & ipsum, quod in aliis raro reperias, αὐτοφάει, adeo ut cum ab hoc discefferis, nemo sit aniefferendus. Postulatum igitur ab eo saepe fuit, ut in Dione Cassio interpretando tantam praestantiam doctrinae exerceret; sed ipse nihil praestandum aliud putavit praeter emendationem interpretationis Guilelmi Xylandri hominis quidem multis doctrinis exculti, sed qui, ut pauperiei suae succurreret, tanta festinatione scribebat, ut fami magis quam sa-

mae, quemadmodum de eo non irridicule retulit Thuanus, servire existimaretur. Sed non eodem studio ac diligentia in alienis operibus emendandis, quam in propriis absolvendis elaborare solemus. Itaque desiderabatur a multis, ut nova eaque emendatior conficeretur Dionis interpretatio, quod in se suscipere minime dubitavit Maffejus, non tam suae quam doctrinae confidens Panagioti Graeci hominis, quem Venetiis arcessitum domi suae alebat, ut civibus suis studiosis litterarum Graecarum, sibi que satisfaceret. Re confidentissime inchoata, audit Maffejus Albertum Fabricium totis viribus idem opus urgere; quare ne cum viro amicissimo, cui se magno & recenti beneficio obstrictum profitebatur ob dedicatum sibi XII. Graecae Bibliothecae volumen, de gloriae possessione contenderet, rem ipsam e manibus deposuit, animumque gloriae percupidum & otii inimicum ad alia studia convertit. Nullus sane non mirabitur hominem, qui castra secutus fuerat, & qui cum omnibus fere Musis rationem habere voluerat, incensum maxime fuisse ad di-

vinarum rerum scientiam sibi comparandam ; & ad Theologi laudem praesertim aspirasse . Ceteris quidem in studiis se elaborasse , in Theologicis vero se conquievissse affirmabat , ac plurimum doluisse , quod ab ineunte aetate iis se totum minime dedidisset . Quoniam invitamentis & praeceptis Benedicti Bacchini se debere dicebat graviorum maximarumque rerum cognitionem , voluit sub ejus nomine apparere primas laborum suorum fructus , neque hos inglorios , cum per illos in aperto poneretur Christophorum Pfaffium falso tribuisse S. Irenaeo fragmenta quaedam Graeca , a se in Regia Taurinensi Bibliotheca reperta , & notis observationibusque illustrata . Nihil praeteriit Maffejus , quod causa postulaverit , omnia sive ad res , sive ad verba spectarent , ad severioris critices regulas exigens . Hac re commotus Pfaffius an. MDCCXV. librum edidit cum hac inscriptione ; *S. Irenaei Episcopi Lugdunensis fragmenta anecdota* , magno conatu & eruditione minime vulgari studens eludere difficultates a Maffejo propositas , & ad sectae suae (erat enim Lutheri erroribus infectus) arbitrium .

libidinemque trahere plura in iisdem fragmentis contenta. Quamvis mos esset Maffejo tranquillitatem & laudes, minime vero contentiones disputationesque expetenti nihil respondere ad ea, quae suis scriptis opponebantur, e re tamen Christianae Reipublicae esse putavit, fallaces conclusunculas Pfaffii confutare, novisque argumentis comprobare ementita fuisse illa fragmenta, quae quod e *Catena* quadam, ut loquuntur, essent excerpta, maximum inde eorum falsitatis existere indicium affirmabat: verum non unam modo *Catenam*, sed omnes in suspicionem infidelitatis vocare se posse putavit, cum Cordeianam, quae plenius ac perfectius opus a Fabricio appellatur (1), exagitasset. Post ea ad examen redit rerum in ipsis fragmentis contentarum, & haec quidem maximi momenti erant, quod respicerent verba & ritus, quos in Eucharistiae Sacramento peragendo Catholica Ecclesia adhibere solet. Silentium ipsa facere debebat argumentorum copia. Nihilo tamen minus iterum prodit

(1) Bibl. Græc. Vol. VII. p. 742.

in scenam Pfaffius edita an. MDCCXVIII. Tubingae *Dissertatione apologetica &c.*, in qua de *oblationibus* agit, ut probet, si Superis placeat, nunquam illud verbum usurpasse Irenaeum, cum de Christi corpore sermo ab illo fieret. Puduisset sane Massejum hos errores dici potuisse, & non potuisse refelli. Quod ut praestaret veluti in tabula bene picta, exposuit locos Irenaei omnes, in quibus de Eucharistia agitur, ut ejus sensus ab eo, quod nunc tenemus, nulla in parte discrepare quilibet per se facile intelligere posset. Si quis multas, copiosas, variasque rationes, quibus Massejus objurgatori suo respondit, optimo in lumine collocatas videre cupit, adeat quae praefatus est vir doctrina clarus Franciscus Leonius, cum an. MDCCXXXIV. Venetiis ederet S. Irenaei opera, & quae in illa animadverberat vir summus Massuetius. Non minori studio vindicem se praebeuit Massejus S. Jo. Chrysostomi, cum Haeretici abutentes quadam ejus epistola ad Caesarium Monachum, quam Florentiae inventam primus omnium Parisiis vulgaverat Emericus Bigotius, sanctissimi Patris auctoritate & te-

stimonio quosdam errores suos de Euchari-
stia confirmare se posse rebantur. Ne qua fraus
a fallacibus hominibus fieret, ipsam episto-
lam quam amplius non extare Florentiae
falso ipsi autumabant, vulgavit, anteoccu-
pavitque omne id, quod putavit opponi. Oc-
casionem huic rei dedit Jacobus Basnagius,
qui cum se editurum spondidisset Henrici
Canisii *veteres Lectiones*, in has, quae con-
veniebant omnia, & hanc ipsam epistolam
congerere meditabatur. Fecit ipse postea
mentionem honorificam Maffei, qui etsi ca-
leret in scribendo, videbat tamen etiam
atque etiam, ne quid aspere diceret in con-
futandis adversariis memor sententiae il-
lius (1): *neque sane praetermitti errores illo-
rum debent, sed confutare illos oportet . . . sic
ut non auctores incuses, aut in eos inveharis,
sed laudes potius, quae fuerint ab illis ignorata
corrigen.* Cum acuisset se se diligens indu-
stria Maffei in conquirendis eruendisque e
tenebris Catholicae Ecclesiae monumentis,
multa eodem tempore invenit penes Vero-

(1) Polyb. lib. III. c. 56.

nense Capitulum , quae ad Concilia & Canones , ad res Liturgicas , ad disciplinam , quam a majoribus veteres Christiani acceperunt , ad historiam IV. Ecclesiae saeculi , ad priscos Veronae Episcopos , ad sententiam , quam adversus Acacium Constantinopolitanum Episcopum tulit summus Pontifex Felix hujus nominis III. , unde ortum Orientalium Episcoporum diffidium , quae ad omnem denique antiquitatem pertinent . Haec vero ut majori in pretio haberentur , effecere illustrationes Maffei . Sed praesertim ipse elaboravit in *Complexionibus* M. Aurelii Cassiodorii Senatoris adornandis , quae quod misere deperditae putabantur , facile est conjicere , quanta exultaverit laetitia Maffejus , cum in earum manu scriptum codicem incidit . Continentur iis brevissimae explanationes epistolarum Apostolorum , horum Actuum & Apocalypsis , quas Monachus jam factus , & cum esset summa senectute , scripto mandaverat . Quamvis non abundant copiosa rerum varietate , commendari tamen tanto debent justius , quanto fuerunt cariores homi-

ni, quem merito Beda (1) inter sacros Ecclesiae Doctores recensendum putavit. Nihilo tamen minus per summam fraudem & malitiam finxit Samuel Chandlerus Britannus homo satis litteris excultus multa in iis Complexionibus, quas secundo Londini edidit, contineri, quae mirifice faverent Calvinī dogmatibus. Num tam insignem impudentiam ferre potuisset Maffejus? Is quidem ita pugnavit, ut adversarium rejicere scutum & dare jugulum coegerit, & commendator insignis omnium scriptorum Cassiodorii haud aegre a se obtinuit, ut in iis colligendis, edendis, praefationibusque adornandis plurimum elaboraret. Praeestitabat vero animus illius, cum videret multos cohortationibus suis incensos ad vulganda iterum novisque observationibus illustranda SS. Patrum opera. Profecto minime obscura sunt, quae editoribus S. Hilarii Pictaviensis idem concessit, quantumque operae, studii, diligentiae ac laboris contulit ad perficiendam S. Hieronymi operum editionem, quae per Val-

(1) In Esdras.

larsum suscepta furat. *Incitatorem & facem omnium*, si Prudentii verbis uti possumus, dixisses, neminique sane ad ipsum accedenti hebescere & languere in otio licebat. Consulere etiam se posse utilius civibus suis putavit, si longa suscepisset itinera non tam propter studium cognoscendorum hominum, quam propter cupiditatem novorum operum suscipiendorum. Primus autem fructus commorationis in Gallia fuit liber ille, quem inscripsit; *Galliae antiquitates quaedam selectae, atque in plures epistolas distributae*, quemque Latino carmine, quod non multa dies, nec multa litura sane coercuerat (menda enim ex eo tollenda postea fuerunt) Lud. XV. Regi dedicavit. Si vellem sigillatim percurrere omnia, quae in his epistolis continentur, profecto lectores fatigarem. Non vulgaria hoc loco referuntur, sed nova (1) aut

NOVO

(1) Saepe quidem evenit, ut inscriptiones ineditas putemus, quae vere sunt editae. Id usuvenisse etiam Maffeo minime mirum videri debet. Itaque qui minus ejus laudi favebant, haec adnotarunt in libro, cujus est titulus: *Explication de divers monumens singuliers ec.* p. 77. M. Maffei reconnoît lui-même (p. 11.) qu'une

novo modo explicata . Ab honestis missionibus in aereis tabulis incisus initium ducit , ut probet has consuevisse concedi iis militibus , qui cum peregrini juris feminas (Barbaras Horatius appellat) in matrimonio haberent , jure connubii donandi erant , ut juste & legitime procreasse liberos judicaretur , & hos heredes scribere possent . Plures deinde refert inscriptiones , quas in Cottiis alpibus & in Sabaudia reperit , &

Tom. IX.

H

„ Inscription trouvée à Albi dans le Comté de Gene-
 „ ve , & qu' il venoit de donner pour nouvelle , avoit
 „ été publiée avec son explication dans le Journal de
 „ Trevoux . S' il avoit eu la précaution de lire l' hi-
 „ stoire de Languedoc , il auroit trouvé à la fin de la
 „ Préface la premiere des Inscriptions de Narbonne
 „ qu' il donne à la pag. 65 . On dit la même chose
 „ des Inscriptions qui sont à la page 80 . La premie-
 „ re se lit dans le premier tome de l' Académie des In-
 „ scriptions , & dans le dernier tome du supplément
 „ de l' Antiquité expliquée ; la troisieme dans ce mé-
 „ me tome du supplément , & la quatrieme dans le
 „ second tome de la religion des Gaulois . Sa premiere
 „ Lettre étoit imprimée depuis peu à Veronne : il est
 „ vrai qu' elle n' étoit pas connue à Paris . Mais qu'
 „ a-t-il gagné à la réimpression ?

populorum, quorum mentio fit in iisdem inscriptionibus, & praesertim in nobilissima arcus Secusani, loca, quae incolebant, exquisivit. Majorem etiam inscriptionum copiam invenit apud Narbonenses & Lugdunenses. Atque hae de dedicatione sub ascia disputandi cum Muratorio occasionem ei dederunt cum aliqua amici molestia, qui inique ferebat minui benevolentiam in Maffeo ex sententiarum dissimilitudine. Nec ineditas solum Noster in publico proposuit, sed quasdam etiam male a Grutero aliisque exscriptas emendavit. Ubertas, varietas, copia hujusmodi monumentorum efficiebat, ut libenter esset iis in locis Galliae, quae quondam sub populi Romani imperium ditionemque ceciderunt, dictitabatque malle se ibi manere, ubi solus sapere in iis colligendis interpretandisque videretur, quam ubi aliquo numero esset. Vix poterat vero divelli ab iis urbibus, in quibus vestigia essent veterum amphitheatrorum, & cum descripsisset in epistola ad Jo. Polenium Nemausense, Arelatense, & Forojulienne, corollarium se addidisse gloriabatur libro, quem de Veronensi

contextuerat, & plura in hoc contenta mirabiliter confirmasse (1). De theatris etiam, & praesertim Aurelianensi omnium fortasse, quorum vestigia supersunt, nobilissimo separatim egit, non tam antiquitatis, quam architecturae studiosis abunde consulens. Cum Parisios tandem pervenisset, quidquid dignum sapiente bonoque est homine studiosissime

H 2

(1) Non posso negarvi di non aver provato alquanto, di compiacenza più volte, vedendo comprovata con sicurezza alquanto delle osservazioni da me esposte nel mio Trattato, e che ugualmente vagliono per gli Anfiteatri tutti, come a dire che le porte di mezzo per largo non conducean nell'area, ma le vie loro trovavano per contra nel fine un cieco muro; che le porte diametrali per lungo erano più ampie dell'altre; che le scale non eran punto disposte, come si rappresentano in tutte le stampe del Coliseo; che i Vomitorj bassi non davano addito nella piazza, ma per gradini interni mettean nel luogo più nobile gli spettatori; che nella cinta interiore non vi eran prigioni; e che nel muro, che sostentava il podio, non vi eran porte. Con molto piacere ho altresì veduta la piena e indubitabil conferma della nuova scoperta del sopraornato Toscano, e del potersi ora con tutta sicurezza additarne le parti architettoniche, e gli ornamenti, quali non essersi conservati in verun edificio antico hanno fin' ora creduto i maestri.

conquisivit; versabatur cum iis, qui litteris excellere putabantur; in omni re ad antiquitatem pertinente quid quid est rarum & praestans sagacissime odorabatur; horum nonnulla etiam illustranda suscepit, & cum, in hac arte quantum valeret, peritioribus ostendisset, facile quod optabat obtinuit, ut in Regiam Academiam, quae dicitur Inscriptio- num & Humaniorum Litterarum, cooptaretur. Theatrum sane bellum se habere lactabatur, in quo vis ingenii sui & eruditio omnis libero homine digna eluceret; & quamvis ipse sibi in dicendo obstrepere ac plaudere videretur, & pertinaciam & studium vincendi in disputationibus prae se ferret, & suae Italarumque gloriae saepe praedicator nimius esset, multos tamen natus est studiosos, amantes, observantes sui; quod mireris sane apud populum, cui omnia, quae Galliam non olent, inimica atque infesta solent esse, & qui obstinationem sententiae in aliis acrius reprehendit, quod videretur, ne omnes habeat propriae subscriptores adprobatoresque. Sed oportet Massejum aut vitia sua occultasse, aut his veniam fa-

cile obtinuisse ob multarum virtutum comitatum atque praesidium . Ipsa fama , quae fruebatur , & gratia , quae plurimum poterat apud potentiores , e quibus honoris causa nomino Polignachium , Bissium , Fleurium Cardinales amplissimos , impulit Jesuitas , in quorum multorum familiaritatem se se insinuarat , quibusque semper faverat vinculis beneficiorum obstrictus , ut quotidie opplorent auribus illius mala , quae Gallicana Ecclesia & ipsi a Jansenistis patiebantur , sperantes illum se se habituros sententiarum suarum acerrimum defensorem , ut certe omnium consiliorum participem habebant . Allicitur vir flagrans studio laudis novis beneficiis & dono scriptorum , quae Jesuita doctrina praestans Turneminius reliquerat ; & cum videret parvo labore posse se de celebrioribus illorum temporum controversiis docte , erudite & copiose disputare , libentissime arripuit occasionem magis magisque venditandi hominibus suam in Theologicis rebus prudentiam . Historiam igitur Theologicam de omni eo , quod pertinet ad divinam Gratiam , contexere instituit ; opus ma-

gnum, & sententiis Sacrorum librorum, SS. Patrum, Conciliorum, & veteribus Ecclesiae monumentis refertum, quod, cohortante Bissio Cardinali, non Latinum, ut ei propositum erat, sed Italicum fecit, quo facilius in manus omnium perveniret. Non est hujus loci id, quod in utramque partem disputari solet, referre. Hoc certe fuit in animo Massejo probare, a sententiis S. Augustini & Catholicae Ecclesiae dissidere dicta Jansenistarum; hos dimicare scriptis, ut semidoctos ad suam libidinem & licentiam abducant; sapienter se gessisse Romanos Pontifices in condemnandis illorum erroribus, & astutiis aperiendis; & cum incurrisset in illam memorabilem Constitutionem *Unigenitus*, omnes Quesnellii sententias sic enucleat & exponit, ut in lectorum mentibus instillet quovis scelestissimo homine illum fore scelestiorem, qui in ejusdem Constitutionis verba minime jurasset. Dum vult ostendere Jansenistas non solum vetere & diuturna, sed etiam recenti invidia & infamia flagrare, & nullam ferme esse oram, quo non pervaserit quasi morbus quidam illorum furoris, &

omnia eosdem S. Augustini praefertim auctoritate & testimoniis abutentes impie permiscuisse, palam prudentioribus fecit, se alienos affectus in sua scripta transtulisse, ac plus saepe apud se valuisse Jesuitarum, quam veritatis studium. Novas certe turbas atque rixas hujusmodi opus, quod Tridenti anno MDCCXLII. typis impressum fuit, excitare debebat; & libri, qui inscripti fuere, *Animadversiones in historiam Theologicam, & Difesa dell' Animadversioni*, quorumque auctor esse putabatur religiosus quidam homo cognomine Migliavaca, pleni sunt injuriarum & gravissimarum contumeliarum, quibus vehementer quidem, sed non iracunde respondit Maffejus. Alii postea ejus partes suscepere (1), nisi fortasse eidem libuit, quod probabilius putamus, sub alieno

(1) Editi libri fuere. *Conferma delle risposte date all' Anonimo impugnatore dell' Istoria Teologica. Verona 1751. Censurismo nuovo dimostrato nelle conseguenze, il medesimo o ancor peggiore del vecchio: serve per riconferma delle risposte date all' Anonimo impugnatore della storia Teologica: si aggiugue una breve ricerca delle dottrine di Aristotele in quanto riferir si possono a tal materia. Venezia 1752.*

nomine latere; & qui accusatorum, & qui defensorum personas gessere, odiosi in dicendo & loquacissimi mihi fuisse videntur. Omnem memoriam hujusmodi discordiarum nisi oblivione sempiterna delendam censerem, longior certe fuisset in iisdem declarandis; & qui conviciis ab errore homines conantur avertere, certe totum aliud quam veritatem & Christianae reipublicae bonum se spectare ostendunt. In hujusmodi disputationibus haud poterant esse spectatores otiosi Maurini Monachi, qui Massejo saepe antea praedixerant ea, quae susceperat tractanda, & turbulenta & temeraria & periculosa fore, quare si tranquillitatem amaret, a Jesuitis eorumque fautoribus se sejungeret. Cum eorum minime paruiisset consiliis, extitit qui ejus imprudentiam castigaret; nam ab istiusmodi hominibus, quamvis severiori disciplinae se adstrictos & consecratos esse gloriarentur, minime aberat ulciscendi cupiditas. Editus propterea Parisiis fuit liber cum hac inscriptione: *Explication de divers monumens singuliers, qui ont rapport a la religion des plus anciens peuples*, quo libro planum facere sunt conati,

in explicandis quibusdam antiquitatis monumentis, & in edendis illustrandisque S. Hieronymi scriptis multo plus vidisse Maurinos Monachos, quam quantum Maffei & Vallarsii ingeniorum acies intueri potuere. Maffejus quidem cum in eo esset, ut Parisiis discederet, postquam quatuor ferme annos in ea florentissima urbe, omniumque rerum copia abundanti jucundissime commoratus fuerat, libellum seu potius epistolam (1) ad Polignachium Cardinalem de morientium Ethnicorum religione vulgavit, cui occasionem dedit anaglyphum pulcherrimo opere elaboratum, quod in ipsis regiis aedibus adservatur. Res quidem magis perpolitam & elaboratam explicationem desiderare videbatur, & facile fuit iis, quos iratos habebat, nimium festinantis, & interdum etiam dormientis scriptoris praeteritiones & errata patefacere. Quid si mortuam, ut vero similis est, minime vero morientem feminam, ut contendebat Maffejus, monumentum illud

(1) Hanc ipsam dissertationem seu epistolam Vid, in I. Vol. *delle Osservazioni Letterarie*.

representat? Tum quidem omne corruet fundamentum, quo nititur dissertatio illa, & quae favere ejus opinioni existimabat argumenta, adversari potius videbuntur. Quamquam igitur se ostentaverit Maffejus in hoc explicando anaglypho, sic à plerisque harum rerum aestimatoribus judicatum est, id operis ceterorum Maffèii operum dignitatem non adaequasse. Post haec Britanniam cogitare coepit flagrans desiderio per se videndi Oxoniensia marmora, inter quae eminet inscriptio de temporum ratione, quam reginam inscriptionum appellare solebat, ceteraque antiquitatis monumenta, quae potentissima natio aemula Romanorum gloriae studiosissime collegerat. Ab hac tributi singulares honores Maffejo fuere, cujus urbanitatem & politissimos mores cum ipsa laudaret, & eruditionem eruditioni opponeret, videbatur comprobare quae Crassus in illius orationis principio, quam contra collegam suum Cn. Domitium Ahenobarbum censor habuit, dixisse fertur (1): *Quae natura*

(1) *Vid. Cic. de Orat. lib. II. c. LI.*

darentur hominibus in iis rebus se vinci posse aequo animo pati , quae ipsi sibi homines parere possent , in iis rebus se pati vinci non posse. In ipsis regiis aedibus , cum familiariter versaretur Maffejus , voluit gratus erga Principem Valliae cognosci , nuncupato ei primo Iliadis libro , -quem Italicis versibus ipsum reddidisse supra commemoravimus . Oxonii doctrinae insignibus decoratus fuit , & in Academicorum numerum cooptatus est . Ipsa vero copia antiquarum inscriptionum tum Graecarum tum Romanarum , quas erudite interpretabatur (nam tum omnium marmorum Oxoniensium interpretationes minime vulgatae erant) famam ei doctrinae augebat ; cumque opera Alexandri Gordonii ejus de amphitheatris libellus in Anglicum conversus fuisset , & Popius ipse in *Meropes* traegodia Anglice reddenda elaborare diceretur , multique nobilitate & honoribus praestantes , qui de praeclarissimis artibus aliquid sibi appetebant , tecto ac domo ipsum invitarent , cunctis efferebatur laetitiis . Beati enim ei esse videbantur , qui honorati sunt propter honestatis & gloriae similitudinem ,

miseri qui inglorii. A Britannis ad Batavos transit, & apud eos aliquandiu commoratus est. Demum post longa itinera ad suos rediit dives copiis iis, quae sapientiam alunt, & hoc etiam nomine ditior, quod secum duxerit Jo. Franciscum Seguierium, quicum sibi, quoad vixit, fuit una domus, idem victusisque communis, neque solum occupationes cognoscendi semper aliquid atque discendi, sed etiam peregrinationes, rusticationesque communes. Virtus enim studiorumque similitudo facile ad diligendum homines allicit. Tum licuit Maffejo otio affluentem multa diversaque animo agitare. Ipse cum factis vir magnificus, tum factorum ostentator haud minor coepit cogitare de aedificando publico Museo, in quo omnia ea antiquitatis monumenta cogerentur, ordinatimque distribuerentur, quae ipse singulari studio collegerat. Neque ei de loco ambigendum fuit. Academia enim Veronensis, quae ab studio in musicam Philharmonica appellatur, quaeque ante annos viginti ac ducentos initium ceperat, aedificium nobile avorum memoria extruxerat, studiis omnibus,

& ingenii exercitationibus quodammodo consecratum. Ante eas aedes area protenditur, cujus partem fere tertiam domunculae occupabant, quibus dejectis, platea in quadrum redacta est, ita ut aptissima excipiendo Museo fieret. Hoc constructo, illud Plinianum de Asinio Pollione sibi Maffejus vindicare posse putavit: *primus Bibliothecam dicando ingenia hominum rem publicam fecit*. Non commisisse se scribit, ut, apposita inscriptione, sua praedicaretur liberalitas, cum quae patriae concedebat, qua nihil sibi erat carius, debita ei esse diceret. Sed fortasse in eo ipso, in quo praedicationem recusavit, praedicari de se ac nominari voluit. His in publico propositis monumentis, coepit habere bonam spem de Veronensibus suis, quasi ipsi praeculti jam essent ad excolenda antiquitatis studia, & acrioribus stimulis excitarentur ad renovanda Augustini Maffei, qui Romae XV. saeculo floruit, Panvinii, Norisii, & Blanchinii (qui quantique viri!) illustria exempla. Ipse vero quod specimen hac in re ceteris dedit? Nescias quidem utrum majorem sumptum in his antiquitatis reliquiis

comparandis , an laborem impenderit in iisdem illustrandis . Quo rectius opus procederet , Romam an. MDCCXXXIX. rediit non tam antiquitatis consultissimos viros , quam vetera monumenta consulturus . Serius tamen prodiit *Museum Veronense* , in quod non ea solum omnia , quae Veronam ornant , intulit Etrusca , Graeca , & Romana monumenta , sed etiam quaedam alia , quae alibi viserat , & quae cum essent inedita , magni momenti esse putavit . Nihil non commendat praeclarissimum hoc opus rerum copia (1), eruditio , neque ea vulgaris , sed recondita , typorum elegantia & ipsum nomen Summi Pontificis Benedicti XIV. , cui nuncupatum est . Ut autem Latina istud potius , quam Italica (& meo quidem iudicio Italice elegantius scribebat) persequeretur lingua , eo factum est , quod doctis praesertim & elegantioribus hominibus probari illud ipsum volebat , & quod sperabat fore , ut ejusmodi rerum notitia La-

(1) Graecae inscriptiones C. innumerae pene Romanae , ex iisque Christianae & mediæ aevi plures . Etrusca monumenta selecta XXV. Arabicae inscriptio-

tinis illustrata litteris Italiae fines praetergredetur, latiusque propagaretur. Quanquam antea quam haec vulgaret, in enodandis Graecorum siglis separatim elaborasset Maffejus, quoties tamen opportunitas tulit, ad rem eandem rediit corollario pristinum opus aucturus. Nemo enim ignorat quantum negotii saepe facessant hujusmodi compendia in inscriptionibus interpretandis, ut plurimum intersit easdem noscere, & in promptu ponere. Sagacissimus homo & experiens discutebat omnia, quae obscurant, & miro erat acumine in discernendis veris a falsis; & tanquam venaticus canis optime odorabatur omnia & pervestigabat. Quare minime verebatur amplificatoris notam, cum in commemorandis iis, quae pro studiis antiquitatis praeclara gessit, jucundissime versaretur. Quoniam ad

nes IV. & vetera anaglypha ultra C. Et haec omnia ad Veronam pertinent. Continet etiam liber praestantiora, quae ornant Museum Taurinense, cujus Maffejus ipse auctor fuit & ordinator, Vidobonense, quod ejus cohortationibus collectum est, & multa quae Romae in Capitolio praesertim, & in Collegio Romano & alibi extant.

hunc locum perventum est non alienum esse videtur notitiam afferre immensi pene operis, quod animoolvebat, quodque complecti debebat non modo inscriptiones omnes, quae duorum & amplius saeculorum spatio vulgatae ubicumque fuerunt, adulterinis rejectis, & depravatis emendatis, sed etiam quotquot ineditas per se & amicos colligere potuisset. *Quid*, ajebat ille, *Gruteri collectione celebratius atque utilius?* Sed quam multa apud eum commentitia, incorrecta aut interpolata, quot repetita! Adde quod Latina cum Graecis, carmina cum iis, quae soluta oratione scripta sunt, antiquae leges & documenta cum titulis aedificiorum, sequiori non nunquam aevo insculpta cum vetustissimis permiscuntur. Rursus necessariae quaedam apud illum desiderari videntur classes, & inutiles quandoque congeri. Desunt etiam ex insignioribus epigrammatis aliquot, quae supposititia perperam censebantur, ut *Cenotaphia Pisana*. Reinesius in iis, quas in medium attulit, inscriptionibus, saepe aliorum fide deceptus est, & quasdam etiam refecit arbitrato suo. Fabretti ingens & perdocta collectio, quod indicibus careat, & inscriptiones permixtum afferat, neque in suas classes

classeſ diſpertitas , parum utilis iis omnibus eſt , quibus ceteroquin plurimo ſaepe uſui eſſe poſſet. Eaſdem res vitio vertitur Sponio . Quae dum querebatur , non perinde intelligi volebat , quaſi aliquid ſummorum virorum gloriae detractum vellet , ſed ut quod factum eſſet , quod non factum , & quod fieri oporteret , noſceretur . Uno volumine Graecas inſcriptiones omnes in ſua tempora diſtributas complecti meditabatur , ita tamen , ut quae ejuſdem generis eſſent , veluti quae Reges memorant , foedera inter populos , civitatum decreta , quae ad ludos & ſpectacula pertinent , aliaque huiuſmodi conjunctim afferrentur . Ex multis inſcriptionibus oratione numeris aditricta exaratis nova quaedam effloreſcere debebat Anthologia , & quidquid erat illuſtre aut obſcurum doctis exornari commentariis , & omnia in Latinum converti . Latina vero monumenta ſex aut ſeptem occupatura erant volumina . Ex iis agmen ducere debebant priſcae leges atque aerea Senatus conſulta , poſt haec ſequi reſcripta , decreta , judicialia , municipalia pſephiſmata , collegiorum acta , ſimul collectis , quae pro-

Tom. IX.

prii cujusdam generis essent, cujusmodi hospitales tesserae sunt, honestae missiones & similia. Monumenta historica, veluti sunt Consulares Fasti, Augusti vita ex Ancyranis lapidibus, kalendaria, orationum insigniorum fragmenta, militares quoque laterculi Italicarum civitatum & Consulatum mentione illustres, maritimae inscriptiones, eorum scilicet militum, qui praetoriis in classibus stipendia fecerant, quarum paucissimae Grueteri aevo innotescebant; omnia denique, quae ad antiquitatem quomodocumque pertinent, ne Christianis quidem exceptis inscriptionibus, distincte & ordinate, & in sua tempora & in suas classes disposita esse debebant, omnia opportunis brevibusque commentariis illustrata, eaque omnia in suos indices sic relata, ut nihil facilius esset indagatione atque inventione earum rerum, quae in tam immenso opere continerentur. Quoniam vero saepe evenire videmus, ut merces fallaces & fucofae pro veris venditentur, huic ipsi operi praesire debebat Ars Critica Lapidaria, in qua tanquam insignitae notae veritatis apparerent, & ex qua quisque per se

facile judicare posset, quid esset adulterium, quid non. Adeo multa pollicenti, & in se suscipienti gravis adversaria constituta & parata erat incredibilis quaedam expectatio, & quamvis advigilaverit Maffejus pro rei magnitudine, haec tamen nunquam ad exitum pervenire potuit; quare saepe coarguebatur ab adversariis, quod multa prolixo polliceretur, pauca extricaret. Haud mediocria tamen sunt, quae reliquit ad Artem Criticam Lapidariam pertinentia, & haec illo tempore, quo vidit nullam esse vitae spem suae, dono dedit amicissimo viro Francisco Seguerio. Hic eadem postea concessit postulationibus Sebastiani Donati, & aegre ex infinitis chartae plagulis conflatus est liber, qui Lucae prodiit anno MDCCLXV. Quatuor in partes distribuitur, de quibus ita quaedam libamus, ut neque hoc opus omnino praeteriisse, neque cum ceteris aequasse videamur. Longe enim a librorum dignitate distant adversaria, in quae clarissimi etiam viri omnia constipant, quae olim sibi vident ad scribendum profutura; neque tum aut delectum habent, aut ordi-

nem servant; memoriae modo consultum volunt, ne quid sibi utilium elabatur. Et quae in Donati manus venerunt, si adversaria Maffei dixeris, paullum a vero aberrarit iudicium: ea certe sunt, quae si Auctor recensuisset, & ad formam iusti operis redeuisset, nae ejus reprehensores multo plura in Maffejana illa Arte Critica admirari quam carpere deberent. Nunc multa sunt, quae laudare in ea quisque possit, eruditionem nunquam e medio petitam, sed reconditam atque perraram; veterum linguarum cognitionem, etiam earum, quas Orientales vocitant; vim ingenii praeclaram ad res diffitas inter se conferendas componendasque; innumera- biles prope inscriptiones, quae in collectionibus sunt, purgatas mendis, aut suppletas, aut illustratas, nonnullas aegras & prope depositas (quod nemo ante potuerat) restitutas: denique formam & imaginem magni operis, ut in Bonarrotii aut Sanctii linearibus quibusdam picturis, quae neque perfectae ab auctoribus, neque ad magnitudines coloresque suos, neque omnino ad tabulas sunt deductae. Sed ut eo redeam, prima Artis

Criticae pars ultimam inscriptionum seu scriptorum lapidum originem inquiri, quo in genere cum de Aegyptiorum obeliscis & notis pauca praemiserit, scripturae artem litterasque ullas ante diluvium negat fuisse, sed adulta deinde sobole generis humani, eaque varias jam orbis terrae regiones tenente; tum denique inter Hebraeos extitisse aliquem, cui litterarum primordia divinique reperti initia tribuamus; morem deinde in alias gentes propagatum, quarum characteres vetustissimis monumentis testatos ita inter se dispares animadvertit, ut ad unam tamen primaevae scripturae similitudinem singuli referri posse videantur. Ita vero sagax Maffejus in hac parte operis fuit, ut Plinium ceterosque profanos historiarum scriptores ad eam Hebraeorum gloriam traxerit non invitos. Pleraque intercidiſſe, quae ad primi libri absolutionem pertinerent, monet Donatus: ea lector ex Observationibus Litterariis restituere, eamque jacturam utcumque supplere poterit. Alterius libri haec summa, hoc propositum est, ut veterum lapidum, quos in Graecorum Latino- rumque voluminibus legimus, seriem quam-

dam contexat, & quatenus fidem iis adungere liceat, iudicium interponat. Atque ea quidem, quae vel fabulosis temporibus conscripta, vel ante bellum Peloponnesiacum exarata vulgo ferebantur, ea plerumque posteriorum temporum epigrammata esse, & ab historiae fide removenda pronuntiat. Neque enim Graecis inusitatum aut rarum fuit e-mentitis versiculis aut turbi, aut sepulcro conciliare cum vetustate dignitatem; & veteres quandoque in eo peccavere, ut versum exercitationis causa a Poeta compositum in Heroes iisdem temporibus attribuerent, in quae Heroes ipsi incidissent. Agnoscit tamen ejus aetatis epigraphas non ita paucas, tum Graecas, tum etiam, quod mireris, Etruscas: etsi hanc sententiam in Observationibus Litterariis aut retractasse, aut planius explicuisse dixeris, cum huic generi antiquitatum vetustatem illam adimit, quam aetas avorum nostrorum eidem adscribebat. Sed a Peloponnesiaco bello ad postremos Augustos plurima eaque certissima utriusque linguae epigrammata, multa legum fragmenta, plebis item scita, Senatusque consulta chronologico quo-

dam ordine disposuit, notisque identidem adornavit: quo facto non modo historiam quamdam adtexuit harum scriptionum, quae aereis lapideisque olim tabulis essent commissae, sed etiam praeclare juvit studium eorum, qui essent inscriptiones praesertim Latinas facitaturi, cum tot exempla, tam varia, tot per libros dispersa unum in locum collegisset. Jam liber III. *studii lapidarii historiam, & recentiorum scriptorum, qui de antiquis epigrammatis egerunt, recensitionem & catalogum completi debebat*. Haec Donatus. At ejus partis Maffejus nullam litteram scriptam reliquit. Postremus ceteros utilitate & copia facile vincit, in quo & leges quasdam edicit, quibus internoscere vera a fictis possimus, & innumerabiles prope titulos omnisque generis inscriptiones, quae in Museis sunt, ad eas leges expendit. Initium fecit ab Graecis, quae quod raro falsae deprehenduntur, non ita Maffejii diligentiam & acumen desiderabant, uti quae scriptae Latine sunt. Itaque de superiore illo genere regulas tradit breviores, & certas indicat notas, si qua infideat animo dubitatio, ad fidem adjungendam, abjungendamve: plura

autem differit de ratione supplendarum vocum, quas vetustas exederit, deque via emendandi vertendique in Latinum quidquid Graeca marmora aut deterius, aut obscurius loquantur. Sed ejus praecipuum studium in Romanis fuit. Notaverat homo acutissimus, dum eruditionis causa tot urbes, tot musea inviseret, cupiditate nonnullorum hominum, qui fictos lapides pro veris olim vendidissent, rem grammaticam aliquando convulsam, factam historiam fabulosam, jocos ad ludibrium imperitorum seriis intermixtos; neque tamen extitisse aliquem vere cordatum, qui tot incommodis auderet mēderi, sive id fatali quadam superiorum temporum credulitate factum, sive metu quodam eorum hominum, qui tamdiu fabulis credidissent. Sed is, qui nullos sumptus, nullas rerum asperitates pensi habuit, quae literis essent emolumento, praefatus non pauca de ratione in eo genere judicandi, nobilissima Italicorum musea, quae ad eam diem inspexerat, coepit appellare nominatim, & quid in unoquoque fictum judicasset, exprimere. Multa ex marmoris aut, colore aut

genere, multa ex ductu litterarum, multa ex anaglyptis, multa ex formulis aliisque indi-
ciis, quae novitatem operis, aut veteratoris fraudem olerent, repudiavit. Neque post musea excussa libris pepercit, quos Gruterus, Sponius, Reinesius, Muratorius, alii praeterea inscriptionum Collectores antea vulgarant; quosque lapides ex visu refutandi copia non fuerat, eos ex conjectura sensuque animi saepe damnavit. Quid multa? Si omnes lapides, quae aut adimit civitatem, aut litem intendit, judicare velis temere in Latium inrepisse, angustissimis profecto terminis tantam doctrinam circumscribes. Itaque ex iis jam annis, quibus Maffejana haec Ars legi coepit, nemo fere de Latinis inscriptionibus quidquam edidit, quin severitatem illam nimiam vocarit; nonnulli etiam doluere, earum legum promulgatione oppleri mentes juvenum superstitione, ingeniaque tardari. Sed viro clarissimo optimeque de litteris merito non una apud aequiores judices parata defensio est; quod alia juvenes sapimus, alia senes; quod multa Maffejus, quae in eum librum fervore quodam mentis conjecerat, in

Museo Veronenſi repudiata jam ab ſe atque emendata demonſtravit; quod perquam grave eſt ingenia hominum ex iis, quae ipſi nunquam polire, nunquam paſſi ſunt in lucem edere, a poſteris aeſtimari; quod illae ipſae leges, quae in invidiam vocantur, ita plerumque ſunt a Maſſejo propoſitae, *ut earum admonitu cautius judicemus*; nihil autem aut ipſe, aut qui operi notas adjecit, frequentius animis inculcant quam modum: modus verò non tam arte tradi, quam habitu quodam ingenii ac prudentia ſervari ſolet. Ego quidem eos, qui haec ſtudia colent, monitos etiam atque etiam velim, ne antea rejiciant quidquam aut probent, quam longo uſu & diligentiffima lapidum minime ſuſpectorum contemplatione illud didicerint neſcio quid, quod peritiſſimi numiſmatum atque omnis vetuſtatis aeſtimatores conſecuti ſunt, ut ex ipſa ſpecie atque forma operis de antiquitate aut rurfus de novitate probabiliter conjiciant; tum iis Maſſejanas regulas ſapienter adhibitas maximae utilitati fore conſido ac recipio: etenim earum uſu & dubitatio ſaepe praecidi: & certior quaedam rerum notitia parari poteſt.

Dum haec jamdiu a se inchoata perficere cogitabat Maffejus, maxime confidere videbatur diligentiae Seguerii, quem, ut diximus, domi habebat; & cum familiarissime quoque uteretur Josepho Torellio sui amantissimo, & omnium suorum consiliorum & sermonum participi, plura ab utroque rerum gerendarum adjumenta exigebat. His quoque adjutoribus usus est, cum onus in se suscepisset scribendarum Ephemeridum de rebus ad Italos litteratos pertinentibus, quas quod intermiserat Apostolus Zenus, e re Italiae esse putavit Maffejus aliquem extare, qui quod dignum cognitu ederetur, referret; sed non tam aliorum, quam suae gloriae servire voluit, cum saepe multus & insolens fuerit in suis scriptis praedicandis. Opus Carolo VI. Caesari dedicavit, & ad sex usque volumina, ut supra retulimus, perduxit. Disces ex hoc quid ipse praestiterit, cum Trifini opera anno MDCCXXIX. Veronae typis ederentur; quam dederit symbolam ad perficiendam editionem Veronensem operum S. Hieronymi; quantum in Cassiodorio (seu Cassiodoro, uti ejus obrectatores volebant)

elaboraverit ; quantum scenae & poesi servierit ; quantam vim Venetorum & Veronensium documentorum collegerit ; quanta cognitione librorum editorum excelleret ; quam libenter in suis studiis antiquitatis conquiesceret , ut nova conquereret , & ignorata explicaret ; quantum lumen rebus Etruscis attulerit ; quibus argumentis demum (non enim singula commemoranda arbitror) retunderit Gorii loquacitatem , & Fontaninii arrogantiam coarguerit . Satis multa supra narravimus de disputationibus cum Gorio habitis ; restat ut de Fontaninio pauca dicamus . Cum Romae primum fuit , junxerat cum eo amicitiam Maffejus ; sed cum idem mirabiliter morosus , anxius , iracundus & difficilis esset , *composuit epistolas* Maffejus ipse , quod a Germanico cum Pisone actum narrat Tacitus , *queis amicitiam ei renunciabat* . Homo ob hanc rem exarsit iracundia & stomacho , omnesque captabat occasiones Maffejo , quam maximum posset , dolorem inurendi . Saepe erat irrisor scriptorum illius , & aliorum quoque odium in eundem concitare satagebat ; nam implacabiles erant illius

iracundiae, & nullo medicamento illius fu-
 rens petulantia sanari posse videbatur. Diu
 filuit Maffejus, quod ei erat persuasum nul-
 lam esse laudem, quae ex hujusmodi concer-
 tationibus peti posset. Sed, eodem mortuo,
 cum judicium proferendum suscepisset de li-
 bro, quem ipse inscripserat; *Dell'Eloquenza
 Italiana*, tot illum erroribus foedatum pro-
 bavit, ut esset hoc uno minus vitio vitio-
 sus, quod homo multarum diversarumque
 rerum molitor raptim illum confecisse affir-
 maret. Multa erant in eo aut praeterita,
 aut dicta ad minuendam Maffei famam,
 quae res plurimum valuit ad hujus animum
 magis ac magis exacerbandum. Ulciscendi
 igitur adversarii causa non illa modo, quae
 diximus *de Italica Eloquentia* vulgavit, sed
 emisit etiam Latinam epistolam, qua adver-
 sus Fontaninii censuras rationem reddidit;
 quare ipse Cassiodorium, minime vero *Cas-
 siodorum* scribendum censuerit. In has ipsas
Ephemerides litteratorum Italiae idem intulit
 explicationem, quam fecit, vasis ex achate
 Orientali, quo nil magis affabre elaboratum
 fuisse videtur, quodque Farnesianum Museum

ornabat, de qua explicatione minime renovandam orationem arbitramur, quia satis multa de ipsa in Blanchinii vita exposuimus. Inter haec ad amplificandas domesticas laudes commentaria, quae de rebus suis scriptis Alexander Maffejus frater, typis imprimenda curavit. Porro beatos putabat, quibus Dei munere datum est aut facere scribenda, aut scribere legenda; beatissimos vero, quibus utrumque. Et quidem fuerat Bavaricarum copiarum ille supremus Ductor bello strenuus & consilii plenus, qui cum dies ac noctes cogitasset, qui posset se *tolere humo, victorque virum volitare per ora, fama* & immortalitatis securus sine arrogantiae nota ea narrare se posse praelia putavit, quibus non interfuit modo, sed etiam praefuit. Sunt in iis commentariis mirabilia multa, nihil non simplex & sincerum, & si quid emendatione indiguit (non enim is multum litteris studuerat) Scipio & emendavit, & quadam etiam elegantia oblinivit. Cum fratri quod debebat perfolvisset, de scribenda agri Veronensis historia cogitavit, quam physica multa ornare debebant. Nemo

enim ignorat , quantum Veronenses praesertim montes abundant piscibus in lapidem conversis , ceterisque hujusmodi rebus ad historiam naturalem pertinentibus . Mirificum se ei praebebat adiutorem , ut in multis, Seguerius , qui totam aetatem in his studiis consumpserat , quique ad confirmandum in proposito Maffejum versus illos usurpabat;

*Hunc obrectare si volet malignitas,
Imitari dum non possit, obrectet licet.*

Materiae cum satis esset operi , nescio quae de causa consilium damnaverit suum Maffejus; quanquam & de his rebus quaedam exposuit in epistola , quae est in manibus , ad Condaminium . Sed fortasse majorem sibi obventuram laudem , majoremque gratiam ab auctore religionis Deo se initurum speravit ex theologicis studiis , quae idcirco impensius excolebat , quod gravitate utilitateque cetera vincere diceret , utque probaret adversariis suis hominem etiam laicum posse gloriose & utiliter in iis versari . *Sua cuique cum sit animi cogitatio , colorque proprius,*

*non levitas mihi (haec ferme in verba scri-
bebat ad amicum) sed certa ratio causſam con-
textendi opus de uſuris dedit. Sunt qui tradunt,
alienos ſenſus ſuas in chartas ipſum tranſtu-
liſſe, ſed certe non mediocris ei tum parta
gloria fuit, quod multi ejus ſententiam ſe-
cuti ſint, & illo magiſtro, defendere ſe poſ-
ſe contenderint, mutuari quem poſſe pe-
cuniam, & inde lucrum aliquod ſperare,
quin propterea divinae legis praefcripta vio-
lentur. Sed ut ad libri argumentum propius
accedamus, principio definivit vim vocabulo-
rum, quae ad uſuram pertinent, ut probe in-
telligeretur quid eſſet illud, de quo diſpu-
tabatur, & ut quiſque facile in ſenſum &
mentem divinarum Scripturarum intrare poſ-
ſet. Non Latine modo & Graece, ſed &
Hebraice luculenter ſcire Maſſejus tibi vide-
bitur, qui quidem dicebat ſe ſenem Hebrai-
cas litteras didiciſſe, ſicque aſide arripuiſſe,
quaſi diuturnam ſuam explere cupiens. Poſt
haec ea loca Scripturarum aſſeruntur, quae ad
uſuras pertinent, neque haec modo a Maſ-
ſejo explicantur, ſed etiam praecepta tradun-
tur interpretandi dicta illa omnia, quae mo-
res*

res spectant, in quibus nihil contineri existimare debemus, quod vitae necessitati, & recto reipublicae ordini ac bono adversetur. Minime dubitat, quin cuncta illa testimonia referri debeant ad graves usuras, ad anaticismum, & ad eas, quae a pauperibus exigebantur: quod ut bono in lumine collocaret, necesse ei fuit mores hac in re veterum Romanorum, Graecorum, atque Hebraeorum declarare. Non aliter interpretatur sacrorum Conciliorum decreta, ex quibus, ut & ex SS. Patrum auctoritate ac testimoniis, magnum sententiae suae se allaturum pondus confidebat. Postremo hoc loco Casuistarum sententias in medium affert, gradum inde facturus ad ea argumenta, quae a ratione pendent, non tam sua proponens, quam contraria refellens, ex quibus conjicies fuisse Massejum peracutum ad excogitandum quid in aequo verum aut esset aut non esset, & magnas ei gratias plerosque habuisse, quod patrocinium arripuerit aequitatis utilitatisque publicae, cum justam esse exactionem usurarum defenderit, si modicae sint, & ab iis solvantur, quibus sunt fortunae & bona.

Id enim si minime concederetur, actum fore de publico commercio ii affirmabant. Nunquam sibi magis placuisse visus est Maffejus, quam dum hunc librum vulgavit, qui commendatur stili elegantia, copia doctrinae & nomine ipso S. Pontificis Benedicti XIV., cui ad conciliandam eidem auctoritatem illum ipsum nuncupavit. Sed, quod mireris, Pontifex ipse postquam plausisse visus est Maffei industriae, ea pronuntiavit, quae illa praecepta, quae probabant non Maffejus modo ipse, sed & alii tum veteres tum recentissimi Scriptores, in quibus eminēbat Nicolaus Broederfenius, funditus evertunt, sancte affirmans, qui ex mutuo aliquid exigunt, ab iis homines laedi, & leges ac jura divina labefactari (1). Doluit quidem Maffejus

(1) In lib. X. cap. IV. §. X. *De Synodo Diocesana* haec habet. Verum quoniam tot doctorum auctoritate & argumentis minime perterriti praedictam exoticam opinionem nonnulli iterum refricare non dubitarunt, propterea nos ad Petri Cathedram eveſti, ne Catholicae doctrinae puritas, cujus depositum nobis est a Christo concreditum, hac erroris labe foedaretur, datis ad Italiae Episcopos encyclicis litteris sub die 1. Novembris an. MDCCXLV. haec inter

ob hanc rem vehementissime; nam si labi, errare, nescire & decipi in quacumque re & malum & turpe dicimus, hoc magis etiam affirmare debemus in eo, quod pertinet ad morum scientiam. Ne tamen putes nullos nunc extare theologos, qui minime as-

K 2

cetera declaravimus: primo omne lucrum ex mutuo, ratione mutui usurarium & illicitum esse: secundo ad usurae labem purgandam nullum arcessiri posse subsidium, vel ex eo, quod id lucrum non excessivum & nimium, sed moderatum, non magnum, sed exiguum sit, vel ex eo quod is, a quo id lucrum solius causa mutui depositeur, non pauper, sed dives existat, nec datam sibi mutuo summam relicturus otiosam, sed ad fortunas suas amplificandas, vel novis coemendis praediis, vel quaestuosis agitando negotiis utilissime sit impensurus: tertio quanquam una cum mutui contractu possint quandoque alii tituli, ut ajunt, forte concurrere, ipsi mutuo extrinseci, e quibus iusta oriatur causa, aliquid ultra sortem ex mutuo debitam exigendi, attamen falso & temere affirmare diximus, ejusmodi titulos semper reperiri & ubique praesto esse, ita ut illorum ratione, quotiescumque pecunia, frumentum, aliudve id generis, alteri cui cumque credatur, toties semper liceat auctarium moderatum ultra sortem integram salvamque recipere. Alia praeterea ediximus, atque in contractibus servanda commendavimus... ne usurae macula insitiantur.

sentiantur Maffei sententiae, qui velis, ut ita dicam, remisque contendant minime illam adversari aeternae legi, quae dux vitae & magistra officiorum esse debet. Quod quidem solari poterat hominem, qui omnia minora fama putabat, & qui tanta apud plerosque erat in opinione doctrinae, ut saepissime de moralibus quaestionibus consulere-tur. Haec enim studia praesertim oblectabant ejus senectutem, quanquam & gauderet interdum poesi, physica, & quod mireris, astronomia, cum speculam suis in aedibus exaedificasset. Cogebatur etiam saepe redire ad antiquitatem, ut consulentibus responderet; & quae de festis veterum, de obeliscis, de Quiriniano quodam dyptico, & de caminis (disputabatur enim, utrum veteribus fuerint in usu) exaravit, non mediocri in pretio habentur. Atque haec quidem studia sunt doctrinae, quae quidem prudentibus & bene institutis pariter cum aetate crescunt, ut honestum illud Solonis sit, quod ajebat versiculo quodam, senescere se multa in dies ad-discentem. Sed quam amabat etiam oblectamenta rerum rusticarum! Quam libenter &

jucunde cum amicis suis ruri commorabatur ! Poterat ne tantus animus, qui semper vigit in eo, non jucundam efficere senectutem ? Quia vero nihil tam delectat senes, quam honorari, appeti, decedi, assurgi, deduci, reduci, consuli, hac voluptate licebat frui Maffejo, de quo consensisse videbantur Veronenses omnes, populi primum esse virum. Non in sententia solum, sed etiam in nutu residebat ejus auctoritas; & cum omnes in illo honorando certarent, ne hujus singularis studii memoria moreretur, illi viventi celeberrimo in loco statua marmorea posita fuit. Cum a juventute maxime diligeretur & coleretur (non enim erat, ut sunt plerumque senes, morosus & durus) mirum quot excitaret ad praeclara studia colenda, & ad magnos pro litterarum & patriae gloria excipiendos labores. Ut vero omnibus probaret, ne seni quidem licere languidum & inertem esse, eique semper agendum aliquid quale cujusque studium in superiore vita fuit, librum de Arte magica scribendum suscepit. Antea quidem opusculum ediderat cum hac inscriptione: *L' Arte ma-*

magica dileguata, cui occasionem dedit Hieronymi Tartarotti liber de sagis, in quo quamvis plures aniles errores superstitionesque funditus everterit, magicae tamen arti plurimum is concedere videbatur. Hoc sapientis hominis minime putavit Maffejus, quare ad sanandos insitos mentibus vel prudentiorum errores opusculum, quod memoravimus, in vulgus emisit. Plures calamum sumpserunt ad confutanda dicta Maffei, quare hic & veritati & gloriae suae se servire arbitratus est, si argumenta, quae anguste refererat, dilataffet, & majori rationum testimoniorumque copia confirmasset. Magorum sacra, somniorum interpretes, illos omnes, qui infernas umbras carminibus se elicere, nubila pellere, nubila tempestatesque inducere, suoque pene arbitrâtu naturalia omnia miscere & gubernare, futura praedicere, & multa hujusmodi prodigia Daemonis ope se edere gloriantur, auctore Maffejo, non contemnendos solum, sed etiam irridendos judicaveris. Quas ineptias dum convellere studet Maffejus (omnis enim superstitio imbecilli animi atque anilis est) mirati se ait affirma-

tum a gravissimis theologis, esse vere magicam artem, & eum, qui in sacrorum librorum & SS. Patrum lectione fuerit versatus, non conjuncturum profecto cum Aegyptiorum dementia & poetarum erroribus omnium portenta magorum. Nihil ad hoc genus pertinet, quod non diligentissime conquiescit Maffejus, & cum omni eruditionis copia opus suum (1) ornasset, de adversariorum suorum aut imperitia, aut levitate visus est triumphasse. Theologum praesertim agit cum exponit SS. Patrum sententias, ut probet vim ferme omnem & potestatem Daemonum Christi morte extinctam fuisse, & quae ex sacris libris affert, declarant quidem acumen interpretis. Ex quibus omnibus confici posse videtur merito, a sapientioribus veterum derisos fuisse magos, nec minus a nobis, si sapimus, deridendos.

(1) Editum fuit Veronae an. MDCCLIV. cum hoc titulo: *Arte magica annihilata lib. III.* In extremo libro haec auctor adnotavit. *Terminata a gloria di Dio il primo Giugno 1754., nel qual giorno l'Autore entra la Dio grazia felicemente nell' ottantesimo anno dell' età sua.*

*Non enim sunt ii aut scientia aut arte divini,
Sed superstitiosi vates impudentesque harioli,
Aut inertes, aut insani, aut quibus egestas im-
perat (1).*

Extremo in libro scripta sua & vel poetica & historica defendere debuit Massejus a reprehensionibus Tartarotti, qui more inimicorum non suae modo defensor sententiae, & alienae oppugnator, sed injuriosus & contumeliosus in eos esse voluit, qui dictis suis minime subscripsissent. Praeter quam quod fuit quaedam fortuna fatalis Massejo, ut ubique fere adversarios & obrectatores laudum suarum inveniret (2), cum quibus omnibus si luctari voluisset, aliud in tota vita egisset nihil. Sed Enniana illa verba usurpans lepide ajebat: malo ego illos contemnendo *sapientipotens*, quam ulciscendo *bellipotens* videri. Poterat etiam se ipsum solari laudis

(1) Ennius apud Ciceronem lib. de Divinat.

(2) Vid. quae in vita Petri Jacobi Martellii narravimus de controversiis, quas hic habuit cum Massejo; Tom. V. p. 287.

conscientia , iisque opponere insignes & effusos suorum meritorum praedicatores , cujus partis principes Jesuitae numerabantur . Quanti illa quoque facienda magnis Principibus Lud. XV. , Carolo VI. Caesari , Regi Sardiniae , cui erat a cubiculis , Bavariae Electori , a quo inter *Clavis auratae Equites* fuerat adscitus , Benedicto XIV. Pontifici Maximo , & Veneto Senatui non placuisse solum , sed maximis de rebus , quae ad litteras pertinebant , ab eorum plerisque consultum fuisse ! Quot insignes doctrina viri scripta sua illi dedicarunt ! Quis illo magis floruit amicitiiis & potentium & gratiosorum ceterorumque , quos aut nobilitas , aut ingenium commendabat ? Ratio ipsa monebat amicitias comparare , comitas , facilitas & opinio virtutis conciliatrices erant benevolentiae , partisque amicis sic fruebatur , ut in iis oblectamenta & solatia vitae facile reperiret . Nihil tulit gravius , quam sibi aliquando alienati animi signa dedisse Apostolum Zenum , nihilque non egit , quod ad illius recuperandam gratiam conducere . Eandem ob causam visus est irasci iis , qui Antonii

Mariae Salvinii laudibus se minus favere dicantur, eaque propter omnes captabat occasiones de illo honorifice loquendi, & postquam in publicum emisit Catullianam Elegiam ex Callimacho de Berenices coma ab eodem elegantissime in Graecum conversam, idem se facturum spondit, si potuisset esse possessor hujusmodi deliciarum. Quamvis accusaretur, multa Jesuitarum opinione ponderare, & gratiae aut odio illorum solere subscribere, si ea tamen excipias quae *de Historia Theologica* exaravit, quaeque veritatis amorem ab se obtinuisse sancte affirmabat, ceteris in scriptis illius nulla indicia hujusmodi studii apparere mihi videntur. In colendis amicitiiis exempla egregia dedit liberalitatis, pene ut coegerit fortunam criminis puduisse sui, quod ei amplum patrimonium ad multorum gratiam sibi demerendam minime concesserit. Valebat industria in agendo, celeritate in conficiendo, consilio in providendo; ne vero succumberet labori, & ut ad cogitandum melior sibi mens rediret, pomeridiana tempora familiaribus sermonibus libenter concedebat. Con-

currebant omnes ad ejus domum, in qua nihil erat nisi religiosum & castum, & ipsa domini religio omnino singularis, & par humanitas vel asperiores natura homines non invitabant modo, sed etiam alliciebant. Cum nancisceretur homines loquendi elegantia pollentes, mirifice iis delectabatur, quod ipse esset elegantiarum omnium studiosissimus. Ne tamen existimes velim aurea semper illum fuisse verba. Ejus enim scripta Latina raro sermonem purum conservant ab omni vitio remotum: Italica vero, quamvis hominem in scribendo exercitatum, urbanum, elegantem declarent, habent tamen interdum quosdam dicendi modos, qui semper non implent aures meas, & quos humiles & abjectos facile dixeris. His maculis, meo iudicio, ne ipsa Merope quidem caret, & nimium fortasse Comoediae ejus abundant. Numismata, quae summa cura collegerat, amicis distribuit: manuscripta Graeca, Latina atque Italica Collegio Canonorum Veronensi donavit; & alia aliis legavit. Quare illius supremas tabulas tanquam insigne testimonium ejusdem pietatis in Deum, ca-

ritatis in sanguine conjunctos, & bonitatis liberalitatisque in amicos omnes, facile praedicaveris. Ex asthemate, quod sensim coalluerat, cum laboraret, nec jam videret sibi diutius vivendum, divinis rebus unice operam dedit. Tum vero intellectum quantum universae civitati carus esset, cum preces publicae indictae fuissent, & sacrificia pro ejus salute magna cum cerimonia peracta. Cum vero ex hac vita decessisset prid. id. Feb. anno MDCCLV. exequiis, pompa, laudatione ejus memoria celebrata fuit, perinde ac si lumen, decus & ornamentum civitatis extinctum esset. Sepultus est in Aede S. Mariae, cui ab Scalis nomen est; & quo perpetuo versarentur ante oculos Veronensium tanti viri imago & exemplum, statua eidem publica pecunia in foro posita fuit.

INDEX OPERUM

Qualis ab Editore Artis Criticae Lapidariae editus est. Secui enim hunc sumus, quod nulli diligentiae in eodem Indice conficiendo is percipisse videatur.

P*Er la nascita del Principe di Piemonte Genetliaco.*
Romae 1699. 12. Infra dies octo bis recusum cum
Lud. Anselmi Gualterii adnotationibus 12. Iterum Venetiis in tertia *Meropis* editione apud *Jac. Thomafini* dein ibidem con *Rime e Prose* ejusdem Auctoris 1719. 4. & demum Veronae nella *Raccolta delle Poesie*. De eodem Vid. *Cinnellam Biblioteca Volante*. T. III. p. 232. *Quadrium* Vol. II. p. 253. *Diar. Liter. Ital.* Tom. XX. pag. 465.

Il Sansone Oratorio per Musica, Florentiae 1699. 12. Extat etiam in libro vulgo *delle Poesie e Prose* ejusdem Auct. Veronae 1719. & in II. Vol. *delle Poesie*, Veronae 1752.

Conclusioni d' Amore, Veronae 1702. 12. Iterum Venetiis tra le *Prose* 1719. 4. Gallica etiam fuerunt versae, & editae Bruxellis, vel potius Parisiis 1755. in libro, cui titulus: *Melange des maximes, des reflexions, & des caracteres par M. D. . . D. . . sentie en droit* 8. in quo e regione textus Italicus.

La prima radunanza della Colonia Arcadica Veronese, Cerviae 1705. 4.

Giudizio sopra le Poesie Liriche di Carlo Maria Mag.

gi in Epistola ad Comit. Ant. Garzadoro . Venetiis 1706. 8.

Della Scienza chiamata Cavalleresca , Romae 1710.
4. Venetiis 1711. cum adprobatione Academiae vulgo della *Crusca* , & peramplo Indice, Neapoli 1718. cum praefatione & adnotationibus Sebast. Pauli Congregationis Matris Dei . Panormi 1710. & alibi .

Prefazione del Primo Tomo del Giornale de' Letterati d' Italia . Venetiis 1710.

Succinta notizia de' MSS. che si conservano nella Real Libreria di Torino con alcuni aneddoti da essa tratti. Lettera al Sig. Apostolo Zeno sub die 6. Junii 1711. in *Diar. Liter. Ital.* T. VI. edit. eodem anno .

De Fabula Equestris Ordinis Constantiniani , Parisiis (Tiguri nomine) 1713. 4. Istiusmodi editio concedita fuit Cl. Montfauconio .

Lettera al Valisnieri sopra i fulmini sub die 10. Septembris 1713. Recusa inter Profas Auc. cum aliis epistolis 1747. Gallice versa in *Bibliotheca Italica* T. IV. p. 193. ubi falso dicitur scripta an. 1722.

Merope Tragedia Venetiis 1714. 8. Typis Jacobi Thomadini .

Epistola ad Cl. Baccinium de nonnullis fragmentis sub nomine S. Irenaei in *Bibliotheca Regia Taurinensi* adservatis , & a Pfaffio evulgatis , edita in Vol. XVI. *Diar. Liter. Ital.* p. 245. cuso 1714. Altera Epistola de eodem argumento ad *Bacchinium* extat inter opuscula ad calcem *Hist. Theolog.* p. 10.

Epistola III. *sopra i frammenti Greci dati in luce nel Tomo XVI. del Giornale* recusa apud Batavos sub nomine S. Irenaei . Vid. cit. *Diar.* T. XXVI. p. 33.

iterum edit. Inter *Profas*, & ad calcem Hist. Theolog. p. 15. sub die 3. Aprilis 1719. Altera Epistola ad Cl. Bacchinium de iisdem Fragmentis edita inter opuscula ad finem Hist. Theol.

Rime e Prose del Sig. Marchese Scipione Maffei parte raccolte da varj libri, e parte non più stampate aggiunto anche un saggio di *Poesie Latine dell'istesso Autore*, Venetiis 1719. 4. Epistolam (quae in hac collectione est de *Priscis Veronae Episcopis*) habet, etiam in *Italia Sacra* Ughelli ex edit. Coleti. La *tezione sopra il vario gusto de' Poeti Italiani* recusa est in opere Bissi Soc. Jesu in libro, qui inscribitur: *Introduzione alla volgar Poesia*, Lucae 1755. & in Gallicam linguam versa, adnotationibus aucta in Bibliot. Italica T. I. p. 223. & Tom. II. p. 276. in qua reperies etiam quidquid Maffejus elucubravie in cit. *Diar. Liter. Ital.*, si excipias ejusdem Auctoris experimenta *speculo aetoris facta*, & compendium operis Bacchinii de *Ecclesiasticae Hierarchiae originibus*, & alia etiam. Vid. Pindemont. *Risposta* &c.

Dell' antica condizione di Verona ricerca istorica Venetiis 1719. 8. (Vid. *Diar. Lit. Ital.* T. XXXIII. P. II. p. 524.) D. Abb. Sambuca istiusmodi opus recusat in libro, qui inscribitur: *Raccolta delle cose spettanti a Cenomani*. Brixiae 1750.

Traduttori Italiani, o sia notizia de' volgarizzamenti di antichi Scrittori Latini e Greci, che sono in luce, aggiunto il volgarizzamento di alcune insigni Iscrizioni Greche, e la notizia del nuovo Museo d' Iscrizioni, Veronae col paragone fra le Iscrizioni e le medaglie, Venetiis 1720. 8.

Epistola di S. Gio. Grisostomo a Cesario rappresentata come sia nel Codice Fiorentino, Florentiae 1711. 8. eodem anno bis edita fuit ibidem, iterum recusa in *Historia Diplomatica*, & inter *Opuscula ad calcem Hist. Theolog.*

Cassiodorii Complexiones in Epistolas, & Adā Apostolorum, Apocalypsim e vetustissimis Canonorum Veronensium membranis, nunc primum erutae, Florentiae 1711. 8. Samuel Candlerus eodem anno recudit Londini, & anno 1713. tertia editio Roterodami: ab Autore recusae sunt etiam in fin. *Hist. Theologicæ.*

Teatro Italiano Vol. I. II. o sia scelta di dodici *Tragedie per uso della scena, premessa un' Istoria del Teatro e difesa di esso*. Veronae 1723. Vol. II. 8. *Del Teatro Italiano*. Vol. III. Veronae 1725. Idem opus recusum Veronae 1728. iterum Venetiis.

Literarum Graecarum potestas & affectiones. Veronae 1726. 8.

Istoria diplomatica, che serve d' introduzione all' Arte Critica in tal materia, con raccolta di documenti non ancora divulgati, che rimangono in papiro Egizio, con ragionamento sopra gl' Istituti primitivi, per appendice l' Epistola a Cesario, Atti de' SS. Fermo e Rustico, e vita di Zenone, Mantuae 1727. 4. Circa hujus anni finem, & insequentis initium iterum *Cassiodorii* editionem molitus est. De qua nonnullas elucubrationes prooemiales habes in *historia Theologica*: idest *disputationem*, quae inscribitur *Cassiodorii Complexiones Catholicis dogmatibus egregie continere*: Alteram, cui titulus, *de Romanorum nominibus, qua de iis, quae in Cassiodorianae editionis fronte immutanda*

sunt, ratio redditur, & nobile argumentum fusc, late-
que illustratur, cum docta praefatione de Cassiodorii Com-
memario in Psalmos: (Osservazioni Letterarie T. III.)

*Supplementum Acacianum monumenta nunquam edita
continent. Venetiis 1728. 8. Eodem anno recusum in
V. Vol. Collectionis Conciliorum edit. Coleti: ite-
rum inter opuscula ad calcem Historiae Theologicae,
& illustratum a Cl. P. de Rubéis in Dissertatione de
una sententia Damnationis in Acacium, Venetiis
1729.*

*Commedia delle Cerimonie, Bononiae 1728. 8. ite-
rum Venetiis eodem anno in 8.; recusa etiam in
Theatro ejusdem Auctoris, Verona 1730. Dein ibi-
dem Typis Petri Antonii Berno 1732. & anno 1752.
fra le Poesie T. II.*

*Degli Anfiteatri, Verona 1728. 8. iterum in ope-
re qui inscribitur. Verona Illustrata.*

*Teatro del March. Maffei, cioè la Merope, le Ce-
rimonie, e la Fida Ninfa. Verona 1730. 8.*

*Lettera sopra il caso di Cesena. Verona 1731. 8.
iterum tra le lettere de' Fulmini 1747.*

*Verona Illustrata 1732. in fol. T. II, & ia 2. T.
IV.*

*Propectus (a nostro Auctore Italice scriptus) uni-
versalis Collectionis Latinarum veterum, ac Graeca-
rum Ethicarum, & Christianarum Inscriptionum,
quem nova Veronenfis Societas totius Europae do-
ctis, reique antiquariae studiosis hominibus exhibet
ac proponit: Italice ab nostro Auct. scriptus, hunc
Beccellus recusit 1746. Verona in fine Siglarnum Graec-*

TOM. IX.

L

carum p. 111. Gallicè versum habes in Bibl. Ital. T. XV. art. IV. p. 84.

Scipionis Maffei Marchionis Epistola, in qua tres eximiae, ac nunquam antea vulgatae Inscriptiones exhibentur, atque illustrantur, Veronae Typis Jacobi Vallurii 1733. in 4. Iterum edita in Galliae Antiquitatibus, & in Biblioth. Ital. T. XIV. p. 212. & in Museo Veronensi p. 322.

Galliae Antiquitates Parisiis 1733. 4. & Veronae 1734 quibus accedunt duae aliae Epistolae.

La religion de' Gentili nel morire. Parisiis 1736. 4. Extat in I. Vol. *Osservazioni Letterarie*.

Eodem anno 1736. edidit Londini Traduzione del primo libro dell' *Iliade* 8; recusa in I. vol. delle *Osservazioni Letterarie*, & in opere, cui titulus; *Traduzioni Poetiche*.

Memorie del General Maffei, Veronae 1737. 12. Ex Italico Gallicè redditas, & editae Hagae Comitum Typis Joh. Neaulme.

Osservazioni Letterarie, che possono servir di continuazione al Giornale de' Letterati d' Italia, Veronae 1737. 11. T. I.

Osservazioni Letterarie Tom. II. & T. III. Veronae 1738. 12.

Osservazioni Letterarie, T. IV. Veronae 1739. 12. T. V. ibid.

Osservazioni Letterarie, T. VI. Veronae 1740. 12.

Dissertazione sopra le parole Nama Sebesio. Romae 1741. in III. Vol. *Dissertationum Academiae Corsinensis*.

Storia Teologica delle dottrine e delle opinioni corse

ne' cinque primi secoli della Chiesa in proposito della Divina Grazia, del libero arbitrio e della Predestinazione, Tridenti 1742. fol.

Accesserunt huic Historiae varia ejusdem Auctoris opuscula Ecclesiastica partim edita, partim inedita, nimirum:

Succinta notizia de' MSS. nella Real libreria di Torino.

Esame di alcuni frammenti Greci usciti dalla medesima, e nuovamente venuti in luce col nome di S. Ireneo. Per occasione di essi prove irrefragabili della Dottrina Cattolica in proposito dell' Eucarestia.

Nell' istesso argomento lettera II. e III.

L' Epistola a Cesario rappresentata come sta nel Codice Fiorentino, e illustrata con alcune considerazioni, che assai distruggono quanto si è scritto dagli Eterodossi in proposito di esso.

Come da' MSS. antichissimi del Capitolo di Verona si può sicuramente raccogliere, che il carattere chiamato Gotico e Longobardo altro non è che il corsivo antico de' Romani, e molti saggi de' loro caratteri.

Bibliothecae Veronensis MS. Pars prior Capitularium Codicum notitiam complectens. Codices Biblici, & Hieronymiani . . . Codices, in quibus Concilia & Canones continentur. Codices, monumenta nondum edita continentes. Codices varii . . . Codices liturgici . . . Acta quaedam vetera ex Veronensi Tabulario Capitulario.

Cassiodorii complexiones in Epistolas, & Acta Apostolorum, & Apocalypsin et vetustissimis Canoniceorum Veronensium membranis nunc primum erutae,

& Praefationibus, atque adnotationibus illustratae ?

Cassiodorii Complexiones Catholicis dogmatibus egregie continere adversus Cl. V. Samuelem Chandlerum.

De nova Cassiodorii editione adornanda.

De Romanorum nominibus Dissertatio, qua de iis, quae in Cassiodorianae editionis fronte immutanda sunt, ratio redditur, & nobile argumentum fuscitateque illustratur.

De Cassiodorii Commentario in Psalmos.

In Veronensem S. Hilarii editionem Praefatio

Felicii III. Epistola, qua percelebris, sed involuta *Acacii* causa in optimo tandem lumine collocatur, cum praefat. & adnotationibus.

Felicii III. & Gelasti Epistolae duae.

De Priscia Veronae Episcopis.

De' Versi Ritmici, e dell' origine loro per occasione de' due ritmi nell' antecedenti operette riferiti.

Frammento insigne di Storia Ecclesiastica del IV. secolo con documenti originali. Eamdem Historiam Theologicam ex Italico Latine reddidit Cl. Frid. Reiffenbergius Soc. Jesu, Francofurti ad Moenum, & Moguntiae apud Franc. Varentrapp. 1756. in fol. in qua edidit omnes apologias pro ipsa Historia, & rejecit omnia opuscula, quae ad Gratiae disputationem non pertinent.

De Haeresi Semipelagiana, Roboreti 1743. 12. iterum edita inter opuscula Calogeriana T. XXIX. & in Latina versione dictae Historiae Theologicae extat alia editio.

Dell' impiego del denaro. Veronae 1744. 4. iterum

una cum Epistola ad Summum Pontificem , & Encyclica Benedicti XIV. Romae 1746. & Bassani 1756. 4.

Primo abozzo di Storia Universale, Verona 1745. 12. & Venetiis in Collectione Calogeriana T. XXXII.

Graecorum siglae lapidariae collectae, atque explicatae. Veronae 1746. 8.

Traduzioni Poetiche, o sia tentativi per ben tradurre in verso esemplificati col volgarizzamento del primo libro dell' Iliade (fatto dal Maffei) del primo dell' Eneide (fatto dal Sig. Giuseppe Torelli, cujus est eruditissima Praefatio) e di alcuni Cantici della Scrittura, e d' un Salmo (dell' istesso Maffei). Veronae ex Typographia Seminarii 1746. 8.

Della formazione de' fulmini e degl' insetti rigeneranti e de' pesci impieiriti e dell' elettricità, Veronae 1747. 4.

Il Raquet Commedia. Veronae & Venetiis, Typis Coleti 1747. 8.

Tre Lettere, I. sopra il Tomo I. di Dione, II. sopra le nuove scoperte d' Ercolano, III. sopra il principio dell' Iscrizione Piacentina, Veronae 1748.

Lettera sopra le feste dei Gentili. Pisauri 1748. 4.

Arte Magica dileguata. Veronae, 1749. 5. Istiusmodi opusculum Gallice versum, & recusum est una cum Dissertatione P. Calmer.

Museum Veronense, cui Taurinense adjungitur, & Vindobonense, Veronae 1749. fol. cum fig.

I primi Canti dell' Iliade tradotti in versi Italiani, Veronae 1749. 8.

Arte magica distrutta sotto nome di Antonio Fiori, Tridenti 1750. 4.

Iscrizione Greca esaminata, Veronae 1750. 4.

Risposta all' Anonimo impugnatore dell' Istoria Teologica, Veronae 1750. 12.

Replica all' Anonimo, Veronae 1750. 4.

Conferma delle Risposte date all' Anonimo, Veronae 1751. 4.

Lettera sull' obelisco scoperto in Roma in Commentario Cl. Bandinii de Obelisco &c. Romae 1750. & in Collectione Calogeriana T. XLV.

Lettera sopra il Rinoceronte, Venetiis 1751. in cit. Collectione Calogeriana T. XLV.

Leonis Sapientis Homilia, Patavii 1751. 8.

Giansenismo nuovo dimostrato nelle conseguenze il medesimo, o anche peggiore del Vecchio. Venetiis 1752. 4.

Dei Camini degli Antichi Dissertatio in Collectione Calogeriana T. XLVII. edit. Venetiis & in Vol. II. delle Poesie, Veronae 1752. Typis Antonii Andreoni 8.

De Teatri antichi e moderni, Veronae 1753. 4.

Arte magica annichilata, libri tre con un' appendice, Veronae 1754. 4.

Dittico Quiriniano, Veronae 1754. 4.

Lettere del Maffei: I. in II. Vol. Operum Gregorii Majanfi, edit. Matrini 1735. II. in libro, cui titulus: Observationes nonnullae cum litteris variorum ad ea, quae scripta sunt de Ab. Hyacintho ex Comitibus de Vincioliis pag. 148. III. in libro Comitibus Rainaldi Carli, cui titulus: Degli Argonauti p. 138. IV. & in opere, quod inscribitur: Raccolta di scritture concernenti la diminuzione delle Feste edit. a Cl. Muratorio Lucae 1748. V. in Desiderati Pindemontis Risposta universale all' opposizioni fatte all' opere del Sig.

Marchese Maffei edit. Veronae 1754. p. 99. seqq. VI.
 & in libro demum cui titulus: *Memorie Istorico-Critiche intorno all' antico stato de' Cenomani.*

Opera Maffei adscripta.

Una Traduzione di certa Relazione di Parnesso, Abbe Artigny. Est D. Rolli.

Nonnullae elucubrationes editae Parisiis a quodam Scriptore Ephemeridum rerum gestarum vulgo *Fogliante* Maffei nomine.

Editio operum S. Paulini, Veronae 1736. eidem Maffei attribuitur ab Advocat.

*Aliorum Opera, quibus Maffejus suam
 symbolam contulit.*

Nella Raccolta di tutte le opere di Gio. Giorgio Trissino. Veronae 1729.

Vid. ejusdem Trissini vitam elucubratam a D. Cassello & Art. VI. Vol. II. *Osservazioni Letterarie* p. 88.

In nova Editione Operum S. Hilarii Episcopi; Veronae 1730. vid. Opuscula in fin. *Hist. Theologicae.*

In eximia Editione Operum S. Hieronymi, Domini Vallarsii cura prodiit Veronae primum 1734.

In Editione S. Zenonis cura Fratrum Ballerinorum Veronae 1739. Confer. Praefat. p. 5.

Opera promissa & imperfecta relicta.

Ars Critica Lapidaria vid. *Osservazioni Lett.* Tom. I. p. 243. T. IV. p. 336. T. VI. p. 425. Becellum in *Siglis Graec.* p. 117.

Raccolta universal d' Iscrizioni (Osservazioni letterarie Tom. I. p. 243.)

Siglae Latinae in Museo Veronensi promissae :

De usu & praestantia Inscriptionum antiquarum. Bocelli

l. c. p. 118.

Antichità figurata. Bocelli l. c.

Monumenti Etruschi. Bocelli l. cit.

Bibliotheca MS. Veronensis (Osservazioni Letterarie T.

l. p. 57. T. VI. p. 409.)

Della poesia degli Ebrei. Torelli prefazione alla versione d' alcune poesie della Sacra Scrittura p. 153.

Una nuova Edizione dell' Opera del Pastrengo de ordinibus rerum , o piuttosto de Viris Illustribus , Ver. Illustr. Part. II. ubi de Gulielmo Pastrengo .

ANGELUS FABRONIUS

GASPARO MOLLO

R

LUSCIANI DUCIBUS

S. P. D.

Nescio quo fato in ea nunc devenimus tempora, quibus omnes tacito quodam sensu sine ulla arte ac ratione, quae sint in artibus ac rationibus, recta ac prava dijudicare se posse putant; & quamvis verum sit, plus sine doctrina prudentiam, quam sine prudentia valere doctrinam, verissimum tamen illud etiam puto; quemadmodum de pictore, sculptore, fictore nisi artificem, sic de alienis scriptis nisi eum, qui artificiose scribit, posse recte judicare. Hinc fit, ut plerique saepe damnent, quod non intelligunt, nec parcant ipsis summis viris, qui ad decus & gloriam Litteratorum reipublicae nati videntur. Ut olim Homerus, nunc vel ab iis, qui sapere putantur, redarguitur Dantes, nec in

telligunt infeliciſſimi Cenſores in dirigendis huiusmodi iudiciis naturam , fabulam , materiem , *εποικον* poematis , nec non mores , ingenium , religionem , dogmata ſaeculi , in quo vixit poeta , omnemque demum ſtatum reipublicae ſpectandum , & in perſcrutandis omnibus operis partibus pene ad ſcribendi ſollicitudinem , ut monerat Quintilianus , deſcendendum . Qui magna exemplaria omnium ſaeculorum , omniumque hominum adprobatione & conſenſu laudata reprehendere audet ob quaedam vitia , & ſi vis etiam errata (nam quandoque bonus , ut agebat ille , dormitat Homerus) minime audiendi ſunt , & tanquam homines , qui cor non habent , neque pulchritudinum adſpectu moventur , & qui cum ſint ipſi vicioſiſſimi , nil niſi maculas & naevos vident , contemnendi . Sane paucorum eſt artem criticam exercere , quod munus non tam artis , quam naturae exiſtimandum eſt . Eloquentem enim philoſophum nullus recte iudicabit , niſi ſenſum habeat humanitatis & virtutis , ac nullus de optimo genere orationis & poeſis ex vero pronuntiabit , niſi iidem motus ciantur in illo , qui his ſcriptis cauſam dederunt , quibuſque velut igne quodam tum ſcriptoris tum auditoris animus de-

bet incendi. Ipsa ars judicandi ex natura effi-
 cta videtur, cum ipsam tantummodo consuluerit,
 & praecepta, quae olim, hac consultrice, condidit,
 & dispersa collegit, quamvis sancta pueniunt,
 facile violari patietur, si suadebit utilitas, quam,
 relictis magistrorum auctoritatibus, in primis se-
 quendam esse monebat meo quidem judicio mo-
 nitorum omnium sapientissimus Quintilianus. Si
 magnus ut Sophocles & Cornellius (doleo vhe-
 menter tragicos poetas deesse Italiae, qui Gre-
 cis possint aequari) admirationem commovebis,
 si ut Euripides & Racinius, mollis & tener rigi-
 dorum animos afficies, si ut Homerus, Dantes
 & Arcostus, res sic pingas, ut ante oculos positae
 videantur, neque paucis offendar maculis, neque
 inquisitor nimium severus exigam scripta tua ad
 omnes leges & praecepta Aristotelis; & extor-
 quebis a delicatioribus, ut fateantur minime prae-
 eidendam quamdam libertatem, immo licentiam
 iis, qui magna tentare & volunt & possunt.
 Profecto neque Homerus, neque Dantes, neque
 Cornellius e Gallis, neque Sakspearus e Britan-
 nis, ut de ceteris fileam, adeo admirandi exis-
 tissent, si nostris vixissent temporibus; quibus cri-

dicii fundamentum esse debeat litterarum & veritatis amor, mirari debemus Censoris munus eos plerumque sibi assumere, qui partium studio ducuntur, & qui quidquid habent vocis & linguae, in turpissimum calumniae quaestum conferre non dubitant. Neque illud magis admiror semidoctos homines tantum sibi in hoc genere tribuere, quantum vel doctissimi minime auderent, cum nihil difficilius sit in omni re videre, quid sit pulchrum, quid turpe, quid utile, quid non. Id ex eo praesertim intelligi potest, quod plurima affluerunt saecula, antequam homines didicerint in rebus physicis patienter & lente interrogandam naturam, plura evenia inter se conferenda atque conjungenda, ipsa experimenta, ne irrepas error, saepius repetenda, & ad pauca aspirandum inventa, quod raro & sero & quasi per gradus verum omni ex parte se se prodat. Eadem ferme dicito de metaphysica, quam cum diu separassent homines a morum scientia, ut inanibus speculationibus totam concederent, vixi sunt imitari Virgilianum illum luctatorem, qui alterna brachia & protendit & jactat, & auras verberat ictibus. Ut in humanioribus literis, sic in hujusmodi disciplinis quoddam sa-

nioris critices genus locum habere debet, quod devios revocet, & rectum ingressos iter in propositum confirmet; quam censoriam potestatem ita tantummodo poterunt sibi arrogare, qui diu & multum sint in philosophicis studiis versati. Si me audiunt, hi cordati viri philosophiae imperium ad alias quoque artes traducere studebunt, quibus homines & sapientiores & meliores fiant, & exigent praesertim ab historiae scriptoribus (quis enim ignorat illam & appellari, & esse vere magistram vitae?) ut in mores & naturam populorum inquirent, perscruentur eorum leges civilesque institutiones, dogmata, praejudicataeque opiniones, & cum affectus, vitia, virtutes, ingenium, educationem, religionem, disciplinam, divitias, fortunam hominum, locorum situm, & temporum conditionem explicaverint, detegant causas, ut loquimur, physicas & morales omnium humanarum vicissitudinum. Si omni tempore historici, oratores, poetae, ceterique huiusmodi scriptores, quibus jus esse videtur hominibus, vel aeternam laudem tribuere vel semperuernum dedecus infligere, philosophiam consulissent, non doleremus, nunc quaedam ut gloriosa efferrī, quae omni turpitudine foedata vi-

dentur, & heroum nomine appellari, qui multum in fundendo sanguine valuerunt. Eſſe igitur debet, ne longius digrediamur, quaedam norma & regula quam ſequantur & ſcriptores & Critici, & hanc a natura ſumemus tum in poeſi tum in ceteris hujusmodi artibus, quae ab humanitate nomen habent, quibus & addere poſſumus picturam, ſculpturam & architecturam, adeo ut, quidquid vel nimia religione attenuatum, vel ornamentis onuſtum eſt, reſque, ut ſunt & eſſe debent, proprie & ordine & ratione quaedam minime repraeſentat, a perfectione plurimum abeſſe dicere debeamus. Veritas dominari debet in omni diſciplina ac praefertim phyſica, ſic ut philoſophus demonſtret quod poteſt, credat quod ei demonſtratum eſt, rejiciat quod demonſtrationi repugnat, deque ceteris omnibus rebus ſapienter dubitet. Nam tum nimia credulitas, tum obſtinata incredulitas aequae adverſantur philoſophiae. Jam ſi quaeras quid praeflare debeat & poſſit in morum ſcientiae virtus, & illa praefertim, quae homines Dei ſuarumque ſimilium amantes facit, meridiana in luce caecutire videberis. Has reſpicias regulas in exercenda arte critica, ſi tamen ea copia eruditionis & doctri-

nae, eoque ingenii acumine praeditus eris, quod ipsa ars requirit. Poderis etiam in ferendis iudiciis, quae ad elegantiam pertinent, consulere magna exemplaria, & Graeca praesertim, non quod auctoritas plurimum valere debeat, sed quod dubitari haud potest, Graecos scriptores & artifices, sive hoc artis, sive naturae, sive quod probabilius est, utriusque fuerit, sive quod nullos habebant praeter naturam ipsam, quos imitarentur, superiores omnibus fuisse in utroque genere pulchritudinis exprimendo, quorum in altero venustas est, in altero dignitas. Nec tam omni doctrina excautus, quam moratus esse debet criticus, & ita animo constitutus, ut ab odio, invidia, ac nimio studio aequè alienus, tum amici errata libere notet, tum inimici merita libenter efferat. Cum modestia libertatem sinceritatemque, cum humanitate severitatem conjunget; & dum cujusque rei quae sit vis, quae auctoritas, quod pondus, examinat, tantum tribuet proprio iudicio auctoritatisque, quantum exigere veritas ipsa videatur, quae omnis effusi nostri fœdrix & moderatrix apparere semper debet. In alienis quoque testimoniis adhibendis magna opus est prudentia, cum ratio, non aucto-

ritas, in primis sit consulenda. Et si fuit aliquando tempus, quo homines vel sapientiores in alienis dictis conquirendis toti erant, fatale illud fuisse ad optimarum disciplinarum interitum confiteri debemus. Sapiens criticus mea sententia minime stilum acuet ad exagitandos malos libros, quorum pravitas vel mediocriter doctos offendit; & bellator strenuus non aliena debilitate, sed sua ipse virtute valebit. Videat etiam atque etiam, ut certa ratio & moderatio & elegantia quoque orationis emineat in suis dictis, cum facile suspicentur homines moveri aut obtreccatione, aut assentatione, qui multis & impoliis verbis alios reprehendunt & laudant. Quamvis ea sit ridiculi natura, ut acri fortius, sicuti est dictum Horatii, & melius magnas plerumque secet res, raro tamen illo utendum consuluerim critico, quod saepe officiat veritati; & ad deprimentos magis, quam ad humaniter instruendos homines factum videatur. Haec & alia multa, quae perfecti critici speciem exhibent, adeo propria erant Galianii, ut in iis hominis sapientissimi imaginem possis intueri. Dolebat vero ille vehementer, vel invidia quadam, quae a gloriosa aemulatione plurimum

abest, vel Φιλαυτία apud nos Italos morem
 ferme exolevisse scripta, quae edituri sumus in
 lucem, cum prudentioribus communicandi, omni-
 que studio inveniendi Quintilios, qui male tor-
 nata incudi reddere jubeant (1); atque hinc
 fieri ut opprimamur librorum copia, quam se non
 aucturum sancte affirmabat, quamvis ea esset do-
 ctrina, ut neque arroganter, neque superbe po-
 tuisset scriptis suis immortalitatem polliceri. Uti-
 nam ne haec ab re inepteque dicta a te pu-
 tentur, qui cum verissimum pulchritudinis judi-
 cium habeas, illud Roscii apud Ciceronem ani-
 mis scriptorum nunquam non inculcandum mo-
 nere soles, caput esse omnis artis videre quid
 deceat. Vale.

Florentiae VI. Non. Octob. MDCCLXXXI.

(1) Vid. Horat. in *En. artis poeticæ*.

CAELESTINUS GALIANIUS

HOminis doctrina & virtutibus, minime vero fumosis majorum imaginibus nobilis vitam scribendam suscipimus, quod cum satis diligenter praestiterit Appianus Bonafedius, qui inter Caelestinos facile nunc primas tenet, hunc ita sequemur, ut e commentariolo illius judicio arbitrioque nostro quantum, quoquo modo, videbitur, hauriamus. Natus est Caelestinus Galianius an. MDCLXXXI. V. Kal. Octobris in quodam Dauniae pago, ubi ejus parentes Dominicus Galianus & Cajetana Turturellia rusticari solebant, cum esset Foggia percelebri Apulorum emporio oriundus. Illiberaliter sane domi educatus nomen Caelestinae familiae Aletii dedit, ibique philosophiae operam navavit. Sed philosophiae augustum nomen haud mereri videntur illae Scholasticorum ineptiae atque deliria, ad quae Caelestinus, quamvis invito, exercitatus fuit.

Tam perversae institutionis fastidium ut leniret, nactus magistrum Graecarum litterarum, his ita studuit, ut brevi Aristotelem legere, ejusque praecepta cum de arte rhetorica, tum de philosophia tenere potuerit. Sic etiam magistros suos poterat illudere, qui cum se Aristotelicos profiterentur, nunquam ad illius philosophi sensus penetraverant. Post haec Romam concessit ad excolenda rerum divinarum studia, in quibus eadem, quae in philosophia, dominabatur barbaries. Cum conquireret undique Caelestinus indignissimae servitutis solatia, forte fortuna ad ejus manus pervenere Renati Cartesii opera, quibus nihil meo judicio magis idoneum ad vivida adolescentium ingenia philosophiae & geometriae amore inflammanda. Ea quidem sic legere coepit, quasi diuturnam sitim explere cuperet, sed adolescens geometriae expers atque ignarus saepe in iis haerebat; quare nulli studio perpercit, ut hujusmodi adjumentum sibi compararet. Vigilabat de nocte cum certo valetudinis detrimento, increpantibusque collegis solitus erat respondere, *satiuss esse doctum*

emori, quam vitam curvi pecudis vivere. Itaque improbo omnino labore eo pervenit, ut non solum noscere Cartesii dogmata, sed etiam eorum nonnulla latius explicare, & quaedam confutare potuerit. Cum vero ei esset persuasum philosophiam doctissimorum contentionibus dissensionibusque vigere, percuriose investigabat quidquid adversus Cartesium proferebatur in lucem. Incidit in Isaaci Newtoni *Mathematica Principia*, & vidit illico si haec starent, actum fore de Cartesiana philosophia. Sed in his perscrutandis ne fructus industriae suae perderet, consuluit per litteras Grandium & Manfredios fratres, quia ratione pervenire ad illam cognitionem sublimioris geometriae posset, quae tanto in honore esse coeperat apud Transalpinas & Transmarinas gentes, & quae serius, quam oportuerat, delata ad Italos, causa erat, ut hi in maximarum rerum ignorance vererentur. Nil nisi iter, quod ii tenuerant, & sua ipsorum exempla ab summis illis viris proposita fuerunt, in quae cum intueretur Galianius, adeo processit, ut sibi cum Newtono, Leibnitio & Hospitalio familiariter

versari videretur. Qui haec potest suis ingenii viribus, pene ad inventoris gloriam pervenire dixeris; & sane nihil mirabilius Galianii ingenio, qui ad veritatem, & ad omnia abstrusiora assequenda natus videbatur. Rationem etiam cum Lokio habere voluit, quod visum est ei occultius agendum, neque divulgandum, ne a severioribus redargueretur. Cum vero in difficilioribus locis dogmatibusque aut illustrandis aut consutandis saepe versaretur, lumen ab eo se mutuari, & ei reddere vicissim, poterat sane gloriari. In quibus exercitationibus nihil ei tam deerat quam homo, quicum studia sua communicaret; & cum saepe ad Lambertinium Praefulem salutatum diverteret, cum eo deplorare solebat stultitiam omnium fere religiosarum familiarum, quae, inventis frugibus, glande vesci volebant, perverse adeo rationem studiorum moderabantur. Tentandum igitur a se putavit, num in usum suorum novas institutiones gignere posset, quae ex iis angustiis, quibus misere philosophiae & theologiae studiosi tenebantur, ipsos educeret; & cum nactus fuisset magni ingenii

adolefcentem Caelestinum Rollium, hoc adjutore usus est, postquam illum imbuisse omni mathematica disciplina. Eo libentius hominis doctrina praestantis mentionem feci, quod cum aliquandiu habuerit Academia Pisana, & diutius habuisset, nisi Paschasius Jannettus, alique pauci doctores effuse petulantes, & veterum philosophorum pabulo & glande corrupti, ipsum eadem cedere coegissent. Sed ad Galianum revertor, qui cum theologiae scholam moderandam suscepisset, eamque plurimum artium subsidio, & praesertim antiquitatis & linguarum Graecae & Hebraicae cognitione ornasset, gaudebat esse quosdam in ea adolefcentes, qui refrenandi potius a gloria, quam incitandi esse videbantur. Hos e domesticis latebris in publicam lucem eduxit, & ea protulit in medium, multis & audientibus, & ut moris est, disputantibus, quae admirationem sapientioribus (1); invidiam vero & stomachum imperitioribus moverunt. Hi tristes & conturbati domum redeunt, factaque conspiratione, de perdendo Galiano

(1) Vid. T. II. *del Giornale de' Letterati d'Italia*.

consilium ineunt. Vide nunc caliginem temporum illorum; accusatur de sacrarum litterarum auctoritate labefactata, quod moralia quaedam & historica in iis contenta ad critices praecepta & antiquitatis monumenta perpenderit. Nulla jam perniciēs a monstris illis comparari Galianio potuit, qui tanta animi constantia tantaque doctrinae copia causam suam egit, ut laudem non mediocrem ex adversariorum calumnia reportaverit. Quapropter ejus nomen magna coepit Romae esse in gloria, & quotquot ea in urbe florebant praestantia doctrinae, maximeque Lancisium, Fontaninium, Capassium, Blanchinium, Gravinam, Mirum poterat in suis numerare. Tum ad Catholicae Ecclesiae clavum sedebat Clemens XI., qui cupiditate incensus noscendi Galianium, ad se se illum accivit, bonoque animo esse jussit. Sibi enim optatissimum esse Monachorum Coenobia quam florentissimas scholas habere, a quibus minutae & angustae concertationes perpetuo exularent. Itaque illi se gratulari, quod implacabile bellum adversus Scholasticos suscepisset. Idem veritus ne homo, cujus inge-

gium & doctrinam suspiciebat , cujusque consiliis uti meditabatur , Romam defereret (nam eodem tempore magnis praemiis invitabatur a Victorio Amodeo & a Veneto Senatu ad tradendas mathematicas disciplinas in Taurinensi & in Patavina Academia) ei negotium dedit explicandae historiae Ecclesiasticae in Archigymnasio Romano , quod ita praestitit Galianus , ut nunquam Pontificem judicii sui poenituerit . Volens vero ejusdem prudentiam in re mathematica Clemens experiri , mandavit illi de fortitionum ludo , qui ab ejus inventore Genuensis etiam dicitur , ea scripto exponere , ex quibus intelligi posset , num aequum esset illum permittere aut vetare . Et si multa effluerint *ex arte conjectandi Beronullii* , rem tamen adeo subtiliter adeoque minute tractavit Galianus , ut multum illi libro addidisse judicatus fuerit . Nec veritati solum & Pontifici ille satis quidem fecit , sed etiam lusoribus , qui majorum praemiorum spe ad periculum faciendum fuerunt invitati . Non multo post de Reni & Padi aquis , quarum causa diu & vehementer disputatum est ,

Galianio cognoscendum fuit. Hujusmodi controversiae Cassinii, Gulielminii, Eustachii Manfredii, Zendrinii, Grandii, aliorumque mathematicorum scriptis inclaruere maxime, de quibus quod judicare posse existimabatur Galianius, non mediocre est argumentum quanto in pretio esset illius doctrina. Adfuit ergo consiliarius primum Dominico Rivierae, mox Rinuccinio, Praesulibus sane amplissimis, quibus rem illam magnam & difficilem Pontifex commiserat. Nihil tum actum ob eorum potentiam, quorum intererat Renum minime a Pado advocari, ut in suum pristinum alveum restitueretur. Secutum est aliud mandatum de Clanis aquis, cum vetus discordia, de qua in Cassinii & Vivianii vita diximus, inter Etruscos & Romanos recruidisset. Huic dirimendae Florentiam semel iterumque mittitur Galianus; sed nihil a Florentinis obtentum. Verum quae scriptis & oratione tolli non potuit controversia, tandem necessitati cessit. Opera quidem Galianii probata & grata fuit, & pro ea data illi praemia satis ampla, quam ob causam Romae sic honorabatur,

princeps ut haberetur. Honorifice quoque de eo statuerunt collegae ejus, quod & Abbatem crearunt; neque multo post universae familiae procurationem ei commiserunt. Tum quidem cognitum quanta esset dexteritate in negotiis tractandis, ut idem & doctissimus & prudentissimus haberetur. Quapropter saepe adhibebatur a Cardinalibus in consiliis scribendis, ejusque opera magni fuit praesertim Alvaro Cardinali Cinsuegoso, cum jura Regum Siculorum essent defendenda. Difficile vero videbatur in Summum Pontificem, qui lacesiverat, aliquid non infligere; sed Galianius ita aequitati servivit, ut neminem laeserit. Ad longum tempus quaestio duravit, quae quo majore conatu agitata, eo majores suscipiendi Galianio labores fuerunt ad contraria diluenda, suaeque confirmanda. Praefuit tandem huic ipsi quaestioni Prosper Lambertinius, factumque & judicis sapientia, & aequitate Pontificis & Caroli VI. Caesaris, sub cujus imperium ditionemque Siculi ceciderant, ut causa componeretur. Inter haec Galianius ad totius familiae Caelestinorum gubernationem

culum accedere debuit, a quo triennio post recessit, cum Archiepiscopatu Tarentino fuisset ornatus. Aegre tantum onus recepit, Tarentumque appellenti litterae ab Harrachio utriusque Siciliae Regni Prorege redduntur, quibus jubebatur Neapolim concedere, & Regii Sacelli & Neapolitanae Academiae praefecturam suscipere. Haesit aliquandiu; mox parendum Caroli Caesaris voluntati & imperio censuit. Itaque Tarentino cum Thesalonicensi Archiepiscopatu commutato, Neapoli confedit. Quid ipse gesserit, ut Academiae pristina redderetur dignitas, ut litterae a squalore & sordibus, in quibus jamdiu jacuerant, ad gloriam splendoremque revocarentur, utque ingenia natura vivida a turpi desidia praemiorum spe ad laborem atque industriam excitarentur, ex eo conjici potest, quod nihil erat carius Galiano suis Neapolitanis, nihil jucundius quam prodesse plurimis, nil demum magis cordi quam litterarum fortunam provehere. De augendis Academiae redditibus, ejusque aedibus amplificandis, de bibliotheca instituenda, ceterisque scientiarum instrumentis comparan-

dis cogitavit, neque sine prospero successu ; cum ejus auctoritas magnum apud Har-
 rarchium, hujusmodi in rebus praesertim, pon-
 dus haberet. Res tamen litteraria tum non
 tam floruit, quam sub imperio Caroli Bor-
 bonii, cujus curae & studia tamdiu lauda-
 buntur, dum memoria rerum Neapolitana-
 rum manebit. Prima spes affulsit statim ac
 ille Neapolim adventavit, quanquam multi
 extitissent qui praedixerant Galianio de lit-
 teris desperandum, eique, ut & ceteris o-
 mnibus, qui Austriacarum partium fuerant,
 de statu suae dignitatis recedendum. Homi-
 nem singulari animi firmitate ac modera-
 tione sollicitum quidem habebat cogitatio
 officii, minime vero periculi sui, ac malum
 minitantibus respondere solebat : *splendidis*
hisce dignitatibus spoliati nullum felicitatis de-
trimentum facturi sumus; modo cella apud ve-
teres sodales, librique sint reliqui, in vado res
est. Ad Regem accedere jussus Galianius in-
 tellexit statim prospera litteris ominanda,
 quas provehere ad dignitatem fidemque suam,
 & ad salutem Regni pertinere Carolus exi-
 stimabat; neque minus de se optime speran-

dum, quod voces ejusdem habuerint declarationem benevolentiae atque existimationis. Et sane quid honorificentius de Galianio fieri potuit quam Romam mitti ad imperandam a Summo Pontifice Regni *investituram* (sic enim appellant) quod mandatum difficillimum habebatur & erat, minas jactantibus & formidines opponentibus Austriacis, si Pontifex Caroli postulata fecisset? Explevit Regis expectationem Galianius, qui cum vidisset idcirco rem trahi, ut quam diutissime integra esset, tanta eloquentia Regis ipsius causam apud Pontificem egit, ut ab hoc impetraverit, ne quod callidius iniretur consilium. Re igitur confecta, cum Neapolim rediisset, vel eos laudatores habuit, qui ejusdem antea inviderant honori, & Rex ipse non solum verbis, sed etiam re declaravit, nihil esse quod ejus industriae committi non posset. Itaque cum disceptaretur iterum cum Romano Pontifice de Sacerdotiorum nominatione, aliisque magni momenti rebus, quae ad Regium jus, jurisdictionem potestatemque pertinebant, rursus Galianius Romam legatur, de his ipsis

rebus cum Pontificiis acturus. Eo rem brevi deduxit, ut piam & aeternam pacem fore speraret; sed de conventionibus Regi Togatos consuli cum placuisset, novis hi expositionibus & querelis occasionem dederunt. Id cum factum multi indignarentur, & Pontifici Clementi esset persuasum injusta peti, nihil se concessurum declaravit. Non multo post ejus accidit mors; quare Galianius ad Benedictum XIV. mittitur cum amplissima potestate rem transigendi, non solum quod Rex noverat acerrimam viri prudentiam, sed etiam quia minime ignorabat gratiorem posse mitti neminem; quod ad conficienda negotia plurimum sane interest. Juste sapienterque Galianium disceptasse judicatum est, quoniam capita quaedam rerum agendarum & concordia sine querela constituta fuerunt; quod honorificentissimum illi quidem fuit. Rumor erat tum Pontificem, qui nullo non tempore singularis benevolentiae Galianio testimonia dederat captum non tam hominis sapientia, quam humanitate & urbanitate omnino singulari, de illo in Cardinalium Collegium cooptando cogitare. Quid

vero causae fuerit ne in sententia Pontifex maneret, qui certe meritis capiebatur, quamquam non semper liberalis fuerit in iis remunerandis, ignoro. Plerique obstitisse affirmant Galianii ipsius modestiam, qui tamen cum Neapolim reversus fuisset, Equitum S. Caroli Magnus Cancellarius, & Judicum Collegii, quod *Mixtum* dicitur, Praefectus cum stipendiis amplissimis declaratus est. Multis propterea distinebatur occupationibus, quae eum avocabant a litteris; sed cum intelligeret se plurimum prodesse reipublicae, haud iniquo ferebat animo vitae statum commutatum esse suae. Sed major etiam commutatio facta est, cum illum inter arma versari Rex ipse iussisset. Secum enim eo tempore Galianum habere voluit, quo pugnatum est Borbonios inter & Austriacos ad Velitras, cui bello ipse non solum interfuit, sed etiam praesuit, quod si quid durius domi forisve accidisset, tutiorem multo inter armatos atque apud suum exercitum fore sibi locum videbat. Qui fuerint illius belli casus & exitus elegantissime a Bonamico sunt expositi, & quamvis in illius commen-

tario

tarjo minime Galianii nomen appareat, sci-
mus tamen neque periculis ipsum caruisse,
& spoliatum supellectile, & fuga salutem
quaesivisse, ut jocans dicere soleret, quam-
vis Socratis & Xenophontis ante oculos
exempla habuerit, non multa tamen se vir-
tutis indicia dedisse. Regem etiam secutus
est, quando, fugatis hostibus, Romam Sum-
mum Pontificem Benedictum XIV. salutatum
venit, eique lustranti celeberrima Urbis lo-
ca mystagogus adfuit. Reliquum vitae tem-
pus ita transegit Galianus, ut tranquillitati
magis & religioni, quam litteris & Aulae
servierit, quanquam & fama & honoribus
& divitiis semper crevit. Postremo cum ca-
pitis dolore diu tentatus fuisset, subita mor-
te occubuit, quod accidit VII. Kal. Quint.
an. MDCCLIII. aetatis suae LXXII. Heredes
ex asse scripsit fratris filios duos, Bernar-
dum & Ferdinandum, quos sic educaverat,
ut ingenio, quod a natura nati fuerant,
& suae & hominum expectationi responde-
rent. Nomen quidem ii, scriptis editis, haud
mediocre sibi compararunt. Inclauit alter
maxime Italica interpretatione Vitruvii; al-

ter libro *de Pecunia*, quanquam & multis aliis scriptis, & libertate scribendi dicendique, & sale quodam & lepore nominari voluit. Num hi operum conficiendorum a patruo adjumenta habuerint ignoro. Is quidem nemini operam suam denegabat, quod nihil melius bonitate & beneficentia esse arbitrabatur. Miraberis vero hominem summo ingenio ac memoria, acerrimo studio, optima doctrina & maximo usu, qui sapientissimis consiliis & monitis effecit, ut multi praeclara opera ex se se parerent, ipsum nihil hujusmodi typis commisisse, nihilque quod ederetur reliquisse. Porro publicam lucem ipse formidare videbatur, & cum neque invidia tentaretur, neque gloriae cupiditate titillaretur, esse quam videri doctus vir malebat. Animi vero quodam judicio se a prodeundo in publicum abhorreere dicebat, quod nimia librorum copia opprimamur; querentibusque hac de re amicis opponere solebat Socratis exemplum, qui quamvis totius Graeciae judicio cum prudentia & acumine & venustate & subtilitate, tum vero eloquentia, varietate, copia, quam se cumque in partem dedisset,

omnium esset facile princeps, litteram tamen nullam reliquit. Sed Socrates Platonem invenit, qui ejus ingenium variosque sermones immortalitati scriptis suis traderet: Galianus saeculo corrupto, quo virtuti aut tace invidetur, aut palam obrectatur, vix laudatorem, neque hunc admodum elegantem, habuit, ut propterea vereamur, ne ejus memoria quodammodo senescat atque extinguatur. Ceterum tanta pollebat doctrina Galianus, ut vir gravissimus Eustachius Manfredius dicere de eo consuevisset, mathematicas disciplinas minimum esse, quod ipse callet; neminem se vero novisse, qui illi non dicam superiorem, sed parem in iis disciplinis poneret. Nos quoque saepe a Jo. Bottario audivimus, qui conjunctissime cum Galiano vixerat, neminem se vidisse, in quo mirabiliter adeo existeret cordis atque linguae illa rara concordia, quo innuere volebat illum non intelligendi solum, sed etiam dicendi fuisse insignem magistrum. Quod testimonium magni faciendum puto, quod a viro sapientissimo prolatum, quodque ab assentationis suspicione alienum sit, quippe de mortuo.

ANGELUS FABRONIUS

HIERONYMO TIRABOSCHIO

S. P. D.

E*T*si ea est hominum inconstantia , ut suae quemque fortunae maxime poeniteat , & nemo fere sit quin ubivis, quam ibi ubi est, esse malit , attamen mihi dubium non est , quin te beatissimum fortunatissimumque arbitreris , quod apud Mutinenses , verferis , eique praefis bibliothecae , quae nemini fortasse librorum copia atque praestantia concedit . Nam nisi tam lautam supellectilem nactus fuisses , plane satisfacere laudem tuarum immortalitati haud potuisses in perficienda Litteraria universae Italiae historia , quod opus tanti merito putatur , ut majus quiddam hominis unius ingenio , atque industria praedicetur . Neque hae laudes minuuntur , quod de illo iterum edendo & aliqua in parte emendando cogites ; nam ut est Varronis dictum , nemo reprehensus unquam fuit , qui stipulam reliquisset ad spicilegium , praesertim cum tam la-

tus sit campus, ut immensitatem illius vix cogitatione comprehendere, nedum metiri possimus. Ac fuit tempus illud, quo de litteraria historia aliquis bene mereri judicabatur, si expilasset libros, qui Scenae, Theatra, Athenaei litteratorum aliisque hujusmodi nominibus appellabantur, in quibus perpauca inveniuntur, quae certas veritatis notas habeant. Tantum enim tribuebatur auctoritati, ut sufficeret aliquid ab aliquo affirmatum esse ac litteris mandatum ad obtinendum eruditiorum assensum. Omnium fortasse primus huic malo apud nos mederi satagit Apostolus Zenus, qui & voce & exemplo novam quamdam induxit rationem litterariae historiae conscribendae. Ut in Vossianis dissertationibus, & in Observationibus ad Fontaninii eloquentiam illius simplicitas, illius veritas, illius candor agnoscitur! Qua sagacitate ab illo immortalitate digno ingenio res vel abditissimae inveniuntur, quo ordine exponuntur, quo acumine monumenta rerum gestarum perpenduntur, qua arte res cum rebus, scriptores cum scriptoribus conferuntur; & si quid conjectura judicandum est, quam caute & prudenter conjectoris personam ipse gerit! His adhibitis artibus, non modo ei ignoscimus, si

quem in errorem incidit, sed magnam quodammodo ei gratiam habemus, quod in corrigendo errore novum aliquid antea ignoratum detegit; & cum facilitatem & veritatis studium agnoscimus, tum admiramur scientiam & eruditionem omnino singularem. Tantum exemplar te tibi proposuisse ad imitandum non uno in loco scriptorum tuorum, vir eruditissime, fateris, & quod te illi aequaveris diligemia, & superior etiam fueris copia rerum, quas narrandas expendendasque suscepisti, non modo tibi, sed universae etiam Italiae ex animo gratulor. Porro pauci ante te scriptorem noverant satis Italorum ingeniorum vim, elegantiam, ubertatem; pauci quid ceterae nationes Italici deberent commonstrantibus olim doctrinarum fontes, atque ad aemulandos se se Europam reliquam provocantes, pauci, inquam, videbant. Multos nacti eramus laudum nostrarum bellicarum, eosque gravissimos Historicos; sed hi (pace eorum dixerim) eam sibi scribendi partem seposuerant, quae Italiam apud cordatos viros etiam in invidiam posset vocare, cum nullos imperio suo fines constituerit, nisi quos terris ac maribus natura rerum posuisset, cumque in prolatando imperio illam ipsam glo-

riam rapinis, caedibus, vastitate, injuria foedaret. At vero partem alteram gloriae nostrae, quam unus atque unicus complecti universam & tam accurate explicare tute potuisti, cum legimus, aut audimus, quo studio in eam gentem incendimur, cujus haec propria laus ac perpetua fuit, ut in omnibus disciplinis quae a Graecis acceperat, redderet meliora, multa inveniret augeretque ipsa per se se, quae ceteris nationibus tradita, vix reddi possent meliora! Restat nunc ut perficias, quod instituisti de Mutinensi bibliotheca opus, quod dignum erit Principe, cujus gloriae servis, dignum civitate, in qua degis, quae quidem, si qua ulla alia Italica, omni tempore edidit viros ingenio & doctrina praestantissimos. Cum vero tota mente Zenum atque omni animo intuearis, non injacundum tibi erit, quod nomen inscripserim tuum in commentariolo de illius vita, quod ad te mitto tum amicitiae, tum utilitatis causa, quod te correctorem atque emendatorem mearum ineptiarum fore confidam. Vale.

Pisis Kal. Feb. MDCCLXXXII.

A P O S T O L U S Z E N U S .

Apostolus Zenus Venetus, cum unus inter omnes excelleret cognitione antiquitatis, & illius praesertim, quam medi aevi & historiae litterariae nomine appellamus; cumque non modo ad hanc illustrandam, sed etiam primus Italorum ad melodramata scribenda mirum acumen, prudentiam, perspicuitatem & elegantiam Etrusci sermonis contulisset; iisque esset moribus, ut praeberet omnibus illustre humanitatis & innocentiae exemplum, eam obtinuit gloriam, quam pauci postea sunt consecuti. Nec deerat illi etiam antiquitas generis. Erat enim Patriciorum ejusdem nominis gentilis, quamvis Venetae nobilitatis jure minime fruere-
tur. Se tamen nobilem Cretensem appellabat, quod ejus familia V. fere ante saecula deducta in illud regnum cum Venetorum colonia manserat ibi in honore ac dignitate, quoad ipsum in Turcarum potesta-

tem venit. Natus est III. Id. Decembres an. MDCLXVIII. Petro Zeno, qui satis laudabiliter Venetiis medicinam faciebat, & Catharina Apostoli Sevasti, cujus gens patrum memoria potuerat multum in Cretensi insula nobilitate & opibus. Pater mature decessit filios relinquens duos Apostolum & Nicolaum adhuc in teneris, qui matris diligentiae concrediti satis feliciter aetate & moribus procedebant. Haec, quamvis non multo post nupserit nobilissimo viro Antonio Cornelio, non tamen Apostoli curam dimisit, dum Nicolaum apud se haberet aleretque illius patruus Episcopus Justinopolitanus. Sed hoc e vivis erepto post. id. Aug. ann. MDCLXXX. Nicolaus Venetias venit, ut cum fratre operam studiis daret in Seminario, quod ab loco appellatur *Castelli*, quodque regunt religiosi viri Somaschi. Ibi in rhetorica praeceptorem habuerunt Augustinum Rizzotum Venetum: philosophicum vero stadium cucurrerunt, praeceunte Claudio Ugone Brixiano. Sic igitur fratres ingenium excolebant paribus quidem studiis, licet dispari fructu: Apostolus enim Nicolao

multum ingenio antistabat. Sed de hoc satis. Plurima enim alii de eo nobis scripta reliquerunt. Apostolus barbariem, quae tunc dominabatur in scholis, feliciter declinavit; mansuetiorumque musarum valde studiosus jam ab ann. MDCLXXXIV. carmina elucubraverat, quae *Venetum incendium* inscripsit. Haec typis commissa Marco Antonio Justiniano, qui Venetiis tunc temporis summum tenebat imperium, nuncupavit, ejusque vocibus ad alia hujusmodi tentanda incitatus fuit. Quare non multo post deditionem Modoni, & Navarini occupationem cecinit eo successu, qui prosperus iis temporibus judicari debuit. Post haec Persii satyras Italicis carminibus interpretatus est; cujus interpretationis autographon exstare scio Venetiis apud religiosum quemdam hominem Servorum, ut vocant, B. M. V. Praeter id non pauca alia, ut stylum exerceret, e Latino in Italicum convertit. Lyrica quoque plurima sic condidit, ut unus ad poesin instructissimus videretur. Sed haec omnia grandior factus improbavit cremavitque, si unum excipias, cujus initium, *Donna se avvien ea,*

quodque a Muratorio suum in opus de Perfecta Italica Poesi relatum fuit. Praecepta scribendi, quae puerilis doctrina tradidit, subtilior cognitio ac ratio litterarum aluit, confirmavitque continua lectio veterum oratorum ac poetarum. Qua facultate praeditus Apostolus, cum quo se verteret aliquandiu dubitasset, otii impatiens, & ceterarum rerum, quae adolescentiam oblectare solent, incuriosus, aut contemptor, statuit illi praefertim generi eruditionis, quae historiam juvaret, nec non poesi totum se dedere. Ex omnibus autem poesis generibus dramaticum sibi maxime excolendum sumpsit, quod hujus vacuam possessionem facile tenere se posse sperabat. Quamvis enim tum multi essent melodramatum scriptores, adeo eos saeculi vitia & corruptela depravaverant, ut nulli esse viderentur. Et quanquam haud pateretur natura poesis veterem illam excellentemque prudentiam Graecorum ad nostrorum theatrorum usum moremque transferri, sic tamen confici posse dramata intelligebat Zenus argumentorum, sententiarum & verborum delectu, ut si non omni ex parte per-

fecta, tolerabilia tamen essent futura. Cum primum ad scribendum animum appulit, pastoritia argumenta tractavit, & in scenam adduxit. Haud mediocriter plaustum fuit Thyrsidi, incredibiliter vero Narciso, quamquam in eo per XV. dies tantum elaboraverit. Post id experiri voluit Zenus, quid posset ingenium suum in gravioribus tractandis argumentis. Scripsit varia, quae ubi spectata, placuere. Sed nunquam majori usus est fortuna, quam cum anno MDCC. Venetiis L. Verum dedit. Istud enim melodrama non solum semper habuit plausores, ut Horatianis verbis utar, aulaea manentes, sed & pluries repetitum non Venetiis tantum, sed & Florentiae, alibique; fuitque, ut ita dicam, buccinator eximii ingenii & iudicii, quo pollebat Zenus in hoc poësis genere. Quapropter minime est mirandum si ejus opera requireretur a multis; & quamvis nunquam avare pretium statuerit arti suae, & eum esse quaestum in animum induxerit maximum quam maxime servire & suae & Italiae gloriae, nihilo tamen minus emolumenta & praemia consecutus est fin-

gularia. Mutinam ineunte ann. MDCC. venit vocatus ab illius Duce Rainaldo I., qui dramate aliisque apparatissimis spectaculis diem condecorare volebat, quo Franciscus Parmae Dux nomine Leopoldi Caesaris e sacro baptismatis lavacro filium suum natu majorem suscipere debebat. Antequam dramati manum admoveret Zenus, de ejus argumento & oeconomia Dux voluit doceri. Qua de re cum locutus fuisset cum eo, qui primum locum in Aula tenebat, qui se poetam profitebatur, non dubitavit hic insolentissime jactare se se posse meliora conficere, seque magna jam ex parte confecisse. Hujus rei verissimum & sapientissimum judicem Dux fore putavit Josephum Ursium; quare secreto Bononiam certum hominem misit, qui expositis dramatum argumentis eorumque formis, celatisque Auctorum nominibus, ipsius sententiam exquireret. Non haesitans respondit Ursius altera esse cogitata hominis prudentissimi (erantque Zeni) altera ignari ac plane rudis in hujusmodi poesis genere; quod judicium magno cumulo auxit opinionem, quam Dux de Zeno conceperat.

Ex quo factum est, ut eum apud se retinere studuerit; quo beneficio uti noluit Zenus Aulæ inimicus, Venetiarumque suarum amantissimus, quibus graviora studia sua destinasse videbatur. Venetam Ecclesiasticam historiam texere cogitabat; collegeratque ad eam rem monumenta quamplurima temporum, hominum, locorum, gestarumque rerum. Cupiebat exponere vitas doctissimorum quorundam Venetorum, qui non de litteris solum, sed etiam de patria optime meriti essent; certissimisque monumentis memoriam illorum consecrare, qui de rebus Venetis scripserunt. Cumque se non popularem unius urbis civem, sed totius Italiae agnosceret, ad hujus gloriam laudemque celebrandam, atque historiam magis magisque illustrandam conferre proposuerat sibi quantum litteris, quantum studiis, suis unicus delectationibus, quantum amicorum subsidio consequi potuisset. Ea voluntate aggressus aliquando opus fuerat, quod inscribere meditabatur, *Rerum Italicarum Scriptores hæcenus desiderati*, eratque dignum ejus facultate & copia, cum sibi sumpsisset, ut observationibus & notis unius-

cujusque historici scripta adornaret, ejusque vitam declararet (1). Sed acriore etiam studio & labore atque industria superiore urgebat opus, quod ann. MDCXCVII. agrefusus fuerat de Italis Poetis. Hoc Zeno erat in animo exponere vitas omnium alicujus nominis Poetarum a saeculo XII. hoc est ab ultima Italicae poesis origine ad suam usque aetatem, ipsorum opera enumerare, deque his non sua modo, sed & doctorum virorum judicia referre. Nec quae eodem super argumento vulgaverat Crescimbenius, minuebant, sed potius augebant Zeni industriam. Illud enim non satis accurate, ac nimis breviter striclimque tractasse Crescimbenius merito judicabatur (2). Conjiciebat Zenus bis mille circiter Poetarum vitas libris, quos adornabat, contentum iri; nec vitas solum, sed etiam imagines, quae reperiri potuissent. Operi vero anteire debebant Dissertationes duae de poesis ac linguae Italicae ortu, progressu, ac vicissitudinibus, quarum lineamenta ex iis, quae infra exscribemus, perspicui poterunt (3). Manus extrema ab an. MDCC., ut ex Zeni ad

Magliabechium epistola intelligi potest (4), accesserat priori volumini, quod poetarum historiam ad finem usque saeculi XIV. complectebatur. Nec dubitarit quisquam fuisse hanc difficiliorem totius operis partem, ut pote quae res a memoria nostra longissime remotas, & reconditiora monumenta continebat. Reliqua etiam inchoata; sequentibusque temporibus universum opus eo perductum, ut magna jam ex parte perfectum esset. Nihilo tamen minus extremo fere in cursu constitit Zenus, & ea, quae ante diximus, hominum luce privavit; qua de re cum se purgaret, solebat culpam in necessitatem magnitudinemque operis, & impensarum ad illud typis imprimendum transferre. Neque meliores exitus habuerunt scripta illa, quibus Ecclesiasticam patriae historiam illustrare sibi proposuerat; & de quibus Marci Foscareni gravissimum iudicium ac testimonium referre juvabit. Ait enim (5) Zenus, opem ei ferente Sacerdote optimo Joanne Baptista Leonarduzio, ex sepukrorum inscriptionibus, tum publicis tum privatis tabulariis, nec non historiis & annalibus

libus adeo multa collegisse, ut ex iis non modo Episcoporum Patriarcharumque, sed etiam Primiceriorum & Parochorum a saeculo XII. ad hanc aetatem successiones, a quibus orti, quos honores, quibusque temporibus cepissent, possimus cognoscere. At si quis dolens orbitatem horum, aliorumque Zeni operum eam ob causam, quod fastigium iis minime fuerit impositum, arguere voluerit Zenum ipsum, non aliqua in re una separatim elaborasse, sed in plura semper eum distractum fuisse, non magnopere repugnabo. Quod non inconstantiae, sed facilitati potius summae, qua ad aliorum magis, quam ad suum studia colebat arbitrium,tribuendum est. Nemo fere erat ex Italicorum numero, qui in eam curam incubuisset, ut quae vel ab antiquis, vel a recentioribus sapienter excogitata eleganterque conscripta sunt, ea in manus hominum accuratissime castigata atque exornata pervenirent, quin ad Zenum confugerit, seque ab eo plurimum & consilio & opera adjutum minime confessus fuerit. Non defuerunt etiam homines auctoritate summa, qui exegerint ab eo,

ut minus grata perscriberet. Talia fuerunt ea, quae historiam narrant Regum Magnae Britanniae, Scotiae, Sveciae, & Daniae, Ducum Olsatiae, & Comitum Geldriae, quae omnia quatuor voluminibus comprehensa ad x. usque volumen opus inscriptum *il Mappamondo Istorico* perducunt. Etenim illius auctor Antonius Forestus e Societate Jesu non ultra vi. volumen processerat; & quam feliciter processerit, ii facile intelligent, qui historiam cum historia, & scriptorem cum scriptore comparaverint. Sperabat Zenus posse se etiam meliora perficere, quando ad Batavam historiam pervenisset, pro qua multum elaboraverat, cuique xi. operis volumen assignaverat. Qua de causa vero instituta minime absolverit ignoro. Nam quod extat xi. volumen duas in partes distributum non Batavas, sed Turcicas res continet, neque hoc Zenum, sed Dominicum Suarefium habet auctorem. Reliqua vero duo, quibus elauditur opus, volumina ad Sinense, magnique Mogoli imperium pertinent, conscriptaque a Silvio Grandio Ariminensi fuerunt. Omnino vim hoc erat af-

ferre Zeno aliquid ab eo petere, quod praestare se posse confideret, iis praesertim in rebus, quae ad litteras pertinerent. Cum saepe a typographis consuleretur de doctorum virorum scriptis, quae edi & ornari magis conducere, nunquam ab se consultores suos vacuos dimisit, utque eorum & reipublicae utilitati serviret, non recusavit aliquando injucundum interpretis munus sustinere, e Gallico in Italicum sermonem convertens elementa historiae Vallemontii, nec non opuscula quaedam Gronovii antiquitatis monumenta illustrantia (6). Post id rogatus ordine disponere libros bibliothecae Grimaenae, quae est ad S. Mariae Formosae, ut & privata quaedam tabularia, diligentissime haec praestitit; & si quid latuisset in hujusmodi aliisque thesauris, quod publica luce dignum existimasset, seponebat notabatque ea mente, ut scriptum ipsum, aut saltem de eo observationes suas in vulgus ederet (7), non secus ac Lambecius praestiterat de iis codicibus, qui in bibliotheca Caesarea aservantur. Sunt vero innumerabilia, quae amicorum postulationibus concedere solebat. Ne-

minem enim inuenies, qui Zeno, ut ex ejus editis epistolis cognosci potest, ad amicitiam fuerit aptior; & amicos parare, & omnium officiorum genere colere, optimam & pulcherrimam vitae, ut ita dicam, suppellectilem existimabat. Ut quisque maxime & virtute & sapientia est munitus, ut paucis egeat, ita in amicitiiis expetendis colendisque maxime excellit. Igitur cum ita se gesserit Zenus & doctrina & natura, ut aliis magis quam sibi vixerit, non magno opere reprehendendus est, si interrupta multa non contexuerit, nec absolverit instituta. Ille vero omnia, quae gerebat, spargere se ac diffeminare arbitrabatur ad excitandos Italos suos ad laborem & laudem, excolendamque rectam studiorum rationem. Et certe numerandus est in principibus, qui barbariem, quae foede dominata est superiori saeculo, fugarunt; cui rei non mediocriter quoque contulit instituta ab ipso cum paucis aliis cordatis viris Animosorum Academia, quae in aedes Joannis Caroli Grimani cogebatur, antequam colonia Arcadica facta est. Inter cetera queri solebat Zenus

poesin & eloquentiam omnem illam salubritatem Etruscae dictionis, quasi sanitatem, perdidisse, ac pene loqui dedidicisse; neque est credibile quantum voce, exemplo & auctoritate enifus sit, ut tantum malum sanaretur. Ne quid vero subsidii deesset bene animatis, in epitomen redegit Dictionarium, quod ab Academicis, ut vocant, *della Crusca* confectum fuerat, vulgatumque anno MDCXCI. Hanc epitomen prudentia sane summa confectam duobus voluminibus comprehendit Zenus, eamdemque & suo & Academici Florentini nomine (in Academiam enim ann. MDCC. cooptatus fuit) ornare in animo habebat. Sed cum obstitissent collegae illius, quod cautum legibus dicerent, ne quis Academici nomen iis operibus praeponeret, quae Academiae iudicium antea minime subiissent, Zenus sententiam mutavit, seque Academici Animosi nomine tantummodo designavit. Nec minus de Etruscae linguae studiosis promeruisse videtur Zenus, quod typis imprimendum curaverit opus Julii Ottonellii, cui titulus *Annotazioni sopra il Vocabolario della Crusca*. Miror equi-

dem Zenum, qui nihil ignorare videbatur, quod ad historiam litterariam pertinebat, huiusmodi opus tribuisse Alexandro Tassonio, cuius erroris certissima argumenta si quis noscere cupiat, adeat Tassonii ipsius vitam a Muratorio copiose sane contextam. Siqua hic annotavit, quae corrigenda duxit, pauca admodum sunt, neque quidquam commune habent cum Ottonellii opere. Multum etiam adjuvit Zenus eos, qui ad Jo. Casae & Francisci Redii opera copiose magis, quam antea, Venetiis imprimenda studium contulerunt, quae omnia cum ita accepisset memorata Furfureorum Academia, perinde ac si Zenus in se ipsam illa contulisset, locum ipsi inter suos dandum putavit. At ex omnibus curis, quas contulit Zenus ad litteras provehendas, nulla est sive utilitate, sive gloria meo iudicio cum illa comparanda, quam impendit in opus, quod inscribitur *il Giornale de' Letterati d' Italia*, quodque anno MDCCX. in vulgus edi est coeptum. Antea quidem edebatur Venetiis opus huic non prorsus dissimile, cuius erat inscriptio *la Galleria di Minerva*. Etenim de

recentioribus Italicis libris referebat; nec raro Zenus ipse relator fuit, ut rem gratam amicis faceret. Quin etiam suppeditavit aliquando scriptum aliquod, sicuti Trissinii & Guarinii vitas ad illud ipsum opus ornandum. Nihilominus tamen nec recte, nec ordine illud procedebat, & multorum sordes cum paucorum clarissimorum hominum splendore commiscebantur (8). Itaque hoc maxime conducere ad Italiae gloriam arbitratus est Zenus tales fieri Ephemerides, quae optimum quemque librum Italicorum scriptorum seligerent, de quo referretur, & de quo grave & sincerum iudicium exponeretur. Quoniam id confici sine plurium intelligentium opera non poterat (neque enim hoc sibi arrogabat Zenus se posse de rebus physicis, mathematicis, theologicis, & ad jurisprudentiam pertinentibus scienter dicere) viginti & amplius doctrina praestantes homines per Italiam sparsos in societatem operis vocavit (9), e quibus praesertim nominabo Antonium Valisnerium, Joannem Polenium, Jo. Baptistam Morgagnium, Benedictum Bacchinium, Justum Fon-

taninium, Ludovicum Muratorium, Salvini-
um Salvinium, & Scipionem Maffejum.
Norunt omnes fuisse postremum hunc plus-
quam satis gloriae cupidum, cui se servire
putavit, si nonnulla, quae contulerat in
communione operis, ab eo separasset, &
tanquam propria cum aliis scriptis suis in
publico proposuisset. Talia erant epistola,
qua Ferdinando III. Etruriae Principi opus
nuncupatur, hujus praefatio, & quae ex-
ponunt tradita a Gravina *de origine Juris*.
Non est credibile, quam hoc indignatus sit
Zenus; nec dubitavit ipsi Maffejo indicia
dare suae indignationis, quam hac etiam de
caussa justiore putavit, quod illi suppedita-
verat notitiam earum rerum, de quibus
in eadem praefatione narratur. Nimis lon-
gus essem, si referre vellem omnes offen-
siones, querelas atque molestias, quae ab
hoc Ephemeridum opere, tanquam a fonte,
ad Zenum profluxerunt. Neminem vero
magis infestum magisque arrogantem exper-
tus est Iesuita quodam cognomine Bernar-
do, qui, tribus editis epistolis, petulantissime
invectus est in Zenum aliosque, quos aut

auctores, aut fautores putabat earum rerum, quae in III. volumine adversus Germonium *pro vindictis antiquorum Diplomatum Iusti Fontanini* prolatae fuerunt. Adversario suo responsum nullum dedit Zenus, quanquam addendum stimuletur ab amicis. Nam in ea erat sententia, se non posse melius hujusmodi homines ulcisci, quam contemptu. Praeterquam quod sibi rem esse existimabat non cum uno Bernardo, sed cum omnibus Jesuitis, qui veluti sues, uno laeso, gregatim ingrebant universi. Si aliquando adversus hos calumum sumpsit non suam, sed litterarum litteratorumque virorum & Italiae causam egit, ut indicant permulta sparsa in *Ephemeridum* voluminibus, quae Scriptores praefertim *Trevoltientes* oppugnant. Ex his autem omnibus scriptis maxime commemoranda videtur epistola ad Josephum Ursium, qua ab accusationibus *Bohourfii* & *Trevoltiensium* propugnatorum illius defendit locum quemdam *Torquati Tassi*, ubi de pugna, quae fuit inter *Tancredum* & *Clorindam*, ait:

. . . . *e se la vita*

Non esce, sdegno tienla al petto unita.

Optimam figuram (10) hanc esse ostendit Zenus auctoritate & exemplis non solum Graecorum & Latinorum, sed etiam scriptorum illorum, qui a Bohoursio laudibus in caelum elati fuerant; & postremo physicis argumentis probat, qui fieri possit, ut acceptis mortiferis vulneribus ab homine magnanimo & timido, diutius ille quam hic animam retineat. Qui legent hanc Zeni epistolam, aliaque plurima ejusdem, quibus auxit Ephemeridum libros, facile judicabunt, quam esset in scribendo elegans, & in existimando prudens; nec mediocres illi gratias habebunt; quod in hujusmodi opere provehendo, cujus singulis quibusque annis quatuor volumina in lucem exhibant, pluris illi fuerit Italiae gloria atque utilitas, quam propria quies. Remittere aliquid de summa contentione, quam in Ephemerides Litteratorum aliaque studia impendebat, coactus est ob collatam sibi Veneti Loemocomii praese-

Eturam, quam anno MDCCXII. suscepit, & per triennium sustinuit. Habebat etiam, quae illum angerent, domesticas curas; & hae & nunquam antea intermissae mentis exercitationes plurimum de ejus valetudine imminuerant. Cum septem annos ante uxorem duxisset Ludovicam Mundonovam Joannis caufidici filiam, & sperasset hanc conjunctionem sibi voluptati & tranquillitati fore, discruciabatur videns multum extenuari spes suas. Quo cum in statu esset, pergebat, quantum publicae occupationes paterentur, ad ea solatia, quae non modo sedatis molestiis jucunda, sed etiam haerentibus salutaria illi esse potuissent. Postulabatur jamdiu ab ipso, vel potius flagitabatur, ut in vulgus ederet, quae de Venetis historicis collegerat; cumque se debere hoc munus putaret non solum eorum studiis, qui litteris delectabantur, sed etiam patriae, egit cum typographo Lovisa de recudendis historicis illis, qui res Venetas publico decreto scripserunt. Fuerunt hi Marcus Antonius Sabellicus, Petrus Bembus, Paulus Paruta, Andreas Maurocenius, Baptista Na-

nus, & Michael Foscarenius, in quorum vitis, praesertim antiquiorum, exponendis non dubitabat, quin multa prolaturus esset incognita atque curiosa. Ornavit primum operis volumen satis longa praefatione, in qua persecutus est aetates & gradus illorum omnium, qui res Venetas litteris prodiderunt. Hanc sequitur Sabellici vita Latine, ut pote historici Latini, scripta, in qua dum copiam & diligentiam nimis fortasse exquisitam admiror, elegantiam desidero. Jamdiu enim Zenus reliquerat exercitationes Latine scribendi (11) ea credo laude contentus, quam ex suavitate Etruscae linguae colligebat, quae tanta erat, ut appareret in eo nativum quemdam leporem esse, non adscitum. Neque mediocriter elaboravit Zenus in notandis ad marginem libri temporibus, quibus res a Sabellico (hoc etiam praestitit reliquis in historicis) narratae ceciderunt, cum praepostera, perturbata ac confusa plurima essent in illius historia. Petri Cardinalis Bembi vitam minime exposuit Zenus, sed expositam a Jo. Casa copiosis notis illustravit & auxit, ut hanc praeponeret

historiae simplici illi quidem & nudae (Caesarem enim unum imitatus est) sed purae in primis atque illustri, quam Bembus Latino conscripsit. Atque ex his constat secundum volumen. Tertium autem habet res a Paruta Italice conscriptas gravissimo sane historico, cui neminem praefero copia praeceptorum ad rem publicam gubernandam, cognitione earum rerum, quae sunt in hominum moribus; civilibus institutis, & in Imperiorum disciplina, & grata varietate, qua res externas cum domesticis ita conjungit, ut illae his unice servire videantur. Quam de eo exaravit vitam Zenus, dignam quidem tanto viro omnes judicarunt compositione, ubertate, atque elegantia. In ipso aditu operis narrat ille, qua de causa circiter ann. MCCCXVII. non solum Parutarum familia, sed etiam aliae multae nobilitate praestantes e Lucensi in Venetam Rempublicam migraverint, quantisque privilegiis decoratae fuerint, quod artem fabricandi serica Venetos docuere. Quanquam id certissima monumenta testarentur, justam tamen querelarum causam cum Zeno se

habere putavit Petrus Garzonius Senator amplissimus (hujus enim familia in illarum numero fuit) quod ea protulisset in lucem , quae ipse occultari maluisset , quasi aliquid nobilitati suae detraherent . Hujusmodi querela magnopere contristavit Zenum ; neque illam mediocriter valuisse credo ad abjiciendum consilium ea perficiendi & vulgandi , quae de Scriptoribus Venetis ipse collegerat . Videbat enim se non posse omnia loqui ad veritatem , quin multorum in offensionem incurreret (12) . Reliquorum historicorum , quos supra nominavi , vitas minime contexuit Zenus ereptus patriae eo tempore , quo haec ab ipso omnia summa expectare videbatur . Jam tum cum coeperunt in scenam prodire illius dramata , tanta illico de ipso surrexit fama , ut haec non Italiae solum , sed & aliarum regionum , & Germaniae praesertim fines peragraverit . Quo factum est , ut ab Anspachii & Vindelicorum Principibus , nec non a Leopoldo Caesare valde liberaliter Zenus invitatus fuerit ad Poetae munus apud ipsos sustinendum . Ne tum ab Italia & a patria

discederet variae obstitereunt causae, illa in primis, quod matrimonii vinculis esset irritus. Haec solvit mors Februario mense an. MDCCXV. uxore extincta, ex qua filiam habuit, quae vix lucem hominum adspexit; sed & alia supererant summae conjunctionis vincula cum matre & cum liberis, quos ea susceperat ex nobilissimo viro Petro Antonio Cornelio, cui nuptam fuisse supra commemoravimus; itidemque cum fratre & sorore & cum patria, a qua nova acceperat beneficia, praepositus exercendis vectigalibus, quae ex mercibus mari advectis exiguntur. Multum quidem aberat Zenus, ut ex his vinculis, dulcissimis iis quidem, ut pote amoris & pietatis, laxari aliquid vellet; sed quo facilius juvare eos posset, qui opis suae indigebant (13), cessit tandem liberalissimae invitationi Caroli VI. Caesaris, qua ineunte autumno ann. MDCCXVIII. Viennam ductus est. Duos circiter menses consumpsit in itinere, cum non longe a Tarvisio fractum ei ex casu dextrum crus fuerit. Nec solum in ipsa curatione, sed cum Viennam etiam pervenisset, chirurgi vitio & itineris

agitatione dolores & incommoda multa perpeffus eft . His malis accessit invidiae obtreftatio & tarditas fumma , qua omnia pene negotia in Aula Caefaris gerebantur , ob quam nec plane certus poterat eſſe Zenus de forte ſua , nec pecuniam habere in promptu , qua rebus ſuis conſuleret . Obverſabatur ei ante oculos exemplum Leibnitii Germanorum omnium doctiſſimi , qui magnis promiſſis invitatus , magnisque precibus impetratus a Boruſſiae Rege , duobus & amplius annis Viennae fuit nullum unquam videns exitum rerum ſuarum (14) . Sed quam falſo timeret Zenus ſimilia ſibi accidere poſſe , intellexit ſtatim ac ex vulnere recreatus adire Caefarem potuit . Hic enim dedit ei ſingulares voluntatis ſignificationes ; & datis quoque muneribus , ſatis oſtendit ſe velle non ſolum quod promiſerat facere , ſed etiam prolixè cumulateque facere . Proſecto plurimi ille liberalium artium ſtudia doctosque homines aeſtimabat ; neque erat mediocriter in litteris verſatus . Narrabat ſe in prima juventa ſtadium philoſophiae acrius ultra , quam conceſſum Principi videri poſſit , coluiſſe ,

luisse, nisi prudentia institutoris incensum & flagrantem animum coercuisset: postea mitigavit ratio & aetas, retinuitque, quod de Agricola quoque praedicat Tacitus, ex sapientia modum. Adeo pollebat memoria, ut quae in pueritia acceperat legeratque, adultus recordaretur; adeoque ardebat cupiditate hunc omnium rerum thesaurum magis magisque locupletandi, ut libros, de quibus maxime praedicari audiebat, aut legeret per se, aut de iis ad se referre doctos homines juberet. Nae ille permagno tenebatur desiderio instituendi Viennae Academiam, quam flos doctorum hominum condecoraret, quaeque Parisiensem & Londinensem aemularetur. Hac de re saepe Caesar cum Zeno sermones habuit ejus consilia & operam exquirens. Sed quoniam frustra adlaborant Principes in hujusmodi rebus, nisi habeant intelligentes & bene animatos ministros (tantum ne florere potuisse Ludovicum XIV. favore in litteras putamus, si Colberto caruisset?) studiis Caesaris minime felices exitus contingere. Sed non propterea minus ille efferendus est laudibus; &

quidem plenae sunt litterae Zeni (15) huiusmodi praeconiis debitis non tam ingenio Caesaris, illiusque singulari amori in litteras, quam ejusdem maximis clarissimisque virtutibus. Quam vellem tanti Principis vitam historiae monumentis illo suo mirabili Etruscae scribendi lepore Zenus consignasset! Et maximum incitamentum illi poterat esse, quod non solum Poeta, sed etiam Historicus Caesareus declaratus esset, quodque de eo scripsisset, qui cum res gestas, tum aures atque studium adhibere potuisset. Sed omne ferme tempus consumere cogeatur Zenus in studio musico, quod utile magis quam gratum illi erat. Paulo postquam Viennam advenerat, in scenam attulit Iphigeniam; nec defuere maledici, qui surreptam, non factam ab illo fuisse dicerent. Huiusmodi maledictis ita respondit Zenus, se quidem transtulisse suum in melodrama ab Euripide & Racinio locos quosdam, cum incidit, ut id apte fieri potuerit, ut ab Homero Ennius, Afranius a Menandro, & Racinius ipse ab Euripide consuevere. Et quidni id liceret, si veteres celebriores poetae

tum etiam bene mereri de suis civibus judicabantur, quando integras Graecorum fabulas vertebant, ut ad suorum cognitionem divina illa ingenia transferrent? Qui igitur haec vituperant,

Faciunt nae intelligendo, ut nihil intelligant.

Post Iphigeniam dedit Zenus L. Papirium; atque hic si illi cessit perfectione operis, antequam certe approbatione & plausu spectantium; ipseque Caesar nihil simile se unquam vidisse audivisseque palam professus est (16). Huic rei causam praesertim dedisse putavit Zenus copiam gravissimarum sententiarum, quibus quasi stellis suum illustravit melodrama. Etenim brevi intellexit nihil dulcius esse gravissimo optimoque Principi exemplis grandioribus, orationibusque sumptis de vita, quae aut quid sit, aut quid esse oporteat, doceant; contra vero nihil insulsius amoribus iis, quos homines arte sua abutentes in scenam invexere, quosque corrupti depravatique mores retinuerunt: quapropter aliam viam, quam tritam eatenus a

se ipſo tenendam ſibi putavit (17). Cum an. MDCCXIX. Maria Joſepha Joſephi I. Caefaris filia Friderico Auguſto Regio Principi Saxoniae nupta fuiſſet, has nuptias dramatice celebrare juſſus eſt Zenus, in eoque elaborando non tam officio ſuo omniumque expectationi, ſed, quod difficillimum erat, ſibi ipſe ſatiſfecit. Appellavit hoc *Siriza*, quae erat filia Sivaldi Daniae Regis, de qua narratur praeter patris, nullius unquam hominis conſpexiſſe vultum, adeo pudica erat. Adſpexit tandem Ottarum, & cum eo nupſit; ac mirum proſecto eſt, totius dramatis nodum ex unico oculorum obtutu pendere potuiſſe. Deinceps multa alia melodramata, de quibus ſingulis dicere non eſt neceſſe, eaque non minus diligenter elaborata & tanquam elucubrata attulit. Etenim ſe ſemper ante oculos habere dicebat praeceptum, quod Q. Tullius Cicero Marco fratri petenti Conſulatum his verbis dedit: *Quamobrem quoniam ab hac laude proficiſceris, & quidquid es, ex hoc es, ita paratus ad dicendum venito, quaſi in ſingulis cauſſis judicium de omni ingenio futurum ſit*. Et quanquam hoc Zeno,

cum aliquid accuratius scripisset, semper ferre contigerit, ut nunquam scripisse melius putaretur, tamen cum docuit Nitocrim, omnium consensu sic fuit tum judicatum, ceteros a Zeno semper omnes, illo autem dramate etiam ipsum a se superatum (18). Non unus erat Zenus Poeta in Aula Caesaris. Erat & eodem gradu Petrus Pariatus homo non solum studiorum similitudine, sed & officiis, usu & consuetudine jamdiu Zeno conjunctissimus, quem aliquando sibi socium in componendis dramatibus adjunxit, & tum maxime, quando angustiae temporis illum coegerunt. Nam eodem anno duo saepe dramata facere jussus est; neque haec tantum, sed etiam illius generis poemata, quae *Oratorj* nos appellare solemus. Habuit interdum a Caesare alia etiam mandata poetica, velut extraordinaria pensa, in quibus omnibus magna solebat esse occupatio studiorum suorum. Nihilo tamen minus si incurrebant subcesiva quaedam tempora, haec homo industria singulari perire non patiebatur, multasque dissertationes tum historicas, tum philologicas contexuit (19). Nec deerat

litteratis amicis illustria ac prope divina bona, quae multis vigiliis, improbo labore, assidua exercitatione adeptus erat, non apud se avare continens, sed ad communem illorum utilitatem liberalissime conferens. Et commemorandum mihi in primis videtur quomodo se gesserit adversus Muratorium, ex quo conjici potest Zenum nunquam invidisse, sed favisse semper alienae gloriae. Declaravimus supra ipsum innumera fere collegisse ad opus illud conficiendum, quod inscribere meditabatur *Scriptores rerum Italicarum*, ex quo maximam sibi laudem poterat polliceri. Dolebat ob suum Viennam adventum fuisse tantum opus interruptum, cujus tamen conficiendi neque desiderium neque spem deposuit. Quin immo ex Caesaris bibliotheca & tabulario, in quod penetrare libere poterat, non pauca hauserat ad illud ipsum ornandum. At ubi Zenus intellexit Muratorium eandem cogitationem curamque suscepisse, non questus cum illo est, quasi in alienas possessiones invasisset, sed ipsum & consilio & opera, & quibus aliis potuit rebus, ad incoepta perficienda adjuvit. Non

pauca etiam contulit, ipso hortante Caesare, in opus Ephemeridum Litteratorum Italiae, cujus curam Petri Catharini fratris sui carissimi ingenio ac diligentiae praesertim commiserat. Et siqua fuerunt alia hujusmodi mandata, sicuti ea, quae spectabant impressionem Scriptorum rerum Venetarum, narrationemque vitarum Maurocenii, Nani & Foscarenii, in iis exequendis plurimum eundem fratrem adjuvit. Nihil vero, quod esset alicujus momenti, consignabat litteris Zenus, de quo Caesar in familiarissimis, quos cum eo habebat, sermonibus doceri minime vellet. Sic enim suppeditari sibi dicebat, ubi animus ex Aulae strepitu reficeretur, & aures rebus publicis defessae conquiescerent. Quod delectationis genus utinam omnes gustarent Principes. Nam voluptates, quibus multi eorum tenentur, neque temporum sunt, neque aetatum omnium, neque locorum, & saepe creant offensionem atque fastidium. Quare merito dicebat Scipio, quod secum Ennium haberet, se multorum triumphis anteponere. Quo vero vincula, quae Vienna Zenum retinere debuif-

sent, arctiora faceret Caesar, illum succedere optasset in locum Jo. Benedicti Gentilotti, qui erat a bibliotheca, aut illius, qui curam habebat antiquorum numismatum ceterorumque vetustatis monumentorum. Et ipse noverat optime bibliothecam & museum, quod utriusque frequentandi data ei raro sane exemplo licentia ac libertas fuerat; & bene etiam de utroque meritus erat, cum donasset Caesari rara quaedam monumenta, cumque illius consilio factum esset, ut ab eodem millibus florenorum LXXX. emeretur bibliotheca Hoendorfiana Batavarum fere omnium celeberrima. Nihilo tamen minus utrumque munus recusavit, sperans se aliquando ad suos Italos liberum, tanquam emeritis stipendiis Musarum, posse reineare. Semel iterumque & tertio revisit suos; postremo valetudinem, ingravescentem aetatem, aliaque incommoda excusans plane deferendi Viennam & Aulam a Caesare veniam impetravit. Invitissime ille a se tantum virum dimisit, quo neminem videbatur habere cariorem: aegre & dolenter Zenus se ab eo Principe disjunctum, quo

neminem sibi amiciorem, si id loqui de Principibus fas est, & beneficentio rem sibi fuisse dicebat (20): sed vicit suorum patriaeque caritas, rediitque Venetias XI. anno postquam inde primum discesserat. Plura secum detulit munera (*& praeconia Principum*, ut ait Poeta ille Siculus, *esse debent clarae munera liberalitatis*) quae non tam a Caesare habuerat, quam a Willelmina Amalia Josephi I. uxore, a qua se aliquando adhibitum esse narrabat ad convertenda e Latino in Italicum sermonem, praeter alia quaedam, scripta nescio quae S. Augustini. Illud vero maximum beneficium fuit, quod annuum stipendium quatuor mille florenorum, quod Zeno, cum primum Viennam venit, constitutum fuerat, absenti etiam solveretur ea conditione, ut singulis quibusque annis sacrum drama conficeret, quod cani ad harmoniam mos erat feria VI. majoris Hebdomadae in Sacello Caesareo. Horum dramatum XV. ipse in vulgus edidit ann. MDCCLXXXV. dedicavitque Carolo & Elisabethae Augustis conjugibus. Post haec alia duo componere iussus est, quae minime in vulgus prodie-

re. Verum ex quo alacritas illa, qua studia poetica fovetur, deferbuit in Zeno, animumque ejus graviorum & senescente aetate digniorum artium tractatio sibi vindicavit, invite se ad Musas referebat; quapropter hujusmodi dramatum conscribendorum curam Petro Metastasio, qui suum in locum successit, datam fuisse non modo facile passus est, sed etiam vehementer gavisus. Inter haec autem dramata primum locum se dare dicebat illi, cui nomen *la Gerusalemme*, quodque ad Christi pedes cruci suffixi jacens magna ex parte confecit. Nec miror hominem singulari in Christum Jesum pietate potuisse tale argumentum & tenere & cum sensu tractare. De reliquo satis se contentum esse dicebat Zenus sacris his dramatibus, cum e contrario memoriam extingui optaret ceterorum, quae in theatrum adduxerat. Quapropter nunquam a se impetrare potuit, ut haec corrigeret, cujus tamen rei faciendae, eademque simul juncta Venetis typis imprimendi Gasparo Gozio homini sane intelligenti potestatem fecit. (21). Sed quamvis ita de suis melodramatibus judicaret Zenus,

ut abortus potius quam partus illa esse diceret, aegre tamen tulit in ea fuisse sententia Muratorium, Fontaninium aliosque, ut vix aut omnino fieri non posse crederent aliquid tolerabile in hoc poësis genere (22). Profecto quae habemus tum Zeni tum Metastasio dramata satis illos convincunt erroris; nec mediocris & obscura laus fuit Zeni, primum omnium exemplo suo monstrasse viam, in quam diu longoque intervallo errantes homines adduci possent. Argumenta apte eligebat, feliciterque explicabat; illo suo singulari iudicio in tota dramatis oeconomia videbat quid deceret, quid non; non mimicos & scurriles jocos, ut omnes fere ante ipsum, neque res magis a veritate abhorrentes, sed aptas gravesque confectabatur sententias, & a vero aut a vero simili nunquam discedebat. Plurimum sane concedit Metastasio poeticis ornamentis, lepore, venustate, & sensu, ac arte quadam, quibus ille & commovet, & totos ad se rapit auditores suos; nihilo tamen minus habet & suas virtutes Zenus, & illam praesertim, qua novit omnia momento quodam

ac judicio dispensare atque disponere. Praeter haec, qui de his duobus poetis judicare volunt, reminisci debent neminem Zeno, hunc vero Metastasio fuisse ducem. Non sine caussa aliquando exquisivi ab ipso Metastasio, quid de Zeni dramatibus sentiret, cujus sapientissimum elegantissimumque responsum infra exscribere juvabit (23). Nimis fortasse multa de poeticis Zeni scriptis. Reliqua nunc persequemur, in quibus idem elaboravit beneficio Caesaris Augustaeque Filiae fruens in patria otio cum dignitate, quod maxime esse optabile bonis & beatis viris merito dixit Cicero. Vitam Henrici Catharini Davilae Italice & copiosissime exposuit, ediditque cum illius historia de bellis civilibus Galliae an. MDCCXXXIII. Vitam etiam alterius historici Francisci Guicciardinii a Dominico Maria Mannio conscriptam notis auxit atque illustravit. Collegit quam plurima ad Mutii Justinopolitani vitam & scripta pertinentia, quae litteris mandare meditabatur. Id vero cum praestare variis impeditus difficultatibus minime potuisset, collecta a se se Joanni Rainaldo Carlio li-

beraliter concessit. De Manutiis omnium maximis typographorum non pauca sane curiosa, nec antea bene cognita in lucem protulit: majora etiam protulisset de libris praefertim ab ipsis impressis ab an. MCDLXCV. ad annum usque MDXCVII. quo tempore mortem obivit Aldus junior, & de universa illorum typographii historia, si aut diutius vixisset, aut surrepta ei minime fuissent adversaria, in quibus minutissima quaeque ad hanc rem spectantia descripserat. Desperans se posse perficere ob proVectam aetatem valetudinisque incommoda opus multi sane laboris multarumque vigiliarum de Scriptoribus Litteratisque Venetis, quod priusquam Viennam concederet, instituerat, innumera pene a se diligentissime collecta & prudentissime observata cessit Joanni de Augustinis erudito viro e Franciscana familia, qui toto animo & studio omni in idem opus se dicebat incumbere. Eadem & majora etiam postea suppeditavit Marco Foscarenio maximo & spectantissimo viro, qui idem sic tractavit argumentum, ut etiam si multi cum ipso contendissent, omnes tamen non solum

rerum copia , sed etiam iudicio , & dicendi arte facile superasset . Saepe ipse in suo libro mentionem Zeni facere debuit , & nunquam fere fecit sine praeclaro iudicii sui testimonio (24) . Et sane in patriis monumentis perquirendis quid ejus diligentiam subterfugit , aut satietati superfuit ? Non parum adjuvit Nicolaum Colletum & Antonium Fridericum Seghezium , cum alter Ughellii opus de Italis Episcopis , alter historiam & commentaria Crescimbenii de Italica poesi corrigenda illustrandaque suscepisset . Sed non paucos Crescimbenii errores antea etiam emendaverat Zenus , cum id opportune facere potuisset in prioribus Ephemeridum Litteratorum Italiae voluminibus . Haec vero amice accepisse Crescimbenium ex eo conjici potest , quod multa a se prolata in historia , in commentariis , quae illam subsequuta sunt , postea retractavit emendavitque . Sed emendationes , retractationes & corollaria huc & illuc sparsa adeo perturbabant & confundebant omnia , ut vix ullum amplius usum haberet pars illa , quae ad historiam spectabat , & nunquam satis clare

apparerent contenta in ipsis commentariis . Bene igitur ac sapienter factum est a doctis viris , qui opus ex inordinato in ordinem adduxerunt , singulae personae & tractationi , quae sua essent , concedentes , & horum multa necessariis notis illustrantes . Eodem tempore , quo haec gerebat Zenus , laborabat quoque , ne a scribendis Litteratorum , quas Ephemeridas vocavimus , fastis ulla fieret intermissio : cumque unum ex omnibus ad hoc opus maxime aptum cognovisset fratrem suum , maximam oneris partem in illum transtulerat . Quare minime est mirandum , si hoc e vivis an. MDCCXXXII. erepto , impeditoque tum Apostolo aetate , morbis , aliisque occupationibus , idem opus paullo post plane cessaverit . Non quaero quid alii postea gesserint , ne Italiae Ephemerides suae deessent : nam propositum nobis tantummodo est de rebus a Zeno gestis narrare (25) . Ceterum hic graviter adeo tulit mortem fratris amicitia omnique voluntate sententiaque sibi conjunctissimi , ut nulla res ejus sanare vulnus potuerit , increpantibusque nimium dolorem illa Augustini solebat

respondere: *quoniam itaque deferebar tam magno ejus solatio, sauciabatur anima mea; & quasi dilaniabatur vita, quae una facta erat ex mea & illius* (26). Neque multo post matrem quoque amisit; & plenae sunt ejus epistolae querimoniarum ob mortem illius, & amicorum; eaeque satis declarant sensus humanissimos tenerrimosque ei naturam tribuisse. Quod nolim a duris quibusdam hominibus, tanquam effeminatum, accusari. Etenim carere sensu doloris miserius esse arbitror, quam immoderate dolere. Magnum tamen ei in his doloribus afferebat solatium societas Andreae Cornelii fratris sui, apud quem vivebat, & quocum omnia communia habebat: ut aliqua vero ratione compensaret jacturam, quam studia sua in morte fratris fecerant, horum socium & adiutorem sibi adscivit Joannem Antonium Verdanium hominem quidem optimis artibus eruditissimum. Sed eo praesertim usus est in conficiendis indicibus bibliothecae & musei sui, quorum utrumque multorum sane erat nummorum, & superbissimo delectu collectum, adeo ut rem gratam & utilem harum rerum

rerum amatoribus se facturum Zenus putaverit, si eosdem indices in lucem ederet. Nihil dum allatum a nobis est, ex quo intelligi potuerit fuisse in Zeno insatiabilem quamdam cupiditatem colligendi praestantiora veterum Graecorum Romanorumque numismata; & ipsum in veris a falsis distinguendis, iisdemque explicandis oculos eruditissimos habuisse. Coepit anno MDCCV. magis obvia Imperatorum numismata veluti per jocum emere; ex his desiderium haud vulgaria & communia colligendi; postremo tanta cupiditas praestantiorum & rariorum, ut cum non semper haberet in promptu pecuniam ad illa comparanda, magis illum poeniteret coepisse, quam liceret desinere. Eo tempore, quo Viennae fuit, quod magis abundaret, maximam musei sui partem acquisivit, saepe etiam his de rebus mandata dans absentibus amicis suis. Fuit profecto ad rariora aequirenda numismata summae diligentiae maxima adjuncta fortuna, gestiebatque laetitia Zenus quod posset cum divitioribus hac in re contendere. Neque haec ad inanem ostentationem. Intellige-

bat enim quantum historiam juvaret numismatum studium, in quo ut ipse, experientia & lectione ducibus, longissime procederet, utque ejusdem amorem in Italiam suis accenderet, nulli parcebat industriae. Non est tamen celandum, quamvis in hujusmodi rebus peritissime ac callidissime versaretur Zeno, ipsum aliquando in errorem raptum fuisse, cum argenteum Hadriani numisma maximi, ut vocant, moduli, cujus compotem fecit amicum suum Jo. Franciscum Baldinium ad augendum opus Vailantii *de numismatibus Imperatorum Romanorum praestantioribus*, ad Augustum pertinere putaverit. At gratulor Zeno, qui perquam raro offendeat in iis rebus, de quibus affirmabat, aliquando tamen lapsus fuisse, ne haec quoque laus ei deesset, ingenue semper confessum esse errata sua, sicuti decet viros bonos & simplicis veritatis amicos (27). Dolendum vero, si sparsa quaedam in ejus familiaribus epistolis exceperis, nihil ipsum mandasse litteris posteritati earum rerum, quas observaverat in vestigandis antiquitatis monumentis; quod ne faceret obstitit praeser-

tim singularis illius modestia (28). Reperta inter ejusdem scripta fuit de Gente Julia dissertatio, sed haec nulla ex parte perfecta. Acerrima & fortissima cupiditas, quae tenebatur Zenus, praeclara numismata parandi, paullulum imminuta ac debilitata fuit temporibus illis difficillimis solutionis, quibus ob mortem Caesaris. crudeli bello tota ardebat Germania: ac postremo, quo rebus suis providere melius posset, consilium cepit vendendi grandi sane pecunia museum suum nobilissimo viro Germano, quod nunc, quidem extat apud Canonicos S. Floreani in Austria Superiore. Restabat Zeno velut oblectamentum & solatium senectutis omnibus libris ornata atque referta bibliotheca, cui unice se debere putavit magnum opus, quod extrema aetate suscepit ad emendandum Justi Fontaninii librum inscriptum *Biblioteca dell'Eloquenza Italiana*. Cum primum anno MDCVI. in lucem prodiiit istud opus, rogatus Zenus de eo sententiam exponere suam, scripsit ad Fontaninium quae magis ad emendationem perfectionemque illius conducere putavit, & quae non aliena esse du-

xit ab amicitia. At Fontaninius, cujus aures nunquam praeceptis & monitis amicorum facile patuerunt, ex una parte aegre tulit se potuisse de infinitis rebus a Zeuo admoneri, ex altera gavissus est habere se, quo melius posset existimationi ac gloriae suae consulere, quotiescumque ejusdem operis secundo imprimendi consilium suscepisset. Id ita praestitit extrema aetate, ut multa, sed non omnia emendaverit; quodque mirabilius est nunquam in toto opere Zeni mentionem fecit, quasi hominis vulgaris, & quasi nihil ab eo subsidii accepisset. Doluit id Zenus; & sane justam habuit dolendi causam. Nullam enim litterae aliam mercedem laborum desiderare videntur praeter hanc laudis & gloriae, qua quidem detracta, quid est quod in hoc tam exiguo vitae curriculo, & tam brevi tantis nos in laboribus exerceamus? Sed Zenus magis etiam quam suam dolebat vicem plurium amicorum suorum, quos male habuerat Fontaninius. Quapropter aequitati veritatique, & Italiae quoque gloriae se servire existimavit, si illud opus non augendum perficiendumque,

quod infinitum & immensum fuisset, sed emendandum, & interdum etiam illustrandum suscepisset. Et sane non exiguus erat campus, in quo mirabilis Zeni prudentia atque eruditio excurreret. Nam frequenter Fontaninius temere credit, & ex levi conjectura fallacissime judicat; nunquam perpendit aliena judicia, quando utitur suis; in his ipsis non semper sibi constat; saepe negligit aptam & accommodatam rerum dispositionem; & saepissime res maximi momenti oscitanter praetermittens, eas, quae sunt minimi, fastidiose repetit. Cum vero de libris refert, frequentissime labitur, mutans & confundens eorum inscriptiones, nomina & cognomina typographorum, tempora, loca & formas, quibus fuerunt impressi, & errans interdum in ipsorum Scriptorum nominibus, eorum patriis & temporibus, quibus vixere, recensendis. His aliisque malis ut provideret, quasi suo jure sibi sumpsit Zenus. Nemo enim illo fuit unquam instructior in ea parte litterariae historiae, quae ad Italos per quinque & amplius saecula pertinet, cujusque parens me-

rito a nonnullis nominatur. Quo instrum-
to, judicio acri & certo, magna, ut dixi-
mus, librorum copia, ea diligentia, ut ni-
hil affirmaret quod ipse per se non vidis-
set, atque lepore, festivitate ac sale scriben-
di summo tales potuit Zenus animadversio-
nes illustrationesque in Fontaninii *Bibliothec-
am* facere, quales a nemine fieri potuisse
arbitror. Atque hae virtutes magis etiam
comparent ob argumenti genus in eo opere,
quod omnium Zeni est maximum, quodque
inscribitur *Dissertationi Vossianae*. Scripsit Vos-
sius volumina duo de Graecis Latinisque hi-
storicis, sed ita scripsit, ut imitari eos vo-
luisse videatur, qui in uberrima segete non
solum stipulas excidendas, sed etiam spicas
ipsas aliis colligendas relinquunt. Sed prae-
sertim Scriptorem diligentia defecit in ea
parte, quae spectat ad Italiam, cujus amor
facile a Zeno impetravit, ut ipsum supple-
ret emendaretque, ab eo tempore initium
sumens, quo Francisci Petrarchae opera in
primis factum est, ut litterae tanquam ad
adspiciendam lucem revocarentur. Inchoavit
opus anno MDCCXII. idque in Dissertatione

nes distribuere consilium coepit, ut iis modo unum, modo alterum Ephemeridum Litteratorum Italiae volumen ornare posset. Tali modo Dissertationes xv. in vulgus edidit Zenus, quae centum historicorum vitas illustrant; quas qui leget, facile existimabit adeo diligenter illum habuisse cognitam antiquitatem, ut eam fere totam in iis exposuerit. Quare non est mirandum, si summo plausu exceptae fuerint: nec quisquam postea extitit, cui necesse fuerit de iisdem historicis scribere, qui Zeni Dissertationes tanquam oraculum minime consuluerit (29). Nec defuere etiam, qui integras vitas suos in libros retulerint, quod saepissime fecit Joannes Petrus Niceronius, & non raro Joannes Fabricius, hic in Latinum, ille in Gallicum sermonem ipsas convertens. Tantam vero Niceronius fidem habendam Zeno putabat, ut notare praetermiserit fontes, unde ille res a se prolatas hausisse dicebat, qua de re a Menchenio in eo libro, quem de vita Angeli Politiani scripsit, reprehensus est. Poterat quidem Zenus falli ut hu-

manus, quod a se alienum esse, tantum aberat ut putaret, ut postquam se a *Bibliotheca* Fontaninii expedit, emendandas, augendas, ac pene totas reficiendas suscepit Dissertationes suas Vossianas. Mirum id non solum, sed novam etiam Dissertationem, quae est de vitis Marini Barletii & Marini Becichemi facere potuisse Zenum, quando eum diuturnis febribus, haemorrhagia, insomniis & stomachi doloribus afflictum corporis vires defecerant. Sed mens pristinum conservabat robur. Cumque secus narrasset Joan. Lamius de Zeno mentionem faciens suis in Ephemeridibus, dicitur hic recitasse amicis suis, quam proxime scripserat, dissertationem, quacisque, imitatus Sophoclis exemplum, num illud opus deficientis senis esset. Iis malis accessit etiam apoplexis, ob quam oculorum pene lumine & sinistri lateris usu, & scribendi facultate plane privatus fuit. Nihilo tamen minus non prorsus obmutuit suis in studiis, cum ea dictasset Antonino Valsechio, quae praefatus est de iisdem Dissertationibus. In

his non pauca de se, quod senili aetati conceditur. Ut apud Homerum saepissime Nestor de virtutibus suis praedicat! Nec erat Zeno verendum, ne vera de se praedicans nimis videretur aut insolens aut loquax. Etenim ex ejus lingua (sicuti de Nestore quoque testatus est Homerus) melle dulcior fluebat oratio, quod ex iis, quae de ipso narravit exposuitque Marcus Forcellinius in praefatione libri de *Bibliotheca Italicae Eloquentiae*, praesertim intelligi potest. Cum vero multi admirarentur tum ceterarum rerum illius excellentem perfectamque sapientiam, tum vel maxime fortitudinem ac constantiam in ferendis acerbioribus malis, solebat ridens illa Ciceronis respondere: *necesse fuit esse aliquod extremum, & tanquam in arborum baccis, terraeque frugibus, maturitate tempestiva, quasi vietum & caducum, quod ferendum est molliter sapienti*. Sed hujusmodi fructus, mirificos illos quidem, afferebat conscientia bene actae vitae, multorumque benefactorum jucundissima recordatio. Quis enim illo fuit castior, quis integrior, quis

ad misericordiam liberalitatemque propensior, quis ad omnem humanitatem magis accommodatus? Adfuit illi semper purior religio, quam sic coluit, ut vel rigidissimis satisfaceret. Cum rebus divinis operam daret, lapidem, non hominem dixisses; adeo in caelestium rerum meditatione erat defixus. Cum verò consuecisset haud exiguum dici partem insumere in divinis recolendis mysteriis, in sacris evolvendis libris, in effundendis ad Deum precibus eo tempore, quo haec faciebat, illius janua, quae quotidie frequentia illustriorum hominum celebrabatur, quae semper multorum postulationibus patebat, omnibus occludebatur. In B. V. singulariter pius semel iterumque senex atque aeger Lauretanam Domum invisit. Postremo ad veram beatitudinem, quam semper quaesivit, unice adspirans, libros, amores ac delicias suas, quos testamento reliquerat religiosis Dominicanae familiae hominibus, antequam moreretur ipse concessit, illa usurpans verba: *Ecce nos reliquimus omnia & secuti sumus te* (30). Mendacium

neque dicebat, neque pati poterat; cumque abesset etiam a simulatione, quae tollit iudicium veri atque adulterat, rogatus sententiam suam de aliorum scriptis, ita reprehendebat ea, quae vituperanda duceret, ut nullum offensioni locum relinqueret (31). Sine arrogantia gravem, & sine segnitia verecundum non facile intellexisses utrum magis vererentur, an amarent amici, quos multos habuit, quosque sic coluit, ut appareret nihil ab iis sibi esse velle se junctum. Hoc quoque sit Zeni bonitatis exemplum, quod eorum, inter quos non solum esset laudis aemulatio, sed etiam obrectatio tanta intercederet, quanta incidit inter Fontaninum, Muratorium atque Massejum, usum benevolentiamque semper retinuerit. Pacis vero amantissimus nulli parcebat industriae, ut non solum odia, sed etiam querelae tollerentur; & illo arbitro & consiliario, multae porro dissensiones & controversiae extinctae sunt. Sic se gerendo, & neminem laedens, facillimeque obliviscens injurias, potuit gloriari multos se amicos, neminem

vero inimicum habere . Tanta vero lenitas & mansuetudo Zeni eo admirabilior esse debet , quod natura erat propensus ad iram , sed ipse vel a prima aetate nimios animi motus , & rationi non obtemperantes frenare didicerat . Erunt fortasse qui existimabunt hoc Zeni elogium non plane congruere cum iis , quae scripsit ad emendandam Fontaninii *Bibliothecam* . Ii mirari potius debent tanta fuisse Fontaninium petulantia atque negligentia , ut aliquid falis ab homine ingenii dulcissimi trahere potuerit . Praeterquam quod minime in vita erat Fontaninius , quando illa scripsit Zenus ; nec vulganda permisit nisi consilio illius , quem a confessionibus adhibebat , qui iudicavit ipsam per se veritatem acriter saepe a Fontaninio laesam , si causam suam defendere debuisset , non lenius defensuram . Quamquam gloria , amplissimisque honoribus abundaret Zenus , modestiam tamen semper servavit ; & gratia quae illi fuit maxima cum Caesare , cum Eugenio Principe Sabaudico , aliisque potentioribus , non ad ostentatio-

nem, propriamque augendam fortunam, sed ad aliorum usus est subsidium. Tanta autem cum esset modestia, nunquam sensit invidiae morsus, & nihil minus verebatur, quemadmodum de Scipione praedicavit Livius, quam ne quis obstaret gloriae suae. Quare minime est mirandum, si vix ferre poterat quosdam in litteratorum republica aut principatum, aut perpetuam dictaturam appetentes. Erat & aliud genus hominum, quos vitabat, & cum videbat, tanquam auspicium malum, detestabatur. *Hi autem erant, qui blasphemant quaecumque quidem ignorant: quaecumque autem naturaliter, tanquam muta animalia, norunt, in his corrumpuntur.* Difficile est omnia persequi, & non necessaria. Illud unum intelligi volumus fuisse Zenum hominem singulari virtute & doctrina. Tali modo cum annos unum & octoginta & menses XI. compleisset, obiit Venetiis, sepultusque in Aede *Sanctissimi Rosarii* cum funeris pompa (32). Laudatus etiam fuit Italica & Latina oratione, quarum alteram Antoninus Valsechius, alteram

Hyacinthus Menegattius , uterque Ordinis Praedicatorum , habuit. Quod si pro meritis gratiae referri deberent Zeno , aut hoc tempora ipsa paterentur , jam in celeberrimo aliquo urbis loco , quemadmodum olim Delphis Georgiae illi Leontino , insigne ejus virtutis monumentum esset excitatum. Verum intereunt statuae , ut ait Cicero , tempestate , vi , vetustate ; laudes autem virorum bene de republica meritorum posteritati , quasi per manus traditae , vix convescunt .

ADNOTATIONES.

(1) *De hoc opere haec habet Zenus in Epistola ad Lud. Muratorium*. Sarà una buona Raccolta di Autori Latini, che hanno scritte le cose della nostra Italia. Il primo tomo (poichè sarà in molti divisa) abbraccerà gli Storici particolari della Lombardia sì superiore, come inferiore, a' quali porrò innanzi alcuna Cronaca universale, sempre d' Autore Italiano. Del mio vi saranno prefazioni universali e particolari, annotazioni marginali, indici copiosi, ed appendici di stromenti autentici antichi, e di pistole istoriche, che illustrino qualche fatto, non però mai stampate, oltre alle notizie di ciascuno Scrittore, e la contezza particolare del MS. e delle persone che me ne avranno favorito. *Epist. 34. Vol. I. Ex hac Epistola, sicuti ex 22. intelligi poterit, quae praesertim scripta priori operis conficiendo volumini destinaverit Zenus.*

(2) Quanto alla mia Storia, ella non è tale, che abbia potuto prevenirla il Sig. Ab. Crescimbeni con quella sua pubblicata, e più volte da me riletta. In questa non v'è una vigesima parte di ciò che si racchiuderà nella mia, ed il metodo n'è totalmente diverso, come pure il disegno. Io m' affatico di stendere le vite ex professo colla notizia accurata delle loro opere, coll' idea del loro stile, e col giudizio, che in ogni tempo ne hanno dato i critici e i letterati. abbraccerà due mila in circa Scrittori, principiendo dal fine del Secolo XII. in cui la nostra Poesia

epist. 62. Desidero comunicarle un mio disegno affine di averne il suo purgato giudizio . Ho poste insieme molte mie osservazioni su più di D. codici manoscritti da me esaminati . Vorrei pubblicarle di centuria in centuria , affinchè i volumi riescano maneggevoli ; ed in fine d' ogni centuria penso per dar più credito e più curiosità all' opera , metterci qualche opera inedita ora d' istoria ora di poesia , ora d' altro , secondo che giudicherò più spediente . Mi dà alquanto di fastidio il titolo . Aveva pensato di chiamarla la libreria manoscritta , centuria prima, seconda ec. ma non mi trovo contento . Lo vorrei più espressivo , e però ricorro a chi più di me ha pratica e intelligenza . *Vidend. etiam Epist.* 64.

(8) La Galleria di Minerva (*sic Zenus in epistola ad Antonium Franciscum Marmium*) non ha più credito , ed è piuttosto un guazzabuglio mal composto che una ben condita vivanda : disgusta il palato e fa nausea , comechè di quando in quando vi entri qualche cosarella che solletichi il gusto . *Epist.* 92.

(9) *Epist.* 183.

(10) *Appellat Zenus* Equivoco d' apparenza *sequens auctoritatem Jacobi Mazzonii* .

(11) *Haec Zenus ad Salvinum* *Salvinium epist.* 316. Il primo Tomo contiene le Deche del Sabellico . Io vi ho fatto una prefazione istorica Italiana , dove rendo conto di tutti gli Storici pubblici Veneziani sì impressi sì manoscritti . Vi ho pure aggiunta una vita di M. A. Sabellico assai copiosa , scritta Latinamente , come meglio ho saputo , essendo molto tempo che in

tal lingua non mi esercito punto Ho cercato inoltre di illustrare la cronologia confusissima di detto Istórico col porvi gli anni nel margine , il che mi è costato non poca difficoltà e fatica . Lo stesso si farà susseguentemente nel Bembo e negli altri .

(13) *In Epistola ad Petrum Cannelum* . Io parlo a lungo di questo grande Scrittore (di Daniel Barbaro), il quale fu letteratissimo e amatore e protettore di tutti i letterati del tempo suo , nella mia opera de' Veneziani letterati , la quale non so se mai potrà uscire alla luce ; poichè come in essa intendo di trasferir non gli elogi , ma le vite de' soggetti dotri della mia patria , temo che la censura sia per dar disgusto a molti , e difficilmente mi si lasci correr la stampa di molti luoghi , che per altro sarebbono il meglio del libro . *Epist.* 190.

(13) Dovendo io trasferirmi al servizio di S. M. Cesare e Cattolica mi resta in patria il peso di mantener casa , e di provvedere di quanto bisogna una madre vecchia settuagenaria e insieme una sorella già maritata , e un'altra uterina ancor nubile col restante della famiglia . Il loro mantenimento è stato finora mia industria . La patria mi ha dato carichi : lo studio mi ha dati proventi . Io debbo colla partenza abbandonar tutto ; ma sempre mi riman l'obbligo del loro sostentamento . Tener casa in Venezia mi è di necessità sì per riguardo di chi vi dee rimanere , sì per dovervi lasciare , il che non mi dà picciolo affanno , scimila e più libri con sommo studio e dispendio da me raccolti , che come sono il mio me-

bile più prezioso, così anche sono il mio oggetto più caro. *Epist.* 311.

(14) Io mi trovo, come vi dissi affittissimo. Il tempo, che giova a micigar tutti i mali, nel mio caso gli accresce. Ho avanti gli occhi un pessimo esempio, perchè non molto lontano. Si fece ogni sforzo da chi presiede per avere al suo servizio il Leibnizio, uno de' più dotti uomini della Germania, e forse il più dotto che al suo tempo vivesse. A grandi stensi fu concesso dal Re di Prussia. Fu in Vienna, e ci stette più di due anni, e ne partì disperato senza aver ottenuta cosa alcuna di quanto gli era stato promesso. Quanto più lo sapevan dotto, tanto più i ministri lo avevano sospetto: ne avevano della stima, ma in tutto lo contrariavano. Se non avesse avuto del suo, sarebbe morto di disagio. Io che nulla ho del mio, che cosa dovrò sperarne, e come soffrirne gl'incomodi della dilazione? Ho questo solo vantaggio sopra l'altro, cioè il saper meno di lui. *Epist.* 18. *Vol.* II.

(15) *Ex multis unam feligemus, in qua haec habet.* Non è poi capace una lettera di contenere le lodi del mio Monarca. Quel suo gran cuore ornato d'ogni virtù non si finisce mai di conoscere, nè conosciuto mai si finisce di ammirare e di amare. Un giorno gliene formerò un ritratto più somigliante, che io possa, senza timore che v'entri l'adulazione, dove la verità è sì evidente. Io ho l'onore d'essere bene spesso ai suoi piedi, e di godere da solo a solo le ore intere de' suoi saggi ragionamenti. Qui le dirò sola-

mente, che in materia letteraria egli penetra a fondo; e la sua memoria è così seconda, che più volte me ne sono stupito, e fra l'altre sovviemmi, che un giorno essendo entrati a discorrere della filosofia degli Stoici, me ne esposè i vantaggi e i difetti sopra le altre Sette degli Etnici, recandone le prove colle precise parole di Epitetto e di Seneca, che stimai che di fresco avesse studiato quegli autori espressamente, quando egli m'attestò esser più di 14. anni, che per mano non gli aveva presi. Oltre alla sua lingua naturale parla a perfezione la Latina, l'Italiana, la Francese, la Castigliana e la Catalana; e se il suo Impero goderà ferma pace, avranno in lui un Augusto protettore le scienze e le buone arti. *Epist.* 236. *Vol. II.*

(16) *Epist.* 61. *Vol. II.*

(17) *Haec scripsit Zenus ad ipsum Caesarem in epistola, qua ei dedicavit librum delle Poesie sacre.* E quando ai drammi ben tosto m'avvidi, che alla gravità del vostro costume e della dignità del vostro carattere nulla era più disadatto e contrario che il far comparire sulle vostre scene quel comico ed effeminato, che introdotto dall'abuso dell'arte, e sostenuto dalla scostumatezza del secolo, i personaggi o per grado più eminenti o per fama più celebri travisava e sfigurava in maniera, che tutt'altro sembravano che quali erano stati, e quai dovevano anche finti rassomigliare. *Et paullo post.* Dovunque poi nel racconto della illustre vita (*illustrum Principum & Heroum*) m'abbattea ad osservare o maturità di consiglio ne' dub-

bj affari , o magnanimità di perdono nelle offese sofferte , o moderazione ne' tempi prosperi , o forza ne' casi avversi ; dovunque io trovava memorabili esempi o di costante amicizia , o di amor conjugale , o di man forte a sollievo degli innocenti , o di cuor generoso a ristoro de' miserabili ; dovunque in fine mi si affacciavano atti di beneficenza , di forza , di temperanza o di altre virtù , tanto più commendate ne' Principi , quanto più necessarie , io tutto esponendo e ingrandendo altresì ne' miei versi , ne concepiva ogni volta un interno compiacimento , non per l' eccellenza dell' opera , ma per la rassomiglianza del mio esemplare , la quale sì viva e sì manifesta appariva agli occhi vostri , e a quelli de' nobili Spettatori , che tutti del pari ne godevano .

(18) E' opinione universale , che io ne abbia composto , nè possa comporne un migliore . L' Imperadore disse in pubblico , che sì fatte opere non si vedevano in Italia , perchè in Italia non v' era un altro Apostolo Zeno , che sapesse comporne ; precise parole di lui , che jeri appunto , giorno di gala per esser l' anniversario dell' Augustissima , me ne diede insieme con essa lode particolare . *Epist. 33. Vol. II.*

(19) La poesia non è stata fin ora la mia continua occupazione . Molte Dissertazioni istoriche e filologiche mi è bisognato di stendere per ubbidire a chi deggio : queste restano sepolte , e nascoste all' altrui sguardo e censura .

(20) Io non credo d' essere stato amato tanto da alcun mio amico , quanto da Carlo : *Refert haec Ze-*

ni verba Vassellius in ejus panegyrica oratione p. 40.

(21) Io scorgeva in que' drammi la necessità di ritoccarli seriamente, dove nè la fretta, con cui dovetti idearli e comporli, nè il riguardo del luogo, e degli attori destinati a rappresentarli, mi aveano dato tempo, e lasciato modo di liberarli da quelle imperfezioni, che per entro manifestamente, e a mente ripostata vi ravvisava . . . Se fosse stato possibile levarli affatto dal mondo o dalla memoria degli uomini, l'avrei fatto assai più volentieri, anzi che vederli con questa nuova edizione riprodotti, e in certo modo rinati. Il degnissimo Sig. Co. Gaspero Gozzi ha vinte in parte le mie ripugnanze con esibirmi la sua assistenza e la sua correzione in que' luoghi, dove più manifestamente ne avesse scorto il bisogno, dimostrandomi che è assai minor male il rimetterli in vista col loro primiero abito e aspetto, che lasciarli nella disforme sconcatura, con cui l'altrui petulanza e sciocchezza aveagli guasti e diffigurati, con pericolo, che un giorno dopo la mia morte venissero in così sconcio arnese, e informe sembianza raccolti e divulgati. *Epist. 262. Tom. III. Et alibi, id est in epist. 52. ejusdem vol. haec habet.* Delle mie cose drammatiche io so presentemente sì poco conto, che anzi che nudrirne compiacimento di averle scritte, ne ho pentimento e disprezzo; talchè a chi si ponesse a criticarle e a dirne male, io quasi ne avrei più obbligazione, che a chi ne prendesse la difesa, e ne dicesse ogni bene. Trattone alcune poche, io le considero sconcature ed aborti; ed in questo numero io metto

ancora l' Eumene, benchè questo Dramma sia stato fortunatissimo sopra le scene, e recitato in quasi tutti i teatri dell' Italia .

(22) *Vid. Epist. 276. vol. II. & notes all' Eloquenza Italiana del Fontanini p. 489. vol. II. Inter cetera haec scripsit Zenus eadem in epistola.* Per quante io condanni i Drammi musicali, come tragedie irregolari, non posso risolvermi a digli col Sig. Muratori mostri ed unioni di mille inverisimili Alcuni di questi (*inverisimili*) provengono dalla necessità e natura del componimento, come il dover cantarsi da capo a piedi le ariette musicali, le tante mutazioni di scena, ai quali e simili inconvenienti non è possibile che si dia riparo. Altri poi derivano dalla poco avvertenza del Poeta, che non conserva l' unità dell' azione, non la conformità dei caratteri, non il decoro della scena tragica, non il buon costume e purgazione degli affetti, non il muovimento di questi a compassione o a terrore, non le convenienze di un viluppo o di uno scioglimento alle buone regole accomodate. Questi mali si possono e si debbono levar dal teatro musicale. *Et infra.* Più di tenerezza nudrisko per li miei Oratorj, ove conservo l' unità del luogo, dell' azione, e del tempo, e la nobiltà de' caratteri, e la proprietà degli affetti; talchè potrei ridurli a buone tragedie, se gli stendessi con più versi, e li rendessi liberi dalla necessità della musica.

(23) Desidera VS. Illustrissima da me un giudizio dell' opere drammatiche del mio Antecessore Sig. Apostolo Zeno, quasi che non bastasse il suo proprio

affai più sicuro di quello di chi obbligato a calcare l'istessa carriera è soggetto anche senza avvedersene a lasciarsi sedurre dalla pur troppo comune viziosa emulazione, per la quale *figulus figulo* ben rade volte è favorevole. Io poco sicuro di me stesso nel saper conservar il dovuto mezzo fra l'invidia e l'aspettazione evito il minuto esame delle opere suddette: ma non posso però tacere, che quando mancasse ancora al Sig. Apostolo Zeno ogni altro pregio poetico, quello di aver dimostrato con felice successo, che il nostro melodramma e la ragione non sono enti incompatibili (come con tolleranza, anzi con applauso del pubblico pareva che credessero quei Poeti, ch'egli trovò in possesso del teatro, quando incominciò a scrivere) quello dico di non essersi reputato esente dalle leggi del verisimile; quello di essersi difeso dalla contagione del pazzo e turgido stile allor dominante, e quello finalmente d'aver liberato il coturno dalla comica scurrilità del foceo, colla quale era in quel tempo miseramente confuso, sono meriti ben sufficienti per esigere la nostra gratitudine e la stima della posterità.

(24) *Unum e multis feligemus, quod est in principio libri II. ubi ait:* che del Zeno non ebbe la patria nè raccoglitore più diligente, nè conoscitore più acerto di tutto ciò che in qualsivoglia modo le appartenga.

(25) *Haec scripsit Zenus ad Hannibalem Olivierium in epist. det. xlv. Kal. Janu. 1739.* E' uscito i giorni passati un 39. Tom. del Giornale d'Italia. Tre

sono gli autori di esso, ma il principale si è il Sig. Stello Mastracà di Corfù in compagnia d'un suo, credo, compatriotta Niccolò Caramondani, e di altro giovane per nome Lodovico Maller. Egli-
no professano di non volere nè lodare, nè censurare
chi che sia, ma semplicemente e sinceramente riferire
le opere uscite in Italia dopo il 1734. in cui ter-
minò l'altro Giornale per la morte del fu mio ama-
tissimo fratello. *Epist. 155. Vol. III.*

(26) *Epist. 7. Vol. III.*

(27) *Vid. ejus notas all' Eloquenza Italiana del
Font. Vol. I. p. 14. & Vol. II. p. 201. 202.*

(28) In materia di spiegazione di medaglie anti-
che e monete, non ho mai avuto coraggio di entra-
re in campo pubblicamente; e da solo a solo con
qualche padrone ed amico ne ho renutí famigliari di-
scorsi, e confidatone, qualunque ei si fosse, il mio
sentimento. Alle conghietture in particolare, per
quanto sieno o pajano plausibili, son solito prestar
poca fede; e dove chiara ed evidente non trovo la
cosa, procedo con diffidenza e riserva, e so come
colore, che camminano e ballano sopra la corda, i
quali barcollando si piegano or sull' una parte, or
sull' altra in atto o in pericolo di vicina caduta.
Da tali promesse, che sinceramente le sponge, ella di-
già comprende l'animo mio intorno alla pubblica-
zione della lettera, che l'anno addietro le scrissi so-
pra la consaputa moneta. Siccome la sposizione, che
gliene feci, è tutta su conghietture, così non saprei
approvare, che si rendesse pubblico l'ardire, con cui

te ho steso. La prego per tanto di rispiarmi que-
sto dispiacere, e questa prima comparsa, in cui mi
esporrei, di novello antiquario. *Epist. 126. Vol. III.*

(29) *E multis commemorandos esse putamus Joannem Albertum Fabricium, qui saepe suis in Bibliothecis citat Zeni Dissertationes, & praesertim in ea quae est mediae & infimae Latinitatis, Scipionem Maffejum, Ludovicum Muratorium, Bernardum de Rubeis, Jo. Mariam Mazzuchellum, Marcum Foscarenum, & Angelum Mariam Card. Quirinum, cujus judicium prolatum in Diatriba de Epistolis Francisci Barbari haud exscribere pigebit. Ait enim: Inter hosce (eruditos viros) grati animi sensus quam maxime profiteor V. Cl. Apostolo Zeno, quem, ubi nodus vindice dignus incideret, quoties consului, toties summam in eo humanitatem, inexhaustam rerum copiam, exquisitam criterii perspicaciam incredibili cum admiratione persensui: praeter quam quod quae ipse collegit & observavit de Francisco Barbaro Tom. XVIII. Ephemer. Erud. Ital. adeo solida, adeo exacta deprehendi, ut ab his vix, aut ne vix quidem mihi in hoc opere contigerit vel latum unguem discedere.*

(30) *Vassuchii Oratio p. 61.*

(31) Ricercato del mio parere da amici, lodo quando mi piacciono (i componimenti) e quando no, o nulla ne dico, o lo dico con tal cautela e rispetto, che non dò luogo all' offesa, e me ne rimangon con obbligo, non altercando se trovo resistenza, e non vantandomene se incontro docilità. *Ep. 38. Tom. III.*

(32) *Haec in tumulo inscripta fuere . Apostolo Zen-
no Civi Veneto Imp. Caroli VI. Augusti & Thera-
siae F. Augustae Historico & Poetae religione morum
suavitate eruditione multiplici praestantissimo Fratres
Praedicatores benemerenti P. Anno MDCCL.*

OPERA EDITA

L' Incendio Veneto . Venezia 1686.

La Resa di Modone 1687. ibid.

La Conquista di Navarino 1689. ib.

*Vite del Trissino e del Guarini . Extant nella Gal-
leria di Minerva . T. I.*

*Lettera al Sig. Astorri intorno ai Cardinali Vene-
ziani .*

*Del Mappamondo Istorico Tom. V., in cui si contem-
gono i Regni Settentrionali , cioè d' Inghilterra , di Sco-
zia , di Svezia dal loro cominciamento fino all' anno
1699. Parte I. Continuazione dell' Opera del P. An-
tonio Foresti della Compagnia di Gesù . In Venezia
ed in Parma per Giuseppe dell' Oglio 1709. in 4.
Tom. V. part. II. che contiene le vite de' Re di Sve-
zia dal cominciamento della Monarchia fino all' anno
1702. Tom. V. part. III. che contiene le vite de' Re
di Danimarca e Norvegia dal cominciamento della
Monarchia fino all' anno 1705. Part. IV. che abbrac-
cia le vite de' Re di Danimarca e Norvegia dall' anno
1448. per fino all' anno 1705. come pure le Storie
del Ducato di Holstein , e quelle del Ducato di Gel-
drin .*

il *Lovisa*. Vol. I. habet praefationem & vitam Marci Antonii Sabellici a Zeno conscriptas. II. ejusdem copiosas notas in vitam Benbi. III. vitam Pauli Parutae.

Vita di Enrico Caterino d' Avila premeffa alla Storia del medesimo delle guerre civili di Francia, pubblicata in Venezia per Francesco Herzauser 1733. in foglio.

Note alla vita di Francesco Guicciardini scritta da Domenico Maria Manni. Editae observationes & vita suae cum historia Guicciardinii. Venetiis 1738. in fol.

Notizie Letterarie intorno ai celebri Stampatori Manuzi premeffe alla ristampa delle lettere familiari di Ciccerone, volgarizzate da Autore anonimo, e corrette dal giovine Aldo. Venezia per Francesco Piacentini 1736.

Poesie Drammatiche di Apostolo Zeno già Poeta e Istoric di Carlo VI. Imperatore, e ora della S. R. Maestà di Maria Teresa Regina d' Ungheria e di Boemia, Tom. X. Venezia 1744. presso Gio. Batista Pasquali. En omnium dramatum nomen eo ordine, quo typis impressa sunt. In Vol. I. Ifigenia in Aulide, Merope, Cajo Fabbriizio, Lucio Papirio, Atenaide, Temistocle: in Vol. II. Andromaca, i due Dittatori, Gianguir, Ornosade, Semiramide in Ascalona: in Vol. III. Griselda, Lucio Vero, Enone, Nitocrì, Meride, e Selinunte: in Vol. IV. Ormisda, Scipione nelle Spagne, Engelberta, Imeneo, Teuzzone: in Vol. V. Venceslao, Miridate, Eurisleo, i Rivali Generosi, Eumene: in Vol. VI. Faramondo, l'Amor Ge-

meroso, *Sirina*, *Alessandro Severo*, *Aminta*: in Vol. VII. *Gr Inganni felici*, *la Svanvita*, *Pirro*, *il Natcifo*, *Psiche Serenata per musica*: in Vol. VIII. Extant le azioni sacre. Horum vero dramatum, quae separatim impressa antea fuerant, nomina sunt: *Sisara*, *Tobia*, *Naomam*, *Giuseppe*, *David*, *le Profetie Evangeliche d'Isaia*, *Gioez*, *il Batista*, *Gionata*, *Nabot*, *Daniello*, *David umiliato*, *Sedecia*, *la Gerusalemme convertita*, *S. Pietro in Cesarea*, *Gesù presentato nel Tempio*, *Ezechia*: in Vol. IX. X. extant dramata, quae Zenus conjuncta opera cum Petro Pariato, ipso quoque Poeta Caefarco, fecit. Haec sunt. *Ambleso*, *Cofantino*, *Sesoftri*, *Alessandro in Sidone*, *D. Chisciotte in Corte della Duchessa*. Et haec in Vol. IX.: in X. vero extant *Astario*, *Artaserse*, *Siatira*, *Antioco*, *Flavio*, *Anicio Olibrio*.

Sonetti II. Extant inter carmina Zappii aliisque in collectionibus poeticis.

Canzone. Vid. la perfetta Poefia del Muratori.

Differazioni Voffiane di Apostolo Zeno, cioè giunte ed offervazioni intorno agli *Iftorici Italiani*, che hanno scritto *Latinamente*, rammentati dal Voffio nel *Lib. III. de Historicis Latinis*. Tom. II. In Venezia 1752. per *Giambattista Albrizzi* ec. in 4.

Biblioteca dell'Eloquenza Italiana di Monfig. Giuffo Fontanini Arcivescovo d'Ancira colle annotazioni del Sig. Apostolo Zeno Iftorico e Poeta Cefareo e Cittadino Veneziano. Tom. II. Venezia 1753. presso *Giambattista Pasquali* in 4.

Lettere di Apostolo Zeno Cittadino Veneziano, *Ifto-*

rico e Poeta Cesareo, nelle quali si contengono molte notizie attenenti all' *Istoria Letteraria de' suoi tempi*, e si ragiona di libri, d' iscrizioni, di medaglie, e d' ogni genere d' erudita antichità. Vol. III. in Venezia appresso Pietro Valvasense in 8. In volumine I. extat Zeni epistola ad Joannem Iosephum Ursium adversus Dominicum Bouhoursium, quae antea ab ipso Ursio cum aliis huiusmodi scriptis impressa fuerat.

Giornale de' Letterati d' Italia Vol. XXXVIII. Nemo nos accusabit, quod huiusmodi operis gloriam Zeno concesserimus. Quanquam enim multi illius participes fuerunt, laus tamen praecipua eidem debetur, quod illo auctore idem opus susceptum fuerit, illo duce continuatum, illo adiutore perfectum, in iis praesertim quae ad scribendi elegantiam pertinent; quodque demum auctum ornatumque fuerit ob plurima ab ipso suppeditata scripta cedro sane dignissima. Ex his commemorandum hoc loco putamus (neque enim alibi illius mentionem fecimus) Dissertationem adversus Guidonem Grandium intus *al Doge Pier Orseolo*. Extat haec in Volumine IX. pag. 361.

BENEDICTUS MARCELLUS. 2

I. **A**ugustinus Marcellus vetustissima
 ortus familia, quippe quae in iis
 Venetae civitatis numeratur, quae ad foe-
 dus Fossae Clodiae sancendum convene-
 runt, Pacellam Capellam, lectissimam fe-
 minam pari nobilitate, habuit in matrimo-
 nio, ex qua tres filios, Alexandrum, Hiero-
 nymum & Benedictum procreavit. Horum
 natu minor Benedictus, qui musicae prin-
 ceptis appellatus est, annis a Christi adventu
 MDCLXXX. Venetiis IX. Kal. Sextiles or-
 tum duxit. Patre, quo diximus, usus est
 dili-

* Scripsit hanc vitam Franciscus Fontana Cleri-
 cus Regularis, ut ajunt, S. Pauli, invitante maxime
 Juvenali Saceo collega illius, qui & monumenta plu-
 ra suppeditavit ad eandem conficiendam. Recepi Au-
 ctori me ipsam editurum cum meis, in quo quidem
 libero fidem libentissime propter scripti elegantiam
 rerumque copiam. Supprimenda vero putavi quae
 pluribus verbis de me scripsit Auctor humanissimus
 in praefatione ejusdem vitae, ne videar ea velle mi-
 hi arrogare, quae in me omnino deesse sentio.

gente ac religioso, cui nihil erat potius; quam ut humanitatem omnem, in primisque pietatem, quae fons est bonorum omnium & caput, filii a pueritia animo imbiberent. Ex quo factum est, ut eorum quisque & vivens optime audiret, & praeclaram sui famam post mortem reliquerit. Idem, quae ipse amabat studia, praesertim linguae Italicae & musicae, ad ea liberos maturius, impellere satagebat. Itaque nullum eos intermittere patiebatur diem, quia aliquot Etruscos versus facerent; quos legebat ipse, & quod in iis peccatum esset, notabat. Siquid ab se impetrare vellent, petere versibus debebant; sine versibus frustra petissent. Neque paternam diligentiam filiorum sefellit industria; namque adeo usque quotidiano & exercitatione profecerunt, ut in claros singuli poetas evaserint. Praeterea ut filium, qui optimus est scribendi magister, soluta numeris oratione exercebant atque acuerent, quas ipse ad amicos daturus erat litteras id genus, quae officiosae vocantur, iis scribendas dabat: & quid hoc erat laboris & molestiae, quo li-

bentius ferrent, praemii loco nummos eis numerare consuevit. Qua de re dubito, quemadmodum iudicem; quamvis enim optime patris consilium ex sententia cesserit, non tamen ausim imitationem facti proponere. Munuscula enim, si saepius fiant, atque ex pecunia constent, videntur in teneris puerorum animis quaestus cupiditatem potius alere atque augere posse, quam corroborare virtutem.

II. Tali modo diligens pater sobolem instituebat suam, atque ad laborem exercendo firmabat. Cum vero ipse, ut erat acri iudicio, egregiam quamdam & praeclaram indolem ad musicen inesse Benedicto intelligeret, exquisitum illius artis magistrum aequae ei conduxit, ac filiis natu maioribus. Nihilo tamen magis hanc artem excolebat puer, cui etiam id studii, si quid aliud, erat molestissimum. Cum quadam die in theatro una cum patre comoediae cuperet interesse, idque pater animadvertisset; hanc ei veniam se daturum ostendit, si modo *fidicula* (liceat hoc nomine appellare instrumentum musicum antiquitati ignotum,

quod Itali vocant *violino*) canere per certum temporis spatium non detractaret. Respuit conditionem filius; neque domi non maluit manere, ratus majori sibi molestiae fore fidiculae sonitum, quam comoediae spectaculum voluptati. Quod sane mirabile lectori visum iri non dubito; nam qui poterat ex ea re Benedictus non magnam capere voluptatem, ad quam rem eum plane natura formaverat? Sic enim fere accidere videmus, ut quae studia facilius perfectiusque naturali quodam bono assequimur, ad ea libentius cupidiusque feramur. At Benedictus ad musicae, ut ajunt, *vocalis*, quae scilicet hominum vocibus constat, excellentiam natus erat; ex quo intelligi potest, quid causae esset, cur symphoniae *organicae* sensu atque anima, ut ita dicam, carentes nequaquam ei facerent satis. Pater non eo contentus, quod filius theatro caruerit, postridie ejus diei illi praecepit, ut tres horas continenter coram se fidicula luderet, tali modo existimans, si minus vinci posset, at certe puniri ejus duritiem oportere.

III. Ad extremum, quod paternae exhortationes & pene quotidianae querelae minime impetrarunt, id a Benedicto elicuit pudor. Unus ex duobus fratribus cum satis scienter fidicula cecinisset coram primaria quadam femina, atque haec ex eo quaereret, num Benedictus, qui aderat, in eo genere aliquid posset, ille respondit, *nihil scilicet, nisi forte mihi fidiculae capsulam circumferre*. Hoc dictum generosum Benedicti animum pupugit, quippe qui magnam sibi injuriam inuri sentiebat. Noverat enim vires suas, sibi que persuadebat brevi futurum, si vellet, ut fratrem, cui par modo non erat, longo intervallo antecederet. In praesentia tamen dissimulandum dolorem suum existimavit, sibi que contendendum, ut re potius, quam inanibus verbis impositam sibi injuriam propelleret; itaque fecit. Omni abjecta cunctatione, ad studia se totum retulit cum poeseos tum praesertim musicae, & eo quidem ardore mentis, eaque assiduitate & perseverantia in proposito permansit, ut post hominum memoriam exemplum fortasse aliud suppetat nullum. Namque ab

anno septimo & decimo, quem tum vix expleverat, usque ad vicesimum aetatis suae nunquam domo pedem extulit, triennium scilicet. Ibi vero ita se tenuit cum ab oculis & hominum conspectu, tum ab omni occupatione remotum, ut horas amplius decem quotidie studio impenderet. Festis diebus ne egredi cogeretur, avito usus privilegio, in domo sua divinis intererat misteriis. Etenim illi stabat non prius e solitudine in publicum prodire, quam sibi ejus artis perfectionem videretur consecutus. Qui tantus labor atque constantia, si quibus forte incredibilis videatur, praesertim in adolescente tali genere orto, hi erunt fere, qui indolem moresque minime didicerunt Venetorum Optimatum. Hi enim etiam si in maximis & infinitis occupationibus urbis & vitae versentur, labore tamen minime franguntur, ut ne eum quidem percipere videantur. In eis vero siqui ad laborem adjungere ludos & solatia volunt, adeo exiguum tempus ad quietem relinquunt, ut pene in animum inducas eos dormire nunquam.

IV. Cum tanta facta esset filii commutatio, non attinet dicere, quantopere exsultaret pater. At re longius progressa, vereri coepit, ne quid ex diutina animi contentione detrimenti caperet ejus valetudo, atque eum ultro monere, ut se remitteret. Id ut facilius obtineret, rus illum secum adduxit, ibique sex menses retinuit. Atque ut is muscas notas oblivisci, atque adeo sibi parcere cogeretur, famulis vetuit, ne chartam, quae in re musica usui foret, quiscquam emeret, iisdemque dat negotium, uti ejus arculas, abacos, scrinia diligenter explorent, ne quid, quod ad artem pertineret, illi esset reliquum. Patris tamen curas elusit filius. Namque ipse manu sua detentam chartam lineis more musicorum distinxit, atque rei divinae preces a musicis cantari solitas, *Missam* scilicet, ut ajunt, ad harmoniam belle redegit. Elucubrationem hanc ut vidit pater, ejus perfectionem admiratus, intellexit impetum illum, quo ad musicam abripiébatur filius, non posse amplius reprimi, neque fortasse oportere. Ita spe dejectus illi tandem indulisit, ut pro arbitrato suo mu-

fcae se se traderet. Sic memoriae proditum est, tum demum Torquatum Tassum pervicisse, ut sibi per Bernardum patrem unice poetice curare liceret, cum hic *Rainaldum* ejus poema leſtitavit. Sub illud tempus Augustinus decessit. Benedictus, ut sui juris fuit, Florentiam evolavit non propter urbis modo eximiam pulchritudinem, sed maxime ob Italici sermonis elegantiam, quem ipse adamabat plurimum, quoque prae reliquis Italis Florentini utuntur commodissime. Eo causae accedebant aliae; nimirum & Mediceorum Principum splendor & pulcherrimarum artium, quae tum maxime ibi florebant, studia & eruditorum hominum frequentia, quibus illa semper civitas abundavit. Ex quo quanta ipse flagraret cupiditate discendi, cuivis facile intellectu fuit.

V. Florebat per id tempus Venetiis quidam nobilium conventus, in quo statis diebus sonorum atque cantuum exercitationi vacabant. Hunc, ubi in patriam rediit, Benedictus frequentare coepit; neque vero non statim in ea arte eminuit, cujus ei principatus servabatur, sic ut nemo ei antefere-

retur, pauci pares ponerentur. Musicae elucubrationis nomen vulgo rem sonat minimi pretii atque negotii; doctis hominibus non item; qui scilicet non habent satis, musicen voluptate permulcere ac veluti titillare aures, nisi eadem & iudicio intelligenti satisfaciat, & quod caput est, in animos audientium affectusque dominetur. Quae sane res difficillima factum est, & plurima non naturae modo, sed doctrinae etiam subsidia requirit. Hinc factum est, ut pauciores, mea quidem sententia, praestantes musici, qui scilicet artis vim explicarent ad hoc usque tempus reperti sint, quam vel poetae, vel fortasse etiam oratores, etiamsi in horum numero ex omni memoria aetatum, temporum, civitatum, rari adeo ponantur. In Marcello cum natura quadam eximia, quam nactus est ad musicen, ut antea dictum est, ista ars atque fortuna conspiravit, ut si ipse fingere vellet, neque plura bona reminisci, neque majora posset consequi in eo genere, quam sibi obvenerint. Primum illud munus fortunae, quod ejus adolescentia in aetatem illam inciderit, qua musica *vocalis* (quod ge-

tius est hujus artis multo praestantissimum)
 per duo saecula summis ingeniis , maximis
 studiis exculta , eo jam perducta erat , ut
 propius a perfectione abesset ; nihilque for-
 sitan desideraretur aliud , quam ut unus ali-
 quis tanta prudentia existeret , qui mira eo-
 rum pigmentorum , quae inventa jampridem
 erant , varietate apposite uteretur . Neque
 minus in fortunae donis ponendum est , quod
 is in ea potissimum urbe nasceretur , quae
 tum cantoribus , tum musicis scriptoribus ce-
 terarum Italiae civitatum maxime affluebat .
 Nempe ab antiquis usque temporibus a Zar-
 lino scilicet ad hanc diem in Divi Marci
 unus e celebrioribus electus est semper , qui
 musicorum choro praeesset , idque muneris
 summa cum laude ante non multo functus
 erat Claudius Monsviridis Cremonensis har-
 moniae scientia , affectibusque animi expri-
 mendis plane singularis ; quo nescio an aliud
 majus lumen Insulorum schola unquam edi-
 derit . Sunt praeterea Venetiis *Βερεπορεῖα*
 quatuor hospitia scilicet , ubi egenae virgi-
 nes publice aluntur . In his cum artes o-
 mnes traduntur , quae feminas id aetatis ,

& conditionis decent, tum vel maxime excolitur musice. De cujus laudis praestantia, cum magna inter eas, ut fit, aemulatio intercedat, haec suppeditat civibus, ubi pia ac liberali admodum oblectatione & animus ex forensi strepitu, & aures convicio defessae recreentur. Ex his autem hospitiiis unum est, quod Sanctum Lazarum appellant. Ibi musicen eo docebat tempore Franciscus Gasparinius, vir artis suae multo peritissimus, quem potissimum magistrum habuit Marcellus, atque ita semper coluit, vel cum maxime fama atque dignitatibus floret, ut & conveniret eum saepius, & omnium, quae in vulgus edidit, scriptorum suorum censorem adhibuerit. Neque verominus Gasparinius colebat Marcellum, magnique faciebat. Nempe sic plerumque evenit, ut magistri discipulique ingenio eximio praediti agnoscant se se invicem, & omni, quoad vivunt, officio ac potius pietate prosequantur. Neque hoc loco praeteream in eadem civitate magnam anni partem theatra patere ad septem, in quibus audire est quidquid pulcherrimarum lucubrationum, aut

praestantium cantorum unaquaeque tulerit aetas. Qui autem illa tempestate florebant scenici musici artificesque, in id curas suas converterant ad unum omnes, ut affectibus repraesentandis permovendisque animis eam artem adhiberent, in quo genere tantum effecerunt, ut eorum adhuc pervulgata sint nomina. Quod mirabile omnino videri debet, illo ipso scilicet tempore simplicem quamdam ac naturalem elegantiam & vim musices esse consecratos; quo tempore plerique poetarum ab optima natura foede desciverant, & corrupto prorsus fucatoque scribendi genere delectabantur. Postremo Venetiis id quoque ex usu est musicae studiosis, quod ejus civitatis forum maximum, quo cives advenaеque animi causa deambulatam confluunt, quodque totius orbis terrarum pulcherrimum facile ponitur, pulchris semper fere *cantiunculis* undique personet; quas quidem tanta elegantia modulantur Venetae mulieres propter & delatissimum, quo pollent, aurium sensum & nativas quasdam veneres maternae linguae; ut etsi infimi generis sint & prope inexper-

rum una de sonorum musicorum natura differit; altera de variis systematis; tertia de singulis chordis, sive, ut ajunt, *consonantiis*, deque earum tractatione. Vel ipsa *epigraphe* seu sententia, quam initio operis inscripsit, Auctoris philosophicum ingenium & doctrinam declarat, quippe cum ea sit Platonis: *nemo geometriae ignarus ingreditur*. Tanta autem eruditionis copia, eo ordine exemplorumque delectu totum opus commendatur, ut prodigii simile videri debeat ab adolescente esse profectum. Atque eo magis dolendum est illud in manibus hominum nondum versari; quod si ex abdito bibliothecarum in lucem erueretur, ingens profecto librorum musicorum copia, qua laborare coepimus, accessione non inani cumlaretur. Cum vero ars nulla sit musicae arctioribus vinculis conjuncta, quam poesis, in hac quoque plurimum studii Marcellus consumebat, eamque brevi adeptus est condendi carminis facultatem & famam, ut Arcades, quorum coetus in illis primordiis florebat maxime, eum plane dignum judicarent, quicum societatem inirent adversus

saeculi barbariem, ad quam profligandam eorum potissimum studia spectabant. Itaque in eorum numerum omnium plausu relatus est, inditumque ei nomen fuit Diantis Sacraei.

VII. Quamvis autem Benedictus musicae & poeseos cupiditate ita incensus ferebatur, ut aegre ab earum gremio se avelli fineret, non ita tamen sibi indulgit, ut a majorum suorum vestigiis excederet, atque se a negotiis publicis removeret. Intra annum aetatis suae vicesimum primum in foro esse, atque causas defensitare coepit. Quod sane munus Venetiis non mediocris esse negotii atque ingenii, constat inter omnes, qui plane mores ejus civitatis non ignorant; perinde enim ibi in foro curiaque dominatur ad hoc usque tempus eloquentia, ac olim dominatam esse legimus in Romana republica. Idem cum annos ageret quinque & viginti, togam virilem sumpsit. Ex quo tempore in judiciis & magistratibus versatus est, idque semper e republica: quinquennio post in quadraginta virales magistratus ingressus est; quem quidem cursum circiter quatuor & decem annos sic tenuit, ut singularis con-

tinentiae, fidei, prudentiae, aequitatis laudem tulerit. Deinde Polam annonae publicae curator, five, ut ajunt, *Provisor* mittitur, cujus caeli adspiratio humida atque insalubris gravi adeo ipsum morbo affecit dentium, ut ejus ex ore magna ex parte ceciderint. Usus excusatione valetudinis, in patriam remigravit, eique operam suam navare non destitit, quoad anno post Christum ortum MDCCXXXVIII. Brixiae Quae-
 stor renunciatus est, quem magistratum sane perhonorificum *Camerlengum* Veneti appellent. Eo profectus, brevi tempore propter summam ejus & humanitatem & doctrinam, in primisque propter eximiam opinionem virtutis, ita unus inter omnes nobilissimae illi civitati probatus fuit, ita in oculis omnium esse coepit, ut difficile esset intellectu, utrum eum magis vererentur an amarent. At qua in urbe libentius morabatur, quam usquam gentium, ibi (qui repentinum sunt casus humanae vitae) mors eum nondum matura interceptit non sine magno rei litterariae detrimento, quae ex admirabili ingenio tanti viri, qui nunquam cessare

ad extremum spiritum visus est, pulcherrimos sibi fructus amplius pollicebatur, si modo longior ei vita suppeditasset. Nihilo tamen fecius monumentorum ingenii sui, quae scriptis commendavit Marcellus, longe major est numerus, quam ut ab homine minime otioso, nec dum exacta aetate defuncto, expectari posse videretur. Haec sunt partim musica, alia fere ad usum artis musicae. Ad haec pertinent, ut a posterioribus exordiamur, aliquot ejus fabulae tribus constantes actibus, quas, ut vulgus, nos dramata appellabimus, communi fabulis dramaticis vocabulo. Vix dum primum & vicesimum annum attigerat, cum ad genus hoc descriptionis venit; quo anno illud editum esse constat, cui nomen est: *la Fede Riconosciuta*. Reliquis id genus poematis recensendis, quae non solum in scenam multis in locis, sed etiam in lucem typis commissa prodierunt, in praesentia superfedemus, ad majora potioraque propere rantes.

VIII. Nam cum singula Benedicti poemata operae pretium est legere, tum illa vel
maxime

maxime lectu sunt dignissima, quae vulgus appellat *Cantate*, nos *Mele* appellemus licet. Species haec est lyricae poesos omnino veteribus incognita, quae maxime est apta cantui, unde nomen accepit, quaeque saeculo decimo septimo impolita & plane rudis apud Italos exorta, nostro hoc ineunte, per id scilicet tempus, quo florebat Marcellus, jam ad summum perfectionis evenerat. *Melos* plerumque dispertitur in partes quatuor. Harum duae versibus *hendecasyllabis* constant, aliquot tamen *heptasyllabis* apte interjectis, quae duo sunt penes nos carminum genera maxime illustria; id autem est quod Itali dicunt *recitativo*, ipse Latine *narrationem* dicam, siquidem illa adhibenda est musicis in eo moderatio vocis & cantus, quae ad narrantis aut declamantis pronuntiationem propius accedat. Duae partes reliquae vocantur *arie*; possunt autem Latine *antiniunculae* nuncupari. Hae breviores sibi versus adsciscunt; atque adeo, si proceriora modo carmina excipias, reliquis dant locum metris numerosissimis, quorum una omnium diuissima est Etruscorum lingua. Hoc igitur

Tem. IX.

T

poematis est ejusmodi, quo, ut dixi, ad cantum, cujus causa inventa res est, reperiri nihil accommodatius possit, sed habet multas cautiones. Videndum est enim primum, ut cantiunculae sententia non modo cum sententia narrationis quoquo modo cohaereat, verum inde etiam veluti erumpat atque efflorescat, sic ut non appicta neque inserta, sed suo innata loco videatur. Adsit praeterea necesse est prudens judicium, quo ex metris omnibus ea potissimum deligantur, quae & rei cum majori evidentia repraesentandae & affectibus animi singulis iracundiae, amoris, laetitiae, miserationis exprimendis congruant; cum enim cantiunculae, ut paulo ante exposui, nulla ferme respuant verbum suum genera, difficile dictu est, quanta pro infinita propemodum varietate metrorum sit earum inter se dissimilitudo, & quam multiplex effectus. Danda vero generatim est opera tum in cantiunculis, tum etiam in narrationibus, ut & verba & sententiae cantui possint quam commodissime sociari; nimirum sint hujusmodi, ut nunquam rem aliquam illustrem aut jucundam non audien-

tibus subijciant, sic ut musico, tanquam pictori, idoneum semper in promptu sit argumentum & ad ornandum & ad repraesentandum. Quae autem verba nullam rem, nullam imaginem ante oculos ponunt, aut per se nihil significant, sed vel numero explendo, vel etiam aliis verbis jungendis copulandisque inter se unice inserviunt, quaeque proinde *servilia*, aut fortasse melius *auxiliaria* possis appellare; ea profecto cum in omni poematum genere, lyricorum praesertim, parce admodum admittenda sunt (in *impetu enim & aestu animi*, quo rapti videri volunt poetae lyrici, nexus perquirere & concinnare frigidum est) tum non est credibile, quantopere, si saepius usurpentur, in cantu displiceant; quippe cum eorum inanitas & otiosus rumor aut magis in cantu aut certe majori cum molestia, quam in nudae ac simplicis orationis cursu deprehenditur. Haec si tecum ipse reputes diligentius, non erit tibi dubium, quin multum illis Graeciae poetis adjumenti attulerit pervetus consuetudo, qua sua quisque poemata in circulis convivisque ad tibicinum aut ad chordarum so-

num canebat; qua quidem consuetudine; siquid vel minimum in scribendo peccaverant, facile sentiebant, excitabanturque ad versus suos vividiori spiritu fundendos & animandos. Quid magis ad cantum, quid magis ad harmoniam idoneum carminibus Homeri? Omnia luculenta & splendida; nihil in eis otiose, nihil perturbate, aut praepostere dictum, nihil quod relanguescere sinat audientium animos; nihil aut longius ductum, aut latius explicatum, aut copiosius ornatum, quam fuerit ad rem oculis subjiciendam, clariusque exprimendam necesse. Tam nullae sententiae ancipites sunt, aut involutae, ne suspensae quidem, quod genus sententiae, si quando in aliis poetis occurrunt, illud fere evenit, ut ante verborum vim sentire nequeamus, quam ad extremum illud, quo rei perceptio clauditur, perventum est. Haec vitia, quantulumcumque sunt, quae summatim attingimus, Homero canenti haud quaquam levia, neque contemnenda videri debuerunt. *Ita se ab aliis abstinere didicit.* At multo factum est aliter ab aliis poetis, qui praestanti licet ingenio

praediti ea minime effugerunt; effugissent autem, mea quidem sententia, procul dubio, si semel induxissent in animum suos ut versus antea canerent, quam in lucem emitterent. Ac si volumus causas diligentius perquirere, quarum veluti conspiratione & consensu fortunatissimo effectum est, ut remotissimis illis temporibus, quibus magna humani generis pars e barbarie atque inscitia se nondum emerferat, divinus repente Homerus extiterit, exemplar scilicet poetarum absolutissimum expletumque in omnibus suis numeris & partibus, in quo non umbra quaedam, sed solida & expressa effigies, ac ipsa pene facies pulchritudinis cerni licet; si inquam volumus hujusce rei causas perquirere, nae hanc unam, inter alias plurimas, verissimam esse reperiemus, quam diximus, consuetudinem canendi, & eam quidem, ut mihi videtur, non minimi momenti. Sed illuc revertor. Est igitur Melos opus plurimae difficultatis atque artis, in quo usu saepe venit, quod est apud Horatium, ut *in vitium ducat culpae fuga*, ut scilicet si poeticae studeas elegantiae, musi-

cae non facias satis, sin musices rationem omuem ducis, poefin negligas atque depraves. Quare non est mirandum, cur nihil aegrius a poetis nobilioribus impetretur vel summis precibus, quam ut ad id operis adgrediantur. Difficile est enim idoneum argumentum excogitare; difficilius verbis sententiisque ad numerum & ad rei dignitatem conformatis vestire atque ornare. Benedictus tanta felicitate usus est in hoc condendo carmine, ut supra nihil possit. Cujus rei nullum majus testimonium afferre possumus, quam quae ipse reliquit mele sane pulcherrima, tam multa tamque libera, fluentia, primo pene impetu ut effusa esse videantur. Eorum pleraque sunt amatoria, in eisque (quod in Italicis suis epigrammatis Franciscus Petrarcha antea praestiterat) Benedictus omnes vicissitudines, omnes cogitationes, perturbationes animi, quae in amatorem cadere possunt, attigit. Equidem quas hactenus retulimus difficultates, has fere communes habent mele cum dramatis, sed tamen in his vel series ipsa actionis magno est ad materiem inveniendam adjumento,

deinde narrationes, siquae forte minus per se delectent, delectant nihilo secius, & faciunt plane satis hoc ipso, quod cum antecedentibus apte cohaereant. Quod neutrum habent mele, quorum singula justum per se se corpus conficiunt. Imo etiam Benedicti mele puriori stilo exarata sunt, quam reliqua ejus poemata; cujus rei dubito, utra causa fuerit, veterum ne poetarum lectio, quorum plerique de amoribus conscripserunt, atque ita fere, ut ne Graeci quidem melius, an potius Amor ipse, qui faciliorem ditioemque ejus venam reddiderit.

IX. Anno MDCCV. typis Antonii Bortoli bibliopolae Veneti in vulgus emanavit libellus, cujus titulus est: *Dueti, Terzetti, Madrigali a più voci*. In lucubrationes has musicas Benedictus animadversiones fecit, atque in epistolam quamdam suam retulit, quam qui legit, non juvenilis, sed reconditae & consummatae doctrinae, longoque usulimati ac perpoliti judicii opusculum credit. Postquam vir factus est, lepidissima satyra pedibus soluta, quam inscripsit *il Teatro alla moda*, acrius in vitia invehit, est,

quibus in suo quique genere laborant scē-
fici poetae, musici, machinatores, pictores,
cantores, cantrices, redemptores, ludiones,
factores, ad summam singuli & duces & ar-
tifices operarum theatralium. Dici non po-
test quam per Italiam universam statim per-
vaserit haec satyra; neque dum ejus memo-
ria omnino interiit propter & festivitatem
& vim, qua scripta est; maximeque quod
diligenter verissimeque res vel minimas per-
sequitur. Hoc utrumque opusculum, sup-
presso nomine, emisit, credo, ut invidiam ef-
fugeret. Atque haec omnia Benedictus in
usum cantus aut artis musicae causa elu-
cubavit. Sed alia nonnulla confecit. Ad
hoc usque tempus in manibus est hominum
altera ipsius satyra, salis ac leporum ple-
nissima, in qua ipse quorundam Italarum
haereses ac deliramenta circa potiore E-
truscae linguae usum vellicat belle ac festi-
ve. Hanc quoque prosa oratione composuit
atque in modum comoediae, quae inscripta
est *il Cruscante impazzito*, in qua illud in pri-
mis est admirabile, quod cum personas in-
ducat, quae de ratione loquendi dissentiant

inter se, prout diversas aetates vel sectas sequuntur, singularum stilum ac dicendi formas, quae cuique maxime conyeniunt, exprimit imitando perfectissime. Quod unum indicio est, Benedictum miram ad eas artes, quae in imitatione sitae sunt, nactum esse conformationem mentis; quippe qui imaginibus concipiendis (quas *phantasias* vocant) usque eo excelluit, uti postea ad vivum eas reddere & ante oculos constitutere sine negotio posset. Est etiam unus liber moralis, exiguus ille quidem, verum aureolus & ad verbum prope ediscendus, in quo Marcellus seriem sententiarum subtexuit, quibus viri nobiles, Veneti praesertim usum vitae conformare debeant. Scripsit autem ipsum hac mente, ad omne ut officii munus maturius instrueret Laur. Alexand. Marcellum fratris filium, qui tum erat peradolescens, postea vero quam per aetatem licuit, amplissimus illius Reipublicae Senator fuit. Atque hercules si hic clarissimus vir, cujus a morte alter est annus, eximiam sibi opinionem virtutis vivens conciliaverat, si illustrem gradum & dignitatis

& gratiae in civitate sua semper obtinuit ; si & memoriam & desiderium sui moriens reliquit , neminem fore arbitror unum , quin idipsum totum institutioni a patruo ei traditae aliqua saltem ex parte adtribuat . Quo nullum majus videtur institutionis ejusdem afferri praeconium posse . Delituit hoc commentariolum semper apud eundem Laurentium Marcellum , a quo tamen una cum aliis monumentis , quae ad Benedicti vitam declarandam pertinent , ad Juvenalem Saccum collegam meum . perhumaniter transmissum fuit . Nae ego ubi illud perlegi , admirari fatis non potui non minus solidam & late fusam morum doctrinam ad pauca praecepta , eaque dilucida contractam , quam reconditam quamdam scientiam cum interioris hominum naturae tum officiorum omnium , quibus communis civilisque vita continetur , maxime scilicet in libera civitate . Elucubravit praeterea Benedictus magnum eorum epigrammatum numerum Italica lingua scriptorum , quorum modus quatuordecim *hendecasyllabis* terminatur ; ut pote cum ea fit hujus poematis ratio , ut divi-

datur in partes quatuor, ex quibus priores duae quaternis, reliquae ternis versibus constant. Ex eis formis excusa sunt centum cum hac epigraphe :

Pianger cercai, e non del pianto onore;

quae si legas, quanto ejus animus aestu flagraret, statim persenties. Complura quoque ejusdem metri epigrammata sacra emisit in lucem separatim una cum aliis poematibus diversi quidem generis, sed omnino argumenti moralis. Postremo duo sunt hujus Scriptoris longa poemata in plures libros, sive ut vocant, *cantus* distincta, qui rursus distinguuntur in plurimas *ὀδοὺς*, illius videlicet metri, quo uterque Tassus, Bernius, Areostus, aliique Itali in epica uti poesi consueverunt. Alterum jocosum, quod inscribitur *il Buffone di nuova invenzione*, quodque in XIII. libros distributum ad umbilicum duxit, ediditque opus festivissimis narratiunculis conspersum, eisdemque ad hominum mores formandos perutilibus, ex quo apparet Benedictum lepidissimi fuisse inge-

nii atque ad comminiscendum nati. Alterum vero grave, sacrum & nullis prope terminis definitum, cujus argumento (est enim universi humani generis Redemptio) cogitari nihil divinius potest. Illud tamen inchoatum reliquit; nam quo minus perficeret, mors eum importuna prohibuit. Ad vicesimum usque librum illud jam perduxerat, cum cessit e vita: sed multo plus decrat ad totius operis perfectionem.

X. Leo Allaccius bina Marcelli dramata commemorans, quorum unum inscribitur *la Dorinda*, alterum *Arato in Sparta*, ait prioris modos fecisse Joannem Baptistam Pesutum & Balthassarem Galuppium, posterioris vero Joann. Baptistam Ruggerium. Ex quo perspicui licet Marcellum lucubrationes suas musicas haudquaquam scenae commisisse; vel quod theatri aures pertimesceret, cujus plerumque iudicium & leve & inepte morosum est, vel quod vir nobilissimo animo (sic enim fuit) theatralium musicorum, qui quotidianum inde sibi victum quaerebant, officere rationibus nolleret. Ita suae quidem dignitatis esse existimabat in theatro fabulas docere, modos

musicae non item. Neque hos tamen in hominum conspectum & sub oculos intelligentium prodere est veritus; sed mira incensus gloriae cupiditate, & plurimorum commodis & optatis obsequendum ratus, complura poemata vulgavit sua suis item notis adornata. Nondum ipse primum & tricesimum annum praetergressus erat, cum publici juris fecerat quartum volumen cujusdam sui operis, cujus titulus est; *Canzoni Madrigalesche, e arie per camera a due, a tre, a quattro voci*. Unum hujus voluminis exemplar in bibliotheca reperitur, quam illustratissimam possidet clarissimus vir Joannes Baptista Martinus, qui in suo Specimine (*del Contrappunto*) non perhonorificam modo illius mentionem facit, sed inde etiam aliquid exempli causa petit. At nescio quo malo fato, ut diu multumque perquisitum sit, neque hujus voluminis quarti, neque aliorum antecedentium exemplar ullum reperiri usquam potuit. Nae ego conjectura ducor ad judicandum hujusmodi exemplaria, statim ac publice exscripta fuere, avidissime arrepta esse, atque adeo multo usu attrita, brevi-

que consumpta. Musica igitur Benedicti opera, ut Phidiae signa, simul aspecta & probata sunt. Neque fieri minoris debent ejusdem mele bene multa nondum in vulgus edita, quorum modos, magnam partem unis aptos humanis vocibus fecit, si *cymbalum* excipias, instrumentum illud scilicet, quod more nostro nunquam deest, instrumentis autem ceteris, si adsint, moderatur. Modis hujusmodi cum vis magna inest affectus exprimendi, tum naturalis illa stili simplicitas, quam in veteribus sive poetis sive oratoribus tanto admiramur opere, quaeque maxime est propria integrae incorruptaeque naturae. Omnem praeterea habent florem venustatis, ex eisque veneres & lepores omnes redolent, qui amatorium stilum quam maxime decent. Quod haud verisimile imperitis quibusdam visum iri intelligo, qui hujusce stili gratias heri aut nudius tertius natae esse arbitrantur.

XI. Inter Benedicti mele recensentur duo sane celeberrima, ceterisque multo longiora, *Cassandra* scilicet & *Timotheus*; sic enim inscribuntur. Sed utrumque opus est

Antonij Comitis Patricij Veneti viri in litteraria republica magni nominis, ab ipso quidem Benedicto harmonia donatum. Quorum in altero Priami Regis filia, Apollinis afflata spiritu, Phrygum Graecorumque incommoda praedicit, illustriora *Il*liadis loca attingens; alterum musicorum repraesentat chorum, in eisque celebrem illum Timotheum, qui canentes in convivio Alexandri Persarum victoris, ei adulantur, ac demum in Persepolis incensionem definit. Id autem in primis sibi utroque proposuit Poeta, ut numerorum imaginumque delectu suppeditaret, unde musicos effectus omnes, eosque vehementiores, commodissime exprimeret. Quod ita e. sententia cessit, ut uno ore harum artium aestimatores negent, aut vividiorum spiritum, aut majorem vim imitationis desiderari posse. Harmonia etiam donasse fertur Benedictus scenam primam nobilis traegodiae Dominici Lazzarini (*Ulisse il giovane*) ad veterum Graecorum lucernam elaboratae, atque ita ut hariolae potissimum, quae princeps loquitur, impetum atque afflatum divini furoris mirum in modum imi-

tetur. Neque ejusdem tragoediae choris non eandem operam praestitit, quod eo pertinebat, ut theatri antiqui perfectior existeret imitatio. Re quidem vera chorus, qui more Graecorum post actus intercinit, dici vix potest quantum intersit ad id, quod unum est tragoediarum maxime proprium. Nempe & affectus jam excitatos alit atque confirmat, & si quando opus est, ad affectus, qui consecuturi sunt, audientes disponit. Praeterea spectatorem nova oblectatione tenet, nec tamen attentionem avertit. Quod contra faciunt exordia, quae hoc novo more tragoediarum actus distinguunt, siquidem sunt ferre vel musici concentus, vel choreae, vel festiviores fabellae, quae nihil ad rem. Itaque veterem illam consuetudinem in scenas revehere magna ratione conati sunt Marcellus & Lazarinius, cujus tragoedia si nihilominus illam non ubique nata est gloriam, quam certe merebatur, in causa, ut opinor, fuit ipsius fabulae natura, quae cum nimium a nostris moribus abhorreat, non satis vero similis apparet. Scio Ulyssis Junioris choros numeris musicis a Josepho Seratellio

ratellio praeclare sociatos esse; qua de re testimonium extat ipsius Poetae in epistola, qua tragoediae praefatus est suae. Idipsum postea Marcellum praestitisse compertum est.

XII. Sed duo in primis breviora dramata magnam Benedicto gloriam pepererunt. Quorum unum eo nomine (*Serenata*) inscriptum, quo Itali generatim carmina appellant, quibus adolescentes amicae ostium nocte solent occentare, ad Carolum VI. Caesarem pulchrarum artium fautorem & aestimatorem praestantissimum misit, ut anno MDCCXXV. Kal. Octobribus magno ludorum apparatu & totius civitatis celebritate caneretur. Huiusmodi drama mirifice extollit Apostolus Zenus (qui & quantus iudex!) epistola ad Petrum Catharinum fratrem data, affirmans illius numeris cum poeticis tum potissimum musicis & sua & aliorum intelligentium sententia nihil fieri potuisse nobilius aut modulatus, nihil iudicio ac doctrina absolutius. Huic generi simillimum est alterum drama, cuius nomen est *Calisto in Orsa*, quod scenis etiam usui esse potest. Vulgatissima est fabula peraeque atque ira

Junonis, quam utramque Ovidius graphice describit, ut solet, illis versibus :

..... idipsum

Indoluit Juno

..... adimam tibi nempe figuram,

*Qua tibi, quaque places nostro importuna
marito .*

*Dixit & adversa prensis a fronte capillis
Stravit humi pronam . Tendeat brachia sup-
plex :*

*Brachia coeperunt nigris horrescere villis,
Curvarique manus, & aduncos crescere in
ungues ,*

*Officioque pedum fungi, laudataque quondam
Ora Jovi, lato fieri deformia rictu.*

Met. Lib. II.

Sonorum concentus, tum qui huic mutationi praeit, tum qui cantum ipsum comitatur, incredibili quodam horrore animos perfundit, & membra quatit audientium, sic ut hi non percipiant solum mente, sed pene sentiant ac experiantur vehementiorem quamdam commotionem, quae fabulosae metamorphosi admirabiliter respondet. Sed omnes

Marcellianae lucubrationes hac viva & naturali imitatione praestant; tantumque aberrat, ut rerum majestate ac severitate (quas ceteri minime aptas musicae esse censent) aestus ingenii sui refrigeraret, ut maxime etiam excitaretur. Florebant per id temporis in Italia bene multi, qui magna erant in musicis gloria, idque merito. Benedictio in mentem venit ex eis duodecim rogare, qui principes numerabantur, ut eorum quisque certatim odem quamdam notis vestiret musicis, cujus initium est:

Spezza l' arco, Amor; sei vinto.

Mos ei gestus est; cumque iidem intelligerent sibi rem esse cum tanto viro, omnes in id operis ingenii industriaeque nervos intenderunt. Sed ut ad comparandas inter se lucubrationes ventum est, omnium concessu Marcellus facile victor discessit.

XIII. Hic in musicen jocosam nihil admodum propensus fuit. Expertus est tamen quid etiam in hoc genere efficere posset, cantores illudens, qui ut puerilem vo-

cis mollitudinem aetate provecta retinere, misere sunt multati. Hominibus id genus Benedictus subiratus erat, sive quod eorum morositas ei saepe stomachum movisset (sunt enim praeter ceteros cantores morosi) sive quod ejus vocis vitia oderat. Aures enim teretes & peritae voces hujusmodi artis operae quas non a natura profectas aspernantur ac respuunt. Illud constat neque in feminis *acutas* voces Benedictum admodum probasse, qui diceret bonas ac vere probabiles raro admodum reperiri, reliquas ferri non posse. Atque hic *acutas* appello voces, quas Itali appellant *Soprani*. Similiter nominemus licet *acutae proximas*, quae *Contralti*; medias quae *Tenori*, graves denique, quae *Bassi* vulgo nominantur. Sed illuc redeo. Descriptis partibus Benedictus Divi Marci cantores, quotquot vel acuta, vel huic proxima uterentur voce, domum invitavit suam, simulans se velle novae cujusdam lucubrationis experimentum facere, re autem vera ut eos belle ludificaretur. Illius enim lucubrationis & verba & modi erant ejusmodi, ut illi in canendo non musicorum chorus, sed ovium

alterne balantum grex viderentur. Duas etiam habemus odas minuscultas illius generis, quae a *mandris* nomen invenerunt, primisque Etruscae poescos parentibus erant multo usitatioribus quam nobis. Prior, binis mediis vocibus ac totidem gravibus adhibitis, denuntiat cantores eos, qui vocem sibi muliebrem arte fecerunt, e regno caelorum rejectum iri. In altera hi respondentes inducuntur, iidem quaterni (bini videlicet acutae, bini acutae proxima voce instructi) illos objurgando contraque se se purgando, atque id cantu quodam tumultuario commixtis etiam gravibus & mediis vocibus. Tali modo jocabatur Benedictus, genioque interdum indulgebat suo; lineas tamen transiliebat nunquam. Idem musica organica a cantu sejuncta, non tam multum, sicut supra docuimus, se delectabat. Neque eo secius intensatam illam reliquit. Ut enim ipse scientissime & plane singulari digitorum & oculorum mobilitate cymbali regulas percurrerebat, sic volumen integrum edidit, quo varii huic organo idonei modi continebantur. Complures praeterea elucubravit concentus (sive

symphonias organicas) ad usum partim *fiddicinum*, partim etiam *tibicinum*. Atque illi quidem anno MDCCI., hi autem undecim annis post in vulgus exierunt.

XIV. Quibus rebus facile affectus est Marcellus, ut suum longe lateque celebraretur nomen, in eumque respicerent omnes, tanquam in novum quoddam ac clarissimum lumen. Cum enim inde a teneris annis explendescere coepisset ad primam illam gloriam quotidianas usque accessiones adjunxit. Porro Venetias, ubi summa esse solet advenarum frequentia, adventabat nemo, qui quidem bonarum artium studio incensus esset, aut vellet videri, quin ejus visendi audiendique occasionem aucuparetur. Cantrices id flagitabant omnes, ut ne prius in scenam producerentur, quam se illi probavissent; sentiebant enim permagni interesse suffragium tanti viri. Cum ob hanc eandem causam, tum quia se discere aliquid ab ipso semper posse confiderent (erat enim in notandis animadvertendisque vitiis prudentissimus) musici nobiliores cum illo de modis a se factis comunicabant.

XV. Ex omnibus primariis feminis, quae Venetiis ea tempestate florebant, cultissima habebatur, supraque mulierum consuetudinem litterarum & liberalium artium intelligens atque studiosa Helisabetha Raineria ex patricia Lombriorum gente, quae proximis annis extincta est. Haec in domo sua quotidie, ut moris est, illustrem ac florentissimum virorum feminarumque conventum habebat, in quo saepissime ludi hilaresque sermones poeticis ac musicis exercitationibus locum dabant. Eo igitur civium advenarumque flos confluebat, ut quisque scilicet in alterutra illa aut in utraque arte excelleret. Ex quo numero Benedictus cum esset, praecipuo honore colebatur, idque cum ob eximias suas virtutes ingeniique facultates, tum vero propterea, quoniam praeter omnes carus acceptusque erat eadem matronae, cui ipse nobilem servitutem (sic enim nunc loquuntur.) diu constanterque servivit. Quod quidem officii huic uni matronae praestitit, praeterea nulli. Ceterum quibus ad eum sermonis patebat aditus, faciebat omnibus satis, eoque majorem sui

admirationem injiciebat, quo diutius quis familiariusque eodem uteretur. Multa enim inerant Marcello, quae ad hominum animos conciliandos devinciendosque valent quam plurimum. Erat enim affabilis & blandus, solutus atque expeditus ad loquendum, & ad omnem facilitatem comitatemque proclivis. Atque ea re in primis dignissima erat, quae expeteretur ab omnibus, ejus convictio, quia notiones intimas atque reconditas, quas in unaquaque ingenua disciplina assiduo studio praeclaraque vi ingenii sibi comparaverat, communicabat cum aliis & facile & libenter. Neque enim is erat, qui solus sapere vellet. Imo vero quibus ipse bonis abundabat, ea in quam plurimos posset, diffundere satagebat. Atque adeo pro ratione personarum ac temporum ad praecipienda delabebatur saepe numero, quae plerique a doctrina mediocriter instructi fastidirent tanquam longe infra se posita. Idem nonnullis musices initia tradidit, qui experti potuerunt intelligere, quanti refert veram a principio & simplicem & directam viam edoceri.

XVI. Apud Elifabetham Raineriam, de qua nuper mentionem fecimus, vivebat Faustina Bordoxia, virgo suavissimis moribus ac voce mirabili praedita, quam illa amabat plurimum, carissimamque habebat. Haec a Benedicto cantum doceri coepta est, atque in talem postea evasit, qualem novit universa Europa. Vivit adhuc celeberrima haec mulier, eamque jamdiu habet in matrimonio Cl. vir Adolphus Affius *Saxon*, quod quidem matrimonium a musis celebrari par erat; quo nimirum factum est, ut musicus honestissimus atque elegantissimus cum honestissima & praestantissima cantrice in dulcem & sempiternam amicitiam sancto arctissimoque vinculo adjungeretur. Atque hanc cantum docuit Benedictus illius matronae rogatu, cui quicquam negare nefas esse duceret. Aliam puellam sua ipse sponte suoque judicio docere instituit; quippe cujus perfectissima voce semel audita, in spem venit fore, ut longe omnes, quaecumque hac laude florueret, superaret. Mos est infimae Venetorum plebis totas ut aestivas noctes animi & voluptatis causa huc illuc cantando lintribus

circumvehantur , mulieres praesertim , quae fere sunt natura ad cantum aptiores . Canunt autem sic , nihil ut humanis auribus accidere possit suavius ac modulatius . Vel ipsae cantiunculae , quas modulantur , quaeque sibi nomen a lintribus ipsis adsciverunt , quod vernaculae linguae lepores omnes & veneres redolent , quodque & argutulae sententiis & suo quodam stilo conscriptae sunt , simplici illo quidem & candido , sed tamen vivido , placent omnibus summo opere . Benedicti paterna domus *euri-pum* , quem vocant *grandem* , adjacet , quo hujusmodi lintrium majores fieri solent concursus . Quare ex feminis omnibus , quae canentes illac noctu transibant , vocem unam potissimum animadvertit cum validissimam , tum mollitudine plane singulari . Percontatus quae foret , quae adeo lepide caneret , esse comperit Rosanam Scoliam puellam abjectissimo loco natam , reique musicae penitus inexpertem . In hac Benedictus admiratus est dona , quae perraris adeo tribuit natura , neque commisit , ut ea fortunae injuria obsolescerent . Quare ipse per se in-

stituendam illam suscepit; neque prius a se dimisit, quam eo perfectionis perduxerit, quo illam perventuram haud temere fuerat auguratus. At Joannes Zortius Venetus Sacerdos is profecto fuit, qui cum omnium princeps, tum majori cum fructu scientia facilitateque Benedicti usus est. Musices elementa didicerat ipse apud Franciscum Gasparinium, illum ipsum scilicet, quem praecceptorem habuerat Benedictus. Postea se in disciplinam tradidit ejusdem Benedicti, qui tum erat prope adolescens. Hoc magistro cum non opinionum commentis, sed rationibus duceretur, cumque generalibus artis principiis imbueretur, ex quibus unis sincerum judicium conflatur, tantum brevi progressum fecit, ut anno septingentesimo vicesimo secundo supra millesimum Florentiam magister perrexerit, atque inde Romam, ubi in D. Joannis Lateranensis musicorum choro praefectus est, ac tandem a Rege Lusitaniae magno pretio conductus fuerit. Tum in discipuli locum Romae suffectus est Gasparinus, qui quidem satis habebat, si quam

decessor suus reliquerat , memoriae in eo munere responderet .

XVII. Itaque ad eximiam reconditamque doctrinam miram quamdam sensa aperiendi sua cum adjungeret Benedictus , minime est mirandum , si ab omnibus unus maxime expeteretur . Neque vero quod ad aliorum vitia notanda atque irridenda paulo fuit ipse propensior , idcirco quicquam de sua suavitate decerpfit , tantum videlicet ea in re , in qua difficillimum est videre quatenus moderationem & aequitatem Benedictus adhibebat . Non enim omnia , quae sibi veniebant in buccam , ut falsissime dici possent , garriebat temere , neque quemquam , nisi meritum , quive prior laceffiverit , agitabat . Atque etiam illo ipso , quod acerbitatis & salis ejus sermo habebat , nihil erat urbanitate ac lepore conditius , ita ut vel in ejus jocis & dictis aliquod semper probi ingenii lumen eluceret . Praeterea quantum sibi ipse licentiae sumebat in loquendo , tantum tribuebat ceteris , atque ad aliorum arbitrium facile decenterque se se fingeat .

XVIII. Sic se gerens , semperque ali-

quid scribens ad quadragesimum aetatis suae annum appropinquabat; neque dum de studiorum suorum decumis Deo consecrandis cogitare coeperat, etiamsi a puero stili sacri auctores principes attigerat, in eoque se se non nihil exercuerat. Fors ei occasionem tulit opus sacrum & maximum aggrediendi, cui uni immortalitatem sui nominis acceptam magis refert, quam reliquis suis laudibus in unum collectis. Intime vivebat Benedictus cum Hieronymo Ascanio Justiniano Patricio Veneto, eamque necessitudinem morum similitudo ac cognatio studiorum & artium conciliaverat. Siquidem hic etiam non minus musicae studiosus erat, ut pote qui fidicula praeclare cecinisse dicitur, quam poesis, in qua excellens fuit. Prodiverat ipse e disciplina Dominici Lazarinii in Patavino Gymnasio Graecarum Latinarumque litterarum professoris primarii, deque universa Italia praeclare meriti ob acerrimas pugnas ab ipso summa contentione pugnatas pro mansuetioribus musis adversus suorum temporum vaniloquentiam. Itaque Justinianus cum a natura, tum in primis a doctrina instructus

egregie (ut erat divinarum litterarum amantissimus) in animum induxit experiri ne posset Etruscis versibus Davidicae poesis spiritum & magnificentiam exprimere . A prioribus decem psalmis exorsus est , in quibus non verbum pro verbo reddidit , sed eos latius interpretando aliquantum illustravit exornavitque . Sic & versiculi alius ex alio necuntur aptius , & stilus dulcior existit atque nervosior , atque ita ut alias res agere videatur , dum scribit ipse elegantissime . Deinde (id quod tam poesis quam musice desiderat) sibi cavebat diligentissime ab illis verbis , ut ita dicam , semimortuis , quae supra vocare libuit servilia , ubi sermo nobis erat de eo poematum genere , quae mele appellavimus , quibus ex rebus stilus omnino poeticus efflorescat oportet . Quod ad metrum attinet , magnam sibi pro opportunitate variandi numeri licentiam sumpsit , veteres in hoc dithyrambicos imitatus . Neque id profecto non prudentissime fecit ; quoniam non minori impetu afflat propheticus spiritus , quam qui ab antiquis Baccho tribuebatur ; hoc tamen differt , quod hic tenebras,

ille lumen menti offundit. Praeterea ad ipsam effectuum varietatem repraesentandam metrorum varietas confert plurimum, & eo magis in Italica poesi, quam in Graeca aut Latina, quo versus nostri & mensuram temporis & suum certum ac proprium numerum, qui *ποῦμος* Graece dicitur, exprimunt accuratius, nihilque ambiguitati relinquunt loci. Quare versuum mutatio apud nos, si modo tempore fiat, perinde delectat, atque in musica variare opportune percussionum modos. Tali ratione Justinianus decem psalmorum *paraphrasim* confecit, quam Marcello legendam cum dedisset, hic, ut erat limato ac perpolito iudicio, non poterat ejus elegantiam vim facilitatemque satis admirari. Id ille intuens, *quidni, tu, inquit, mi Marcelle, quando haec nostra tibi versio tantopere probatur, modis eam musicis, qui rei sanctitati dignitatisque respondeant, exornas?* Hoc ego cum plerisque *jucundissimum atque utilissimum fore censeo, tum vero dignissimum viribus tuis; qui enim ei par esse possit, praeter te unum, video neminem.* Atque alia plura in hanc sententiam. Continuo Benedictus rei & magnitudinem &

utilitatem agnoscit; & simul, ut erat sibi conscius virium suarum, si recuset, intelligit id non difficultatis excusationem, sed inertiae potius deprecationem visum iri. Itaque sine mora hunc sibi laborem sumendum esse statuit; idque amico recipit. Hoc loco rem dicam, quae plerisque fortasse incredibilis videbitur, verissima cum tamen sit. Benedictus celerrime ac uno pene impetu priorum quinque psalmodiarum harmoniam concinnavit, eamque gravem adeo, sanctam angustamque & religiosam, nihil aliud in vita sua ut e- gisse videretur, quam in hac ipsa sola scribendi forma versari. Erat enim vero ipse non solum musicus, verum etiam poeta, atque philosophus; proindeque licet rebus amatoriis fere assuetus, habebat tamen animo comprehensam absolutissimam quamdam & universam pulchritudinis speciem, quam intuens, in eaque defixus, in unoquoque stilo, ut ut amatorio dissimili, quid aptum, quid decorum, quid elegans esset, quid contra, facillime sentiret. Restabat igitur, ut quae ejus in mente infederat forma illius stili; qui res divinas maxime decet, eam suis veluti

luti coloribus exprimeret. Id autem homini in scribendo diu multumque exercitato, quaecumque tandem res fuerit, de qua eo usque scriptitaret, non erat sane difficile.

XIX. In eleganti hominum conventu hoc primum veluti specimen ingentis operis exhibitum fuit, atque animos audientium non solum insueta voluptate affecit, sed etiam in admirationem maximam rapuit, captos stili illius omnino ante id tempus inauditi & novitate & praestantia. Inñitus pleno a confesso plausus datus est; neque inventus est quispiam, qui amicorum nobilissimum par summis in caelum non laudibus efferret. Hoc successu ambo confirmati ad propositum quisque suum urgendum alacriori animo se retulerunt. Musici praedicebant ad unum omnes fore necesse, ut easdem illas cantilenas, quas antea tractaverat Marcellus, deinceps repeteret; quippe quem omnes *ideas*, sive omnia, ut ajunt, *motiva*, quae in eo genere gravissimo suppetunt arti, jam exhausisse crederent. Sed hi nimirum artis ubertatem, sive potius foecunditatem & vim ingenii Marcelli imbecillitate

ac tenuitate sui, ut res ipsa demonstravit, metiebantur; siquidem ad psalmum usque quinquagesimum cum devenerit, novae semper ejus in animo ideae efflorescebant, eaeque ad rei dignitatem aptissimae. Neque vero non fuit apertum, si amicus majorem versionum numerum suppeditasset, longius Marcellum fuisse progressurum. Hic non praeteribo Marcellum omnes illas antiquae Graecorum musices reliquias modis suis inseruisse, quae, tanquam spolia ex ardenti rogo servata, adhuc supersunt, tum etiam cantilenas quasdam, quibus pro varietate regionum, ubi degunt, Judaei in *synagogis* suis uti consueverunt. Id fecit, non quo exaresceret ei aliquando vena, atque adeo opus esset ad alienos veluti fontes adire (nihil enim erat, ut paullo ante demonstravimus, ejus ingenio feracius) sed quod & maximo lucubrationibus suis ornamento id fore videbat, & summae eruditae auditoribus voluptati, quibus non poterant eximia ac nobilissima antiquitatis vestigia non summopere arridere. Ea vero ita prudenter, ita suo quaeque loco adhibuit, ut ibi singula sint po-

sita, ubi plurimum proficere, & valere possint.

XX. De novae illius harmoniae praestantia cum rumor exiisset, vehemens illius audiendae cupiditas pluribus injecta est. Hac mente nobilium atque intelligentium societas conflatur, qui pecuniam ad hoc conferant, ut quinquaginta illorum psalmorum modi cani possint quam perfectissime. Petitur a duobus clarissimis Auctoribus venia, neque non impetratur. Quare singulis hebdomadis die Jovis statutum in locum sub vesperum conveniebant quicumque in eam societatem coierant, ibique pia hac oblectatione horas plus minus quatuor detinebantur, ad eam rem adhibitis quotquot in tam florenti civitate cantus sonorumque experientissimi numerabantur. Recordantur grandiores natu ad illam domum, ubi hujusmodi coetus agebantur, vulgus consistere & harmoniae, quae foras illinc diffundebatur, novitate & dulcitudine quasi suspensum teneri; itaque vias omnes quaque versus & angiportus occupare, magno ut id esset impedimento praetereuntibus. Ex quo quantum in ea canen-

di forma virium ineffect ac vis facile est intellectu, neque enim, cum saepissime sint habitae semper, habeanturque Venetiis id genus Academiae, quicquam tale usu venisse compertum est. Quamvis vero tum cantores, tum etiam ii qui cantum sonis gravioribus adjuvabant, suae quique essent artis scientissimi, seque privatis experimentis diligenter disponderent; res tamen nunquam tam perfecte succedebat, quam Marcello praesente. Nam assidebat ipse persaepe cymbalo, dux & moderator chori. Tum vero videbatur suo veluti spiritu afflare atque animare ceteros. Auribus autem adeo delicatis fuisse fertur, uti in sonis atque concentibus vel minima sentiret. Atque si quid delinqueretur, ei medebatur ipse statim pro re nata non incommode, in primisque non committebat, ut ne tantulum quidem descriptis notis quispiam in canendo adderet de suo. Non enim potest tanta vis, quantam in se habet harmonia Marcelliana sentiri, si vel unguem transversum cantores a scripto recedant. Paucis enim momentis res vel pulcherrimae deformantur. Percrebuerat jam non

per Italiam solum, sed apud exteras etiam nationes tam eximii operis fama. Quare ut optatis plurimorum fieret satis, de illo edendo cogitari vehementer coeptum est. Res e sententia cessit. Id egit scilicet typographus, ut studiosorum consociatio fieret, ab eaque tantum fere collatum est aeris, quantum ad sumptus necessarios, haud sane mediocres, in eam rem faciendos esset satis. Itaque L. psalmi celeriter in publicum prodierunt ex officina Dominici Lovisae in octo volumina distributi grandiori charta & formis, ut tum erant tempora, plane elegantibus cusi. Volumen primum prodiit anno post Christum ortum MDCCXXIV., octavum vero anno insequenti. Quo significatur sane totum opus ingens medius fidius, omnique laude dignum incredibili celeritate lucubratum esse; nam ut scriptum reliquit Joannes Marchionius Sacerdos Venetus, quadragesimus Benedicto aetatis annus appetebat, cum ad res sacras ornandas animum traduxit. Quare annos saltem quinque & triginta praetervectus jam erat, cum huic se scriptioni dedit, qui annus in annum MDCCXXI. incidit. Ita, quod

mirabile omnibus videri debet, extrema tanto operi manus accessit post annum quartum circiter quam illud fuerat inchoatum. Epistolae ad lectores, five, ut plerisque appellare libet, praefationes, quae singulis voluminibus praecedunt, doctrinae modestiaeque plenissimae, Marcello magis, quam Justiniano, mihi quidem ut videtur, adjudicandae sunt, quippe quae fere de nulla re alia, quam de musica differunt: & cum ceterae legendae sunt, tum potissimum prima dignissima est, quae expendatur diligentius ab iis, qui aliquam cupiditatem habent in re musica proficiendi.

XXI. Tali modo exemplaria egregii operis publice exscripta cum essent, atque in manus hominum devenissent, passim multisque in locis ejus facta sunt experimenta. Quod tum facile fiebat, neque enim ulla aetate uberior praestantium cantorum foetus fuit. Contra ea nihil modo bonis, & bene institutis vocibus aegrius invenitur. Nec vero expectationem, quae maxima ubique fuerat, exitus ipse admiratioque nusquam superavit. Longum esset civitates numerare

singulas. De Vienna, Roma, Hamburgo,
 Londino praetereundum non videtur. Caro-
 lus VI. Caesar, ut ei de Marcellianis psal-
 mis nuper editis eorumque praestantia re-
 nunciatum est, idque nec obscuro, nec va-
 rio sermone, sed & clarissima & una omnium
 voce, Reipublicae Venetae Legato ostendit
 nihil sibi longius esse, quam dum tam cele-
 bres audiret modos. Hanc sibi occasionem
 Caesari gratificandi non dimittendam Legatus
 existimavit. Itaque statim ad Benedictum lit-
 teras dat, eumque rogat sibi quamprimum
 transmittat octo psalmorum volumina, atque
 separatim carminum exemplaria aliquot ex-
 cudi curet, quae Principibus, aliisque nobi-
 libus viris, qui interfuturi erant, distribue-
 rentur. Benedictus libenter celeriterque man-
 data confecit. Tandem necessariis rebus di-
 ligenter apparatis, quae usui essent hujus-
 modi conventui, Legatus Caesarem aulae-
 que Caesareae procures domum invitavit
 suam, qui quidem confessus longe nobilif-
 simus tam incredibili aurium voluptate, ma-
 gna cum animorum commotione adfectus est,
 ut fere abalienati a sensibus omnes videren-

tur. Hoc idem eodemque successu deinceps reliquis fit diebus. Tum demum Marcellus laborum suorum pulcherrimum tulit fructum, nullum enim vel cogitatione sibi fingere, vel animo concupiscere poterat neque gravius iudicium, neque elegantior coronam.

XXII. Fautricem iterum fortunam paucis post annis iidem nacti sunt modi, Romae cum repeterentur, auctore Cardinali Octobonio, eodemque in eam rem aedes ac sumptus suppeditante; atque illud quidem ea perfectione, ut nihil possit ultra. Primas enim agebant cantores ejus aetatis aut omnis fortasse memoriae principes Dominicus Riccius, is qui *Menecucius* appellatus est, Paschalis Betius, Josephus Carminatus, Blasius Herminius. Ad choros explendos electi sunt ex Pontificiis cantoribus quatuor & viginti, qui praestantissimi ponebantur. Neque huic tantae vocum multitudini ac bonitati non plane respondebat graviorum choridarum concentus. Sed illud in primis memoria videtur dignissimum, quod si quando harmonia identidem interquiesceret, eam excipiebant sermones doctissimi, qui ab homi-

nibus habebantur & scientia & dignitate praestantibus, qui fere erant ex Arcadum coetu. His autem erat propositum, ut accurate animadverterent, verisque laudibus ornarent, qua poeticas & psalmorum & Italicae eorundem interpretationis virtutes, qua modorum efficacitatem & praestantiam. Haec tum laudationes, tum animadversiones prudentissimae jampridem ex hominum memoria exciderunt. In illis tamen numeranda videtur ode sane nobilissima, quam in eo ipso conventu dixit Franciscus Lorenzini Generalis Arcadiae Custos, quaeque sic incipit: *Signor se del tuo saggio aureo intelletto*. Tum primum, quod quidem nos audivimus, exemplum habuit Italia, quo respicerent Principes viri, qui suae domi musicos agere coetus solent; qui quidem velint meliorem pleniorumque ex eis & voluptatem & utilitatem proficisci. Et vero si quis vestigiis ingressus Cardinalis Orlonius, perfectissimas quasque lucubrationes eligeret, quae ad harmoniam canantur, atque negotium daret viris literatis eisdemque musices peritis, ut quae cuique magis e re videantur, animadversiones

faciant : is profecto brevi tempore sensim & quasi per jocum efficiet, uti ars nobilissima vel propius ad perfectionem accedat, vel, si forte jaceat, erigatur, atque ad lucem veluti aspiciendam revocetur. Duodecies conventus ille est habitus; idque prima nocte. Dies duodecima Marcellianos canendi psalmos finem fecit. Totidem libelli jussu atque impensis ejusdem Cardinalis amplissimi fuerunt editi, in quibus scilicet eorum psalmorum, qui quaque die cani debebant, *paraphrasis* erat descripta separatim, iique distribuebantur inter audientes, extimas frontes eleganter ornati pro dignitate personarum; id quod sine necessaria causa factum puto. Hanc enim peculiarem laudem habent Romani cantores partim ex ipsiusmet linguae bonitate, partim etiam e disciplina, quod ita vocem in cantu moderantur, itaque expressa ac distincta, quin etiam leni appellatione litterarum utuntur, ut ne una quidem vacula devoretur.

XXIII. De Hamburgo, ubi pulchrum excolebatur musice, juvat epistolam asserre, quam Joannes Matthesonius vir do-

clarissimus, atque in tota Germania clarissimus,
 ad Marcellum dedit. Tota est illa quidem
 dignissima quae legatur. Pauca haec tamen,
 brevitatis causa delibavimus: „ Id igitur,
 „ inquit, laudi mihi vertendum puto, quod
 „ auctor fuerim, ut pars egregii tui operis
 „ in majori templo auribus exhiberetur no-
 „ strorum civium carmine in vernaculam
 „ linguam scilicet translato. Triginta, qui
 „ illam modularentur, delecti homines fue-
 „ re, in suo quique genere praeclari. Can-
 „ tus novitate conventus frequens mirifice
 „ adfectus est usque adeo, ut prae volu-
 „ ptate & admiratione extra se plerique ra-
 „ perentur. In primisque ea res omnibus &
 „ admirationi & voluptati fuit, quod sin-
 „ gula verba, contra atque affolet, expres-
 „ se distincteque audiebantur; quam qui-
 „ dem laudem harmoniae statuo & primam
 „ & maxime necessariam. Aliquot diebus
 „ post simile experimentum non minori suc-
 „ cessu aliis in aedibus cepimus. Ex quo
 „ factum est, ut quemadmodum antea Pa-
 „ lestinae, nunc Marcellō communiter pri-
 „ mae deferantur „. Haec haecenus. Ali-

quanto serius Marcelli fama in Britanniam appulit. Sed nusquam alibi tamdiu ejus psalterium in pretio fuit. Tota *paraphrasis* in Anglicam linguam Londini conversa fuit, atque ita ut singula verba suis singulis notis musicis responderent. Tali modo illud recudendum suscepit Joannes Goltius Dunelmensis, quae quidem editio ab hinc annis viginti circiter perfecta est.

XXIV. Per illud tempus quidam psalmi praeter ceteros celebrari in vulgus coepti sunt, ut eorum quisque scilicet vel in audientibus atque etiam in cantoribus lacrimas movit, vel sacrum quemdam horrorem pavoremque incussit, vel anxios animos & sollicitos erexit, atque a desperatione & moerore ad tranquillitatem laetitiamque traduxit. Neque hos tamen sigillatim enumerandos mihi esse arbitror. Ego enim iis assentior, quae de sacris Marcelli lucubrationibus sic existimant, eas ad unam omnes admirabiles esse, atque ita, ut quemadmodum Polycleti Doriphorum sibi fuisse Lysippus ajebat, sic earum unaquaeque in suo genere magistra esse debeat harmonices studiosis. Si quid est autem,

quod aliae ab aliis differunt, id ex argumenti natura, cui harmonia mirum semper in modum congruit, tum etiam ex diversa auditorum indole ac praeparatione repetendum unice videtur. Ceterum ex psalmis omnibus Marcellianis, qui quam aptissimi ad commovendos animos habiti sunt, vicesimus primus & quinquagesimus numerantur, in quibus unis fides ejus generis, quae *Viole* appellantur, locum habent. Quod admonendum censui; id enim argumento est, organa musica neque attentioni, neque affectuum commotioni natura officere, si ea in loco prudenterque adsciscas.

XXV. Sane Marcellus fecit, si quis unquam alius, ut vere dictum videretur a sapientibus quibusdam viris eam inesse vim musicae sacrae, ut homines ad Dei cultum vehementer alliciat; nam conventibus illis, quos supra diximus, quicumque intererant, in eorum animos una cum suavissimis modis pia sanctaeque cogitationes affectionesque influebant. Neque vero defuerunt, qui turpi ac flagitiosae vitae cum usque eo assuescent, ut conscientiae veluti callum ob-

duxerint, excitarentur nihilo segnius e lethali illo animae veterno, atque longe alii, quam accesserant, dimisso conventu, recederent. Quam quidem rem ut sibi comperitam planeque exploratam memoriae prodidit Joannes Marchionius, quem antea commemoravimus, quemque in describendis rebus gestis Benedicti potissimum auctorem sequimur, quod non solum ejus aequalis fuit, sed etiam in intimis & familiaribus: idemque narrat harmoniam psalmorum praeter ceteros suum etiam auctorem Deo fecisse lucrari. Erat hic jamdiu in maxima gloria, quam videlicet illustribus suis ac pervagatis in musice remque litterariam meritis ipse sibi conciliaverat: neque proprias laudes, quibus aures undique circumsonabant suae, non libentissime audiebat. Festivos hilaresque conventus, convivia, theatra, ludicra spectacula frequentabat. Quod vitae genus quam lubricum sit atque ad vitia proclive, nemo, qui aliquid sapiat, non videt. Neque tamen ita voluptatum illecebris erat delibutus atque correptus, ut id prae se ferret. Praeterea quam ipse pene cum lacte nutricis su-

xerat, penitusque animo imbiberat, sanctam
 religionem persuasionemque christianam, quae
 veluti germen est bonorum omnium, eam-
 dem ratione stabili firmaque ita retinuerat,
 nihil ut illa in omni vita habuerit antiquius.
 Quo factum est, ut sacra caeremoniasque,
 quas externus Dei cultus continet, reveren-
 tus sit ipse semper, & nunquam non admo-
 dum religiose obiret. Veruntamen cum im-
 potenter abriperetur appetituum aestu, qui
 nisi rationi subjiciantur, imperant, & simul
 non tam diligenter sibi caveret ab iis rebus,
 quae sepe sunt illecebrae peccandi, non est
 mirum, si eum in officio continere ne ipsa
 quidem posset rerum futurarum formido.
 Nulla mihi est religio, quominus id ausim
 affirmare, id nempe ipsum, quod semel at-
 que iterum ac saepius ipsemet palam con-
 fessus est sinceræ poenitentiae studio, quo ma-
 gis divina pietas, quae sibi praesidio fuit,
 explenderet. In uno ex epigrammatis sa-
 cris, de quibus mentionem fecimus, sic Deum
 alloquitur.

*Otto lustri già vissi: ah! come scrivo;
 Che vissi, e vissi tanto? anzi degg' io
 Morte vera chiamar quel viver mio
 Nel fango involto, e di tua grazia privo.*

Neque minus dolenter anteaetiae vitae errata deflet in prooemio poematis sui de Redemptione:

*Ma un' reo d' oltre otto lustri, e quel son' io,
 Come poscia sperar grazia sì rara?
 Troppo innanzi a me sta d' ogni error mio
 Fissa memoria.*

Atque alibi iterum:

*Ma quante, quante ancor note profane
 Questa man non segnò, quando mi prese
 Musica a' miglior anni? e qual rimane
 Frutto d' ore sì lunghe indarno spese?*

Et paullo infra:

*Deh! infinita pietà, spargi d' oblio
 Tanti di vana laude alteri fumi.*

Itaque ubi profanis studiis posthabitis, res divinas ornare ingressus est Marcellus, recursare

curfare ejus animo coeperunt salutare imagines, atque tum maxime, cum sui psalmodum modi canerentur. Saepius autem concinebat ipsemet in choris, idque eo vultu ac iis oculis, ut quantum esset animo adfectus, cuivis facile appareret.

XXVI. Sic ejus voluntas inclinabat sensum ad Christianae laudis studium; nihilo tamen magis illud unquam amplectebatur. Erat enim, quo tamdiu constringebatur, firmior consuetudinis nexus, quam ut ulla humana ope diffui aut dirumpi posset. Extremo casus, non sine divino consilio, quidam intervenit, quem insignis ejus vitae morumque mutatio est consecuta. Anno post Christum natum MDCCXVIII. festo die Sancti Isidori, qui dies est ad XVI. Kal. Majas in Apostolorum sanum rem divinam auditum introierat, cumque ad aram maximam, ubi illa fiebat, accederet, lapis sepulcralis, in quem vestigium posuit, sub ejus pedibus contractus est, atque ita ut ille pectore tenus in foveam incideret. Ea re nihil admodum in praesentiarum commotus est. Quin etiam praesente animo usus, quo solebat, nulla pertur-

bationis aut timoris edita voce, emerfit inde subito, totumque se ejecit incolumem. Sed nocte, quae illum diem infecuta est, cum nullam capere posset partem quietis, praeteriti eum casus recordatio incessit, quem quidem casum aliosque innumeros atque inopinos, qui humanae vitae imminet in horas singulas, dum secum ipse reputat & simul considerat, quo in statu esset, quantoque in periculo versaretur, siqua eum vis repentina opprimeret, hujusmodi cogitationes aliae ex aliis ei divinitus submittebantur, ut mente & voluntate repente commutata, non ante somnum ceperit, quam omnibus, quibus posset, modis Deum propitiare, eique se suamque vitam reliquam dare statuerit. Ita qui caecus animo vesperi cubitum iverat, ut ipsemet in scriptis reliquit, is experrectus bene mane tantam sibi esse lucem obortam sensit, ut Davidicam illam usurparet vocem, *haec mutatio dexterae Excelsi*. E vestigio autem ad Firmum Girardium prudentem virum e S. J. se contulit, eumque ducem novi itineris, quod ingredi volebat, sibi constituit. Atque quo cumula-

tius divinae bonitati responderet, quoque liberius pietatis officiis vacare sine interpellatoribus posset, non satis habuit paulatim diffuere, sed repente praecidit non amicitias modo illas periculo undique plenas, sed vanas etiam, quibus antea plus aequo indulserat. Id quod sibi plane expedire intelligebat, maximeque in illis suae conversionis primordiis. Itaque ab omnium fere hominum colloquio familiaritateque complures annos se disjuxit, praeter quam Joannis Marchionii, cujus & doctrinam & pietatem spectatam jam & cognitam habebat.

XXVII. Nihil autem agere cum animus non posset, semper agere aliquid aut moliri ab initio assuetus aetatis, eo minus tum cessare a commentationibus poterat, quo erat in illa solitudine magis vacuus. Quare ut quidquid sibi superesset temporis a religionis officiis, pie honesteque consumeret, poema epicum *de Redemptione*, quod diximus, magnum illud quidem & operosum adortus est. Id eo fecit etiam, ut non minus poetica studia, quam musica Deo consecraret; qua eum fuisse mente ostendunt verba,

quae in fronte codicis manuscripti leguntur: *eduxit me de lacu miseriae & de luto faecis, & immisit in os meum canticum novum carmen Deo nostro*. Marcellus, ut erat animo ingenioque magno, totum illud argumentum quam latissime patet, complexus est, quippe quod in tria volumina tribuerat. Et primum quidem volumen *ab Incarnationis*, ut ajunt, decreto exorditur, resque omnes deinceps persequitur, quae illius executionem antecesserunt. Alterum a Jesu Christi ortu initium capit, atque in baptismum definit. Tertium autem reliqua mysteria continet, quae ad eundem docentem, prodigia patrantem, passum, mortuum, redivivum, ac tandem ascendentem in caelos pertinent. Loco digressionum, quae variandis ornandisque poematibus adhiberi solent, proposuerat hoc sibi, ut plurima admisceret ex scientiis atque ex artibus, quae vel ad usum humanae vitae, vel ad voluptatem conferunt, deprompta. Tali modo novam quamdam epopejæ speciem in artem invehere se posse confidebat, quae scilicet sine amoribus & pugnis & allecltare & tenere animos posset. Porro non ignora-

bat ipse, quam arduam quamque difficilem sibi provinciam sumpisset. Itaque sibi ipse diffidens (quæ magnorum hominum modestia est) de omnibus amicis suis, qui iisdem studiis tenebantur, nonnullos potissimum constituit, quorum prudentissimis uteretur auribus.

XXVIII. Eos, si qua difficultas aut dubitatio incideret, ad consilium adhibebat. Cum iis de versibus a se nuperrime factis, deque rebus deinceps tractandis communicabat. Quidquid autem ab iis animadversum objectumve esset, aut pro eorum censura ab se adjunctum, detractum, mutatum, in adversaria sua diligenter & ordine manu sua referebat. Neque vero magis satagebat recte scribere quam festinare; ob eamque rem quo in id totus insisteret, una cum reliquis studiis, illud etiam musices, sine qua nullam antea vitam ducebat, dimittendum sibi esse statuit. Hac mente cymbalum, in quo regularum series est, parieti affixit; tum eo loci posuit, unde movere sine aliena ope non posset. Is nimirum verebatur, ne ea suavitate illectus temporis jacturam faceret.

Fit enim fere (id quod expertus noverat) ut sciens quisque musices, si cymbalo affideat vel ad breve tempus, complures ibi per imprudentiam horas consumat. Scio Mazzuchellium Comitem ita scripsisse eam Benedicto fuisse causam, cur musicae nuncium remitteret, quod haec illi ars in odium venerat, atque ita, ut (quemadmodum ex eo ipso se audivisse praedicat) *si fieri posset, testamento cavisset, ne cui in perpetuum e familia sua se se ad id studii adplicare liceret.* Sed ego cum diligenter investigaverim, ita ne res esset, illud unum reperio, Marcellum musicen quidem eo tempore odisse amatorium ac voluptariam, cujus est animos molliere, ac virtutis nervos elidere, atque etiam illam, quae jam tum in templis audiri coeperat, prorsus a loci rerumque divinarum religione ac majestate alienam, nequaquam vero sacram & gravem, quae primos ei pietatis igniculos indiderat: non enim credibile est eam rem ipsi religioni fuisse, quae res initium sibi salutis attulerat. Quaestor Brixiae cum esset extremis temporibus, rogatu amicorum operam dedit saepe numero, ut

in Templo interiore Sacerdotum, qui Philippum Nerium parentem agnoscunt, aliquot e psalmis suis canerentur, in his tertius & vicesimus, cujus quidem modi propter & vim & varietatem pene sensus audientibus eripiebant omnes, in primisque ad eum locum *quis est iste Rex gloriae*. Cantitabat ipse aliquando in choris, interdum choro ipsi moderabatur, idque faciebat nunquam, quin ejus animi ardor, pietas, religio ex toto corporis habitu ac praecipue ex fronte & oculis emicaret. Per multa etiam, quae ex usu essent Ecclesiastici cantus, postquam resipuerat, elucubravit. Nam & lamentationes novem Hieremiae prophetae, quae feriis quarta, quinta & sexta sanctioris hebdomadae recitari consueverunt, & psalmum quinquagesimum, eumque multimodis, & canticum Zachariae & illud etiam, quod D. Ambrosio adscribitur, atque gratiis Deo publice agendis adhibetur, canere ad harmoniam docuit. Addidit his tres, ut ajunt, *Missus*, quas ad concentum musicum exegit, donavitque harmonia plane admirabili. Unam fidiculis sociavit: reliquas vero duas majores

ribus fidibus dumtaxat, cum incredibili quadam cantus maiestate. Harum una cum tota harmonicis virtutibus scatet, tum ad ea verba potissimum, *crucifixus etiam pro nobis*; erat enim huiusmodi vocum temperatio, uti non mente solum conciperentur, sed pene aures ipsas iterati malleorum ictus percellerent. Postremam ipse composuit, ut fratris sui filiae gratum faceret, quae in nobilissimum Sacrarum Virginum coetum se recipiebat. Festum eo die celebrabatur Transfigurationis Dominicae, quo festo introitus in rem divinam sic incipit: *illuxerunt coruscationes tuae orbi terrae*. Non est verisimile id quod accidit, eam inesse vim potuisse modis, qui praeter aliquot fides crassioribus nervis instructas, & duo organa pneumatica, nullos alios admittunt sonos, uti, dum illa verba canebantur, quaedam veluti fulgura per aerem serpere & coruscare ante oculos viderentur. Has lucubratiunculas Ecclesiae, cui e S. Sophia nomen est, muneri dedit, quippe cui praeerat alter Marchionius Ioannis pernecessarii sui frater. Equidem, quoad iste vixit, repeti illae saepius solebant, at

post mortem ejus paullatim cani sunt defectae. Tandem in nescio cujus imperiti manus devenere, qui cum pluris aestimaret pecuniam quam musicen, Anglo cuidam, qui per Venetias iter faciebat, eas omnes vendidit, unis exceptis lamentationibus, quae ad hodiernum diem extant apud Venturam Prezzolum. Quibus ex rebus perspicuum est alio Benedicto verba spectasse, atque Mazzucchellius accepit, eo videlicet ut usum artis perversum, non artem ipsam improbarent.

XXIX. Annos haud amplius decem Marcellus vixit, postquam ad frugem adplicuit animum, atque per id totum tempus non in proposito solum institutoque consilio permansit, sed majores in Christiana philosophia quotidie progressus effecit, sic ut brevi se se totum retexuerit, virtutumque omnium ceteris tanquam exemplum praestiterit. Tripartito ipse distribuebat diem. Partem unam Reipublicae dabat; alteram studio; tertiam precationi. Haec autem multo sibi maximam partem vindicabat. Ac quoniam caritas in proximos expressius est sinceræ pie-

tatis signum, is pauperes, si quis opis ejus indigebat, amore prope paterno complectebatur, eisque bis in hebdomada stipem erogabat, quicumque mendicatum domum suam confluebant. Quare ex iis fuit nemo, quin ejus funus sic prosequeretur, ut lacrimis dolorem desiderii indicaret. Sed audire praestat Joannem Baptistam Cinnellium ex Carmelitarum familia, quo erat Brixiae cum Marcello conjunctior nemo, qui quam ibidem hic perpetuo rationem vivendi tenuit, eam describit fere in hanc sententiam: „Ma-
 „ ne ut primum evigilasset, certum tempus
 „ dabat precationi; nec prius e conclavi
 „ prodibat, quam B. Virginis, quod vocant,
 „ officium persolvisset. Hujus quidem lau-
 „ des crebris solebat usurpare sermonibus,
 „ eique secundum Deum conversionis bene-
 „ ficiū acceptum referebat, ut quam in
 „ omni vita praecipuo quodam honore co-
 „ luisset. Deinde ad aedem se conferebat
 „ Sancti Josephi, quam Sodales, qui se
 „ *Minores Observantes appellant*, incolunt, ex
 „ quorum familia Basilium Sassanum judicem
 „ conscientiae suae delegerat. Ibi genibus fle-

„ xis, aequè animo ac corpore immotus,
 „ intererat sacro ac bis terve per hebdoma-
 „ dam ad Poenitentiae & Eucharistiae my-
 „ steria accedebat. Rebus his, quae ad re-
 „ ligionem pertinent, peractis, susceptum
 „ Reipublicae munus integre diligenterque
 „ explebat. Pomeridianas horas poemati im-
 „ pertiebatur, de eoque secum litterati viri,
 „ qui domum suam ventitare consueverant,
 „ octavo quoque die conferebant. Hi erant
 „ in primis Aloysius Avogadrius Abbas &
 „ Theologus ex Sodalibus, qui e vitae re-
 „ gula *Canonici* appellantur, Marcus Cap-
 „ pellus Sacerdos Brixianus, Joannes Ba-
 „ ptista Mazzucchellius Comes, & duo cla-
 „ rissimi viri e Theatinorum familia, Gra-
 „ denigus & Scallera. Ad vesperam prodi-
 „ bat domo; neque alio prius divertebat,
 „ quam Virginem Genitricem salutatum ive-
 „ rat. Est hujus fanum nobile cum primis
 „ ac summa religione praeditum, quod a
 „ Gratiis nomen invenit, ideo quia multis
 „ saepe in difficillimis rebus praesens ibi au-
 „ xilium oblatum est. Huc igitur frequens
 „ veniebat Marcellus, ac tum maxime, cum

„ dies festi anniversarii agerentur , quibus
„ vulgo solet proferri Virginis effigies cele-
„ berrimo seminarum hominumque con-
„ ventu . Hic provolutus in genua , atque in
„ rerum caelestium contemplatione defixus
„ supplicabat , idque eo mentis ardore at-
„ que animi attentione , prorsus ut ei nihil
„ esse cum corpore videretur . Quod eo mi-
„ rabilius omnibus accidebat , quo major erat
„ turba ac strepitus ultro citroque , ut fit ,
„ praetereuntium . Tali modo cum in bea-
„ tissimam Dei Matrem pietatem expleffet
„ suam , extra urbis moenia egrediebatur ,
„ atque ego eram una plerumque . Nec ve-
„ ro multum de sua animi contentione re-
„ mittebat , taciti enim fere incedebamus .
„ Namque oculos a posmate suo dejiciens
„ nunquam , commentabatur ipse secum , ver-
„ susque inter deambulandum ad viginti ,
„ interdum ad triginta faciebat , quos simul
„ atque dabatur ei facultas , in codicem re-
„ ferebat „ . Sic ne cum vacare quidem vi-
„ debatur , homo a labore invictus cessabat .

XXX. Hoc vitae genus tam frugi at-
que severum , haec tam vehemens animi con-

tentio, quam in studiis cum litterarum, tum praeſertim pietatis adhibebat, non poterant, quin ei maturarent mortem. Ad hanc ſe rapi utique ſentiebat ipſe, atque adeo in viceſimo poematis libro Mariam Virginem etiam atque etiam rogat, ſibi ut vita ad eum finem proferatur, quoad is poema ſuum ad calcem perducatur. Tenebatur enim vir religioſiſſimus hoc deſiderio, propterea quod confidebat ſe numeris poeticis non minus quam muſicis aliquando conſecuturum, ut aliis ad pietatem ſtimulos ſubjiceret. Erat autem ei nuncius mortis praeter labefactatas vires reconditus quidam atque inteſtinus dolor, in quo plures jam menſes conſumpſerat, cum nihil proficeret diligens curatio Comitum Roncalliae nobiliſſimi medici, ſibiſque amiciffimi, cui ipſe ſalutem ſuam permiferat. Interea ſi forte corpus & animum remitteret, una cum Cinnellio, cujus, ut ſupra diximus, conſuetudo ei erat jucundiſſima, Caravagium cogitavit, quod eſt oppidum in ditione Ducis Mediolanenſis, agro Bergomatium finitimum. Ab eſt ab oppido paſſuum MD. circiter B. V. Dei O. M. Genitricis templum ſane ſanctum

atque religiosum. In eo simulacrum est ejusdem Virginis, cujus vim numenque multa non raro prodigia declararunt. Hujus igitur invisendae salutandaeque causa eo profectus, multa cum prece & incredibili quadam spiritus dulcedine mysteriis divinis interfuit, & caelesti est pane refectus. Domum rediens animo hilariori cum esset, cumque dolor ille nonnihil remisisse videretur, omnino decrevit nulla in posterum medicamenta adhibere. Haec Marcello spes minus fuit diuturna. Nam postquam Caravagio reverterat, non ita multis diebus extra urbem, qua hora consueverat, ambulatum egressus, de improvviso difficultate spiritus afflictus est. Quare amicis, qui una erant, *finite*, inquit, *tantisper quiescam; animam mihi pene intercludi sentio*. Nihilo tamen segnius post paullulum quietis satis laxamenti nactus, susceptum iter continuavit. Postridie mane in eo cum esset, ut pharmacum jussus hauriret, nausea correptus est, & putrem sanguinem evomuit, quod a Roncallia Comite *tuberculum* appellatum fuit. Huic, gravitate morbi perspecta, visum est faciendum, ut alius quispiam me-

dicus sibi in consilium daretur. Itaque ar-
cessitus est Soardus Soardius, medicus usu ac
doctrina praestans, cum primisque nobilis. Ex
Cinnellio, qui lectulo astitabat, petit Benedi-
ctus, uti medicorum consultationi interesse
velit. Inter utrumque convenit morbum esse
insanabilem. Cinnellius in conclave tristis ac
demissus redire; ad lectum cogitabundus ac-
cedere; tum obmutescere, ac lacrimas vix
tenere. Facile, id quod erat, suspicatur ae-
grotus, ac *quaeso*, inquit, *ne me de meo sta-
tu celatum velis; loquere sis, ut soles, aperte;*
nae ego, quicquid dixeris, tanquam e caelo de-
lapsam vocem accipiam. Cui ille collacrimans
aperit quid medici sentiant, nullam in eo-
rum arte de ejus salute spem esse reliquam
denuntiat. Id ut audivit Marcellus, ei gratias
egit amantissimis verbis. Imaginem Jesu Chri-
sti e cruce pendentis in manus sumpfit, in
eamque mente atque oculis intuens, sum-
mam ejus in se caritatem ac innumera be-
neficia commemoravit, aliquantoque post ar-
cessiri jussit, qui sibi erat a confessionibus.
Postridie ejus diei sacrum, ut ajunt, Viati-
cum sibi adferri voluit. Cum vis morbi in

dies accresceret, ipse tamen integer mente & reliquis sensibus usque ad extremum spiritum fuit. Cinnellium rogat, ut qua erat in se caritate & humanitate, e lectulo suo amplius ne pedem discedat. Quod hic ei recepit & praestitit novem dies scilicet ac totidem noctes. Quicumque illum convenirent, nunquam eum Jesu Christo non intime conjunctum offendebant. Ad ultimum ubi se jam confici intellexit, certiozem faciendum curavit animae suae moderatorem. Aderat praeterea Aloysius Abbas Avogadrius, de quo antea dictum est, nunc Episcopus Casalensis. Agenti animam hinc atque hinc affidebat uterque tacitus; nec enim ullus eis consolandi aut cohortandi dabatur locus. Attoniti atque in lacrimas effusi satis non poterant admirari suavissimos affectus, in quos sanctissima illa anima spe bona cumulata, divinoque amore incensa, in Jesu Christi morientis meditatione defixa identidem erumpebat. Tali modo in pervigilio festi Sancti Jacobi Apostoli, eo ipso scilicet die, quo in hanc vitam ingressus est, ex eadem migravit Marcellus IX. Kal. Sextilis an. MDCCXXIX.

XXXI. Venit tum in manus Avogadrii libellus, in quem Benedictus acta singulorum dierum sua retulerat manu a conversatione sua usque ad vitae exitum, ex quo scilicet tempus cum tempore comparans, utrum proficeret, an regrederetur, posset intelligere, itaque se se magis & magis excitaret. In hac profecto ephemeride conficienda habuit ipse quotidie negotii satis; sic enim omnia de suis actis non diligenter modo, sed religiose praescripta sunt, ut nihil in his non appareat. Quae ex re una existimari posset, quantam in nitendo, quod semel admiserat, contentionem adhibere consueffet. Quod quidem ingenium vel inde ab adolescentia Benedictus prae se tulit, perfectiusque aetate corroborata, sed longe magis extremo tempore ostendit in ea vivendi ratione, quam rerum humanarum pertaesus capeffivit, idque plane necessario, propterea quod vitiosam ac inveteratam consuetudinem vincere, cuius ipse stirpes omnes ac fibras evellere volebat, res est omnium difficillima. Est autem ephemeris illa distincta identidem atque interpuncta sententiis, quas qui legit, facile

cognoscit , quanta vis poenitendi animique demissio inerat Marcello , neque multum fortasse sensa confessionum Augustini desiderat . Jusserat Marcellus poematis sui rudimenta ad Sebastianum Molinium mitti , virum e Veneta nobilitate doctissimum , sibi que omni necessitudinis jure conjunctum , a quo sperabat scilicet operi inchoato tanquam fastigium impositum iri . Atque id , credo , Molinium effecturum fuisse , nisi aliquis casus aut occupatio consilium ejus peremisset . Vendraminus Patricius Venetus , qui tum maximum magistratum Brixiae obtinebat , funus ei amplissimum faciendum curavit , quo par erat efferri hominem ea dignitate & generis & personae . Elatus est ad Sancti Josephi magna omnium ordinum frequentia , ibique justis persolutis , separatim humatus , media templi testudine , in sepulcro novo , in quo ab uxore ejus , cui vir , quas res domi suae habebat , extremis legaverat tabulis , hoc elogium , sui que grati animi monumentum inscriptum est .

BENEDICTO . MARCELLO .

PATRICIO . VENETO .

PIENTISSIMO .

PHILOLOGO . POETAE .

MUSICES . PRINCIPI .

QUAESTORI . BRIXIENSI .

V. M.

AN. CIOIOCCXXXIX. VIII. KAL. AUGUSTI
POSUIT .

VIXIT . A. LII. MENSES . XI. D. XXVIII.

Ac quando de Marcelli uxore incidit mentio, non videor debere praeterire eam fuisse illam ipsam Rosanam Scoliam, de qua supra commemoravimus. Hanc, quod humili admodum esset loco nata, secreto sibi adjunxit, neque domum suam, neque in provinciam adduxit unquam, sed in potestate matris ejus honestissimae feminae reliquit, eisque victum satis liberalem a principio constituerat de suo. Eadem, ubi musicen edocta fuit, nunquam adduci potuit, ut injussu mariti caneret, nisi si quando scilicet hic eam auditum aliquot ex amicis suis, eosque

perpaucos, intromittebat. Equidem potuisset ipsa, sui mancipii cum esset viro defuncto, artis suae praestantia & opes sibi comparare & famam, sed tamen in ea obscuritate hominumque ignoratione mori maluit, in qua antea versata fuerat. Quod si verum est, quod Pericles dixisse fertur, primam in sapiente femina laudem esse, ut ne de virtute quidem illius ulla ad viros fama dimanet, nae haec sapientissima fuit, quae conjugis & vivi & mortui laudibus contenta sibi non quaesivit amplius.

XXXII. Marcellum jure ac merito musices principem appellatum fuisse, nemo eat inficias, apud quem plus vera ratio valet, quam praejudicata opinio. Atque hercules ut in sua quisque facultate maxime excelluit, omnibus instructus & naturae & doctrinae subsidiis, ita plurima scripsit & celerrime. Atqui hoc mihi videor vere esse dicturus, ex omnibus iis, qui in musicis unquam florere, neminem reperiri unum, qui tanta usus sit in scribendo celeritate, quanta Marcellus, modo ut multitudinis scriptorum ejus ratio ducatur & simul temporis, quod in eis

elucubrandis collocavit, homo aliis curis scilicet studiisque perpetuo distentus, nec satis suo tempore extinctus. Praeterea praecclarum quidem est in singulis scribendi formis singulos excellere; at quantum hoc est unum atque eundem, sic utramque formam cum mollem & amatoriam, tum gravem atque sacram affecutum esse, ut in utra praestantior fuerit, non facile sit judicare? Idem noverat peritissima quaeque musicorum artificia. Ex his tamen (ut nihil non ad rationem & tanquam ad artem dirigebat) ea de industria contempsit atque neglexit, quae ad ipsius artis finem nihil faciunt, ac nihil habent praeter vanam quamdam ostentationem ingenii. Ac quoniam imitatio ea pars est harmonices, sicut ceterarum bonarum artium, in qua magis est & laudis & laboris, nihil ea potius habuit Marcellus, in eaque non optimus modo, sed plane admirabilis fuit. Postremo in singulis ejus lucubrationibus ille utique naturalis inest, non fucatus nitor, illa simplicitas atque incorrupta stili veluti sanitas, quae est sane in oratoribus atque poetis, atque etiam in pi-

cloribus nota quaedam, seu, ut Graeci dicunt, *character* summae perfectionis. Namque *imitabilis illa quidem* (ut verbis utar Tullii) *videtur esse existimanti, sed nihil est experienti minus*, propterea quod ingenia mediocria neque nervos, neque quantum est opus elegantiae dare operibus possunt suis; e contrario summa atque praestantia aegre se sustinent, retinentque aucupandae delectationis modum, ob eamque causam in eo peccant plerumque, in quo Apelles pictores quosdam peccare dicebat, qui non sentirent quid esset satis. Quo fit, ut admodum pauci veram ac nativam pulchritudinem re assequi in scribendo potuerint. Quin ne multi quidem sunt, qui eam, sicuti est, sentiant, tantique faciant, quanti par est; fere enim multitudinis iudicio potius, quam nostro ferimur, quaeque majori parti pulcherrima videntur, plurimū aestimamus. At siqui sunt, qui verae pulchritudinis gustum habent, iis profecto Marcelliani modi non incredibilem modo voluptatem habent, sed magnam etiam admirabilitatem. Neque vero non est perspicuum ex imagine ingenii ejus, quam, si minus ex-

pressimus, adumbravimus quidem certe, in poesi eum pari modo nihil non assecuturum fuisse, si quidem aequè in his studiis atque in musicis eum tempora adjuvissent.

XXXIII. Nuncio Romam allato de obitu Marcelli Cardinali Octobonio, penes quem psalmi ad illius harmoniam cani nondum desierant, quadam die placuit in eorum vicem demortui memoriam carminibus celebrari, idque certatim praestitum est a poetis nobilioribus, quicumque in ea civitate erant domicilio quodam vetere omnium litterarum. De laudibus ejusdem in celeberrimo conventu orationem habuit Sanctus Canalis concionator nobilis e S. J. Statura Marcellus fuit mediocri, colore aquilo, nigro atque denso supercilio, fronte contracta, atque ad gravitatem composita, quemadmodum ex ejus effigie apparet in tabella affabre picta a Ludovico Molinio e Benedictinorum familia, Sebastiani ac Joannis fratre, quorum alter fuit Senator, is, cui poema suum conficiendum Marcellus reliquit, alter Episcopus Brixianus & S. R. E. Cardinalis.

XXXIV. Societas, quam supra osten-

dimus, Venetiis eo conflata, ut cum reli-
 quae Marcelli lucubrationes, tum potissimum
 psalmi canerentur quam optime, refrixit sta-
 tim, ut eam ipse frequentare intermisit, ne-
 que longo intervallo temporis penitus disje-
 cta est non sine multorum querelis, qui ta-
 le aliquid se amplius audituros desperabant.
 Postea vero quam ipse e vivis excessit, ejus
 psalterium communiter apud operarios musi-
 cos sensim consenuit, & jamdiu celebrari at-
 que in pretio haberi desiit. Idque haud scio
 mirandum ne sit, cum quia non est, ut ait
 Tullius, *quicquam tam valde, quam nihil sa-
 pere vulgare*, tum maxime quia per id tem-
 pus Italia universa totam se ad symphonias
 organicas convertit, atque id musicae acci-
 dit, quod aliis temporibus poesi atque elo-
 quentiae, ut nativae ac germanae stili ve-
 nustati atque elegantiae turgidum quoddam
 & exquisitum nimis ac putidum scribendi
 genus succederet. At vero inter nobiles ar-
 tis studiosos ad hoc usque diei non defue-
 runt, qui Marcellianum stilum mirarentur
 unum atque diligerent. Quos inter eminent
 potissimum Venetiis duo illi viri ex prin-

cipe ejus civitatis ordine Benedictus Grimanus & Carolus Tassius Comes, alter amantissimus, alter etiam scientissimus musices; uterque vero cum musicos in domo sua conventus habeat, in iis saepissime Marcellianis utitur modis; tum etiam Caecilia Sagreda Bassia, femina primaria, quae eos modulari ipsamet solet ad chordarum sonum; Romae duo summa nobilitate viri *del Cinque* & Antonius Reginus, optimi ambo harum rerum aestimatores; ibidemque tres illae sorores ex clarissimo Astallorum genere, vulgo ob eximiam formam tres Charites appellatae, quarum una in Piccolominacorum familiam, altera in Macaranorum, tertia in Simonettarum nupsit, eaeque psalmos Marcellianos vel difficiliore ea concordia & perfectione concinebant, ut in magnam saepe admirationem traduxerint Justinianum Hieronymi Afscanii filium apud P. M. Reipublicae Venetae Legatum, cujus quidem in hac musicae forma, cui ab ipso Marcello fuerat initiatus, acere esse debebat intelligensque iudicium; ac tandem Viennae Iosephus *Dynastes* Du-Benius senior, qui musicarum lucu-

brationum festivam habet copiam, in hisque psalterium Marcellianum, quo frequenter uti consuevit in eleganti intelligentium coetu, qui ad eum conveniunt. Mediolani etiam Firmiano Comiti, quem honoris causa nomeno, & Joanni Serbellonio Duci hoc musicae genus, cui primas & ipsi deferunt, degustare placuit non semel. Erat illud hic tamen operariis musicis pene incognitum, sic ut ii fortasse, praeter admodum paucos, Marcelli nomen ne fando quidem audiverint. Quibus eo minus ignoscendum videtur, quo magis vel ipsa musices forma, quam propter *Ambrosianum* ritum, qui fidicularum non recepit sonos, sequi coguntur, ad optimum illud harmoniae *vocalis* exemplar legendum, penitusque pernosendum atque imitandum impellere eos debuisset. Nae nos perlubenter hujusmodi monumenta litteris prodimus; declarant enim ad judicii quamdam elegantiam assequendam tum in ceteris ingenuis disciplinis, tum etiam in musica valere plurimum liberalem ac nobilem institutionem, quae operariis non est perinde communis, ut nobilibus artis studiosis.

Sed sint illi sane ingenue liberaliterque educati; alia iisdem superest difficultas non exigui momenti, rei scilicet familiaris angustia, cui dum prospicere potissimum student, sit facile, ut ad solam voluptatem aurium scribant, & quo vendibiliores faciant modos, corrupto potius ac depravato imperitorum iudicio uti malint, quam proprio integro atque sincero. Profecto scriptores artis (ut non usu solum periti sunt, sed etiam ratione & doctrina) fere in Marcello miris laudibus extollendo consenserunt. Neque dubito, quin idem ille sit apud posteros consecuturus. Quin etiam sicuti pro eo, quanti Homerum quis facit, rectus poeticae iudex agnoscitur, sic semper mea quidem sententia, ut cuique maxime Marcellus placebit, ita quisque verissimum harmonicae pulchritudinis iudicium habere existimabitur. In Marcellum enim quadrare illud ipsum posse videretur, quod Quintilianus de Homero affirmat, *magni esse viri ejus virtutes non aemulatione (quod fieri non potest) sed intellectu sequi.*

XXXV. At enim illum ore non ita pleno laudavit Xaverius Matthaeus, vir

doctissimus, is qui psalmodum μεταφρασιν; fane celebrem Italicis versibus recens confecit. Namque plurimas laudes, summas illas quidem atque gravissimas, quas in eum congeffit, nonnullis reprehensionibus, leviusculis tamen, aspergit. Affirmat quos Marcel-
 lus psalmodum fecit modos, esse plane admirabiles; fuisse hunc musicum philosophum, qui ex opinionibus imperitae multitudinis non pendebat; ejusdem psalterium esse tanquam thesaurum variae ac multiplicis doctrinae harmonicae, ex quo prudens quisque & ingeniosus facile mutuare opes potest, & in rem suam convertere. Haec omnia de Marcello praedicat Matthaejus, atque hoc amplius, quod unum hoc propositum esse deberet exemplum in scholis, quo tanquam ad regulam dirigere artem scriptionemque assuescant musicae studiosi. Sed in eo illum reprehendit, quod severitatem nimiam modis, & stili quasi moestitiam sit secutus. „ Ingenium, in-
 „ quit, nactus erat tetricum Singuli
 „ ejus psalmi paucissimis instrumentis eis-
 „ demque penitus necessariis sociati, Davi-
 „ dem poenitentem & silentio noctis in ab-

„ dito conclavi meditantem referunt, mini-
 „ me vero eundem Principem triumphantem,
 „ ac longe etiam minus Salomonem in ma-
 „ gnificentia sua „. Certe harmonia orga-
 nica Benedicti temporibus manca quodammo-
 do & inchoata erat, aberatque procul ab eo,
 quem nunc tenet, perfectionis gradu. Qua-
 re hoc ipsum fuit ejus prudentiae specimen,
 quod nervis quam percissime sit usus, iisque
 fere gravioribus, maxime quod musica vo-
 calis suas quasdam habet peculiares virtutes,
 de quibus multiplex instrumentorum varie-
 tas non potest, quin multum detrahat. Quo-
 circa hoc genus, ut est omnium antiquissi-
 mum & praeclarissimum, sic nullo unquam
 tempore obsolescēt; placebit sane semper sum-
 moque in pretio habebitur. Ceterum sic nos
 statuimus, Marcellianum stilum videri utique
 posse tristem atque horridulum recentioribus
 plerisque, qui scilicet aures oppletas habent
 concentibus numerosissimis & tumultuosis, aut
 deliciis luxuque diffluentibus, quales vel Dio-
 nyſia vel Adonia, si etiam num fierent, de-
 cerent vel maxime; ceteris profecto non ita,
 qui perspicere unice solent, quid in quaque

re decorum sincerumque sit. Hi profecto si modo illos attentius perlegant modos, sentient harmoniam qua tristem esse, qua hilarem, prout usus poscit, idque ea proportionem, ut neque profusior, neque remissior sit usquam vel hilaritas, vel moestitia, quam verborum natura sensusque desiderat. Quae quidem proportio non est dubium, quin musicae imitationis princeps sit omnium virtus & difficillima. Sed quod difficilior, hoc praeclior.

XXXVI. Xaverius ad censuram psalimum quinquagesimum sigillatim vocat, qui est multo celeberrimus. Eo propter & maiestatem & vim & suavitatem nihil ipsemet statuit fieri potuisse perfectius. Nodum tamen in scirpo quaerit, duosque ejusdem versiculos reprehendit, nonum videlicet & postremum. In hoc altero dicit occasionem adripuisse Marcellum adhibendi quemdam canonem, in quo iterare identidem facit acutam vocem *agnelli*, mediam *capre*, gravem *irci*, idque ea mente, ut cantores vocibus suis vocem eorum animalium exprimerent. Quae Marcello mens si reapse fuit, ne ego quidem, quo minus reprehendatur, valde recuso: es-

set enim talis imitatio frivola , puerilis , nihilque admodum ad rem . Sed non est ita , quippe cum ea verba promiscue proferantur iterenturque modo ab una voce , modo ab altera , prout ordo harmonicus postulat . Quin contra licet animadvertere in imitando cum totus esset Marcellus , longissime tamen eum a talibus deliciis , vel potius ineptiis , abfuisse semper , neque ita facile consueſſe , quo res incidentes imitaretur , a proposito declinare . Quo fit , ut perspicuae sint , integrae constantesque ejus cantilenae . Ad nonum versiculum quod attinet , id vitio Marcello datur , quod gravis vox solivaga digrediens , iterat quinquies aut sexies ,
e le offa mie logore per dolore esulteranno .
 Isthæc repetitio nimia Xaverio videtur . Sed ego arbitror ceteris visum iri secus , qui quidem perpendant & hilarem esse versiculum illum , & hilaritatis repetitionem esse maxime propriam . Ceterum quæ artes transferuntur in usum , in iis non perinde , atque in mathematicis adamussim statuere quis potest modum , seu certos illos fines , quos ultra citraque nequeat rectum consistere .

XXXVII. Idem multo etiam minus Justiniani *paraphrasim* probat, eamque contendit nihil aliud fere, quam quod pedibus adstricta est, solutae orationis esse dissimilem, quod mehercules esset vehementer vitiosum. Speciatim vero respuit versionem, quam modo attulimus, versiculi, qui in psalmo quinquagesimo nonus est, docetque eam abhorere a more nostro; nec enim illa Hebraeorum formula *exultabunt ossa, omnia ossa mea lactabuntur*, quicquam aliud sonat, si interpretari velis, quam *exultabit cor humiliatum*. Hoc Justinianus scilicet non ignorabat, homo volutandis sacrorum Interpretum commentariis assiduus, veterumque linguarum multo peritissimus. Verum enimvero satius ipse duxit verbum de verbo exprimere, ut ne quid de vi illa, ac suavitate nescio qua decerperet, qua influunt mollius in animos, eosque deliniunt quodammodo verba Ecclesiae usu divinarumque litterarum auctoritate consecrata. At si ad verbum redditur, ea formula humile quiddam abjectumque sonat auribus nostris. Mihi vero videtur illa potius peregrinitatem quamdam redolere, in qua
cum

cum horum verborum, tum reliquorum vis, omnis sita est, quae e sacris litteris promuntur. Itaque non esset utique reprehendendus, qui ad eum modum, quem Xaverius praescribit, versiculum illum converteret; sic tamen, ut ne Justinianus quidem reprehendatur, cui aliam inire rationem placuit, & eam sane probabilem, atque haud scio, an etiam potiore. Quod vero ait Xaverius *paraphrasim* illam totam prosae orationis affinem esse, mirari fortasse licet, qui fiat, ut in hoc genere magis, quam in aliis suum cuique pulchrum sit; illud certe, quam in rebus etiam minime obscuris atque reconditis varia inter se sint & pugnancia hominum iudicia. Xaverio illa eadem orationis forma pedestris scilicet videtur, quae mihi videtur summe poetica, & vero etiam pulcherrimis imaginibus referta, & multis luminibus ingenii & multa arte distincta, & quod caput est, illa facilitate & ingenua quadam libertate effusa, quae paucissimorum est, & est summae ac sinceræ elegantiae quidam veluti flos. Neque vero, si secus esset in

ea tanta vis harmoniae potuisset expromi? Nunquam id nobis sumemus, ut iudicio clarissimi viri nostrum antistare arbitremur. At non de nostro dumtaxat sensu iudicamus. Idipsum jampridem sensit Dominicus Lazzarinius, cuius iudicium constat inter omnes quanti in hoc rerum genere fieri debeat, cui *paraphrasis* illa magno opere probata est, neque visa poetica solum, sed suo etiam in genere pulcherrima, summisque laudibus dignissima. Non igitur eam temere & parum considerate Marcellus delegit, in qua novum illud suum atque illustre specimen cantus proferret, quidquid tandem sibi velint verba illa Xaverii, *Benedictus Marcellus*, qui nihil *notis non vestiebat musicis*; quae verba interpretari quis potest, a Marcello, cum ad faciendos modos aggredieretur, nullum argumenti delectum haberi solitum. Ita ne esset ineptum atque perversum iudicium tanti viri? Immo vero in hac re usque eo difficilis & morosus fuit, ut suos dumtaxat versus donare harmonia consueverit, neque alios cujusquam, praeterquam amici Justiniani aut

Dominici Lazzarinii, & siquid alterius scriptoris versibus suis unquam ante tulerit. Sed plura persequi neque hujus est loci, neque etiam meae facultatis. Et hoc quidquid attigi, non disputandi causa feci, nec enim eum clarissimo & doctissimo viro me confero; sed veritus sum, ne auctoritas ejus, quae summa & est & esse debet, existimationi officeret exemplaris in re musica perfectissimi, immo (ut ipsius Xaverii verbis utar) *fortasse unici & vix imitabilis*. Quod quidem, contra ac ipse vellet, arti pulcherrimae noceret vel maxime. Hac de causa pauca, quae monui, haud praeteriri posse existimavi.

O P E R A E D I T A

Indicem operum Marcelli, quae usquam reperiri poterunt, subjicimus. Et est ipse quidem longe locupletior, quam qui a Mazzuchellio Comite productus fuit. Nihil tamen magis integer praestari potest; debuit enim multo ante contexi, antequam scilicet elucubrationes Marcellianae complures, musicae praestitum, quas manuscriptas reliquit, dilaberentur.

Estro Poetico Armonico, Parafrafi sopra i primi XXV. Salmi, Poesia di Girolamo Ascanio Giustiniani, Musica di Benedetto Marcello, Patrij Veneziani. Tomo IV. In Venezia appresso Domenico Lovisa 1724. 10 fol.

Estro Poetico-Armonico, Parafrasi sopra i secondi XXV. Salmi, Poesia di Girolamo Ascanio Giustiniani, Musica di Benedetto Marcello, Patrij Veneziani Tomi IV. In Venezia appresso Domenico Lovisa 1726. e 1727. in fol.

Non ita pridem alteram admirabilis hujus Operis editionem multo elegantiorē Venetiis aggressus est Dominicus Pompeatus. Sed haec lente admodum progreditur. Utinam ad calcem perveniant, in eamque lucubrationes Marcelli etiam minime sacrae, & quae in vulgus non sunt editae, si minus omnes, saltem selectae adjiciantur ne pereant. Singulas epistolas clarorum hominum ad Auctorem datas, quae cuique ejusdem Operis volumini praecunt, singula testimonia puto.

A Dio Sonetti. In Venezia per Giuseppe Lovisa 1731. in 12. Recusa sunt haec epigrammata, aliis poematis adjunctis argumenti moralis & sacri, Venetiis apud Javarinam 1738. in 8. Eadem Latina fecit Dominicus Salernus Venetus, ediditque typis Pecorianis 1745. in 8.

Sonetti di Benedetto Marcello N. U. tra gli Arcadi Diante Sacreo. In Venezia per Gio. Gabriello Hertz 1718. in 8. Epigrammata haec sunt centum numero, & omnia amatoria.

Il Toscanismo, o la Crusca, o sia il Cruscante impetito. Tragicomedia giocosa e novissima in Venezia per Giovanni Battista Recurti 1739. in 8. Iterum lucem aspexit Mediolani anno 1740.

Il Buffone di nuova Invenzione in Italia, o sia i Viaggi del Vagabondo Saliccia Salisburghese dal Tedesco portati nell'Italiano linguaggio, e descritti in ottava rima

coll' accrescimento di più Episodj, Novellette, Prefazioni, Moralità, Sentenze, e similitudini inserite dal Traduttore al testo Tedesco, con un commento in dialogo, ec. Tradotto ed illustrato d' annotazioni dall' Autore del Toscanismo. Canti XIII. in ottava rima. In Venezia presso Antonio Bortoli 1740. in 8.

Il Teatro alla moda, o sia metodo sicuro e facile per ben comporre ed eseguire Opere Italiane in Musica nel quale si danno avvertimenti utili e necessarij a Poeti compositori di Musica, Musici dell' uno e dell' altro sesso, Impresari, Suonatori, Ingegneri, Pittori di scene, portii buffe, Sarti, Paggi, Comparse, Suggestori, Coristi, Protettori, e Madri di Virtuosa, ed altre persone appartenenti al Teatro. Dedicato dall' Autore del libro al Compositore di esso. Stampato in Broglia di Belisania ec. in 8. In hac satira, quam tum suo tum typographi nomine dissimulato emisit, lepida medius fidus, vitiisque in theatra invecitis corrigendis medendisque aptissima, nimis acer sibi ipse visus est Marcellus, maxime quod sic ad vivum personas effinxerat, quas exagitat ut agnoscerentur facile. Quare dedisse operam fertur, ut quotquot posset illius exemplaria divulgata, & summo plausu excepta revocaret atque supprimeret.

Lettera famigliare d' un Accademico Filarmonico ed Arcade discorsiva sopra un libro di duetti, terzetti e madrigali a più voci stampato in Venezia da Antonio Bortoli 1705. Haec epistola, quae raro admodum occurrit, quibus typis descripta fuerit, mihi incompertum est.

Lettere. Nonnullae Marcelli epistolae lectu dignissimae habentur in fronte voluminum Paraphrasis platorum.

Rime. Praeter Italica poemata, quae superius memoravimus, Benedicci Marcelli, alia complura habentur in variis libris dispersa, e quibus ejus nomen Arcadicum praeferunt, quae carminibus inserta sunt in libro collectis, qui inscribitur, *Corona Poetica in morte di S. E. Lodovico Flangini presso Lodovico Lovisa 1717.*

La Fede Riconosciuta *Dramma per musica rappresentato nel Teatro di piazza di Vicenza. In Vicenza 1707.* Iterum hoc *Drama* Venetiis in typographia Milocchiana cufum est, ac tertio item Venetiis 1729. sed aliter inscriptum, nempe *Dorinda*.

Arato in Sparta. Dramma recitato nel Teatro di S. Angelo di Venezia per Giovanni Battista Zuccato 1699. Iisdem formis recufum est anno insequenti.

Giuditta, Oratorio per Musica. In Venezia per Domenico Lovisa 1710.

Calisto in Orsa Pastorale a 5. voci ad uso di scena. In Venezia per Domenico Lovisa 1725. in 4. A Leone Allaccio haec fabula Jo. Bapt. Carminato tribuitur, sed perperam.

Canzoni Madrigalesche, ed arie per Camera a due, a tre, a quattro voci di Benedetto Marcello Nobile Veneto, Accademico Filarmonico ed Arcade. Opera Quarta. Bologna 1717. presso Giuseppe Antonio Silvani. Hujus operis tria priora volumina sic inseriere, ut & quo loco, & quo tempore edita fuerint, plane ignoretur.

Concerti a 5. strumenti al basso. Opera Prima. Venezia presso il Sala 1701.

*Sonate a 5. Flauto solo col Basso continuo. Venet-
gia presso il Sala 1712.*

OPERA INEDITA:

Cassandra. Cantata a voce sola alto.

Timoiso. Cantata a due voci alto e basso;

Haec duo male, ut diximus, qua musica, Marcelli
sunt, qua vero poetica, Antonii Pratis Comitissae
P. V.

*Teorica Musicale ordinata alla moderna pratica. Si
tratta de' principj fondamentali del canto, e suono in
particolare d'Organo, e il Gravicembalo, e del com-
porre. Opera utilissima tanto agli studenti, quanto a'
Maestri per il buon metodo d'insegnarli. Tractatum
hunc, ut diximus, tribuit Benedictus in partes tres,
quarum tituli sunt.*

I. *Breve trattato delle Proporzioni. Nemo Geome-
triae ignarus ingreditur.*

II. *Del sistema Musico. Nemo accedat nisi Geo-
metra.*

III. *Delle Consonanze Armoniche. In calce haec
leguntur verba auctoris manuscripta: Fine della
presente Opera raccolta, e scritta da Benedetto Mar-
cello Nobile Veneziano 1707. ex quo apparet, quod
incredibile videri potest, Benedictum hoc opus con-
fecisse singulare medius fidius & reconditae atque
interioris harmonicae doctrinae plenum, anno aetatis
suae primo & vicesimo, quippe qui anno 1678. or-
tus est,*

Alcuni Avvertimenti al Veneto Giovanetto Patrio di Benedetto Marcello, per istruzione del Nipote di lui Lorenzo Alessandro d' Alessandro.

Divino Verbo fatto uomo, o sia l' Universale Redenzione Poema di Benedetto Marcello Patricio Veneto.
Hoc poema, quod morte interceptus absolvere non potuit Benedictus, post ejus obitum, ut diximus, ad Sebastianum Molinum devenit, postea hujus concessu ad Laurentium Alexandrum Marcellum, quem saepe commemoravimus.

Cantate a voce sola del N. U. Benedetto Marcello.

14. di Soprano con stromenti.

36. di Soprano senza stromenti

5. di Contralto con stromenti.

20. di Contralto senza stromenti:

1. di Basso con stromenti.

Due Madrigali a 4. voci senza stromenti.

Diverse sinfonie.

Un libro di sonate da Cembalo.

Timoteo Cantata. Idem nomen hoc praefert melos atque illud, quod supra commemoravimus, re tamen differt valde oppido, quippe quod aliud nihil esse ferretur, nisi harmonia bellissima, qua Marcellus epistolam quamdam donavit sibi forte inventam supra cantatricis nescio cujus cymbalum, quae ei varios affectus exprimendi occasionem dedit.

Un libro di duetti senza stromenti. Hae lucubrationes omnes, quae poeticae quae musicae, exstant apud Carolum Tassium Comitem. Apud Hieronymum vero Justinianum Equitem haec, quae sequuntur, praeter alias nonnullas jam memoratas,

Gioaq. Oratorio con stromenti a 4. voci in due parti.

Pfiche. Cantata a due voci con stromenti.

Cantate 26. con stromenti a voci di Soprani, Contralti, Tenori, e Baffi.

Duetti diverfi senza stromenti.

Un groffo libro di Cantate a voce di Soprano e Contralto senza stromenti.

Altro libro di Cantate senza stromenti.

Altro libro fur di cantate, tutte Eroiche, senza stromenti.

Miferere; un altro Oratorio; Salmi; Lezioni per la Settimana Santa.

Praeter has lucubrationes Joannes Marchius in suis commentariis de vita Marcelli, quicum intime vixit, eas recenset, quae sequuntur in usum Ecclesiastici cantus.

Prime lezioni degli Officj delle Ferie quarta, quinta, a festa della settimana Santa. Un versetto a coro, un altro or a una or a due voci con Violoncello, e Basso.

Due composizioni diverse sopra il Salmo quinquagesimo e un' altra sopra il Benedictus Dominus.

Te Deum, parte a due, o ad una voce, o parte a Coro.

Messe tre, detto a Cappella.

Hiscæ omnibus addenda sunt, quae sequuntur Fantasia Dithyrambica.

Vol. I. Vol. II. Utamque hujus poematis partem elucubravit Marcellus posteaquam Venetiis Brixiam remigravit, misitque ad amicum suum Sebastianum Molinum.

Corona poetica a Maria sempre Vergine Sonetti XV.

*Serenata da cantarsi alla Corte di Vienna il primo
d'Ottobre 1725. poesia e musica del N. U. Benedetto
Marcello.*

Tandem Tarvisii apud clarissimum virum Jordanem
Riccatum reperiuntur triginta mele diversa a reliquis,
quae jam attulimus, ac Mediolani insuper decem apud
Iosephum Marchionem de Araziel,

I N D I C E

A

A Liacius Leo 300.
 Amadaeus Sardiniae Rex 51.
 Amphitheatrum Veronense 79.
 Areofus 8.
 Ars critica-lapidaria 131.
 Attici sales 3.
 Avogadrius Aloyfius 352.

B

Bacchinus Benedictus 106.
 Basnagius Jacobus 109.
 Benedictus XIV. 126. 146.
 191. 193.
 Bentivolus Card. 21.
 Bernius 7.
 Bernardus Jesuita 216.
 Bigotius Emericus 108.
 Bonarrotius Philippus 83. 95.
 Bonafedius Appianus 179.
 Bohourfius oppugnatus 217.
 Borguetius 21.
 Britanni num ad jocos apti 7.
 Brixianorum mobilitas 71.

C

C Arelus VI. Caesar Imperator 223. 225. 226.
 231.
 Carolus Neapolis Rex 189.
 Cassiodori Complexiones 110.
 Chandlerus Samuel 111.
 Cæro num joci valuerit 5.
 Clemens XI. 12. 18. 51.
 184.

----- XII. 25. 190.
 Concina Daniel 58.
 Constantinianus Ordo ejus origo 48.
 Constitutio Unigenius 119.
 Corfinius Cardinalis 26.
 Crescimbenius 207. 238.
 Criticæ artis exercendæ regulæ 170. c seg.

D

D Empsterus 84.
 Denina Carolus 1.
 Dionis Cassii interpretatio 104.
 Donatus Sebastianus 132.

E

E Truscorum antiquitas & monumenta [82. & seq. origo 85. 94. horum alphabetus 94.

F

F Abricius Albertus 105.
 107. Joannes 247.
 Fabronius Card. 11. 13.
 Florentini quantum in jociis valeant 6.
 Fontana Franciscus 272.
 Fontaninus Justus 22. 23.
 140. 141. 235. confutatus & emendatus 245. 252.
 Fortiguerra Antonius 24.
 --- Nicolaus ejus ludicrum poema 8. vita 10. studia 11. orationes 12. 16. 17.

honores 13. 25. carmina
14. interpretationes e Graeco
16. e Latino 23. poema
inscriptum *il Ricciardetto* 2. 20. & seq. mors
26. scripta posthuma 27.
mores 28.

Forcellinius Marcus 249.

Foscarenius Marcus 108. 237.

Fulminum origo 60.

G

G Alianus Caelestinus ejus
ortus & studia 179.
honores 184. 188. 192.
scripta 185. mandata 187.
beneficia in litteras 188.
in litteratos 194. mores
& mora 191. & seq.

Galeardus Paullus 70.

Galli quid valeant in jocis 7.

Garzoaius Petrus 222.

Gasparinius Franciscus 282.

Giacomellius Michael Angelus
29.

Gorius Antonius 83. & seq.

Gozius Gasparus 234.

H

Historia litteraria quomodo
trahenda 197.

I

Iesuitae 217.

Inscriptio arcus Secusini
51.

Innocentius XII. 12. 49.

S. Irenaei fragmenta 106.

Italicae linguae origo 78.

Iustinianus Hieronymus Af-
scanius 317. 361.

L

L Amius Joannes 248.

Leibnitius 224.

Leunclavius Jo. 104.

Lorenzinius Franciscus 329.

M

M Abillonius 66. 67.

Maffejus Scipio quam-
mericus de historia diplo-
matica 34. 63. & seq. vi-
ta 38. nobilitas ib. car-
mina 39. & seq. studia an-
tiquitatis 44. falsus de Ho-
norio opiniones convellit
45. & seq. ejus itinera 50.
112. tragoedia 52. comoe-
diae 55. opera physica 59.
& seq. historica de Vero-
na 69. & seq. de amphithe-
atris 79. & seq. 115.
de antiquitatibus Etruscis
83. & seq. harum caussa
disputationes 86. & seq.
ejus sententia de alphabeto
Etruscorum 96. Homerum
aliosque interpretatur 102.
& seq. S. Irenaei fragmen-
ta edit 106. Chrysostomi
epistolam 108. alia canonica
& liturgica 110. Gallicas
antiquitates illustrat 112.
historiam Theologicam scri-
bit 117. hujus caussa di-
sputationes 119. Museum
condit 124. explicat 126.
ejus cogitationes de colli-
gendis inscriptionibus 129.
ephemerides 139. de usura
agit 144. ejus mors 156.
opera 157. & seq. Zeno

querimoniae dæ causam
216.

Maggius Carolus quid valeat
in poesi 43.

Magica ars confutata 149.

Manutii horum historia 137.

Manfredius Eustachius 22.
181.

Marcellus Benedictus ejus or-
tus & studia 272. & seq.
principio a musica averfus
274. quomodo ei se dederit
276. Florentiam con-
tendit 279. quomodo mu-
sicæ vocali consuluerit 281.
hujus institutiones scribit
284. poësim excolit 286.
ejus munera 286. 287.
carmina 289. & seq. mu-
sicæ opera 302. & seq. in
jocofam musicam nihil ad-
modum propensus 307.
musicæ præcepta quam
facile daret 313. opus ejus
maximum de psalmis 317.
ejus conversio 354. 337.
pietas 347. & seq. alia ejus
musicæ opera Deo sacrata
343. mors 353. funebres
honores 354. quam jure
dictus musicæ princeps
356. & seq. opera edita
371.

Mollus Gasparus 169.

Matthæjus Xaverius 163. &
seq.

Mattæsonius Jo. 330. 331.

Metastafius Petrus 135.

Merope tragoedia 13. 123.

Muratorius Ludovicus 49.

114. 216. 230. 235.

O

O Crobonius Cardinalis
329. 359.

Ottonellius Julius 213.

P

P Apyra ubi exsistant 37.
ubi conficerentur 64.

Passerius 92. 93. 97. 100.

Petrosellinius Dominicus O-
stavius 22.

Pfaffus Christophorus 106.

R

R Iceiardetto poema 8. 29.
& seq.

Ridiculi fontes 1.

Romana lingua num jocis
apta 3.

Roncalieufes epistolæ 100.

Rythmici versus 66. 67.

S

S Eguierius 139. 143.

T

T Artarotti 152.

Tirabofchius Hierony-
mus 196.

Torellius Josephus 32. 139.

Tragoediæ nobiliores 37.

Turnelinus Jefuita 157.

V

V Alifnerius Antonius 60.
Valsechius Antoninus

248. 253.

Venetiarum dignitas & ma-
guitudo 73.

Veronenfium nobilitas 69. &
seq. origo 73. 82.

Voltaireius 54.

Usura de ea opiniones 146.
 Ursius Josephus 205. 217.
 Vulpius Jo. Antonius 70. 72.

X

X Ylandrus Guilelmus
104.

Z

Z Enus Apostolus 33. 49.
153. ejus merita in hi-
 storiam litterariam. 197.
245. vita 200. studia 201.
 poemata quaedam 202. dra-
 mata 203. & seq. 226.
231. historiam Venetam il-
 lustrare conatur 206. de
 Italis poetis scribere ag-
 greditur 207. 208. alia

ejus opera 210. & seq.
 quam de Etrusca lingua
 mericus Gr 211. ephemeria-
 des Italicis conficit 214.
239 molestiae harum caus-
 sa 216. historicorum Ve-
 netorum vices exponit 220.
 Poeta Caesareus declaratur
 223. diplomata colligit
 230. numismata 241. li-
 bros 243. Davilae & Guic-
 ciardinii vitas exponit 236.
 Fontaninium confutat &
 corrigit 244. Vossium 246.
 ejus mores 251. & seq.
 mors 253. opera 267.
 Zirardinius Antonius 36.
 Zonedarius Antonius Felix
12.
 Zorzius Jo. 315.



005270809

MGL. 5. 6. 199.

5270809

ERRATA

CORRIGE

pag.	lin.		
VII.	1.	non secus ac	quemadmodum
5.	5.	hyperbolas	hyperbolas
26.	17.	erat	esset
31.	3.	pietatem	amorem
<i>ibid.</i>	9.	hastata	hastatorum
103.	3.	Aeneadum	Aeneidos
112.	1.	furat	fuerat
116.	23.	ne omnes ha- beat	ne omnes non habeat
141.	11.	illum	se illum
148.	16.	dyptico	diptycho
156.	3.	asthemata	asthmate
173.	9.	sit	adde quam
175.	1.	nomine	adde eos
177.	13.	assentatione	adde illos
237.	23.	spectandissimo	spectatissime
254.	6.	Georgias	Gorgias
289.	3.	poetas	poetoe
304.	13.	exordia	exodia



Handwritten notes or signatures at the top of the page.



